


**R.P.F. IOANNIS  
ANDREAE  
COPPENSTEIN  
MANDALENSIS**

...

---

Johann Andreas  
Coppenstein





57

---

Ex Bibliotheca  
majori Coll. Rom.  
Societ. Jesu



A

Dispositioe op. s. Thom. tom. iv

Y

8.28.6.37

10.11.1901

1

2

8.28.K.37  
B  
R. P. F.

IOANNIS ANDREÆ COPPENSTEIN  
*Mandalensis Ord. Prædicator. Theol.*

Dispositiones Concionum in totum annum, ad sen-  
sum literalem, & sæpe mysticum:

EX

D. THOMÆ  
DE AQUINO

COMMENTARIIS IN  
MATTHÆVM ET IOANN.

ET EX

S. BONAVENTURÆ

COMMENT. IN LVCAM PAS-  
*sim in Euangelia Luca suppletur.*

In gratiam Concionatorum Literalis sententiæ, & Ve-  
ritatis Euangelicæ, & Autoritatis in explicando

*Ch. Rom.* solidæ studiosorum. *Sæc. XIV.*

TOMVS QVARTVS


*Cæ. Imper. B. S.*  
QVADRAGESIMALIS.

Cum Gratia ac Priuilegio S. Cæs. Maiest.

M O G V N T I A E,

Ex Officina Typographica Ioannis Albini.

ANNO M. DC. XVI.



1875

1875

1875



REVERENDO ADMODVM

DOMINO

D. H V P E R T O

E I L F E L

I. V. D O C T O R I,

&

IN VENERANDÆ ANTIQVITATIS

Ecclesia Collegiata

S. C A S T O R I S

In Confluentia

D E C A N O


DIGNISSIMO ET VIGILAN-  
tissimo,

H O N O R I S E R G O

D I C A B A T

*F. Ioannes Andreas Cöppenstern Mandalen-  
sis, Ordinis Prædicatorum*

Nomine Conuentus sui Confluentini.



Vncupatorium me fa-  
ciunt alia; simul esse  
breuem iubet alia; Ad-

(:) 2 modum

## EPISTOLA

*modum Reuerende D. Decane.*

Breuem; ingenium, solēne meū,  
studium, & heu, studij disturbiū:  
quod, cognoscere inquam, vix  
dum aspicere finit ea, quæ iam  
nunc mihi sub prælo sudant. In-  
felix scriptorum suorum Autor,  
qui alienorum à literis esse cogi-  
tor actor!

*Sed, superant quia Fata; sequa-  
mur.*

Nuncupatorium facit Con-  
suetudo, Necessitas, Honestas,  
Vtilitas. C O N S V E T V D O; iam  
præcepta; quia præscripta, pri-  
mum cunctorum retro tempo-  
rum continuatione; tum con-  
stanti Autorum vsurpatione; de-  
in Magnatum orbis approbatio-  
ne:



ne: quin & Bibliopolarum audientiâ dicam, an licentiâ? quâ luas ipsi Nuncupatorias præfigere Autoribus assolent, quos eas non vſitasse comperiunt, dum typis redditos Luci, publicoque redonant.

NECESSITAS vero Patronos optandi Scriptoribus hodie accidit è multo æui nostri stridore seu Momico cacologorum, seu Aristarchico Criticorum: Ut non solum Patronis rectum; sed propè galeatum exire in publicum necesse sit Scriptori.

HONESTAS autem geminata Patronos sibi legit. Tum ea, quæ inest honoranti; tum, quæ in honorato cernitur conspicua. Is

## EPISTOLA

quidem, honorem deferendo merenti, acquirit honorem sibi, Operique decorem. Velut qui in aperto sole deambulat, licet nihil dum aduertens, afflatu tamen lucis & illustratur, & decoloratur. Sic & ab vna ducit vna liuorem; (vt in diuerbio est: ) honoransque honorem ab honorato. Et vero Amicos ac Patronos cōparandi ratio, quæ magis, quæ perinde est ingenua atque honesta; quam hæc sit ipsa Literaria?

UTILITAS denique non hic ea spectatur, de qua Tomitanus:

*Vulgus amicitias utilitate probat:*

verum,

# N V N C V P A T O R I A. E

verum quam pariunt illa, quæ dixi, *Consuetudo, Necessitas, atque Honestas Dedicationum*. Hanc equidem multiplicem, quàm me scribere, colligere quemque malo.

Totidem vero sunt causæ mihi non dedicandi solum Operis; Sed & Tibi dicandi. Illud Consuetudo, Necessitasque iubent: hoc suasit Honestas: ac ratio non vna persuasit. Enimvero is S. THOMAS est, ut ex quo quicquid cuicunque dicaris, in summis licet honoribus constituto; honorem id tamen adiacere queat illustriorem. Tanto meū isthoc Opus ex Ipso gratius tibi aduenturum confido; quo, tam-



## EPISTOLA

etsi minus ex me Dispositore;  
plus tamen ex Doctore tali ac-  
cedere splendoris Tibi iudicâ-  
ris.

Suos alij Cedro titulos per-  
ungant, aut incidant marmori,  
aut æri mandent infusos Co-  
rinthio; horum nihil, aut aliud  
quicquam viuacius illo esse po-  
test, quàm quod vna cum im-  
mortali Nomine S. THOMÆ  
ad posteritatis transit memo-  
riam. Hoc viuet; semperque,  
superque viuet. Neque solum:  
sed & in partem, societatemque  
lucis ac gloriæ Thomæanæ co-  
optatum, relucebit.

Quare quem hîc ex D. Tho-  
ma honorem tibi defero, ex meo  
labo-

# N V N C V P A T O R .

labore paratum , & elucubratum; hunc precor consule boni, velut quaecunque virtutis tuæ præmium, aut Insigne ex nobis; Velut nostræ in te observantiæ testem, quam Tuo in nos constanti favore Tibi iam pridem deuinxisti: & nequedum omittis reddere arctius obstrictam. Suscipe igitur benigne honoris munusculum: & Patronus appellari, & me agnoscere Clientem assuesce.

Cæterum Deus Te, Tuaque diu agere prospere, demum æternare beate velit, iubeat: I T A V O V E O. Confluentia Rhenomosellanaë duo-

(:) 5 deui-

EPIST. NVNCVP.

deuicesimo Martij , anno 613  
130 XVI.

*Admodum Reu. Dom. Tue*

*Servus in Christo*

Fr. Ioannes Andr. Coppenstein  
Mandalensis Ord. Przd.

SYL-



SYLLABVS  
 EVANGELIO.  
 RVM IN FERIAS QVA-  
 DRAGESIMALES.

<b>D</b> ie Cinerum. <i>Cum ieiunatis, no- lite, &amp;c. Matt. 6.</i>	1
Fer. V. post Ciner. <i>vt in Domi- nic. 3. post Epiphan.</i>	
Feria VI. post Cinerum. <i>Audi- stis, quia dictum, &amp;c. Matt. 5. 6.</i>	7
Sabbato post Cinerum. <i>Compulit discipulos ascendere. Matt. 14.</i>	18
Post Dom. I. Quadr. Feria II. in Dom. 25. post Pentecosten.	28
Feria III. <i>Cum intrasset Iesus Ierosolymam. Matt. 21.</i>	28
Feria IV. <i>Magister, volumus à te, &amp;c. Matt. 12.</i>	35
Feria V. <i>Vt in Dom. II. Quadragesime.</i>	40
Feria VI. <i>Erat dies festus Indæorum, &amp;c. Io- an. 5.</i>	40
<i>Isem. Erat Sabbatum, &amp;c. Ioan. 5.</i>	53
Sabbato. <i>Vt in tomo 2, de F. Transfigura- tio-</i>	

# SYLLABVS

tionis.	62
Post Dom. II. Quadr. FERIA II. <i>Ego vado, &amp; queretis me.</i> Ioan. 8.	62
FERIA III. <i>Iesus locutus est ad turbas.</i> Matth. 23.	75
FERIA IV. Vt in Dom. Quinquagesimæ, &c.	85
FERIA V. Vt in Dom. I. post Pentecosten:	85
FERIA VI. <i>Homo erat Paterfamilias.</i> Matth. 21.	85
Sabbato, <i>Homo quidam habuit duos.</i> Luc. 15.	94
Item. <i>Ipse autem in se reuers.</i> Luc. 15.	102
Item <i>Erat autem filius eius sen.</i> Luc. 15.	115
Post Dominic. III. Quadrages. Fer. II. <i>Uti- que dicetis mihi hanc simil.</i> &c. Luc. 4.	124.
Fer. III. <i>Si peccauerit in te fr tu.</i> &c. Matth. 18.	133
Fer. IV. <i>Accesserunt ad Ies.</i> Matt 15.	140
FERIA V. <i>Surgens Iesus de Synagog.</i> Luc. 4.	150
Fer. VI. <i>Venit Ies. in ciuit. Samar.</i> Ioan. 8.	163.
Item. <i>Domine, da mihi hanc aquam.</i> Ioan. 4.	177.

Item

## DISPOSITIONVM.

H

Item. *Continno venerunt discip. eius.* Ioan. 4. 192

Item *Mens cibus est, ut faciam vol.* Ioan. 4. 200.

Sabbato. *Iesus perrexit in montem.* Ioan. 8. 216.

Post Domin. IV. Quadrages. Fer. II. *Prope erat Pasch.* Ioan. 2. 226

Item. *Quod signum ostendis nob.* Ioan. 2. 236

Fer. III. *Die festo mediante asc. Ies.* Ioan. 7. 248

Item. *Nonne hic est quem quar. int.* Ioan. 7. 261.

Fer. IV. *Prateriens vidit hom. cac.* Ioan. 9. 272.

Item. *Nonne hic est qui sedeb. & mend.* Ioan. 9. 284

Item. *Vocauerunt rurs. hom.* Ioan. 9. 294

Fer. V. *Vt in Dom. XVI. post Pentecost.* 308.

Fer. VI. *Erat quidam lang. Laz.* Ioan. 11. 308

Item. *Lazarus amicus nost. dorm.* Ioan. 11. 318

Item. *Magister adest, voc. te.* Ioan. 11. 332

Item. *Ies. rursus fremens in seipso.* Ioan. 11. 342.

Sab-



# SYLLABVS DISP.

Sabbato. *Ego sum lux mundi.* Ioan. 8. 355

Post Domin. passionis Fer. II. *Miserunt  
princ. & phar.* Ioan. 7. 367

Fer. III. *Ambulab. Iesus in Galileam.* Ioan. 7.  
380.

Item. *Ipsē mansit in Gal.* Ioan. 7. 388

Feria IV. *Facta sunt Encarnia.* Ioan. 10.  
393

Item. *Sustulerunt ergo lapidem.* Ioan. 10.  
403

Fer. V. *Rogabant ill. quidam de Pharif.* Luc.  
7. 411


Item. *Simon, habeo tibi aliquid dic.* Luc. 7.  
418

Fer. VI. *Collegerunt Pontif. Concil.* Ioan. 11.  
425

Sabbato. *Vide in Domin. Palmar 2. Conē.  
Disp. ex Ioan.*

Feria II. *Maioris Hebdomadis. Antē sex  
dies Pasch. ven. Bethan.* Ioan. 12. 436









# DE FERIIS

SINGVLIS PER QVADRAGESIMAM.

DIE CINERVM.

*Cum ieiunatis, nolite fieri, &c. Matt. 6.*

**S**COPVS. Hæc pars est vna cœptæ superius doctrinæ; quæ omnes animæ corporisque partes ab suis munijs instruit ac informat. Hic autem excludit appetitum humani fauoris captandi ex ieiunio atque eleemosyna.

## PARTITIO.

I. De modo rite ieiunandi.

II. De cœlesti thesaurizatione per eleemosynam.

## PARS I.

*De salutari ieiunio.*



Vo hic dissimilia. *Primo* excludit à ieiunio modum indebitum. *Secundo* subiungit modum ieiunandi debitum.

DE PRIMO, tria. *Primo* dissuadet  
a<sup>r</sup> hypo-

hypocritarum simulationem. *Secundo*, ponit suæ ostentationis perversam intentionem. *Tertio*, subiungit eorum condemnationem. Dicit ergo 1. (*Cum ieiunatis, nol te fieri sicut hypocrita*) per hoc quod dicit, (*nolite*) prohibet non solum facere; sed velle. Quia in voluntate radix merendi, & demerendi est (*tristes*;) signanter dicit *fieri tristes*, & non esse: quia ista tristitia siue simulatio solum in apparentia est. Chrysost. *Dum fingunt se ieiunare, non sunt tristes, sed fiunt.*

2. (*Exterminant*;) Ecce perversa intentio. quia *exterminant*, id est, extra proprios terminos humanæ conditionis ponunt, secundum August. & Rabanum (*facies suas*) in quibus magis apparent boni. Augustinus. *Sicut de nitore vestium iactantia; sic de nimio squalore, & macie. (ut appareant hominibus,) qui vident solum exteriora.* 1. Reg. 16. (*ieiunantes*;) id est, abstinentes. Isidorus super Amos. *Qui cibis continent, & mala agunt; demones imitantur: quibus culpa est, & cibus abest.* Chrysost. *Si quis ieiunat & tristem se facit, hypocrita est. Quanto nequior est, qui non ieiunat; sed in facie sua argumentis quibusdam fingit vena esse pallidam.*

3. (*Amen, &c.*) Hic subiungitur eorum condemnatio. Vnde dicit, (*Amen*;) id est, vere, dico vobis, receperunt mercedem suam, non Dei, id est, laudem quam intendebant. Greg. in homelia. *In cassum caro atteritur, si à suis voluptatibus animus non refrænatur.*

DE SECVNDO. (*Tu autem, &c.*) Hic subdit debitum ieiunandi modum. Et *primo* hortatur ad ipsum. *Secundo* ponit promissum.

Quoad

Quoad I. (Tu autem cum ieiunas, unge caput tuum.)  
 Quadrupliciter. Primo caput, id est, mentem oleo  
 nitoris conscientie, ne diabolus per capillos, id est,  
 cogitationes teneat. Hester. 2. Virgines oleo myrtino  
 inungebantur. Secundo oleo charitatis. Hoc inungun-  
 tur pugiles, id est, actiui boni. Matt. 25. Prudentes vir-  
 gines acceperunt oleum in vasis suis cum lampadibus. Ter-  
 tio: Oleo compassionis, & misericordie. Quo de-  
 bent inungi praelati. Eccl. 9. Oleum de capite tuo non de-  
 ficiat. Chrysostom. Caput tuum Christus est. Esurien-  
 tem tibi, sitientem pota, & sic caput tuum unxisti oleo  
 misericordie, qui clamat in Euangelio: Quod uni ex mi-  
 nimis meis fecistis, mihi fecistis. Quarto: Oleo spiritua-  
 lis letitie. Quo inunguntur Reges, id est, contem-  
 platiui. Exod. 29. Sanctificabis vasa tabernaculi oleo,  
 unde Hieron. & August. Palæstinis mos erat caput vn-  
 gere. Ergo (caput unge,) id est, hilarem, & festiuium  
 te exhibe.

(Et faciem tuam laua.) Chrysostomus. Facies est  
 conscientia. Laua ergo faciem tuam quadruplici lo-  
 cutione. Primo per veram contritionem. Hierem. 4.  
 Lava malitiam cer tuum Hierusalem, vt salua fias. Se-  
 cundo per confessionem Esa. 1. Lauamini, mundi esto-  
 mini. Tertio per tribulationum perpeffionem. A-  
 poc. 7. Lauerunt stolas suas & dealbauerunt eas in sangui-  
 ne Agni. Quarto per deuotam orationem. Genesis  
 18. Afferam pauxillum aque, vt lauentur pedes ve-  
 stri.

Vel (Laua faciem,) id est, intellectum à curiosi-  
 tate, & affectum ab illicito amore, [ne videaris ho-  
 minibus ieiunās.] Nō prohibet simpliciter videri, sed



velle videri, quasi dicat: ne velis fauorem vel laudem pro ieiunio ab hominibus captare, (*sed Patri tuo,*) per creationem, & recreationem, & confirmationem, (*qui est in abscondito.*) Glossa, id est, in corde per fidem. Esa. 45. *Vere tu es Deus absconditus.*

Quoad II. (*Et pater tuus.*) Ecce promissum (*qui est in abscondito,*) id est, in humili & pura conscientia (*reddet tibi.*) Sapient. 10. *Reddet Deus laborem sanctorum suorum.*

## P A R S II.

### *De eleemosyna, cœli Thesauro.*

I. **N**olite thesaurizare vobis thesauros in &c.) Sed videtur hoc non verum. Quia Regibus conuenit thesaurizare. Dicendum, per thesauros intelligi abundantiam. Et hæc duplex: Necessaria, & Superflua. quod non est necessarium vni, est necessarium alteri. Et ideo cum Rex multis indigeat, multa potest congregare: simplici peccatum esset, quod non est Regi, quia indiget defendere regnum. Item, 2. prohibet his, qui videntur habere fiduciam in eis. Vnde 1. Tim. vlt. *Diuitibus huius sæculi præcipe non sublime sapere, nec sperare in incerto diuitiarum suarum,* Baruch. 3. *Vbi sunt principes gentium, qui argentum fabricant siue thesaurizant, & aurum in quo confidunt homines?* Item 3. prohibet propter instabilitatem, quia cito amittuntur. Et ponit tria quæ in diuitijs habentur: 1. Metalla & hæc rubigine consumuntur: 2. Vestes, & hæc tineis: 3. & quædam quæ

quæ neutro modo, vt lapides pretiosi. Alia litera habet, *nec commestura*. Vnde tripliciter destruuntur; 1. Aut ex principio intrinseco, & sic tineæ quæ inascitur vestibus. Vnde (*Vbi ærugo & tineæ.*) Aut ex luxuria possidentis, ideo (*commestura.*) Quandoq; ab extraneis: Vnde dicit, (*vbi fures, &c.*) Dices. Hæc non fiunt. Dico, Et si non fiant, tamen sæpe contingit, & si non contingit, possibile tamen est contingere: ideo arguiteas incertas esse.

*Mystice.* 1. *Ærugo* apparet, *tineæ* latet. Vnde per *æruginem* peccata corporalia; per *tineam* spiritualia. 2. Item quædam sunt peccata quæ per seipsos faciunt homines; quædam quæ cum alio, & illa magis nocent, 3. Item per *æruginem* superbi. Eccl. 12. *Sicut ærumentum æruginat nequitia eorum, tineæ corrodit vestimenta.* & hæc significat exteriora opera quæ per inuidiam corroduntur. Prouerb. 25. *Sicut tineæ vestimento & vermis ligno, ita tristitia viri nocet cordi.* 4. Item (*fures*) per vanam gloriam, *fures*, id est, dæmones. Quia cum non possint decipere homines per alia peccata, decipiunt per vanam gloriam.

II. Ponit stabilitatem diuitiarum cœlestium. 1. Vbi dicit, (*Thesaurizate vobis, &c.*) August. Non in loco corporali, sed in cœlo, id est, in spiritualibus bonis, abundantiam bonorum meritorum acquirite, (*vobis*) non Deo: Quia nihil accrescit ei. Iob 35. *Si iuste egeris, quid donabis ei, aut quid de manu tua accipiet?* Docet autem Dominus, vnde hoc acquiritur, scilicet per eleemosynam, dicens Luc. 19. *Vende omnia quæ habes, & da pauperibus, & habebis thesaurum in*

*calo.* Ibi enim nulla est corruptio. Quia *corruptibile hoc induet incorruptionem.* 1. Cor. 15.

2. [*Vbi est thesaurus tuus.*] Docet contrariam conclusionem esse nociuam: & hoc quia cordis distractionem habet. Si enim terrena diligis, ibi erit cor tuum, vbi enim amor, ibi oculus, & c. *oculi stultorum in finibus terra.*

III. Sed quia pauci sunt, qui considerent istud, ideo ostēdit quantum sit periculum, docet per exemplum [*Lucerna corporis tui.*] Et hoc primo exponitur de oculo corporali: sicut lucerna dirigit gressus hominis, sic oculus. Vnde [*si oculus tuus fuerit simplex, &c.*] id est, fortis ad videndum: [*corpus totum erit lucidum:*] id est, dirigetur ad faciendum: (*si nequam*) id est, lippus & obscurus, (*totum corpus tuum tenebrosus erit,*) id est, omnia opera tua fient ad modum tenebrarum. (*Si ergo lumen quod in te est, &c.*)

1. Lumen quod in te est, est cor & mens. si ergo ad terram dirigatur, & omnes sensus hominis ad terram dirigentur. 2. Aliter exponitur de oculo spirituali. Lumen enim inducit ad probandum, sicut hominis ratio. Prouerb. 20. *Lucerna Domini spiraculum hominis.*

Vnde (*Si oculus tuus fuerit simplex,*) sic quod ratio tua dirigatur in Deum (*totum corpus tuum,*) id est, omnia membra tua à peccato seruabuntur: si non, inuoluentur in operibus tenebrarum. Vel (*lucidum*) in resurrectione sanctorum, Matt. 13. *Tunc iusti fulgebunt sicut sol.* 2. Per oculum significatur intentio. Vnde qui vult operari, aliquid intendit: Si intentio tua sit lucida, id est, ad Deum directa, to-



*rum corpus*, id est, operationes tuæ erunt lucide. Et hoc intelligitur in simpliciter bonis. 3. Per oculum intelligitur fides. Vnde si simplex est, ita ut tendat in Deum, id est, non vacillet, &c. Rom. 14. *Quod non est ex fide, peccatum est.* 4. Per oculum significatur prælatus, qui est oculus subditorum. Vnde cum prælati boni dirigunt plebes, tota populi congregatio lucet virtutibus, &c. Eccles. 10. *Secundum iudicem populi, sic & ministri eius.*

## FERIA V. POST DIEM CINERVM.

Vide Dominica 3. post Epiphaniam.

FERIA VI. POST CINE-  
RVM.

*Audistis, quia dictum est; Diliges, &c.*  
Matt. 5. & 6.

**SCOPVS.** Proponit Dominus consilia respectu moralium. Et quia moralia complentur in dilectione proximi: Rom. 13. *Qui diligit proximum, legem impleuit:* Ideo monet ad dilectionem cuiuslibet proximi, & conformis in natura; sicut sunt & inimici.

## PARTITIO.

I. De dilectione proximi.

α\* 4

II. De

II. De recta intentione bonorum operum,

III. De eleemosyna rite danda.

IV. De orandi modo rito.

## PARS I.

### *De dilectione proximi.*

**H**ic quatuor. *Primo*, Inimicorum dilectionem. *Secundo* monitionis suæ rationem. *Tertio* suæ rationis approbationem. *Quarto* perfectionis conclusionem.

Dicit ergo. (*Audistis quia dictum est.*) Leuit. 19. (*Diliges proximum tuum*) scilicet affectu & effectu, (*Et odio habebis inimicum tuum.*) Istud nusquam inuenitur in lege; sed additio est ex parte Iudeorum. Putabant enim hoc forte addendum ex multis quæ in lege dicta sunt. Nam Deus præcepit ut delecterent Amalecitas, & Exo. 23. dicitur, *Inimicus ero inimicis tuis*, sic de alijs. Et ideo contra hoc ponitur Euangelica perfectio. Quæ consistit in tribus, in actu Cordis, Operis, & Oris. I. Quantum ad actum cordis dicit (*Ego autem dico vobis: diligite inimicos vestros.*) ad literam: Consulendo, Auxiliando, beneficia Largiendo. August. lib. de vera religione, *Quid ei noceat qui bene uti etiam inimico potest? Eius enim præsidio atque merito inimicitias non timefcit, cuius præcepto & dono diligit inimicos.*

*Queritur* An omnes ad hoc tenentur. *Responsio:* Omnes tenentur ad hoc affectu; & etiam effectu in necessitate. Perfecti vero extra necessitatem debent diligere inimicos perfecte, affectu, & effectu. Af-

Qui, Affectu autem possunt diligere inimicos generalis Ecclesiæ. [ *Benefacite* ] in effectu operis [ *his qui vos oderunt.* ] Tum ex naturæ conformitate. Esa. 58. *Carnem tuam ne despexeris*: Tum ex Dei & proximi charitate. Rom. 12. *Si esurierit inimicus tuus, ciba illum, &c.* Chrysost. *Si bene feceris inimico, tibi amplius benefecisti.*

[ *Et orate.* ] Verbo oris [ *pro persequentibus vos* ] per apertam iniuriam, [ *& calumniantibus* ] per apparentem iniustitiam. [ *Vel persequentibus* ] facto [ *calumniantibus* ] id est, falso criminantibus verbo. Hoc fecit Stephanus. Act. 7. Et Christus. Lucæ 23. *Pater ignosce illis, &c.*

De II. [ *Vt sitis, &c.* ] Hic ponitur monitionis ratio ex duplici exemplo scilicet diuino, & humano. 1. Quantum ad exemplum diuinum dicit. Ita debetis diligere [ *vt sitis filij Patris vestri* ] id est imitatione. Vnde Rabanus. *Filij non degeneres.* Carnales filij si similes sunt patribus, nullam laudem merentur. Si dissimiles, nullum vituperium: quia non est in potestate hominis, vt accipiat corporis qualitatem. Filij autem spirituales, si similes, laudandi, si dissimiles, vituperandi: quia in potestate cuiuslibet est mensuram iustitiæ faciendi. [ *Qui in cælis est* ] per operis sui maiorem relucientiam. ] Vel [ *in cælis* ] Gl. id est, in electis & sanctis per gratiam. 2. [ *Qui solem suum.* ] Ecce exemplum humanum. Et dicit signanter, [ *suum* ] id est, quem ipsemet fecit. Contra hæreticos, [ *facit oriri super bonos & malos* ] Ad literam secundum Rabanum. [ *Et pluit super iustos & iniustos* ] similiter ad literam. Vel per solem potest signifi-



ficari influenza diuinæ bonitatis: per pluuiam, manifestatio veritatis: quasi dicat, si es similis patri celesti, benefacies bonis & malis.

De III. (*Si. n. diligitis, &c.*) Hic probat rationem & admonitionē suam exemplo publicanorum, quasi dicat. Non est perfectio tantum diligere amicos (*quia si diligitis eos qui vos diligunt, quam mercedem habebitis?* quasi dicat, nullam. Matt. 6 *Recepistis mercedem vestram* ( *Nonne & publicani hoc faciunt?* ) quasi dicat: qualis in vobis erit perfectio si in dilectione non superatis exemplum publicanorum, qui imperfecti sunt. Rabano dicuntur publicani, qui vectigalia publica, vel negocia secularia, vel lucra sectantur. Et vt idem dicit. *Publicanus nomen traxit à Publio rege qui primus eos ordinauit* ( *Et si salutaueritis fratres vestros* ) supple, tantum, id est, si tantum oraueritis pro his, qui aliqua affinitate vel amicitia coniuncti sunt vobis. Nam saluatio, vt dicit glo. est quædam species orationis ( *Quid amplius facietis?* ) id est, quid plura facietis quam gentes siue gentiles, qui ex quodam humano affectu hoc faciunt? quasi dicat: in hoc non eritis gentilibus perfectiores. (Nam & ethnici) Rabanus, id est, gentiles siue gentilibus dediti: ethnos græce: gens latine ( *hoc faciunt* ) id est, humano affectu suis compatiuntur & pro suis orant. Chrysos. *Si indignum est, vt te, qui in eodem es honore, contemnat; quanto indignum est à te Deum contemni?*

De IV. (*Estote ergo*) Hic ponitur conclusio, quasi dicat: Monui vos ad perfectionē Euangelicā [ *ergo estote perfecti*, Gloss. In charitate Dei & proximi ] sicut  
pater



*pater vester cœlestis perfectus est*] Gl. [Sicut] imitationem notat, non equalitatem, quasi dicat: quod dixi, faciatis; vt mereamini esse filij Patris cœlestis per adoptionis gratiam.

NOTA quod duplex est perfectio, gloriæ, & viæ. De prima ad Eph. 4. *Donec occurramus omnes in virum perfectum, &c.* Perfectio viæ, vel est naturæ: de qua Gen. 1. *Perfecti sunt cœli & terra, &c.* Vel est gratiæ: Et hæc est duplex vel Status, vel Meriti. Perfectio Meriti est multiplex. Prima cordis Esa. 38. *Memento quomodo ambulauerim coram te in veritate & corde perfecto.* Secunda oris, Iacobi 3. *Si quis in verbo non offendit, hic perfectus est vir.* Tertia operis, & hæc est multiplex: prima innocentia. Eccle. 31. *Beatus vir qui inuentus est sine macula, &c.* Et sequitur, *Qui probatus est in illo: & perfectus inuentus est.* Secunda excellentiæ vitæ. Gen. 6. *Noe vir iustus atque perfectus fuit in generationibus suis.* Ad hanc tenentur Clerici super laicos. Tertia obedientiæ. Gen. 17. *Ambula coram me & esto perfectus.* Quarta patientiæ. Iac. 5. *Patientia opus perfectum habet.* Quinta perseuerantiæ. 1. Pet. 1. *Sobrii & perfecti.* Gloss. *Constanter perseuerando.* Sexta est charitatis. 1. Io. 4. *Perfecta charitas foras mittit timorem.* Ad hanc tenentur omnes. 2. Perfectio status est duplex. Primo ordinis. Deut. 33. dicitur *Leuitis, Perfectio tua & doctrina tua, &c.* Secunda prælationis. Lucæ 6. *Perfectus erit omnis si sit sicut magister eius.* Tertia religionis, Matt. 19.

*Si vis perfectus esse, vade & vende omnia que habes, & da pauperibus.*

## P A R S II.

*De recta intentione bonorum operum.*

**M**Onuit ad executionem Euangelicæ perfectionis; hic monet ad executionis rectam intentionem, & simplicitatem sanctæ intentionis. Hæc autem debet esse affectu & effectu, contra duplicitatem effectus; de qua Eccl. 2. *Va peccatori ingredienti terram duabus vijs*, & contra duplicitatem affectus; de qua Iac. 1. *Vir duplex animo, inconstans est in omnibus operibus suis*. Duplicitas effectus est cum quis, quod est bonum ex genere, facit ex mundano favore. Remouet ergo primo appetitum mundanum fauoris ab omnibus operibus generaliter. Secundo specialiter.

De I. Primo ponit mundari fauoris exclusionem; Secundo subiungit rationem. 1. [*Attendite,*] id est, cauti & attentii estote, (*ne iustitiam vestram,*) Gl. id est, opera iustitiæ vestræ (*faciatis.*) Gl. eo fine, (*coram hominibus vt videam: ni ab eis,* id est, vt humanum fauorem appetatis. Aug. Non prohibet videri vt Deus laudetur; sed videri vt ipsi laudentur. Chryso. Sicut lampas abscondi non potest; sic nec opus iustitiæ celari. 2. (*Alioquin*) quasi dicat, quod si ita non feceritis, (*non habebit is mercedem apud Patrem vestrum qui in cælis est.*) Gl. quia humanus fauor vobis deputatur, pro cuius mercedis amore fit. Aggæi 1. *Qui mercedes congregauit, misit eas in sacculum pertusum*. Hieron. *Non virtus, sed causa virtutis apud Deum mercedem habet.*



De II. (*Cum ergo facis, &c.*) Remouet specialiter humani fauoris appetitum à bonis operibus. Vnde Aug. in gloss. *Atoto descendit in partes.* Sunt autem tria bona opera maxime; scilicet Eleemosyna, Oratio & Ieiunium. Eleemosyna, contra oculorum concupiscentiam. Oratio, contra superbiam vitæ. Ieiunium, contra concupiscentiam carnis. Prima ordinat ad proximum; secunda ad Deum; tertia ad seipsum. Excludit ergo appetitum fauoris humani. *Primo* ab eleemosyna. *Secundo* ab oratione. *ibi*, (*Et cum oratis, &c.*) *Tertio* à ieiunio, *ibi*. (*Cum autem ieiunatis, &c.*)

## P A R S III.

*De eleemosyna rite danda.*

**D**icuntur quatuor. *Primo* ponit fauoris exclusionem. *Secundo* eius rationem. *Tertio* dandi modum & discretionem. *Quarto* danti promissionem. Dicit ergo 1. (*Cum ergo facis eleemosynam,*) id est, opera misericordiæ, (*noli ante te tuba canere,*) ad literam secundum Anselm. Forte canebant tuba vt omnes venirent, q. ad spectaculum cum eleemosynas dabant. 2. Vel tuba canere est pompam vanæ laudis appetere. vnde Rabanus. *Ante se tuba canit, qui ante alios vult laudari.* 3. Vel, vt dicit Chrysos. *Tuba est omnis actus vel sermo per quem ipsa operis instantia designatur.* Et sic aliquando ipsa etiam absconsio tuba est, sicut hypocritæ faciunt, *Hypocrita,* vt dicit Aug. *est, qui simulat quod non est.* Vnde dicitur ab ὑπο, quod est sub, vel supra, & χρῶσις aurū, quasi supra aureatus, intus luteus, (*in synagoga,*) vt videantur

antur à sapientibus, [ & vicis ] vt videantur à tu. bis.  
Et per hoc notatur vana eorum intentio. [ *Vt honorificentur ab hominibus* ) id est, eo fine, vt honorent eos homines. Ecce vanæ pompæ appetitus. Chrys.  
*Non est ingrata Deo quæ ab hominibus visa est eleemosyna: sed quæ ad hoc est facta, vt ab hominibus visa sit.*

[ *Amen dico vobis, &c.* ] Hic ponit exclusionis rationem, ( *Amen dico vobis,* ) id est, certe sciatis, [ *repperunt mercedem suam.* ] gl. id est, merces sua laus humana est.

III. [ *Te autem faciente eleemosynam,* ] id est, cum opus aliquod misericordiæ facis, [ *nesciat sinistra tua* ] per sinistram intentio peruersa, Ecce vana intentio: laudis; per dexteram intentio adiri, sed videri. Item Icepta Dei, vt dicit Aug. Vnde volunt quod desiderant appetit, non se immisceat peruersi non orent. Et mendaciter ineptæ lætitiæ, vel elationis, quæ. Speciem vacuum reliquum cum præcepta Dei implere cõm laudis emunt, finito cat: quod agit virtus nesciat ei situm erat in verbo. Vnde ( *Vt sit eleemosyna tua* ) scilicet  
scientiæ, ait gloss. In cõsc. si dicat: pro certe eleemosyna, quando propter Dm. ] Gloss. Laqueus abscondatur aliquando ab hoste æternam de Chrys. Qui propter Deum facit eleemosynam autem cui inem videt in corde suo nisi Deum, propter quod primo dicitur & ideo si presentibus aliquibus faciat, tamen in. De his non videt illos, & si videatur ab eis. Potest & cõtrario fieri, vt nemo sit præsens, tamen ille in corde suo gerit personas, quibus vult ostentare. 2. Eleemosyna in abscondito fit quæ nullis miscetur tenebris. lux intus est: tenebræ extra.



IV. (*Et pater tuus.*) Ecce quantum scilicet facienti promissio. Vnde dicit, [*Et pater tuus qui videt in abscondito, id est, qui est discretor intentionum.* Heb. 4. Et 1. Reg. 16. *Homo videt quæ foris parent: Deus autem intuetur cor.* [*Reddet tibi,*] scilicet mercedē. Eccl. 5. *Altissimus est patiens redditor.* Chrysost. Impossibile est vt bonum opus in abscondito dimittat Deus, quia gloria eius est. Si vis ergo directiones tuas videre, absconde eas. Si enim studueris, nunc latere, tunc Deus famose predicabit toto orbe terrarum presente.

PARS IV.

andi modo rito.

De secundo remouet appetitum  
ab oratione. Et continet  
humani fauoris appetitum.  
De primo. De prima. Conti-  
net ab oratione, hypocrita-  
rum. De secundo. De ostentationis mo-  
do.

DE PR. *ergo* 1. [Et cum oratis] s. ex af-  
fectu mentis. *questio* literalis: Quare non  
dixit, cum oras sicut in choro: sicut superius. Et cum si-  
sis, &c. *Responsio*. 1. dicit cum oratis; quia om-  
nium est orare. 2. *ergo* ad hoc exigitur res  
temporalis, nisi coram patre: sed eleemosynam  
dare non est omnium. 2. Vel dicendum, quod ora-  
tio dupliciter fit, in communi sicut in choro: & so-  
litarie, &c. [non eritis sicut hypocrite,] foris lucentes,  
intus fædentes. Matt. 23.

II. (*Qui amant.*) Sed *queritur*: Quare non dicit, qui orant? *Responsio* Chrysost. quia reuera non orant; sed amant videri, ac si orarent. Iuxta hoc *queritur*. Quare non similiter dixit de eleemosyna? *Responsio*. Quia licet dent eleemosynam mala intentione: dant tamen ipsam rem (*in synagogis,*) ubi conueniunt sapientes, (*orare ut videantur stantes,*) hoc dicit, quia mos Iudæorum est ut stando orēt: quia stando legem acceperunt. Exo. i 6. *Steterunt ad radicem montis,* &c. (*& in angulis platearum,*) supple amant orare. Chrysost. *Querunt se abscondere ut dupliciter laudentur, primo, qui orant. secundo, quia latenter orant.* (*Ut videantur ab hominibus.*) Chrysost. Non intendunt ex altitudine. O insania vanitatis, esse parere. Mendaciter orant, cum laudantur cum non sint laudabiles. *gionis vendunt, & verbum vacuum verbo, finitur & bonum; quod potest de bene subiungit.*

III. (*Amen dico vobis,*) quia scitis, [*receperunt mercedem suam*] idem humanam: sed à me recipiunt poenam.

DE SECVNDO. (*Tu autem cum oraueris, &c.*) Hæc est secunda pars, ubi datur orandi modus. Secundo subdit promissum. Modus autem orandi consistit in tribus, primo in secreto meditationis, secundo in exclusione prauæ affectionis, ibi, (*Et clauso, &c.*) Tertio in rectitudine intentionis, ibi, (*ora Patrem, &c.*)

Dicit ergo I. (*Tu autem cum oraueris, intra in cubiculum*

*biculum tuum*, ) i. secretum mētis, & arcanū, vt dicit Aug. & Raba. p. actū secretæ meditationis. Chrys. *Deus non voce clamosa pulsandus est; sed conscientia recta placandus: quia non est vocis, sed cordis auditor* (Tu intra in cubiculam,) ad literā. Et significanter dicit, (*cubiculum*,) quia tunc anima debet ab exterioribus quiescere cum orat. Et tunc est tempus conuenientius, & locus secretior. Chrys. *Per diem mille te circundederunt causæ, & non permiserunt te esse secretum orationi. Sed quando ad lectum perueneris, dic anima tua. Anima quomodo expendimus diem? quid boni vel mali fecimus? Roga Deum prius, & sic anima tue soporari permitte.* Sic faciebat Iudith 8. sic Petrus Act. 10. & Tobias 3.

2. (*Et clauso ostio*,) id est, exclusa omni praua affectione & mundana, vel sensibus exterioribus clausis, vt dicit gloss. Esa. 26. *Vade populus meus in cubicula tua, & claude ostia tua super te.*

3. (*Ora patrem.*) Gloss. qui oratur in spiritu & veritate. Ioan. 4. *Ora non de mundanis.* Ilidorus. *Longe est à Deo animus qui in cogitationibus seculi fuerit occupatus.* Hiero. *Aliud est narrare nescienti: aliud rogare scientem.* Illic indicium; hic obsequium: (*in abscondito*,) id est, cordis intimo. Chrysost. *Orans nil non i faciat quod aspiciant homines: nec voce clamet, nec manus expandat, nec impudenter oculos tollat ad cælum, vt notabilis fiat.*

II. Ecce promissum subdit dicens, (*Et pater tuus qui videt in abscondito*,) id est, qui intuetur cor. Hebr. 4. *Omnia nuda & aperta sunt oculis eius, (reddet tibi.)* Non dicit, dabit: quia iam se debitorem constituit, id est, pro certo retribuet tibi mercedem. Chrysost.



*Intende Dei philanthropiam, id est, amorem quem habet ad homines: & misericordiam Dei cum admiratione considera, cum pro his quoque, quæ à nobis rogatur boni, mercedem se pollicetur daturum.*

---

## SABBATO POST DIEM CINCERVM.

*Et statim compulit Discipulos ascendere nanniculam. Matth. 14.*

**S**COPVS. Ostenditur quod virtus doctrinæ Christi sit liberatiua ex periculis.

### PARTITIO.

I. De occasione periculi.

II. De ipso periculo.

III. De liberationis auxilio primo, scilicet visitatione.

IV. De secundo, scilicet certitudine sui.

V. De tertio, scilicet porrectione manus.

VI. De effectu liberationis.

### PARS I.

#### *De occasione periculi.*

**H**Æc fuit præceptum Christi. Fre-  
quenter enim volentes obtem-  
perare



perare voluntati Dei, periculis exponuntur: vt ait Apo. 2. Cor. 11. *Periculis fluminum, periculis latronum, periculis ex genere, periculis ex gentibus, periculis in ciuitatibus, periculis in solitudine, periculis in mari, periculis in falsis fratribus.* Vnde (statim impulit eos intrare nauiculam.) Et statim, facto miraculo, voluit separari à turbis. Et hoc fecit triplici ratione. Primo, Vt ostenderet miraculi veritatem; ne propter eius præsentiam illud accidisse dicerent: Ipse enim veritas est. Io. 14. Secundo, Vt doceret nos inanem gloriam vitare: ideo post facta miracula recedit. Ioan. 8. *Ego gloriam meam non quero.* Tertio, Vt discretionis virtutem ostendat. Discretionis enim est, separare se, & quiescere. Sapient. 8. *Intrans in domum meam conquiescam cum illa.*

Notandum quod vtitur impulsione; quia durum erat eis separari à Christo, vt dicit Petrus Ioan. 6. *Domine ad quem ibimus? Verba vita eterna habes.* Item ostendit affectum turbarum, scilicet cum quo ardore sequebantur eum. Cant. 1. *Oleum effusum nomen tuum, ideo adolescentule dilexerunt te.*

## P A R S II.

### *De ipso periculo.*

**O**stenditur periculum 1. Ex tempore 2. Ex loco. 3. Ex vento. 4. Ex absentia Christi, &c. Ponitur

nitur absentia Christi, quia cum esset cum discipulis (*ascendit in montem solus orare*) Ipse venerat plantare fidem nostram, ideo operabatur aliquando humanum quid, aliquando diuinum. Quod enim panes multiplicauit, hoc Dei fuit: quod orauit, humanum fuit; non quod indigeret, sed vt exemplum daret. *Omnis enim Christi actio nostra est instructio.* Ioan. 13. *Exemplum dedi vobis, vt sicut facio, ita & vos faciatis, &c.*

Et dat nobis exemplum quomodo ad orandum & ad orationem requiritur Quies mentis, Eleuatio, Solitudo. 1. *Quies* ostenditur, quia (*dimissa turba, &c.*) Quæ designat cogitationes perturbantes eum, quibus non potest homo orare. Ideo ostium cordis claudere docet, Matt. 6. *Cum autem oraueris, intra cubiculum, &c.* 2. *Eleuatio.* Thren. 3. *Sedebit solitarius, & leuabit se supra se.* 3. *Solitudo.* Osee 2. *Ducam eam in solitudinem, & loquar ad cor eius.* Per montem intelligitur cælum. Cælo enim nihil excelsius. (*Et dimissis turbis,*) id est, dimissis mortalibus iuit in cælum, & ipse (*solus ascendit,*) & propria virtute. Micheæ 2. *Ascendit ante eis pandens iter.* Item (*ascendit orare.*) Hebr. *Per semetipsum accedens.*

Hic videtur esse *questio.* Quia Ioannes videtur dicere, quod pauit turbas in monte. Ioan. 6. Hic autem dicitur quod post refectionem turbarum ascendit in montem. *Respondetur,* In monte pauit, sed post in altiorem locum montis ascendit. 2. Est alia *questio.* Habetur Ioan. 6. quod ipse fugit, quia uoluerunt eum facere regem: hic autem dicitur,   
quod

quod ascendit orare. August. dicit: quod eadem potest esse causa, & fugiendi, & orandi:


De II. Describitur periculum ex tempore: quia nox erat: & in nocte maius est periculum maris. Ideo dicit: (*Vespere autem facto.*) Significatur eius passio. Quia in passione solus ascendit: Act. 1. *Videntibus illis eleuatus est, & nubes suscepit eum ab oculis eorum, &c.* De III. Nauicula autem in medio maris iactabatur fluctibus.) Per nauiculam significatur ecclesia; per mare; mundus. Psal. 103. *Hoc mare magnum & spatiosum, &c.* Et hæc ecclesia Christo descendente remansit in mari, & in periculis maris mundi. Quando enim quis magnus impugnat ecclesiam, tunc ea agitur fluctibus Psal. 87. *Et omnes fluctus tuos induxisti super me.* Sed quia Christus orat non potest submergi, quamuis fluctuet & eleuetur. Genes. 7. *Et eleuauerunt arcam in sublime à terra.* De IV. Agitur à vento. Iste ventus est impetus diabolicæ incitationis. Iob 1. *Quia venit ventus à regione deserti, & concussit quatuor angulos domus.* Esa. 25. *Spiritus robustorum quasi turbo impellens parietem.*

### P A R S III.

*De liberatione à periculo, quo ad auxiliatricem visitationem Domini.*

**P**Osito periculo; ponitur liberatio à periculo. Et circa hoc duo facit. *Primo*, ponitur auxilium; *Secundo* Effectus: in parte 6. Tria pericula posuerat. Primo obscuritatem noctis; periculum maris; periculum venti. Et contra primum, ponit visitationem

b\* 3 nem





nem suam : Contra secundum, certitudinem sui : in parte 4. Contra tertium porrigit manum : Item, tranquillitatem maris : in parte 5.

Hic autem duo. *Primo*, De tempore visitationis. *Secundo*, de Effectu eiusdem. De I. ergo : ( *Quarta vigilia, &c.* ) Hic tangitur & aduentus eius : & tempus, quia *quarta vigilia*. Hieronymus. Antiqui diuidebant noctem in quatuor partes. In prima quidam vigilabant, in secunda alij, alij in tertia, & in quarta alij, & illi qui vigilauerunt, quiescebant. Vnde dicit, quod ( *in quarta vigilia* ) &c. quia tota nocte fuerant in mari [ *Venit ad eos, &c.* ] Et quare ? Assignat Chrysost. rationem literalem, dicens. *Tardauit, vt magis desideraretur.* Esa. 26. *Anima mea desiderauit te in nocte.* Item, Vt discerent, quod, si statim non haberent auxilium ; non desisterent : quoniam oportet semper orare.

*Mystice.* Per quatuor horas significantur quatuor status : scilicet 1. Legis : 2. Prophetarum : 3. Tempus gratiæ ; 4. Ascensus in cœlum. In quo statu cessauit tempestas. Vnde in quarta vigilia venit, & in fine noctis. Ergo Iacob. vlti. *Patientes estote & vos, & confirmate corda vestra ; quoniam aduentus Domini appropinquabit.*

Sed qualiter venit ? [ *Ambulans supra mare.* ] Et quare sic voluit venire ? Vt se ostenderet Dominum maris. Psal. 88. *Tu dominaris potestati maris, motum autem fluctuum eius mitigas.* Item, vt ostenderet illutores potestatis huius sæculi. Psal. 103. *Draco iste, quem formasti ad illudendum ei.* Sed istam potestatem Dominus fregit. Psal. 73. *Tu confregisti capita draconis, &*

nis, & significat quod ecclesia non potest tribulationes sustinere, nisi secundum quod voluit ipse.

Opinio fuit hic; quod in hac vita Dominus accepit quatuor dotes: Subtilitatis in natiuitate. Impassibilitatis quando ieiunauit quadraginta diebus, vel transubstantiando sacramentum eucharistiæ. Agilitatis, hic. Claritatis in transfiguratione. Sed hoc non credo. Credo enim quod miraculose fecit.

De II. [*Et videntes eum.*] Hic ponitur effectus præsentia Christi, s. turbatio discipulorum. Nota ponitur turbatio; ponitur causa; ponitur signum. 1. [*Et videntes eum turbati sunt. &c.*] Scito, quod, quando auxilium diuinum est magis propinquum, permittit Dominus magis affligi; vt tunc magis cum deuotione & gratiarum actione recipiatur auxilium eius. *Item*, Magis timor creuit; quia frequenter ex timore homines conuertuntur. 2. Quare? Quia crediderunt phantasma esse dicentes, [*quia phantasma est.*] non credentes esse verum corpus de Virgine. *Mystice* significatur; quod antequam Christus veniat, multi multa phantastica dicunt: vt habetur Matt. 23. [*Et præ timore clamauerunt.*] 3. Clamor enim est signum timoris. Sic etiam in omni tribulatione ad Dominum debemus clamare. Ps. 119. *Ad Dominum, cum tribulaberer, clamaui. & exaudivit me, &c.*

## P A R S IV.

*De liberatione, quo ad certitudinem sui.*

**H**ic ponitur auxilium. Quia in obscuritate erant, ideo certitudinem dat, & tria facit. *Primo* Certificat verbis. *Secundo* Petit signum Petrus factis. *Tertio* Conceditur ei. Tria posuerat: Turbationem timoris: Falsitatem opinionis: Desperationem. Et contra ista tria facit tria. *De I.* Certificat: Quia statim locutus est eis. Vnde quando quis clamat ad Dominum, si opus est, statim venit. Esa. *Ad vocem meam, &c.* Item, quia erant desperantes, dicit eis. *Nolite timere.* Idem habetur Ioan. 16. *In mundo pressuram habebitis, sed confidite, quia ergo vici mundum: in me autem quietem.* Item, Quia phantasma credebāt, ideo dicit eis; (*Ego sum*) Et quare dicit sic? quia ex modo loquendi suo, poterant certificari. Ioan. 10. *Oves meae vocem meam audiunt.* Item, vt se verum Deum ostenderet. Simile habetur Exo. 3. *Qui est, misit me dixit Moyses.* Contra hoc quod turbati erāt, dixit, (*Nolite timere*) Esa. *Quis es tu vt timeas ab homine mortali, & à filio hominis, qui quasi scœnum ita arescit?* Et Prou. 28. *Iustus autem quasi leo confidens absque terrore erit.*

*De II.* (*Respondens Petrus dixit, Domine si tu es, &c.*) Quia auxilium cōtulerat verbis, ideo Petrus petit signū factis, Petrus autem in persona Ecclesiæ totius fiducialiter petijt, & dicit. *Si tu es, &c.* Hęc est magna fiducia Petri. Non dixit ora pro me, sed dixit: (*Iube me, &c.*) quia ipse confessus est: *Tu es Christus fi-*



*flus filius Dei vini.* Vnde ex fide, quam iam conceperat, audacter confidit in eius potestate. Hester. 12. *Domine in potestate tua cuncta sunt posita, & non est qui resistere possit voluntati tue, &c.* Et hoc dixit ex solo deliderio; non vt tentaret: nec ex infidelitate. Thess. 1. *Memores fidei vestre, & operis, & laboris, &c.*

De III. Deinde ponitur signum, vnde dixit (*Veni & descendens Petrus de nauicula ambulabat super aquam, vt veniret ad Iesum.*) Et hoc cōtra Manichæos, qui dixerunt, quod Christus non habebat verum corpus. Si Christus non habebat, quia ambulabat super aquas: ergo nec Petrus, Per hoc, quod post quartam vigiliam adhuc imminebat periculum, significatur, in quarto aduentu, quod erit purgandum, purgari in electis, Ps. 96. *Ignis ante ipsum præcedet, & inflammabit in circuitu inimicos eius, &c.*

## PARS V.

*De liberatione, quo ad porrectionem manus.*

**H**ic ponitur tertium auxilium, quia liberauit Petrū à submersione. Et *Primo* ponitur causa: *Secundo* Petitio Petri: *Tertio* Auxilium Christi. I. (*Videns autem ventum.*) In mari ventus non habet continuum impetum; similiter nec in terra. vnde interpellabatur quando Petrus intravit mare, sed cum fuit super mare, flauit fortiter, & tunc (*timuit,*) Ex hoc Nota, quod periculosius erat supra mare, quam in naui; ideo Dominus aliquando fortes in periculo maris submergi permittit. Vnde 1. Cor. 10. *Qui existimat se stare, videat ne cadat.*

Sed, quare permisit in periculo? Primo præcepit ire; Vt virtus eius ostendatur; quia vterque ambulabat; & hoc viderunt discipuli. Sed quod permiserit mergi Petrum, 1. hoc fecit, vt experiretur quid posset ex se. Vnde quod iuit supra mare, hoc fuit virtute Christi; quod autem cœpit mergi, hoc fuit infirmitatis Petri. Sicut Paulus 2. Cor. 12. *Ne magnitudo reuelationum extollat me, datus est mihi stimulus carnis mee angelus Satanæ qui me colaphizet, &c.* 2. Permisit etiam Dominus Petrum mergi, quia futurus erat pastor. Voluit ergo & virtutem ostendere, & infirmitatem. 3. Hoc fecit ad compescendam æmulationem discipulorum; quia enim viderunt eius periculum, cessauit æmulatio eorum.

De II. [ *Et cum cœpisset mergi, clamauit. Domine, saluum me fac.* ] Simile habetur Psal. 68. *Saluum me fac domine, quoniam intrauerunt aquæ vsque ad animam meam, &c.* De. III. [ *Et continuo Iesus extendens manum apprehendit eum.* ] Christus duo facit, quia & auxilium impendit; & infidelitatem arguit. 1. Auxilium impendit, quia manum porrigit, Psal. 143. *Emitte manum tuam de alto, libera me, & eripe me de aquis multis.* Et Iob. 14. *Operi manuum tuarum porriges dexteram.* 2. De infidelitate eum arguit, & ait illi: [ *Modicæ fidei quare dubitasti.* ] In quo significatur, quod si fidem certam habuisset, submergi non potuisset; ideo stabiles esse debemus in fide. Idem habetur Matt. 8. *Quid timidi estis modicæ fidei?*

[ *Et cum ascendisset in nauiculam, cessauit ventus.* ]

Hic

Hic ponitur quartum auxilium contra ventum. Psal. 106. *Dixit, & stetit spiritus procella.* Vnde signum est, quod, cum Christus est cum suis, nil peruersi habent. Apoc. 7. *Non esurient, neque sitient ultra, &c.*

## P A R S VI.

*De effectu liberationis.*

**Q***ui autem in nauicula erant, venerunt & adorauerunt eum.* ] scilicet discipuli, vel nauitæ, Matt. 8. *Qualis est hic, quia venti & mare obediunt ei?* [ *Vere filius Dei es.* ] Per hoc autem significatur; quod, quando dominus cum fidelibus est, tunc veraciter credunt. 1. Io. 2. *Filioli manete in eo, ut cum apparuerit, habeamus fiduciam & non confundamur ab eo in aduentu eius.* [ *Et cum transfretassent, venerunt in terram Genesareth.* ] Hic ponitur virtus Christi. Et primo describitur locus: deinde deuotio hominum; & post virtus operatiua. Dicit ergo [ *Et cum transfretassent, venerunt, &c.* ] Qui locus est ex alia parte maris, & interpretatur Ortus: vnde post periculum venerunt ad refrigerium. Deinde sequitur deuotio turbarum, [ *Et cum cognouissent eum viri loci illius, miserunt in vniuersam regionem illam, & obtulerunt ei omnes male habentes, &c.* ] Quia non solum suos infirmos obtulerunt; sed miserunt pro extraneis. Vnde [ *cum cognouissent* ] per famam, & per doctrinam, miserunt pro infirmis & obtulerunt ei. Nam omnes credebant in eum, tantæ erat virtutis sermo eius. Et hoc significatur Esa. ult. *Mittam ex eis, qui saluati fuerint, ad gentem in mare, &c.* Item deuotio etiam demonstra-



monstratur, quia non solum petebant, vt impone-  
ret manus: sed eum tantum (*rogabant, vt vel fimbriā  
vestimenti eius tangerent.*) Per fimbriam significan-  
tur minima præcepta, vel Caro Christi; vel Sacra-  
mentum baptismi. (*Et quicumque tetigerunt.*) scilicet  
per fidem, (*salui facti sunt*) Vnde, *Qui crediderit & ba-  
ptizatus fuerit, saluus erit*, Marci ultimo.

---

FERIA II. POST DOMINICAM I. QVA-  
dragesimæ, Require in Dominica 25. post  
Pentecosten.

---

FFERIA III. POST DOM. I.  
QVADRAG.

*Cum intrasset Iesus Ierosolymam. Matt. 21.*

SCOPVS. Cum, vt vita Christi, sic & Euange-  
lium Matthæi sit tripartita, de eius in hunc mun-  
dum Ingressu, Progressu, & Egressu. Egressus sui  
præambula cœpit ab ingressu in urbem pullo insi-  
dens. Iamque Euangelista, quis honor Christo fue-  
rit delatus in via, descripserat. Nunc porro hic a-  
git de gloria ei exhibita in ciuitate, & templo. Et  
primo ponitur admiratio turbarum. (*Et commota  
est, &c.*) id est, admirata, Esa. 60. *Tunc videbis & afflues,  
& mirabitur & dilatabitur cor tuum.* psal. 59. *Commouisti  
terram, & conturbasti eam* (*Dicens, quis est hic?*) Nō  
est mirum, si isti mirantur: quia etiam Angeli mira-  
ti sunt in sua ascensione dicentes. *Quis est hic, qui ve-*  
*nit de*

mit de Edon, tinctis vestibus de Bosra? Es. 63. Ponitur responsio. (Populi autem dicebant, hic est Iesus propheta à Nazareth Galileæ.) Propheta, actum denuntiationis significat. A Nazareth; quia ibi nutritus erat, & inde magis notus, & ideo dicebatur Nazarenus. (Et intrauit Iesus in templum Dei, & eiecit mentes & vendentes:)

## PARTITIO.

I. Purgauit templum.

II. Infirmos curauit.

III. Ora infantium aperuit.

## P A R S I.

*De purgatione templi.*

**P**rimo ponitur visitatio templi : Secundo purgatio : Tertio reprehensio Iudæorum. De I. (Et intrauit Iesus in templum Dei, &c.) Quare intrans ciuitatem, statim venit ad templum? *Vnatio.* Quia venerat vt hostia immolanda, ideo primo venit ad locum immolationis; & iste erat dies statutus in quo agnus præsentari debebat: vt legitur Exo. 12. quod luna decima debebat agnus præsentari, & occidi 14. luna. Sed occisus est in die Iouis sero: ergo oblatio fieri debuit in ramis palmarum. *Secunda ratio.* Quia ostendit se esse filium reuerendi patris; vt reuerentiam patri exhiberet, venit ad Domum Patris sui. Malach. 1. *Siego pater, vbi honor meus?* Et in hoc datur nobis religionis exemplum; vt, cum in ciuitatem aliquam venimus, primo

tem

templum adeamus. ps. 5. *Adorabo ad templum sanctum tuum.*

Item, egit vt bonus medicus; qui primo obuiat causæ morbi. Atqui ægritudo & causa corruptionis spiritualis à templo procedit, quia si Sacerdos est corruptus, de facili corrumpetur populus. Ideo primo adiit templum, vt curatione adhiberet primo circa templum. Ezech. 9. *A Sanctuario meo incipite, &c.* Huc referendum illud Exo. 23. quod *omnes filij Israel semel in anno debebant comparere coram domino, & non apparere vacui; sed offerre oblationes suas.* Et illi, qui prope habitabant, adducebant secum animalia sua, vt sic lucrarentur. Item, Quia aliqui non habebant pecuniam, ideo erant numularij, qui accommodarent non habentibus; & sic non possent se excusare ab oblatione. Sed quia prohibitum erat, ne accommodarent ad usuram, ideo usuram non recipiebant, sed munuscula: quæ coliba dicuntur, scilicet vuas passas, vel huiusmodi Item, Quia erant pauperes, qui non poterant habere animalia grossa, nec eis credebatur; ideo habebant ministros qui vendebant columbas & turtures: ne alicui deficeret oblatio. Et vero Dominus non reprehendebat oblationes, sed cupiditatem eorum.

De II. Ergo. [*Eijciebat ementes & vendentes*] *mensas nummulariorum euertit & cathedras vendentium columbas.* id est, sedilia, in quibus sedebant.

*Mystice* in templo, id est, in Ecclesia sunt, qui lucristemporalibus inhiant, qui de Ecclesia eijciuntur: quia qui volunt diuites fieri, incidunt in tentationem,

& in



*& in laqueum diaboli.* Nummularij possunt dici Diaconi, quibus datur administratio temporalium. vt habetur *Act. 6.* Cum officium dispensationis re-torquent ad quæstum; debent eijci de ecclesia. Per columbam intelligitur Spiritus sanctus: vnde ven-dentes columbas sunt prælati vendentes dona spi-ritualia: vt ordinem, vel huiusmodi, *Act. 8.* *Pecunia tua tecum sit in perditionem.*

Item, 2. potest exponi quod vnusquisque est tē-plum Dei, *1. Cor. 6.* *Nescitis, quia templum Dei estis vos, &c.* Vnde debet vnusquisque expellere à se vē-ditionem & emtionem; vt non seruiat Deo pro-pter diuitias. 3. Item, auaritiam, quæ per nummula-rios, & simoniæ prauitatem, euellere etiam appe-titum simoniæ à corde qui per cathedras significa-tur. *Est quæstio literalis.* Quia habetur Ioan. 2. quod ante traditionem Ioannis factum fuit istud mira-culum; hic autem habetur quod imminente pas-sione. *Dicit Aug.* Bis factum est: ideo magis sunt cul-pabiles, cum alias reprehensi fuissent. 2. *Queritur.* Cum esset homo despectibilis & humilis; quomo-do hoc potuit facere contra voluntatem Sacerdo-tum & magnorum? *Hiero. dic t,* Hoc est vnū è ma-ximis miraculis quod Dominus fecerit, & quod virtus quædam radiabat à vultu eius, per quā ter-rebat homines, quando volebat.

De III. [*Et dixit eis, &c.*] Hic reprehendit eos. Et primo in hoc quod pertinet ad dignitatem templi: secundo per hoc quod pertinet ad vsu. [*Scriptum est,*] scilicet *Esa. 56.* ( *Domus mea domus orationis est.* ) Expositio huius habetur. 3. *Reg. 8.* Cum cæli, calo-

*coelorum capere te non possunt; quanto magis domus hac quam edificavi tibi? Nō dicitur domus domini, quia ibi corporaliter inhabitet; sed quia locus est deputatus ad orandum Deum. Sicut aliquis dominus habet locum ubi supplicationes recipit & exaudit; sic templum est locus ubi Dominus vota fidelium audit. Ecclesia nostra specialiter dicitur Domus; quia ibi habitat corporaliter in sacramento Christus Deus. Psal. 147. Non fecit taliter omni nationi, &c. Vnde Augustin. in regula. In oratorio nihil aliud fiat, nisi ad quod deputatum est. reprehendit eos quantum ad usum.*

*Vos autem fecistis eam speluntam latronum. Quia ea quæ religionis sunt in questum conuertunt, sicut latrones in speluncis latitant, ut spolient transientes, & sibi acquirant, quod non est suum.*

## P A R S II.

### *De infirmorum curatione.*

**C**Æci, qui in templo sunt, significant eos, qui excæcati sunt per ignorantiam. Esa. 59. *Palpauimus, sicut cæci parietem.* Claudii dicuntur, qui per vias ambulant iniquorum. 3. Reg. 18. *Vt quid claudisatis in duas partes?* Et isti accedunt ad Christum in templo, & sanantur. Et congruit huic facto locus, per quod significatur, quod morbi spirituales nō curantur, nisi in Ecclesia. Facto ostendit, quod pueri clamauerunt supra, *Benedictus qui venit in nomine Domini.* Esa. 33. *Ecce Dominus veniet, & saluabit nos, tunc aperientur oculi eorum.*

Sequi-

Sequitur indignatio s<sup>c</sup>erdotum. Vnde dicit. (*Videntes autem principes sacerdotum, &c. indignati sunt.*) De talibus dicitur 2. Tim. 3. *Semper proficiunt in peius.* Et Primo ponitur reprehensio: Secundo inquisitio: Terti<sup>o</sup> responsio. Circa primum tria. Primo ponitur causa indignationis: Secundo ponitur indignatio: Terti<sup>o</sup> ponitur confutatio. Vnde videntes mirabilia quae fecit, scilicet cecos illuminari, &c. & istis non minus fuit, quod ementes & vendentes eiecit. Hoc enim videntes dicebant ad eum conuersi: *Mirabilia testimonia tua: ideo scrutata est ea anima mea.* Psalm. 118. Item, videntes (*pueros clamantes Osanna, &c.*) Debebant moueri ad reuerentiam, Matt. 11. *Abcondisti ea à sapientibus & prudentibus, & reuelasti ea paruulis.* Marc. 4. *Vt videntes non videant, &c.* Pueri laudabant, sed isti sapientes indignati sunt, & dixerunt ei. (*Audis quid isti dicunt*) quasi dicerent: Non est iustum, quod homo purus sustineat laudari vt Deus, Actor. 12. *Herodes sustinuit vt honoraretur vt Deus, ideo percussus est ab angelo & consumtus verberibus expirauit.* In quo datur nobis exemplum; si laudamur supra nos, quod non debemus sustinere. Sed ipse non poterat laudari supra se: quia ipse Deus erat.

## P A R S III.

*De confutatis inuidis.*

SEquitur reprobatio. Et primo reprobantur verbo: secundo facto. I. (*Iesus autem dixit eis, vtrique.*) Dominus valde sapienter respondet. Intendebant, si

c\*                  repri-



reprimeret pueros, quod ipsi haberent propositum: si non, haberent accusationem in eum. Sed Dominus ita sapienter respondet, vt nec pueros reprobaret; nec ipsi haberent vnde calumniari possent. Vnde dixit (*Vtique audio*) sed nihil contra me dicunt. Cum Dauid dicat, (*Ex ore infantium & lactentium, &c.*) Non dicit dixisti, sed *perfecisti*: quia quod tales pueri laudant Deum, hoc est ex diuinâ inspiratione, quia *Dei perfecta sunt opera*, Deut. 32. Vnde non ex industria, sed à spiritu sancto, Sapient. 10. *Qui linguas infantium facit disertas.*

*Questio:* Quomodo dicit infantes: quia tales non possunt loqui, ergo nec laudare? *Respondo.* Non dicuntur infantes propter ætatem, sed propter simplicitatem; quia à malitia immunes, 1. Cor. 4. *Nolite paru-ri effici: sensibus sed malitia paruuli estote* Item, *lactantes* dicuntur, quia à miraculis commouebantur; in miraculis commoueri est quidem vt lac, quia lac absque difficultate bibitur, sic isti cum dulcedine per miraculum adducuntur ad fidem. Hebr. 5. *Facti estis quibus lacte opus est, non solido cibo.*

II. (*Et relictis illis abiit foras, &c.*) Hic cōfutat factio: Nam derelictio illa fuit signum, quod ipsi dereliquerent eum. Hier. 51. *Curauimus Babylonem, & non est curata.* Et transit in Bethania, in domum obedientiæ. Ibi enim moratur Iesus. Rom. 6. (*Et mansit ibi*) Quia in obedientibus sibi manet. Actor. 5. *Obedire oportet Deo magis, quam hominibus: & non solum in Bethania, sed in quemcunque obedientem.* Vnde Ioan. 14. *Si quis diligit me, sermonem meum seruabit, sequitur, Et mansionem apud eum faciemus.*

**FERIA**

FERIA IV. POST DOMIN. I. QVA-

D R A G E S I M Æ.

*Magister volumus à te signum videre.*

Matt. 12.

**S**COPVS. Confutauerat detrahentes suis miraculis Dominus: hic arguit tentantes.

PARTITIO.

I. De interrogatione tentatoria, cum responsione.

II. De indignitate reproba tentantium Dominum.

PARS I.

*De interrogatione & responsione.*

**I**<sup>r</sup> **T***unc responderunt.* ) Hoc est postquam multa miracula viderant, & multa verba sapientiæ audierāt, ita vt impletū sit in eo, quod dicitur Eccl. 22. *Cum dormiente loquitur, qui narrat stulto sapientiam.* ( *Magister volumus à te signum videre.* ) Magister, dicunt tentando. Psal. 27. *Loquuntur pacem in ore suo, mala autem in cordibus eorum.* ( *Volumus, &c.* ) Nonne multa signa viderant? Ita. Sed alius Evangelista sic exponit dicens. *Volumus signum de cælo videre.* sicut lib. 1. Reg. 12. Samuel fecit tonitruum: & Helias, ignem descendere, 2. Reg. 1.

Proprium Iudæorum est signum petere, 1. ad Cor. 1. Iudæ signum petunt. Sed cum signa dedisset terrena, non crede-ant; etiam si daret cœlestia, non crederent. Ioan. 3. *Si terrena dixi vobis, & non creditis; quomodo si dixerō cœlestia, credetis?*

II. (*Qui respondens, &c.*) repellit eos, & duo facit. Primo designat quod quærebant. Secundo denegat. De I. (*Qui respondens, &c. Generatio mala*) &c. Malos dicit; quia insidiatores erant. Dicitur quis malus, quia nocet proximo. Generatio ergo mala, & iniqui filij dicitur adultera generatio. Etā 57. *Vos autem accedite huc filij auguratricis, seu en adulteri, & fornicaria.* Ita ergo ista generatio iniquitati subiecta. (*Signum querit, sed non dabitur ei nisi signum Ionæ Prophete.*) Es. 5. *Pete tibi signum à Domino Deo tuo in profundum inferni siue in excelsum supra, &c.* Petebant ergo signum de cœlestibus; sed non erant digni videre. Hoc dedit Apostolis suis; qui viderunt eum ascendentem: qui gloriam Dei viderunt in monte. Sed istis non dabitur nisi signum in inferno: quantum ad animam: & de terra: quantum ad corpus. Nec dabitur ei, nisi signum Ionæ Prophete. Quo 1. signatur mors Christi; & ostenditur charitas Dei, sicut Rom. 5. *Cum adhuc peccatores essemus, secundum tempus Christus pro nobis mortuus est, &c.* 2. Ostenditur potestas resuscitantis, ut habetur 1. Cor. 15. Et hæc sunt signa eorum, quæ in nobis esse debent. Per mortem Christi significatur nobis, nos mori debere peccato; per resurrectionem vero, nos debere à peccato resurgere.

(*Et sicut Ionas fuit in ventre ceti, &c.*) secundum verita-



ritatem, (*sic filius hominis erit in corde terræ*) In hoc confunditur error Manichæi dicentis, non vere mortuum esse. Et dicit *in corde terræ*; quia sicut cor hominis est in profundo, ita Christus in profundo terræ. Vel *in corde terræ*, id est, in corde terrenorum, & discipulorum, qui desperabant de eo, ut habetur Luc. ult. *Nos autem sperabamus, quod ipse esset redempturus israel*, (*tribus diebus & tribus noctibus*.) Hic est *Questio literalis*. Videtur hoc esse falsum; quia hora nona expiravit, & sepultus est vespere; resurrexit autem mane tertiæ diei. Dicit Augustinus, aliquos dicere, quod computanda est hora, qua positus fuit in cruce. Unde primam noctem dicunt illam tenebrositatem, quæ apparuit; secunda fuit nox diei veneris: tertia diei sabbathi. Sed secundum Augustinum non valet: posset tamen ratio suppetere, si tota die Dominica fuisset in sepulchro. Ideo aliter dicendum, quod dies naturalis sumitur pro spatio 24. horarum: sed ut dicit Augustinus, in Scriptura aliquando sumitur pars pro toto: dicendum, quod Christus per synecdochen fuit tribus diebus, & tribus noctibus in sepulchro: quia sexta feria, pro tota die, & præcedenti nocte sumitur: De die vero secunda non est dubium: tertia vero nox pro nocte, & die sequenti. Tamen si secundum veritatem inspicimus, fuit duabus noctibus, & vno die integro, ad signandum quod suum simplum destruxit nostrum duplum. In nobis erat pœna & culpa: in eo pœna solum.

Ideo, &c.

## P A R S II.

*De indignitate reprobata tentantium.*

**H**ic est *questio* literalis. Nonne multa miracula fecit? nonne Lazarum resuscitauit, & multa alia? Quid est ergo, *non dabitur*, &c. *Respondeo*, Non dabitur tale signum, quale petebant. Vel non dabitur signum ad utilitatem eorum. Sciebat enim quod non reuerterentur; quia indurati erant. Sed signa fecit propter fideles & electos; quales post multi fuerunt. *Viri Niniuita*, &c. Hæc est indignitas. Et *primo* præferuntur gentiles: *secundo* ponitur ratio. Videte. Aliquis est bonus vel quia non peccat; vel quia pœnitet. *Primo* ergo præfert eos qui pœnituerunt, scil. gentiles: *Secundo* qui peccatum non fecerunt. I. Comparauerat Dominus resurrectionem suam Ionæ: ideo possent credere, sibi euenturum, sicut Niniuitis, qui liberati sunt; sed isti non solum non fuerunt liberati; vt fuerint etiam dispersi. Vnde (*viri Niniuita surgent*.) In verbis istis excluditur 1. error Iudæorum, quod resurrectio erit ante iudicium; & quod in medio reædificabitur Hierusalem. Et adducunt pro se, quod dicitur Esa. 25. *Faciet Dominus in monte hoc conuiuium pinguium*. 2. Alij dixerunt quod iusti & martyres resurgent ante alios per mille annos; & adducunt pro ipsis quod dicitur Apoc. 20. *Vidi angelum, &c.* sequitur, & apprehendit draconem serpentem antiquum, qui vocatur diabolus, & ligauit eum vt non amplius gentes decipiat, donec consummentur mille anni. Vtrumq; excluditur, cū dicit, (*Surgent cum generatione ista.*) Simul boni, &

non

non boni, & condemnabunt, comparatione non auctoritate, quia inter condemnandum resurgent. Ezech. 5. *Ista est Hierusalem, in medio gentium posui eam, & in circuitu eius terras: contempsit iudicia mea, ut plus esset impia quam gentes, & precepta mea ultra quam terra, quæ in circuitu eius sunt.* Et in quo condemnabunt? (*Quia pœnitentiam egerunt*) isti vero noluerunt agere. 1. Dominus incepit prædicationem suam à pœnitentia: Ioannes similiter: & non audierunt, Hier. 8. *Nullus est qui agat pœnitentiam super peccato suo.* 2. Ili fecerunt pœnitentiam in vna prædicatione Ionæ: Iesus autem multas prædicationes eis fecerat: & tamen non sunt conuersi. Ioan. 15. *Si opera non fecissem, quæ nullus alius fecit, peccatum non haberent.* 3. Conuersi sunt in prædicatione vnius Prophetæ: sed isti non solum habuerunt Prophetam: sed Filium Dei. Vnde habetur Hebr. 1. *Multi- farie multisque modis olim Deus loquens patribus in Prophetis; nouissime diebus istis locutus est nobis in Filio; quem constituit heredem vniuersorum, per quem fecit & sæcula, &c.* (*Ecce plus quam Ionas hic,*) Hebr. 3. Amplioris gloriæ enim iste præ Moyse dignus est. Ergo Ni- niuitæ præferuntur: quia pœnitentiam egerunt.

De II. (*Regina austri, &c. Et condemnabit eam,*) scilicet in sapientia, quam isti noluerunt recipere. De ista habetur 3. Reg. 10. quod venit audire sapientiam Salomonis. Per eam signatur Ecclesia ex fidelibus: Psalm. 44. *Astitit regina à dextris tuis in vestitu deaurato, circumdata varietate, &c.* Regina dicitur, quia regere se debet. Prou. 20. *Rex, qui sedet in solo*



iudicij, dissipat omne malum intuitu suo, &c Et dicitur austri, ratione Spiritus Sancti. Cant. 4. Surge aquilo, & veni auster, perflabuntur vinee meae, &c. Ista regina surget in iudicio cum generatione ista: Nota non dici, quod non peccauerit, sed non fuit rebellis. Quare? quia venit à finibus terræ audire sapientiam Salomonis. sicut habetur 3. Reg. 10. Et non oportuit quod vos veniretis à finibus terræ, quia hic est. Vnde ( ecce plus quam Salomon hic ) quia ille Rex temporalis erat, & peccator: iste vero innocens, & æternus. Dan. 7. Potestas eius potestas æterna quæ non auferetur, & regnum æternum, quod non corrumpetur.

---

FERIA V. POST DOMINICAM I. QVADRAGESIMÆ, Vide in Dom. 2. Quadrages.

---

FERIA VI. POST DOM. I. QVADRAGES.

*Erat dies festus Iudeorum. Ioan. 5.*

SCOPVS. Capite 4. Dominus egit de regeneratione spirituali: hic agit consequenter de beneficijs, quæ rēgeneratis spiritualiter conferuntur à Deo. Sed his qui carnaliter generantur, tria conferuntur à parentibus carnalibus: Vita, Nutrimentum, & Doctrina siue disciplina: Et hæc tria à Christo

IN FER. VI. POST DOM. I. QVAD. 41  
Christo etiam regenerati spiritualiter recipiunt.

## PARTITIO GENERALIS.

*Primoproponit signum visibile, in quo manifestatur virtus Christi factiva, & reparativa vite secundum consuetudinem huius Evangelij: in quo semper doctrina Christi adiungitur aliquod visibile factum, pertinens ad illud de quo est doctrina: ut sic ex visibilibus invisibilia innotescant. Secundo ponitur occasio doctrinae proponenda.*

## PARTITIO.

- I. Describitur locus miraculi perpetrati.
- II. Infirmitas.
- III. Restitutio sanitatis.

## P A R S I.

### *De loco miraculi.*

**I**ocus miraculi describitur dupliciter, generalis, & specialis. I. *Generalis locus* est Hierosolyma: (*Post hac,*) id est, post miraculum in Galilæa factum, (*Erat dies festus Iudeorum,*) scilicet Pentecostes secundum Chrysost. Nam supra fit mentio de festo Paschæ, quando ierat in Hierusalem: nunc ergo in sequenti festo Pentecostes, (*Ascendit Iesus*  
6\* 5 Hiero-

## 42 DISP. I. EX D. THO. COM.

*Hierosolymam*) iterato, nam sicut legitur Exod. 23. *Mandatum erat à domino, vt omne masculinum generis Iudeorum tribus vicibus in anno, scilicet, in die festo Pasche, Pentecostes, Scenopœgiæ, in templo præsentaretur.*

Et in istis festis Dominus in Hierusalem ascendit propter duo, scilicet ne videretur legi fore cōtrarius, sicut ipse dixerat, Matth. 5. *Non veni legem soluere, sed adimplere:* vt multitudinem populi illuc concurrentis in diebus festis ad Deum per signa & doctrinam trahat. secundum illud Psalm. 21. *In medio multorum laudabo te & alibi. Annunciabo iustitiam tuam in Ecclesia magna.* Vnde & ipse dicit, Ioan. 18. *Ego palam locutus sum mundo.*

Locus autem specialis miraculi, (*Est Hierosolymia probatica piscina, &c.*) Quæ quidem describitur ex quatuor, Ex Nomine, ex Dispositione, ex Inhabitatione, & ex Virtute Ex Nomine quidem, cum dicit (*probatice piscina.*) Πρωβατικὴ enim Græce ouis dicitur. Probatice ergo piscina, quasi ouitaria, vel pecuaria dicitur: ex eo quod sacerdotes cadauera bestiarum, & præcipue ouium, quæ vt plurimum in sacrificiis offerebantur, ibi abluebant. Et ideo Hebraice cognominabatur (*Bethsaida,*) id est, *domus ouium.* Erat enim prope templum ex aquis pluuiialibus collecta.

Mystice autem 1. secundum Chrysost. hæc piscina baptismum præfigurabat. Nam dominus volens gratiam baptismalem in diuersis præfigurare, Primo quidem dedit aquam expurgantem corporis sordes: quæ erant ex tactu immundorum secundum



dum legem, de qua Numeri 19. *Secundo* dedit virtutem huic piscinæ Euæ repræsentat expressius quam aqua illa, virtutem baptismi : non solum ab immunditijs carnis sanādo : sed etiam ab infirmitatibus corporis saluando. Nā quanto figuræ fuerunt propinquiore veritati; tanto expressiores erant. Signabāt ergo virtutem baptismi, quia sicut aqua illa per hoc quod lauabat corpora, habebat virtutem ex Angelo non natura propria, infirmitatem sanandi; ita aqua baptismi habet virtutem sanandi, & abluendi animam à peccatis. Apoc. 1. *Dilexit nos, & lauit nos à peccatis nostris.* Et inde est, quod passio Christi per sacrificia veteris legis præfigurata in baptismo repræsentatur, Rom. 6. *Quicumque baptizati estis in Christo Iesu, in morte ipsius baptizati estis, &c.* 2. *Secundum August.* vero aqua illius piscinæ significabat statum populi Iudæorum: secundum illud, Apoc. 17. *Aque multe, populi multi,* nam populus gentium non erat inclusus sub limite diuinæ legis: sed *vnusquisq; ambulabat secundum vanitatem cordis sui.* Ephes. 4. Populus vero Iudæorum conclusus erat sub cultu vnus Dei : secundū illud Galat. 3. *Conclusi in eam fidem que reuelanda erat.* Et ideo iste populus significabatur per aquam in piscina conclusam. Et dicitur (*probatica,*) quia ipsi erant speciales oues Dei : Psalm. nonagesimo-quarto. *Nos autem populus eius, & oues pascuæ eius.*

II. *Ex dispositione* autē describitur, quia erat (*quinq; porticus habens,*) scilicet per circuitum, vt multi Sacerdotes absque impedimento commode starent

rent ad lauandum cadauera bestiarum. Per hos quinque porticus *mystice* significantur 1. *secundum Chryf.* quinque Vulnera Corporis Christi: de quibus dicitur Ioan. 20. *Mitte manum tuam in latus meum, &c.* 2. Secundum Aug. vero quinque libri Moyfi.

III. *Ex in habitatione* autem describitur. Quia in his porticibus (*iacebat: multitudo magna, &c.*) Cuius literalis *ratio* est propter concursum omnium infirmorum ad virtutem aquæ: Quæ quia continue non sanabat, nec multos simul, oportebat, quod multi illic expectantes morarentur.

Per hoc autem *mystice* significatur, 1. *secundum Aug.* quod lex non poterat peccata sanare. Hebr. 10. *Impossibile est per sanguinem hircorum aut taurorum peccata purgari: sed ostendebat eam tantum, Rom. 7. Per legem enim cognitio peccati.* Et ideo iacebant in ea infirmi diuersis infirmitatibus, curari non valentes.

Quæ quidem describuntur quantum ad quatuor. *Primo* quidem quantum ad situm: quia iacebant prostrati, scilicet per peccata inhaerendo terrenis. Qui enim iacet, ex toto inhaeret terræ, Matt. 9. *Miserus est eorum, quia erant vexati, & iacentes, quasi oves non habentes pastorem.* Iusti autem non iacent, sed recta ad coelestia stant. Psal. 19. *Ipsi scilicet peccatores, obligati sunt & ceciderunt, nos autem, scilicet, iusti, surreximus & erecti sumus.* *Secundo* quantum ad numerum: quia multi. Vnde dicit, (*multitudo magna,*) Eccles. 1. *Peruersi difficile corriguntur, & stultorum infinitus est numerus.* Mar. 7. *Lata est via*  
que

que ducit ad perditionem , & multi incedunt per eam.

*Tertio*, quantum ad dispositionem seu habitum infirmorum. Et ponit quatuor quæ homo per peccatum incurrit. *Primo* enim homo ex hoc, quod subijcitur passionibus peccatorum ei prædominantibus, efficitur languidus, hinc dicit (*languentium.*) Vnde & à Tullio passionibus animæ: puta iræ, & concupiscentiæ, & quædam ægrotudines animæ dicuntur. Vnde Ps. 6. *Miserere mei domine quoniam infirmus sum.* Secundo vero ex dominio passionum: & victoria in homine excæcatur ratio per consensum. hinc ait (*cæcorum,*) scilicet per peccata: Sap. 2. *Excæcavit: os malitia eorum,* Ps. 52. *Supercecidit ignis,* scilicet iræ, & concupiscentiæ, & non viderunt solem. *Tertio* homo languens & cæcus efficitur instabilis, in suis operibus, & est quasi claudus: vnde Prou. 10. *Impius facit opus instabile.* hic dicit (*claudorum,*) 3. Reg. 19. *Vsquequo claudicatis in duas partes?* *Quarto*, homo sic languidus, cæcus intellectu, claudus in effectu, efficitur aridus in affectu, in quantum exsiccat in eo omnis pinguedo deuotionis, quam petebat, Ps. 62. *Sicut adipe & pinguedine repletur anima mea.* Et sic dicit: (*aridorum,*) Ps. 21. *Aruit tanquam testa virtus mea.*

Sed sunt aliqui sic affecti languore peccati, qui non expectant aquæ motum in peccatis suis requiescentes: secundum illud Sapient. 14. *In magno viuentes inscientiæ bello, tot & tanta mala pacem appellant,* de quibus Prou. 2. *Latantur cum malefecerint, & exultant in rebus pessimis.* Cuius ratio est, quia non abhor-

ren



rent peccata: nec peccant ex ignorantia, seu infirmitate, sed ex certa malitia. Isti autem ( utpote nō ex malitia peccantes ) non quiescebāt in peccatis: sed per desiderium expectabant aquæ motū. Vnde dicit ( *expectantium,* ) Iob 17. *Cunctis diebus quibus nunc milito, expecto, donec veniat immutatio mea.* Sic & illi qui erant in veteri testamēto, expectabant Christum, secundum illud Gen. ult. *Salutare tuum expectabo Domine.*

IV. Ex virtute vero describitur piscina, quia sanat ab omni infirmitate corporali, virtute angeli descendentis. Et ideo dicit ( *Angelus autem Domini secundum tempus, &c.* ) Et quidem virtus piscine in aliquo concordat cum baptismo, & in aliquo differt. Concordat quidem in duobus. Primo quidem in occultatione virtutis. Nam virtus aquæ huius piscine non erat ex natura sua; alias semper sanasset: sed ex aliqua virtute occulta, sc. ex angelo. Vnde ( *Angelus Domini secundum tempus, &c.* ) Et similiter aqua baptismi ex eo, quod aqua non habet virtutem purgatiuam animarum: sed ex occulta virtute Spiritus sancti: secundum illud Ioan. 3. *Nisi quis renatus fuerit ex aqua & Spiritu sancto, non potest introire in regnum Dei.* Secundo concordat in effectu, quia sicut aqua baptismi sanat: ita & ista piscina sanabat. Et ideo dicit, quod ( *qui prior descendisset, sanus fiebat.* ) Ideo autem virtutem sanandi corpora aquæ istius piscine Deus contulit, ut homines abluendo per salutem corporalem assuescerent quærere spiritualem.

1. Differt aut quantum ad tria. Primo quatum ad  
id

id cuius virtute hoc fiebat, quia aqua piscinæ conferebat sanitatē virtute angeli. Aqua vero baptismi virtute increata: non solū Spiritus sancti: sed et Trinitatis. Vnde etiam Matt. 3. Super dominum baptizatū tota Trinitas adfuit. Pater in voce, Fili⁹ in persona, Spiritus sanctus in columbæ specie. Et inde est, qđ in nostro baptismo fit invocatio Trinitatis. *Secundo* differt quantum ad efficaciam, quia aqua piscinæ non habuit virtutem sanatiuam continue, sed (*secundum tempus*) id est, determinato tēpore. Aqua vero baptismi continuā abluendi virtutem habet; secundum illud Zach. 13. *Erit fons patrens domui Iacob, & habitantibus Hierusalem in ablationem peccatoris & menstruata.* *Tertio* quantum ad multitudinem sanandorum, quia ad motum aquæ illius piscinæ, sanabatur tantum vnus; sed ad motū aquæ baptismi sanantur omnes: Nec mirum, quia virtutis illius aquæ cum sit creata, finita est, & finitum habet effectum. In hac vero aqua virtus est infinita ad infinitas animas, si essent, abluēdas. Eccl. 36. *Effundam super vos aquam mundam, & mundabimini ab omnibus inquinamentis vestris.*

Secundum Aug. vero per angelum istum intelligitur Christus, Isa. 9. *Vocabitur magni consilii angelus.* Sicut ille angelus secundum tempus descende-  
bat in piscinam; ita & Christus secundum determinatum tempus à patre descendit in mundū, Isa. 14. *Prope est vt veniat tempus eius, &c.* Galat. 4. *At vbi venit plenitudo temporis, misit Deus filium suum, &c.* Item sicut ille angelus non videbatur nisi motu aquæ; ita etiam Christus secundum diuinita-

nitatem, non cognoscebatur: quia *si cognouissent, nunquam dominum glor. & crucifixissent*, 2. Cor. 2. Nam Isa. 4. *Vere tu es Deus absconditus.*

Et ideo videbatur aqua turbata: sed à quo turbaretur, non videbatur: quia infirmitatem Christi videntes, Diuinitatem eius non cognoscebant. Et sicut ille qui descendebat in piscinam sanus fiebat: ita & qui humiliter credit in Deum, eius passione sanatur. Rom. 3. *Iustificati per fidem per redemptionem quæ est in Christo: quem proposuit Deus propitiatorem per fidem in sanguine ipsius.* Sanabatur autem vnus tantum: quia nullus sanari potest, nisi in ecclesiastica vnitatem, Eph. 4. *Vnus Deus, vna fides, vnum baptisma.* Væ ergo illis, qui oderunt vnitatem, & partes sibi faciunt in hominibus.

## P A R S II.

### *De infirmi annis & querela.*

**P**Rmo ponitur diuturna infirmitas. Secundo ostenditur causa diuturnæ infirmitatis. De I. Infirmitas diuturna erat. (*Quia homo erat habens riginta octo annos in infirmitate sua.*) Quod satis pulchre introducit. *Homo*, qui curari non poterat à piscina: curandus tamen à Christo. Quia quos lex sanare non poterat, Christus perfecte sanat. Rom. 8. *Nam quod impossibile erat legi in quo infirmabatur per carnem, mittens Deus filium suum in similitudinem carnis peccati, & de peccato damnauit peccatum in carne, ut iustificatio legis impleretur in nobis.* Eccl. 36. *Annua signa, &c.*

Con-



Congruit autem iste numerus infirmitati ad languorem pertinens magis, quam ad sanitatem. Nam secundū Augustinum, quadragenarius numerus consecratur ad designandam perfectionē iustitiæ: quę in obseruatione legis consistit. Lex. a. in decem præceptis data est, & prædicanda erat in quatuor partibus mundi, vel implēda per quatuor Euangelistas secundum illud Rom. 10. *Finis legis Christus*. Quia ergo denarius per quatuor multiplicatus peruenit ad quadragenarium, recte perfecta iustitia designatur; subtractis ergo duob. à quadragenario numero efficiuntur 38. Hęc. a. duo, sunt duo præcepta charitatis quibus impletur omnis perfecta iustitia. Et ideo homo iste languebat: quia de quadraginta, duo minus habebat, id est, imperfectam iustitiam: quia Matt. 22. *In his duobus pendet lex & Prophetæ.*

De II. dicit: (*Hunc cum vidisset Iesus iacentem, &c.*) Exquiruntur causa diuturnæ infirmitatis. Et Primo ponitur interrogatio Domini, Secundo responsio languidi, I. (*Hic est sc. hominem cum vidisset Iesus iacentem*, non solum quælo corporis, sed etiam miserationis: qualiter videri petebat David dicens. *Respice in me Domine, & miserere mei, (& cognouisset quia multum tempus haberet,*) in infirmitatē: quod est cōtra cor Christi & infirmi: quia Eccl. 10. *Languor prolixior grauat medicum.* (*Dixit ei. Vis sanus fieri*) non quasi ignorans; nam satis constare poterat: sed ut excitet desiderium infirmi, & ostendat patientiam qui tot annis expectauit eripi ab ægritudine non desistens; & ex hoc cognoscatur dignior qui

d\*                      sane-

sanetur, Ps. 34. *Viriliter agite, & confortetur cor vestrum, omnes qui speratis in Deo.* Excitat autem desiderium; quia stabilius tenetur, quod cum desiderio percipitur; & facilius acquiritur nobis, Mar. 7. *Pulsate per desiderium, & aperietur vobis.* Nota: Dominus à cæteris fidem requirit, Matth. 9. *Creditis, quod possum hoc facere vobis?* Sed in isto nihil tale facit; quia illi quidem audierant aliqua de miraculis Iesù; iste autem nondum. Et ideo fidem ab eo non requirit, nisi post factum miraculum.

II. (*Respondit ei languidus.*) Et duo insinuat, quæ tamen erant diuturnæ infirmitatis, sc. paupertatem, & debilitatem. 1. Quia enim pauper erat; non poterat habere hominem, qui mitteret eum in piscinam. Vnde (*Domine, hominem non habeo, &c.*) Et forte secundum Chrys. opinabatur sibi Christum utilem fore ad mittendum eum in aquam. 2. Quia vero debilis erat, & festinanter ire non poterat, præueniebatur ab alio. Vnde (*Dum venio enim ego, alius ante me descendit.*) Et sic poterat dicere cum Iob. 6. *Ecce non est auxilium mihi.* Per hoc significatur, quod non erat alius homo purus, qui humanum genus saluare posset: quia omnes peccauerunt & egruerunt gratia Dei, quousque veniret Christus Deus & homo, per quem sanaretur.



## P A R S III.

*De miraculosa conſanatione.*

**P**rimo ponitur mandatum Domini. *Secundo* obedientia hominis. De I. Præcipit autem Dominus naturæ, & voluntati hominis. Hæc enim duo sub potestate eius sunt. 1. *Natura* præcipit cum dicit, ( *Surge.* ) Non enim hoc voluntati præcipitur, quia hoc non erat in eius potestate: sed naturæ, quam Dominus præcipiendo immutavit, dando ei virtutem qua surgere posset. 2. *Voluntati* vero duo præcipit sc. ( *Tolle grabatum tuum, & Ambula.* ) Et quidem quantum ad litteram, hæc duo præcepit: ut ostendat perfectam sanitatem homini restitutam. In omnibus enim miraculis, secundum optimum illius naturæ Dominus perfectum opus fecit. Deut. 32. *Dei perfecta sunt opera.* Iste autem in duobus defecerat, sc. in viribus proprijs se sustinere non valens. Vnde Dominus eum iacentem inuenit, & sine subsidio aliorum. Ut ergo perfecta sanitas innotesceret ei, qui se sustinere non valebat, præcepit ut lectum suum rollat: & ei, qui ambulare non poterat, præcepit ut ambulet.

Nihilominus tamen hæc tria in iustificatione Dominus præcipit. *Primo*, ut surgat, recedendo à peccato, Eph. 5: *Surge qui dormis, & exurge à mortuis.* *Secundo*, ( *Tolle grabatum,* ) satisfaciendo de commissis. Per grabatum enim, in quo homo requiescit, significatur peccatum. Tollit



ergo homo grabatum suum, quando fert onus poenitentiae sibi pro peccato impositum, Mich. 7. *Iram Domini portabo, quoniam peccaui ei.* Tercio ut ambulet proficiendo in bono Ps. 83. *Ibunt de virtute in virtutem.*

*Secundum Aug.* duo deficiebant isti languido, scilicet praecepta geminae charitatis. Et ideo voluntati, quae charitate perficitur duo mandat, scilicet tollere grabatum, & ambulare. Primum pertinet ad dilectionem proximi, quae prior est ordine faciendi. Secundum ad dilectionem Dei, quae prior est ordine praecipendi. Dicit ergo quantum ad primum. (*Tolle grabatum tuum,*) q. d. quando infirmus es, proximus tuus sustinet te, & patienter fouet ut lectus infirmum. Rom. 14. *Debemus nos firmiores, &c.* Quando ergo sanus factus es. (*Tolle grabatum tuum,*) id est, sustine, & supporta proximum tuum, qui te infirmum portabat. Gal. 6. *Alter alterius onera portate.* Quantum vero ad secundum dicit (*ambula,*) appropinquando ad Deum. Vnde Psal. 83. *Ibunt de virtute in virtutem:* sequitur, *Videbitur Deus Deorum in Syon.* Ioa. 12. *Ambulate, dum lucem habetis.*

De II. (*Et statim sanus factus est, &c.*) Ponitur obedientia. Et primo verè: quia (*statim factus est homo sanus.*) Nec mirum, quia ipse est Verbum per quod coelum, & terra facta sunt, Ps. 148. *dixit & facta sunt.* Et alibi. *Verbo Domini caeli firmati sunt.* Secundo voluntas. Et primo, quia (*sustulit grabatum suum.*) secundo quia (*ambulabat,*) Exod. 24. *Omnia*

quae cum-

IN FER. VI. POST DOM. I. QVAD. 53

*quæcumque præceperit Dominus faciemus, & erimus obedi-  
dientes.*

## II. CONCIONIS DISPOSITIO.

*Erat autem sabbatum in die illo.*

Ioan. 5.

**SCOPVS.** Posito miraculo visibili, per q̄ ostenditur virtus Christi ad reparandam vitam spiritualem; hic ponitur occasio doctrinæ Christi, quæ quidem occasio sumitur, ex persecutione Iudæorum contra Christum mota. Cuius duplex causa fuit ex parte Iudæorum invidentium Christo. Prima quidem operatio pietatis. Secunda vero doctrina veritatis.

## PARTITIO.

*I. De occasione mota in Dominum persecutionis.*

*II. De calumnia malignantium contra curatum.*

*III. De calumnia in sanantem.*

*IV. De inuentione Domini salutaria monentis.*

## PARS I.

*De occasione mota in Dominum persecutionis.*

**I.** **O**ccasio autem persecutionis inductæ contra Christum, sumitur ex eo, quod in sabbato curauit. (*Erat autem sabbatum in die illa.*) A signatur

gnatur autem triplex ratio, quare Dominus in sabbato operari incepit. *Vna* ab Ambr. sup Luc. Christus .n. adhuc venit, ut opus creationis scil. hominem deformatum repararet. Inde autem incipere debebat: ubi actor in creatione opus consummatum cessauerat; hoc autem fuit in die sabbati, Gen. 1. Et ideo ut Christus ostenderet se reparatorem totius creaturæ, incepit à sabbato. *Alia ratio* est: Quia dies sabbati celebratur à Iudæis in memoriam primæ creationis; Christus autem venit, ut quasi nouam creaturam faceret: secundum illud Gal. ult. c. *In Christo Iesu, neque circumcisio, neque preputium aliquid valet; sed noua creatio per gratiam, quæ fit per Spiritum sanctum.* Psal. 103. *Emitte Spiritum tuum, & creabuntur, & renouabis faciem terræ:* Volens ergo Christus ostendere, per eum recreationem fieri, in sabbato operatur, Ia. 1. *Ut simus initium aliquod creature.* *Tertia ratio*, Ut ostenderet se facturum, quod lex facere non poterat, Rom. 8. *Nam quod impossibile erat legi, in quo infirmabatur per carnem, misit Deus filium suum, &c. & inf. Ut iustificatio legis imple-retur in nobis.*

Iudæi autem nihil operabantur in sabbato; in figura; quod quædam quæ erant sabbati, consummanda erant, quæ per legem fieri non poterant. Et hoc patet in quatuor quæ Deus erga diem sabbati ordinauit. Nam diem sabbati sanctificauit; benedixit; in eo opera sua consummauit; & requieuit. Quæ quidem lex facere non potuit. Non sanctificare. Vnde Psal. 111. *Saluum me fac Domine, quoniam defecit sanctus.* Non benedicere; quinimo qui  
sum



*sunt ex operibus legis sub maledicto sunt.* Galat. 3. Non consummare & perficere : quia *neminem ad perfectum adduxit lex.* Hebr. 7. Nec etiam perfectam quietem præstare : Hebr. 4. *Nam si es Iesus requiem præstitisset, nunquam de alia loqueretur.*

Hæc ergo quæ lex facere non potuit, Christus fecit. 1. Ipsum enim populum sanctificavit per passionem, Heb. 20. *Iesus vñ per suum Sanguinem sanctificavit et populum,* &c. 2. Ipse benedixit per gratiæ infusionem. Eph. 1. *Benedictus Deus pater Domini nostri Iesu Christi, qui benedixit nos in omni benedictione spiritali in cælestibus,* &c. 3. Ipse contummauit per perfectæ iustitiæ instructionem. Matt. 5. *Estote perfecti, sicut & pater cælestis perfectus est,* 4. Ipse introduxit in veram requiem. Heb. 4. *Nos qui credimus, ingrediemur in requiem,* &c. Ipsi ergo competit in die sabbati operari, qui, quæ ad sabbatum pertinent, perficere potest, à quibus ex impotens quiescebat.

## P A R S II.

### *De calumnia malignantium contra curatum.*

1. **C**alumnam inferunt contra istum de hoc, quod in sabbato grabatum portat: sed non de curatione. Vnde (*Sabbatum est; non licet tibi tollere grabatum tuum.*) Cuius ratio multiplex potest assignari. *Vna*, Quia Iudæi frequenter Christo de curatione in die sabbati calumniam inferentes, confutati erant à Christo per hoc,

hoc, quod ipsi etiam iumenta de puteo in die sabbati eruebant, & saluabant. *Luc. 14.* Et ideo de curatione tanquam de re utili & necessaria tacent: de portatione vero lecti, quæ non necessaria videbatur, calumniantur, q. d. Si sanitas non erat differenda, quid erat necessarium lectum portare, seu portari præcipere? *Alia ratio.* Quia Dominus dixerat contra eos concludens; quod *licet sabbato benefacere.* Et ideo quia curari non est benefacere, sed bene pati; curatum potius quam curantem calumniantur. *Tertia ratio.* Quia hoc in lege videtur prohibitum esse Iudæis; ne aliquid in die sabbati operentur; specialiter tamen portatio onerum in die sabbati prohibetur, Hier. 7. *Ne portetis onera in die sabbati.* Et ideo specialiter calumniati sunt portationem in die sabbati, vtpote dicto Prophetæ contrariam.

Sed hoc tamen mandatum Prophetæ mysticum est. Nam per onera non portanda intendebat eos inducere, vt in die sabbati requiescerent ab oneribus peccatorum, de quibus dicitur in *Psa. 37. Iniquitates meæ sicut onus graue, grauata sunt super me.* Vnde quia iam erat tempus soluendi figuras occultas, mandat Christus isti grabatum tollere, id est, proximum in infirmitate sustentare, *Gal. 6. Alter alterius onera portate, & sic adimplebitis legem Christi.*

II. Ponitur excusatio curati, cum subditur: (*Qui me sanum fecit.*) Et quidem prudenter se excusat. Nunquam enim adeo bene probatur doctrina esse diuinitus, sicut per ostensionem miraculorum: quæ

quæ non nisi diuinitus fieri possunt, Matt. ult. Illi autem profecti predicauerunt vbique domino cooperante, & sermonem confirmante, sequentibus signis. Et ideo iste Auctorẽ sanitatis suæ calumniantibus obijciebat dicens. (*Qui me sanum fecit, &c.*) q.d. Vos dicitis prohibitum esse ne onus portetur in sabbato, & hoc auctoritate diuina. Sed mihi eadem auctoritate est impositum, vt tollam grabatum. Nam ille (*qui me saluum fecit,*) & per sanitatem restitutam se diuinam virtutem habere ostendit, (*mihi dixit. Tolle grabatum tuum, &c.*) Et ideo mandatis eius qui tantæ est virtutis, & qui mihi tale beneficium contulit, merito teneor obedire, Psal. 118. *In æternum non obliuiscar iustificationes tuas: quia in ipsis viuificasti me.*

## P A R S III.

*De calumnia in Sanantem.*

**Q**Via curatum hominem calumniari non poterant, Christi curationem calumniari nituntur: per hunc enim se excusauerat homo ille. Et quia eum determinate quis esset, non indicauerat, maligne interrogabant ab eo quis esset. Triahic. Iudæorum inquisitio: Curari ignorantia, & Ignorantiæ causa. (*Interrogabant ergo eum Iudæi,*) Nelicet non bona intentione, vt proficiant, sed maligno animo, vt persequantur, & perdant, Ioan. 8. *Quæretis me, & in peccato vestro moriemini.* Et hanc eorum malitiam verba manifestant. Cum enim



dominus & sanari languidum, & grabatum to-  
iusserit, diuinæ virtutis ostensuum, & irrefraga-  
bile signum subticent: aliud, quod contra legem  
videtur, replicant, dicentes. (*Quis est ille homo qui di-  
xit, Tolle grabatum tuum, & ambula?*) Eccl. 11. *Bona in  
mala peruertens insidiatur & in electis imponit*, sc. impo-  
nere nititur, maculam.

II. [*Qui autem sanus factus fuerat nesciebat, &c.*] Sa-  
nus iste significat fideles per gratiam Christi sana-  
tos, Eph. 2. *Gratia saluati estis*. Iui quidem nesciunt  
Christum quis est; sed effectum tantum eius co-  
gnoscent, 2. Cor. 5. *Quamdiu sumus in corpore, peregrini-  
namur à domino, per fidem enim ambulamus, & non per  
spem. Sed tunc cognoscemus Christum quis est,  
quando videbimus eum sicuti est*, 1. Ioan. 3.

III. Ignorantiæ causam assignat quantum ad  
tria. 1. *Iesus autem declinauit à turba constituta in loco.*  
Quod quidem causam habet literalem, & mysti-  
cam. 1. *Literalem*, quantū ad duo. Primo, vt daret  
nobis exemplum occultandi opera nostra bona  
& non quærendi in eis hominum fauorem, Mat-  
thæi 6. *Attendite ne iustitiam vestram faciat is coram ho-  
minibus. Secundo, Vt declinemus, & fugiamus o-  
culos inuidorum, ab omnibus operibus nostris:  
ne ex hoc eorum inuidia crescat.* Eccl. 8. *Ne contra  
faciem stes contumeliosi; ne sedeas quasi insidiator ori tuo.*  
2. *Mysticam* vero quantum ad duo. Primo vt signi-  
ficet, quod Christus non de facili inuenitur in  
hominum multitudine, & in turbine curarum  
temporalium; sed in spiritali secreto. Oseæ 2. *Du-  
cam eam in solitudinem, & ibi loquar ad cor eius.* Nam  
verba

IN FER VI. POST DOM. I. QVAD. 59

*Verba sapientium audiuntur in silentio. Eccl. 9. Secundo,*  
Vt insinuet, quod Christus debebat declinare à  
Iudæis ad gentes, Isa. 8. *Abcondit faciem suam parum-*  
*per à Iacob*, id est, subtraxit veritatis suæ notitiam  
à populo Iudæorum.

## P A R S IV.

*De inuentione Christi monentis salu-*  
*taria.*

**P**rimo, Inuenitur. Secundo, Inuentus docet.  
Tertio, post doctrinam manifestatur. De I.  
Quantum ad inuentionem duo. Modus inue-  
niendi, & locus. 1. *Modus* quidem est mirabilis.  
Quia non inuenitur nisi inueniat. Vnde dicit, (*Pos-*  
*tea,*) scilicet quæ dicta sunt, inuenit eum Iesus:  
Nam homo sua virtute Christum inuenire non  
potest, nisi ei se Christus præsentet. Vnde Psal. 118.  
*Require seruum tuum*, Sap. 6. *Praoccupat eos qui se concu-*  
*piscunt.* 2. *Locus* autem, in quo inuenitur Christus,  
est venerabilis. Quia in templo, secundum illud  
Psal. 10. *Dominus in templo sancto suo.* Nam & mater  
eius in templo eum inuenit. Luc. 2. Et hoc, quia in  
his, quæ patris sui sunt, oportebat eum esse. Quo signi-  
ficatur, quod curatus iste non ad vanitatem,  
sed ad religionis studium conuersus templum  
frequentans, in ipso CHRISTVM cognoscit.  
Quia si ad Conditoris cognitionem venire volu-  
mus, fugienda est turba prauorum affectuum, &  
decli-



declinanda sunt malorū conuenticula; & fugiendum est ad templum cordis nostri; quod Deus inuisere & habitare dignatur.

De II. Inuentus docet. Vnde ( & dixit illi. Ecce sanus, &c. ) Vbi primo commemorat impensum beneficium. Secundo proponit sanum consilium. Tertio, ostendit imminens periculum. 1. Beneficium est admirabile: quia subita restitutio sanitatis. ( Ecce iam sanus factus, &c. ) Et ideo semper oportet in memoria teneri. Isa. 63. *Miserationum domini recordabor.* 2. Consilium vero utile, quia iam amplius noli peccare. Eccles. 21. *Fili peccasti, ne adicias iterum.* Quare dominus isti paralytico, & alijs quibusdam ab eo curatis mentionem facit de peccatis, & non alijs. 1. Ideo, vt ostendat per hoc infirmitates aliquibus, ex peccatis prioribus prouenire; 1. Cor. 11. *Ideo multi imbecilles, & infirmi, & dormiunt multi.* 2. Per quod etiam se esse Deum ostendit, peccata & occulta cordium manifestans. Prou. 15. *Infernus & perditio coram illo, quanto magis corda filiorum hominum.* Istis ergo solis mentionem de peccatis facit, & non alijs ab eo curatis, quia non omnes infirmitates propter peccata priora proueniunt: sed quædam ex naturali dispositione; quædam propter probationem; sicut in Iob, Vel de istis tantum mentionem fecit, quia magis præparati erant ad correctionem, Prou. 9. *Noli arguere derisorem, ne oderit te. Argue sapientem, & diliget te.* Vel in istis, omnibus alijs hoc mandauit. 3. Periculum autem imminens erat terribile, vnum dicit. ( *Ne deterius tibi aliquid contingat.* ) Quod quidem dupliciter intelligi



intelligi potest, secundum duo, quæ in isto præces-  
 serunt. *Primo* enim punitus fuit per prolixum mor-  
 bum. *Secundo* consecutus fuit magnum benefi-  
 cium. Et ideo ad vtrumque referri potest quod  
 dicitur. *Ad primum* quidem, quia cum aliquis pro  
 peccato punitur, & ex ipsa pœna à peccato non  
 retrahitur: iustum est, vt grauius puniatur. Et id-  
 eo dicit. ( *Noli amplius peccare,* ) quia si peccaueris  
 ( *deterius tibi continget,* ) Hier. 2. *Frustra percussisti filios*  
*nostros, disciplinam non receperunt.* *Ad secundum* vero;  
 quia qui post beneficia recepta ad peccata prola-  
 bitur, grauioris supplicij reus efficitur, propter in-  
 gratitudinem. 2. Pet. 2. *Melius erat eis viam veritatis*  
*non agnoscere, quam post agnitionem retrorsum conuerti.*  
 Similiter etiam, quia postquam homo ad pecca-  
 tum semel redierit, facilius peccat; Matt. 12. *Fiunt*  
*nouissima hominis illius peiora prioribus.* Hier. 2. *A sa-*  
*culo fregisti iugum, rupisti vinculum; dixisti, non ser-*  
*uiam.*

De III. Inuenti manifestatio; cum subditur,  
 ( *Abiit ille homo, & nunciauit, &c.* ) Et secundum  
 quosdam posset intelligi ( vt Chrys. dicit, ) quod  
 ex malitia manifestasset eum: sed hoc non videtur  
 probabile, post tantum beneficium ita ingratum  
 esse. ( *Nunciauit ergo Iudeis, quia Iesus esset qui fecit eum*  
*sanum,* ) vt manifestaret Christi virtutem ad sanan-  
 dum, Psal. 65. *Venite & narrabo quanta fecit dominus*  
*animæ meæ.* Et hoc patet, quia illi interrogauerunt  
 eum: quis iusserit grabatum tollere. Ille au-  
 tem annunciauit eis quod ( *Iesus*  
*fecit eum sanum.* )

---

SABBATO POST DOMINICAM I.  
 Quadragesimæ, Vide in Solenn. de Trans-  
 figurat.

---

FERIA II. POST DOM. II. QVA-  
 DRAGES.

*Ego vado & queretis me. Ioan. 8.*

SCOPVS. Postquam Dominus manifestauit  
 de se priuilegium lucis; Hic manifestat lucis ef-  
 fectum, scilicet, quod liberat à tenebris.

PARTITIO.

- I. De morte obstinatis denunciata.
- II. De remedio, quo à pœnis liberentur.
- III. Rationes suggerit ad fidem impetrandam, qua  
 vita remedium est.
- IV. Modus ad Fidem perueniendi.

PARS I.

*De morte obstinatis denunciata.*

HIC tria facit. Primo denunciat Dominus  
 suum recessum. Secundo ostendit Iudæo-  
 rum studium peruersum. Tercio ipsorum defe-  
 ctum.

ctum. De I. Recessum autem suum dicit Dominus esse per mortem, & ideo dicit. (*Ego vado.*) In quo duo innuit. *Primo*, quod voluntarie moritur, scilicet, vadens & non ab alio ductus. Ioan. 16. *Vado ad eum qui me misit.* Ioan. 10. *Nemo tollit à me animam meam, sed ego, &c.* Et secundum hoc recte continuatur ad præcedentia, dixit enim. *Nemo apprehendit eum, &c.* Et quare? quia per se vadit sponte. *Secundo* ostendit, quod mors Christi erat quædam profectio illuc vnde venerat; & vnde non discesserat. Sicut enim qui vadit, in anteriora proficit; ita Christus per mortem peruenit ad gloriam exaltationis. Philip. 2. *Factus est obediens vsque ad mortem, mortem autem crucis, propter quod & Deus exaltauit illum.* Ioan. 13. *Sciens quia à Deo exiuit, & ad Deum vadit.*

De II. Peruersum eorum studium ostendit in dolosa inquisitione Christi, & quantum ad hoc dicit (*quaretis me.*) quidam autem quærunt Christum pie ex charitate; & hanc inquisitionem sequitur vita. Ps. 68. *Quærite Dominum* *viuet anima vestra,* Sed isti impie quærunt, ex odio ad persequendum. Ps. 37. *Vim faciebant, qui quærebant animam meam, &* sic dicit (*quaretis me,*) scil. persequentes post mortem quidem infamia. Matth. 28. *Recordati sumus, quod sedactor ille, &c.* Item in membris meis, Act. 9. *Saule, Saule, quid me persequeris?*

De III. Et hanc sequelam sequitur mors; & ideo subdit ipsorum defectum, quem eis prænuntiat dicens (*& in pñto vestro moriemini.*) Et primo prænūciat defectum, qui consistit in mortis dānatione. *Secundo* defe-



defectum, qui consistit in eorum à gloria exclusione. PRIMO, Quia inique me quæretis, ideo (*in peccato vestro,*) scil. permanentes (*moriemini.*) Quod potest intelligi. 1. De morte corporali, & sic in peccatis suis moritur, qui usque ad mortem perseverat in eis. Et sic per hoc, (*In peccato vestro, &c.*) exaggerat eorum obstinatam pertinaciam. Hier. 8. *Non est qui pœnitentiam agat de peccato suo, &c.* Ezech. 32. *Descenderunt cum armis ad inferna.*

2. De morte peccati, de qua Psal. 33. *Mors peccatorum pessima.* Et sicut mortem corporalem præcedit infirmitas corporis; ita & hanc mortem infirmitas quædam præcedit. Quamdiu enim peccatum remediabile est, tunc est quasi quædam infirmitas quæ præcedit. Psalm. 6. *Miserere mei Domine, quoniam infirmus sum.* Sed quando est irremediabile vel simpliciter, sicut post hanc vitam; vel quo ad ipsum, sicut est peccatum in Spiritum sanctum; tunc causat mortem. 1. Ioan. 5. *Est peccatum ad mortem, non pro illo, &c.* Et secundum hoc prænunciat eis Dominus infirmitatem peccatorum esse ad mortem.

SECUNDO. Defectum qui consistit in eorum exclusione à gloria, ostendit cum dicit. *Quo ego vado, vos non potestis venire.*

Quo vadit Dominus, vadunt & isti per mortem: sed Dominus sine peccato; isti vero cum peccatis: quia in peccato suo moriuntur: & ideo non perueniunt ad gloriam paternæ visionis. Hinc ait, (*Quo ego vado,*) scil. sponte per passionem meâ,  
scili-

IN FER. II. POST DOM. II. QVAD. 65

scilicet, ad patrem, & ad suam gloriam, (*vos non potestis venire*) quia non vultis. Si enim voluissent, & non potuissent, non rationabiliter diceretur eis (*in peccato vestro moriemini.*) Sed nota. Aliqui impediuntur, ne possint ire quo Christus vadit, dupliciter. 1. Ratione contrarietatis: & sic impediuntur peccatores, & sic loquitur hic. Ideo simpliciter perseverantibus in peccato dicit (*quo ego vado, vos non potestis venire.*) Psal. 100. Non habitabit in medio domus mea, qui facit superbiam. Isa. 35. Via sancta vocabitur, & pollutus non transibit, &c. Psalm. 14. Quis habitabit in tabernaculo tuo? Innocēs manibus, &c. 2. Ratione imperfectionis seu indispositionis. Et hoc modo impediuntur iusti, quamdiu sunt in corpore. 2. Cor. 5. Quamdiu sumus in corpore, peregrinamur a Domino. Et talibus non dicit Dominus simpliciter. (*Quo ego vado, non potestis venire,*) sed addidit determinationem temporis. Ioan. 13. Quo ego vado, non potestis me modo sequi.

P A R S II.

De remedio, Fide scil. quo à tenebris liberentur.

**H**ic tria. Primo ponitur verborum Christi occasio. Secundo ponuntur ea, quibus causatur remedij insinuatio. Tercio. Defectus eorum manifestatur. De I. Occasio autem verborum Christi sumitur ex persona, vel intellectu Iudaeorum. Cum enim carnales essent, verba Domini, quæ dixerat. (*Quo ego vado, &c.*) carnaliter intel-



ligebāt. 1. Cor. 2. *Animalis homo non percipit, &c.* Vnde dicunt Iudæi. (*Nunquid interficiet, &c.*) Quæ quidem 1. *secundum Aug.* stulta opinio est. Nunquid enim non poterāt venire, quo Christus perrexit, si interficeret semetipsum: poterant quidem & ipsi seipsos interficere. Sic ergo mors non erat terminus, quo iturus erat Christus, sed via qua ibat ad patrē. Vnde non dixit, q̄ non possent ire ad mortem; sed quod per mortem nō poterant ire, ad locum, quo per eam Christus exaltabitur ad dexteram. s. Dei. 2. *Secundum Orig.* autem forte non sine causa Iudæi hoc dicunt. Habebant enim ex traditionib. quod Christus voluntarie esset moriturus, sicut ipse dixit Ioan. 10. *Nemo tollit animam meam, &c.* Quod specialiter videtur habuisse ex If. 53. *Pro eo quod tradidit animam suam in mortem, &c.* Quia ergo aliqualem suspicionē habebant de Iesu, quod esset Christus. Ideo cum dixit. [*Ego vado, &c.*] Introduxerunt hanc opinionem, quod ipse semetipsum voluntarie morti traderet; sed cōtumeliose hoc proferūt dicentes, (*Nunquid interficiet se?*) alias dixissent, Nunquid anima eius cum ipsi placuerit, egredietur relicto corpore; quod nos non possumus facere. Et propter hoc ait. *Quo ego vado, vos non potestis venire.*

De II. (*Vos de deorsum estis, &c.*) Proponit remedium tenebras euadendi. Et primo præmittit suam & illorum originem. *Secundo* ex hoc concludit propositum.

*Circa primū* autem diuersificat originem suā ab illorū origine dupliciter. *Primo*, quia ipse est de superius,



perius, & isti deorsum. *Secundo* quia isti sunt de hoc mūdo, de quo nō est Christus Sed sicut Orig. dicit. Aliud est esse deorsum, & aliud de hoc mūdo. Nā sursū & deorsum sunt differētiæ situs. Ne ergo per hoc, quod dixit se esse de superius, intelligāt eum esse de superiori parte mūdi huius; ideo hoc excludens dicit se nō esse de hoc mūdo. q.d. ita de superius sum, vt tamē totaliter sim supra totū mundū istū. Et quidē eos esse de hoc mundo, & de deorsū manifestū est. Sed Christū esse de superius, & non de hoc mūdo, sano indiget intellectu: nam quidā ponentes oīa visibilia creata esse à diabolo; sicut Manichei dixerunt Christū etiam quantū ad corp⁹ nō esse de hoc mundo visibili, sed de mūdo alteri⁹ creationis, sc. inuisibili. Valentinus etiā hoc male suscipiens dixit, Christum attulisse corpus cœleste. Quod autē hic nō sit verus intellect⁹ apparet; quia iplis Apostolis Dominus dicit, Ioa. 14. *Vos non estis de hoc mundo. Dicendum* est ergo, q. potest intelligi de Christo filio Dei, & de Christo homine. Nā Christ⁹, secundū quod filius Dei, est de superius Io. 15. *Exiui à patre, & veni in mundū.* Et similiter non est de hoc mūdo sensibili, s. qui consistit in reb. sensibilib. sed de mūdo intelligibili, qui est in mente Dei: quia est ipsum Verbū Dei, prout est summa sapiētia. *Omnia enim in sapientia facta sunt.* Quia Ioan. 1. *Mundus per ipsum factus est.* Quia homo, Christus est de supernis; quia non habet affectum ad mundana, & infima, sed ad superiora, in quibus anima Christi conuersabatur secundum illud Phil. 4. *Nostra conuersatio in cœlis.* Matthæi 6. *Vbi est thesaurus tuus, ibi est*

*& corruptum, & econuerso. Isti qui deorsum sunt, originem infimam habent, & de hoc mundo: quia habent affectum circa terrena. 1. Cor. 15. Primus homo de terra terrenus.*

Concludit propositum. Et *Primo* manifestat ea, quæ dixit de eorum defectu. *Secundo* ostendit eis remedium. I. Sciendum, Vnumquodque in suo progressu sequi conditionem suæ originis, vnde ea, quæ habent originem infimam, si sibi relinquuntur, naturaliter deorsum tendunt. Et nihil naturaliter tendit sursum; nisi quod superiorem originem habet. Ioan. 3. *Nemo ascendit in cælum, nisi qui de cælo descendit.* Dicit ergo Dominus. *Hæc est causa quare non potestis venire; quo ego vado: quia cum sitis deorsum; quantum in vobis est, nō potestis nisi cadere: Ideo quod dixi (quia moriemini in peccatis vestris.) verum est, nisi mihi adhæreatis.*

Et ideo vt non totaliter excludat spem salutis, ponit remedium, dicens. (*Si enim non credideritis, &c.*) q. d. nati estis in originali peccato, à quo non potestis absolui, nisi per fidem meam; quia (*si non credideritis quia ego sum, moriemini, &c.*) & dicit, (*Ego sum.*) non autem quid sim, vt rememoret quod dictum est Moyse. Exod. 3. *Ego sum qui sum.* Nam ipsum esse est proprium Dei. In qualibet enim alia natura à diuina differt esse, & quod est, cum quolibet natura creata participet suū esse, ab eo quod est ens per essentiam, s. ipso Deo qui est ipsum suū esse; ita vt suum esse sit sua essentia, vnde ipse solus denominatur ab eo. Et ideo dicit (*nisi credideritis,*  
quis



*quia ego sum,* ) i. quia sum vere Deus, qui habet esse per essentiam (*moriemini in peccato vestro.* ) Dicit enim (*quia ego sum.* ) Vt ostendat suam æternitatē. In omnibus enim quæ incipiunt, est mutabilitas quædam, & aliqua potentia ad non esse, vnde est inuenire in eis quoddam præteritum & futurum. Et ideo non est tibi verum esse per se: sed in Deo nulla est potentia ad non esse, nec esse incepit: ideo est ipsum esse, quod proprie per tempus præsens designatur.

## P A R S III.

*Rationes impetranda fidei, remedio vitæ.*

**P**RO rationes inducentibus ad fidem, primo ponitur Iudæorum interrogatio. Secundo Christi responsio. Tertio intellectus eorum excœcatio. De I. Quia Dominus dixerat, *nisi credideritis, quia ego sum,* restabat adhuc quærere quis esset: ideo dicebantei. [ *Tu quis es?* ] q. d. Vnde es, vt tibi credere debeamus. & dicit. [ *Principium, &c.* ] Respondit inducens eos ad credendum. Et primo ex suæ naturæ sublimitate. Secundo ex iudiciaria sua potestate. Tertio ex paterna veritate.

**PRIMO.** Inducit quidem eos ad credendum Christo, *naturæ eius sublimitas.* Quia. De II. Ipse est [ *principium, qui & loquor vobis.* ] Principium in latino est neutri generis, vnde *dubium est*, Vtrū sit hic nominatiui, vel accusatiui casus. In græco autem est fœminini generis, & in hoc loco est accusatiui casus. Vnde secundum Aug. non est legendum: Ego  
sum



*sum principium*, sed principium me credite, ne moriamini in peccatis vestris. Dicitur etiā & pater principium, & 1. quidē modo nomen principij cōe est patri & filio, inquantū s. sunt vnum principium Sp. S. per cōem spirationem. Et trēs personæ simul sunt principium creaturæ per creationē. 2. Alio modo est propriū patris, inquantū s. pater est principium filij, per æternā generationē. Non tamē plura dicimus principia, sicut nec plures Deos. Ps. 109. *Tecū principium in die virtutis tuæ*, &c. Hic autē dicit Dominus se Principium, respectu totius creaturæ: nam quod est per essentiā tale, est principium & causa eorum, quæ sunt per participationē: ipse per essentiā, vt dictū est, est esse suū. Sed quia Christus non solū habet in se diuinā naturam, sed et humanam; ideo subdit. (*qui & loquor vobis*) Nā vocē Dei immediate homo ferre non potest, quia secundum Aug. *Infima corda, intelligibile verbum sine voce sensibili audire non possunt.* Exo. 20. *Quid est homo, vt audiat vocē Domini Dei sui?*

Ad hoc ergo vt immediate ipsum diuinū verbū audiremus, carnē assūmfit, cuius organo locut<sup>9</sup> est nobis. Vnde dicit. [*Qui & loquor vobis.*] i. humilis propter vos factus, ad ista verba descendendi. Heb. 1. *Multifarie multisq<sup>3</sup> modis olim Deus loquens patribus in Prophetis, nouissime locutus est & vobis in Filio*, &c. Io. 1. *Vnigenitus qui est in sinu patris, ipse enarrabit vobis.* Vel aliter secundū Chrys. Vt per hoc, quod dicit (*principium*, &c.) reprehendit tarditatē intellectus Iudæorū. Nā post multa signa, quæ ab eo viderāt fieri, adhuc indurati, quærant à Domino. (*Tu quis es?* &c.) Ideo Iesus respondit. (*Ego sum principium*,) i. qui locutus sum vobis, à principio. q. d. Nō habetis opus

## IN FER II. POST DOM. II. QVAD. 71

adhuc quærere, quis ego sum; cum iã deberet esse manifestũ. Heb. 6. *Cũ deberetis esse magistri propter tẽpus, rursus indigetis, &c.* SECVNDO. Inducit eos ad credendũ Christo iudiciaria eius autoritas: Ideo subdit. (*Multa habeo de vobis loqui, & iudicare,*) q. d. Habeo autoritatẽ vos iudicãdi. Sed sciendũ, quod aliud est loqui nobis, & aliud loqui de nobis. Nobis enim loquitur Christus ad nostrã vtilitatem, sc. vt ad se trahat. Et sic loquitur nobis dum viuimus prædicando, inspirando, & huiusmodi faciendo. Loquitur aut de nobis, non ad nostrã vtilitatẽ; sed ad suam iustitiam ostendendam. Vt in iudicio futuro. *Sed contra.* Ioan. 3. *Non enim misit Deus filium suũ in mundum, vt iudicet mundum, &c.* Responso: Aliud est iudicare, & aliud habere iudicare. Iudicare dicit actum iudicij; & hoc non pertinet ad primum aduentum Domini, vt supra dixit: *Ego non iudico quẽquam*, sc. ad præsens. Sed *habere iudicare* dicit iudicij potestatem; & hanc habet Christus: Ioan. 5. *Pater omne iudicium dedit filio.* Act. 10. *Ipse est, qui constitutus est à Deo iudex viuorum & mortuorum, &c.* Et ideo signanter dicit. (*Multa habeo de vobis loqui & iudicare.*) sed in futuro iudicio. TERTIO. Inducit etiã ad credendũ Christo veritas paterna. Et quantũ ad hoc dicit. (*Sed qui misit me, verax est,*) q. d. Pater est verus; ego autem loquor consona ei: ergo loquor vera; ergo debetis mihi credere. (*Qui misit me.*) pater, [*verax est.*] Nõ participatiue; sed ipsa essẽtia veritatis; & pater veritatis; alias cũ filiº sit ipsa veritas, esset maior patre. Rom. 3. *Est aut Deus verax.* (Et ego q̃ audiui ab eo,) nõ auditu humano: sed p̃ generationem



nem æternam accepi, [*hæc loquor*] Isa. 22. *Quæ audiui à domino exercituum, &c.* Ioan. 5. *Non potest filius à se facere quicquam.*

Hoc autem quod dixit [*Qui misit me, &c.*] Dupliciter continuatur ad præcedentia. *Vno modo*, sic dico, quod [*habeo de vobis iudicare:*] sed iudicium meum verum erit, quia *qui misit me, verax est.* Rom. 2. *Iudicium Dei est secundum veritatem.* *Alio modo*, secundum Chrys. Dico, quod [*habeo de vobis iudicare,*] sed hoc differo; non ex impotentia: sed vt obediã voluntati paternæ, [*Nam qui misit me, verax est.*] Unde cum promiserit Saluatorem & propugnatorẽ, misit me nunc ad saluandum, & ego quia non loquor, nisi quæ audiui ab eo, ideo loquor vobis salutaria.

De III. [*Et non cognouerunt, quia Patrem eĩ dicebat Deum.*] Reprehendit tarditatem intellectus ipso- rum. Nondum enim oculos cordis apertos habebant, quibus patris & filij æqualitatem intelligerent, & hoc quia carnales erant. 1. Cor. 2. *Animalis homo non percipit, &c.*

## P A R S IV.

*Modus ad vitæ remedium, scil. Fidẽ per-  
tingendi.*

**H**ic primo prænunciat Christus, per quod peruenire debeant ad fidem, quod est remedium contra mortem. Et circa hoc duo facit. *Primo*, ostendit per quid venturi sunt ad fidem. *Secundo*, docet quid sit de seipso credendum.

De



De I. Dicit quod ad fidem peruenire debeant per passionem eius. Vnde (*dixit eis Iesus, cum exaltaueritis, &c.*) q. d. Modo non cognoscitis patrem meum esse Deum; sed (*cum exaltaueritis filium hominis.*) id est, cum me ligno crucis affixeritis (*tunc cognoscetis*) scilicet aliqui ex vobis per fidem. Ioa. 12. *Ego si exaltatus fuero à terra, traham omnia ad me.* 1. Ideo autem secundum Augu. crucis commemorat passionem, vt det spem peccatoribus, ne nullus desperet à quocunque scelere. Quando ipsi crucifigentes Christum per Sanguinem Christi liberantur à peccatis. Nullus est enim adeo peccator, qui per Sanguinem Christi liberari non possit. 2. Vel secundum Chryse. (*cum exaltaueritis filium hominis.*) scilicet in cruce (*tunc cognoscetis.*) id est, cognoscere poteritis, qualis sim, non solum per gloriam resurrectionis meæ; sed etiam per poenam captiuitatis & destructionis vestræ.

De II. Tria docet de se credenda. *Primo*, diuinitatis maiestatem. *Secundo*, suam originem à patre. *Tertio*, sui à patre inseparabilitatem. I. Maiestatem quidem diuinitatis cum dicit: (*Quia ego sum; & à meipso facio nihil.*)

Id est, habeo in me naturam Dei, & sum ille, qui locutus est Moyse dicens, *Ego sum, qui sum*. Sed quia ad ipsum esse pertinet tota Trinitas, ideo ne excludatur personarum distinctio, consequenter docet credere originem à patre cum dicit. [*Et à meipso facio nihil, sed sicut docuit me, &c.*] Quia cepit Iesus facere & docere: ideo in duobus originem suam à patre designat, scilicet in his quæ facit, vnde dicit, [*Et à me*  
e\* s
ipse

*ipso facio nihil.* ) Ioa. 5. *Non potest filius à se facere quicquam.* Et in his quæ docet; vnde dicit, (*Sed sicut docuit me pater*) id est, tradidit scientiam generando me scientem: quia cum sit simplex natura veritatis, hoc est filio esse; quod nosse; & sic quemadmodum pater dedit filio gignendo, vt esset; sic gignendo dedit ei, vt nosset. Ioan. 7. *Mea doctrina non est mea.* Et ne intelligatur, quod sit missus à patre quasi ab eo distinctus; ideo tertio docet credere eius à patre inseparabilitatem, cum dicit (*& qui misit me*) s. pater (*mecum est.*) per essentiae vnitatem. Ioan. 14. *Ego in patre, & pater in me est.* Item per amoris coniunctionem. Ioa. 5. *Pater diligit filium.*

Si ita pater misit filium, vt non recesserit ab eo. Vnde sequitur (*Et non reliquit me solum.*) quia affectus eius est circa me. Sed etsi ambo simul sint, vnus tamen est missus, & alter misit. Quia missio incarnatio est; quæ quidem filij tantum est, & non patris. Quod autem non reliquit me, patet ex signo (*quia quæ placita sunt ei, facio semper.*) quod quidem non ponitur pro causa meritoria; sed pro signo: q. d. hoc ipsum, quod ego facio semper, sine initio, sine fine (*quæ placita sunt ei,*) est signum, quod semper mecum est, & nō reliquit me. Prou. 8. *Cum eo eram cuncta componens.* Vel aliter, (*non reliquit me,*) scil. hominem protegendo, (*quia quæ placita sunt ei, &c.*) Et secundum hoc dicit causam meritoriam,

FERIA III. POST DOMIN. II. QVAD-  
RAGESIMÆ.

*Iesus locutus est ad turbas. Matt. 23.*

SCOPVS. Supra ostensum est ab Euangelista, quomodo Pharisei, & Scribæ prouocati sunt ex Gloria Christi, & ex Sapientia eius; qua colliserat eos: nunc autem ostendit quomodo ex Iustitia; qua eos arguebat,

PARTITIO.

- I. Ostendit Ecclesiastica dignitatis momentum.
- II. Detegit eiusdem abusum ambitiosum.
- III. Prohibet suis eundem, imperatque humilitatem.

PARS I.

*De Ecclesiastica dignitatis valore ac vi-  
gore*

**T**Ria hic Dominus. Primo, commendat eorum autoritatem: Secundo, docet exhibere obedientiam cum cautela: Tertio, assignat rationem. De I. (Tunc Iesus, &c.) Ita continuandum est. Dominus in tantum eos confutauit, vt nec interrogare auderent, nec respondere scirent. Sed tunc, vt dicit Chrys. inutilis est sermo qui redarguit, & non instruit: ideo conuertit se ad turbas, & ad discipulos suos, vt eos instruat. Sciendum autem



autem, quod quidam audiunt eum, vt discipuli; quidam vt turbæ. Vt discipuli; qui veritatem percipiunt mente. Io. 8. *Si manseritis in sermone meo, vere discipuli mei eritis.* Vt turbæ; qui veritatem mente apprehendere non possunt. Ideo conuertit sermonem suum quandoque ad discipulos alia dicendo: vt Ioan. 15. *Quacunque audiui à patre meo, nota feci vobis.* Quandoque vero ad turbas profert parabolas. Vtriusque autem loquitur de necessitate salutis, & talia sunt hæc verba (*Super cathedram Moyfi sederunt Scribæ & pharisæi, &c.*)

Cathedra proprie est magistrorum; ideo illi super cathedram dicuntur sedere, qui sunt successores Moyfi. Eccl. 24. *Legem mandauit Moyses, &c.* quique Moyfis legem docebant, sedebant super cathedram Moyfi. Et in lege continebantur quedam ad fidem pertinentia; & quedam ad bonos mores. Ad fidem ea, in quibus præfigurabatur Christus. Vnde ipse dicit Ioan. 5. *Si crederetis Moyfi, crederetis forsitan, & mihi.* Item continebantur præcepta moralia Eccl. 24. *Legem mandauit Moyses in præceptis iustitiarum, &c.* Nota. Supra cathedram sedent & Scribæ, & Pharisei, & Discipuli Christi. Scribæ qui solam literam considerant; Pharisei qui aliquantulum de sensu suo interiori: Discipuli Christi, qui totum perpendunt, & non dicuntur discipuli Moyfi, sed Christi, Lu. ult. *Incipiens à lege, & prophetis interpretabatur illis in omnibus scripturis, quæ de ipso erant.*

De II. Monet eos ad obedientiam cum cautela; & facit duo. *Primo*, hortatur ad obediendum. *Secundo*,

tundo, ad cauendum (Omnia quaecunque dixerint vobis seruate,) scilicet in corde, (& facite) in opere, Deut. 17. Venites ad sacerdotes Leuitici generis, & ad iudicem, &c. Et post. Et facies quaecunque dixerint, & sequitur, sequerisque sententiam eorum. Et Apostolus, Obédite praepositis vestris, Heb. ult. Hoc est contra Manichaeos, qui dicebant Legem veterem non esse bonam, patet esse bonam; quia Dominus praecepit eam seruari.

Obijciēs, Ergo debemus legalia obseruare; quod est contra doctrinam Apostolorum. Act. 15. Dicendum: Semper autoritas seruanda est Legislatoris secundum intentionem eius: sed legislator aliqua dicit vt semper seruanda: & talia semper debent seruari: Aliqua vero dicit, quae sunt velut vmbra vt habetur ad Colos. 2. Quae sunt vmbra futurorum. Moralia ergo sunt mandata secundum intentionem legislatoris, vt semper seruentur; sed legalia pro tempore tantum; scilicet, ante Christum, tunc debent seruari; post non. Quia qui seruaret, iniuriam Christo faceret. Et ponit August. exemplum. Si diceret quis, Ego comedam cras, hac vox est signum huius rei. Si, postquam comedisset, diceret illud idem, non bene diceret. Sic; cum ista legalia essent signa Christi venturi; postquam Christus venit, qui seruaret ea, non bene seruaret. Vnde omnia quae dixerint vobis secundum intentionem legislatoris, facite.

(Secundum vero opera eorum nolite facere.) Hic docet cautelam. Scitote, praelatum praefici, vt doceat non solum doctrina; sed etiam vita. Et debemus  
ROS



nos ei concordare, quantum ad ea quæ docet. Quia Gal. 1. *Si quis euangelizat vobis præter id, quod accepistis, anathema sit.* Similiter etiam ei conformari in vita. Debet enim esse vita eius nobis in exemplum; sicut vita Christi. Vnde 1. Cor. 4. *Imitatores mei estote, sicut & ego Christi.* Isti vero non dissident à doctrina, sed à vita, ideo doctrina eorum est attendenda; sed vita cauenda.

De III. (*Dicunt enim & non faciunt.*) Hic assignat rationem. Et Primo ponit rationem: Secundo, exponit. I. Tu dicis. *Quæ dixerint vobis, facite, quia dicunt. Vos debetis benefacere, sed non faciunt. & ideo non debetis facere secundum opera eorum. Quia qui docet non furandum, furaris.* Psal. 49. *Peccatori enim dixit Dominus, quare tu enarras, &c.*

(*Alligant enim onera grauius, & importabilia, &c.*) I. Dominus vult exaggerare maliciam eorum, quia dicunt, & non faciunt: si simpliciter dicerent, & non facerent, adhuc istud tolerabile esset: sed non sufficit illis: quia adiungunt præceptis Dei grauissima onera: & ideo notatur præsumptio eorum, quod alligant alia onera super onera à Deo imposita, ut habetur Mar. 7. quod prohibebant comedere panem, nisi frequenter lauarent manus. Contra illud Esa. 58. *Dissolue cogitationes impietatis, solue fasciculos deprimentes.* 2. Notatur crudelitas eorum qui imponunt onera, contra illud 1. Ioan. 5. *Quia mandata Dei leuia sunt. Iugum enim meum suauis est, & onus meum leue.* Matt. 11. 3. Notatur eorum indiscretio, Quia si forti graue imponent, non esset magnum: sed debilibus imponunt onera importabilia. Illud enim



enim non potest portari, quod superat vires portantis. In Act. 15. *Hoc est onus quod nec nos, nec patres nostri portare potuimus.* 4. Notatur eorum nimia seueritas. Quia si imponerent onus, & darent indulgentiam, sufficeret: sed ex quadam violentia præceperunt; (*Imponunt in humeros hominum.*) vnde excedunt in dicendo. 5. Excedunt in non faciendo; quia sunt aliqui homines, qui non volunt perficere totum; tantum volunt aliquid perficere. 6. Sunt, qui, & si nolunt facere aliquod difficile; volunt tamen aliquid leue. 7. Aliqui sunt etsi non faciunt, habent tamen voluntatem faciendi: sed qui nihil istorum vult, in malitia excedit. vnde dicit, (*Digito autem suo nolunt ea mouere,*) id est, non inchoare. Item; nec etiam leuia facere, quæ per digitum significantur. Chrys. dicit. *Tales sunt qui magna dicunt, & parua faciunt.* Suntque similes exactoribus tributorum, qui alios magna faciunt soluere, ipsi autem sui nihil solunt. Non te videam magna docentem; sed parua facientem. Magis, parcet tibi Dominus, si declinas ad misericordiam; quam ad seueritatem.



## P A R S II.

*De abusu ambitioso cathedralis dignitatis.*

**O**mnia vero, &c. ] Hic intentionem proponit & facit duo. *Primo*, Aperit eorum intentionem. *Secundo*, Monet discipulos ad eorum vitiationem. Et *primo* intentionem proponit: *Secundo*, exponit.

De I. 1. Quæ est ratio quare dicunt, & non faciunt, quia sunt incorrigibiles. Causa cur homo sit incorrigibilis, est querere gloriam propriam. Unde Chrysosto. Tolle gloriam inanem de clero, & sine labore alia omnia vitæ arescabis. illi (Omnia vero opera sua faciunt, ut videantur ab hominibus) Ioan. 12. D. lex erum gloriam hominum magis, quam gloriam Dei. Contra illud quod dicitur supra 6. Nolite fieri sicut hypocritæ, &c. Nolite ergo assimilari eis.

2. Sequitur expositio. (Dilatant enim, &c.) Et facit duo. *Primo*, dicit quod faciunt: *Secundo*, quid requirunt. 1. *Amant enim*, &c. Quid faciunt? Onerosa non faciunt, sed aliqua, quæ exterius patent, benefaciunt. Bernardus: *Portant vestes sanctitatis. & hoc non est onerosum, quod ostendebant in phylacterijs, & in fimbrijs.* Dicitur enim Deut. 6. *Ligabis ea in manu tua, & ante oculos tuos.* In manu, id est, in completionem operis: & ante oculos tuos, id est, in considerationem tuam. Ideo illi volentes gloriam, ut viderentur zelatores mandatorum Dei, scribebant mandata in schedula, & ponebant ante oculos, & illud, *phylacteria*, voca-

vocabatur; & dilatabant magis ista, vt magis viderentur ab hominibus. Item, de fimbrijs legitur, Num. 15. *Præcepit dominus, vt facerent fimbrias, quia voluit vt discerneretur populus Iudaicus ab alijs populis: & isti, vt magis ostenderent se religiosos, magnificabant fimbrias, & alligabant spinas: vt viderentur, se pungere; vt recordarentur se esse Iudæos. Non ergo exhibent nisi exteriora. Mat. 7. Veni in ad vos in vestimentis ouium, & quid requirunt? vt videantur ab hominibus.*

Hæc autem gloria in tribus ostenditur. In primatu, & reuerentia exhibita; in laude nominis; qui enim quærit gloriam; quærit vnum istorum, vel omnia. Isti autem quærebant primatum in loco sacro, & in loco communi. In loco communi dicit (*Amant autem primos recubitus in cænis.*) Volebant enim sedere in capite mensarum. Contra illud Luc. 14. *Cum inuitatis fueris ad nuptias, recumbe in nouissimò loco, & dicit [amant,] quia non reprehenditur autoritas, sed inordinatus appetitus. Quidam enim sunt in primo loco corporaliter, qui tamen in corde sedent in nouissimo: & econuerso, aliquis sedet in nouissimo loco, vt dicatur. Vide ille est humilis, & sic, &c. sed corde in primo, quia inde quærit gloriam. Item, Quærunť primatum in loco sacro. Quia in ecclesia. Vnde dicit [Et primas cathedras in Synagogy.] Contra illud, Eccl. 7. *Noli quærere ab homine ducatum, neque à Rege cathedram honoris. Item, Appetunt reuerentiam: vnde dicit. [Et salutationes in foro,] id est, vt saluentur & honorentur ab hominibus, vt amoueatur capucium coram ipsis.**



& flectantur genua. Item, ( *Et appetunt vocari ab hominibus Rabbi* ) id est, quod laudentur vt magistri.

*Origen. refert istud ad illos, qui dignitates appetunt in ecclesijs. est enim quædam dignitas archidiaconorum, Diaconorum, Sacerdotum, Episcoporum. 1. Diaconi sunt, vt præsent mensis, Act. 6. Illi appetunt primos recubitus, qui appetunt locum diaconorum. 2. Cathedra proprie Sacerdotum est: Illi amant cathedras, qui amant locum Sacerdotum. 3. Qui autem debent esse magistri, sunt proprie Episcopi. Illi volunt vocari Rabbi, qui amant esse episcopi.*

### P A R S III.

*Inuitat ad humilitatem, à superbia auocat.*

**N**Otandum autem, quod, qui primatum habet, debet *Instruere, & Gubernare.* quorum primum est proprium magistri, secundum patrum, & ideo *Primo* prohibet inanem gloriam, quantum ad vtrumque. Circa primum, *primo* ponit documentum: *Secundo* rationem assignat.

De I. Quo ad humilitatem in instruendo. ( *Vel autem nolite vocari Rabbi.* ) Contra 1. Tim. 5. Qui bene præsent presbyteri duplici honore digni habeantur, maxime qui laborant in verbo, & doctrina. Potest dici. ( *Nolite* ) id est, non ambiatis, & subiungit rationem ( *Vnus est enim magister vester, &c.* ) scilicet Deus, psalm. 84. *Audiam quid loquatur in me dominus Deus.* Sed quid vult

vult dicere ? *Dicendum.* Ille proprie dicitur magister , qui doctrinam habet à se ; non ille qui traditam ab alio alijs dispergit . Et sic solum vnus est magister Deus . Sed ministerio multi sunt magistri . Si quæris autoritatem ; quæris quæ Dei sunt ; sed si ministerium ; quæris quod humilitatis est . Vnde subditur . ( *Qui maior est vestrum , erit minister vester .* ) id est , reputabit se ministrum . Chrysostomus dicit , quod sicut vnus est Deus per naturam , multi per participationem ; sic etiam vnus magister est naturaliter , multi ministerialiter . Sed quo modo potest homo scire , quod à se non habeat doctrinam ? Patet ; quia , sic esset in eius voluntate dare doctrinam cui vellet ; sed non potest . immo solius Dei est , qui interior cor illuminat . Est exemplum manifestum in sanitate . Natura principaliter sanat : medicus vero quædam adiuvamenta ministrat ; & sanat medicus sicut natura , reducendo scilicet ad medium . Sic est de scientia ; quia principium est nobis à natura ; scilicet intellectus : qui docet , adhibet quædam auxilia doctrinæ , sicut medicus ad sanitatem ; sed solus Deus operatur in intellectu , vnde vnus est magister vester , vnde non debetis vocari magister .

De II. Quo ad humilitatem in gubernando : Item , ostendit quod non ament autoritatem patris . ( *Vos autem omnes fratres estis .* ) & hoc ostendit ex æquali conditione . In ministerio non fecit differentiam in qualitate conditionis ; sed in pater-



nitatem conditionem apponit hanc. [*Vos omnes, iheres-  
estis,*) quia à me patre, Malac. ult. Ecce ego mittam vo-  
bis Heliam prophetam, & post, *Et convertet cor pa-  
rum ad filios, & cor filiorum ad patres eorum.* Item, *Estis filij  
mei per regenerationem,* 1. Petr. 1. *Qui regeneravit  
nos in spem viuam per resurrectionem Iesu Chr. sti.* vnde  
vnus non habet auctoritatem super alium, & se-  
quitur. (*Et patrem nolite vocare vobis super terram.*)  
Quia enim estis filij patris superni, ideo non debet-  
is habere patrem in terris. Ille proprie dicitur pa-  
trem habere in terris, qui hæreditatem quærit in  
terris: & ille habet patrem in cœlis, qui hæredita-  
tem quærit in cœlis, 1. Petr. 1. *Qui regeneravit nos in  
hæreditatem incorruptibilem, & incontaminatam, & im-  
marcescibilem, conseruatam in cœlis, &c.*

Quare ergo in monasterijs maiores dicuntur  
patres? Dicendum quod est quantum ad auctorita-  
tem. Eph. 3. *Potestis intelligere prudentiam meam in mi-  
nisterio Christi, &c.* (*Vnus enim est pater vester*) Matth.  
6. *Pater noster qui es in cœlis.* Item, (*nec vocemini magi-  
stri, quia magister vester vnus est Christus.*) vnde Chri-  
stus magisterium sibi attribuit: quia Christus ver-  
bum est: Ideo ipse est docere: Cum nullus do-  
ceat, nisi per verbum. Item. Est magister quan-  
tum ad naturam humanam: quia missus est, vt do-  
ceret, Io. 1. *Deum nemo vidit vnquam: Vni genitus qui  
est in sinu patris, ille nobis enarrauit.* Item, Ioan. 13. *Vos  
vocatis me magister, & domine.*

De II. (*Qui maior, &c.*) Postquam retraxit à su-  
perbia, hortatur ad humilitatem. Et primo, ponit  
hortationem: secundo, assignat rationem. Et hoc  
potest



IN FER. III. POST DOM. II. QVAD. 85

potest sic continuari, vt Chrys. ait, Vos non debetis patres vocari, nec magistri: neque hoc debetis ambire, sed magis humilitatem: ideo (*qui maior est vestrum, erit minister vester,*) id est, debet se exhibere ministrū. vnde 1. Cor. 4. *Sic nos existimet homo vt ministros Christi.* 2. *Vel aliter,* ita dixerat: *Nolite vocari Rabbi,* vnde dicerent ei. Vis, vt non sit prælatio in terra? Dicit dominus: Hoc non volo, sed volo, vt *qui maior est, &c.* id est, non se existimet, vt superiorem: sed vt ministrum. 2. Cor. 4. *Nos autem seruos vestros per Iesum.* Et hoc est quod dicitur, Luc. 22. *Quis maior est, qui ministrat, an qui recumbit, &c.* Deinde assignat rationem. (*Qui autem se exaltauerit, humiliabitur, & qui se humiliat, exaltabitur.*) Vnde in cantico Virginis. Luc. 2. *Deposuit potentes de sede, & exaltauit humiles.*

---

FERIA IV. POST DOMIN. II. QVADRAGESIMÆ, Vide in Dominica Quinquag. Et in F. S. Iacobi, & Bartholomæi.

---

FERIA V. POST DOMIN. II. QVADRAGESIMÆ, Vide Dominica I. post Pentecosten.

---

FERIA VI. POST DOM. II. QVADRAGES.

*Homo erat paterfamilias. Matt. 21.*

SCOPVS. In disceptatione Dominus cum Pharisæis interrogarat eos de baptismo Ioannis; & respondere nolebant: hic occulte interrogat, vt non sentiant, ideoque sub parabola loquitur.

## PARTITIO.

- I. De beneficio in agricolas facto.
- II. De malitia eorundem.
- III. De sententia ab ipsismet requisita.
- IV. Conclusio contra ingratos.

## PARS I.

*De beneficio data vineæ.*

**T**Ria hic. Primo Vineæ plantatio. Secundo Ornatio. Tertio Locatio, De I. (Homo erat paterfamilias, qui plantauit vineam, &c.) Simile Esa. 5. *Vinea facta est dilecto meo in cornu filio olei.* Hic autem dicit quod paterfamilias plantat vineam. Dicunt aliqui, quod ibi inuehitur contra vineam: vnde dicit; *Quid vltra debui facere vinea mea:* hic autem contra agricolas. Ideo dupliciter expanitur secundum Hieronymum, & Chrysost. 1. Vineam dicitur populus Iudaicus. Esa. 5. *Vinea Domini, domus Israel est.* Quod contra agricolas: quia, quantum ad præsens, huius malitia non processit ex populo, sed ex principibus, Ioan. 7. *Numquid aliqui ex principibus crediderunt in eum?* ideo non contra vineam. 2. Vineam non est domus Israel; sed iustitia Dei, quæ occulte tradita est in sacra scriptura, vnde

IN FER. VI. POST DOM. II. QVAL.

vnde dicit, ( *Homo erat paterfamilias qui plantauit vineam* ) id est, populum Iudaicum: Ps. 79. *Vineam de Aegypto transtulisti. Vel iustitiam posuit in doctrina legis. (Et sepe circumdedit ei)* ad procreationem vineæ. vnde quæ ponuntur ad custodiam; siue sint orationes Sanctorum, siue custodia angelorum; dicuntur seps, Osee 2. *Sepiam viam tuam spinis.* Si autem vinea dicatur iustitia, seps erunt occulta verba Scripturæ. Nam mystice occulta Scripturæ non sunt pandenda cuilibet, quia non est sanctum dandum canibus. Matt. 7.

De II. ( *Et fodit in ea torcular.* ) Torcular ponit, vt exprimatur vinum charitatis. 1. Si intelligatur per vineam Iudaicus populus, intelligitur per torcular altare holocaustorum. 2. Intelliguntur martyres, qui pro fide sanguinem fuderunt. Esd. 63. *Torcular calcavi solus.* 3. Vel potest etiam intelligi ordo prophetarum; in quibus vinum sapientiæ est expressum. 4. Vel potest dici profunditas sacræ Scripturæ. 5. Totus fructus vineæ congregatur in torculari: Sic quicquid potest animus, totum debet conregare ad laudem Dei.

( *Et edificauit turrin* ) id est, templum Micheæ 4. *tu turris nebulosa gregis, usque ad te venit potestas pri-* a, vel cognitio Dei, Prou. 18. *Turris fortissima non* en Domini.

De III. Locatione ( *Et locauit eam agricolis,* ) sed rta mercede. Agricola sunt Moyses, & ron, qui gubernaculum habuerunt, Iob 31. *affixi animam agricolarum eius.* Greg. *Qui prepo-* tur populo, &c. ( *Profectus est peregre,* ) non



mutando locum: sed hominem in suo arbitrio relinquendo. Eccles. 15. *Deus ab initio creauit hominem, & reliquit eum in manu consilij sui*, id est, suo arbitrio dimisit. Tunc dicitur peregre proficisci, quando non ad quamcunque culpam pœnam infligit. Vel non ita manifeste apparet, sicut prius in rubo. Exod. 3.

(Cum autem tempus fructuum appropinquasset.) Quicumque facit aliquem fructum, expectat beneficium. Et sic Dominus expectat, vt reddatur ei beneficium ad suam gloriam. Quantum ad hominem, fructus non est in pueritia, sed in plena ætate; vt in adolescentia, tunc petit fructus: sic cum populus fuit plantatus, & lex data, petijt fructum, & non cognouerunt eum, Hierem. 8. *Miluius in cælo cognouit tempus suum: populus autem meus non cognouit iudicium domini*, (misit seruos suos,) id est, prophetas (ad agricolas,) id est, ad Iudæos (vt acciperent fructus eius,) id est, vt inducerent homines ad bene agendum. Matt. 23. *Misit ad vos Prophetas sapientes & scribas, & ex illis occidetis, &c.*

## P A R S II.

### *De malitia agricolarum.*

**P**ost hoc agitur de malitia. Et primo quantum ad primos: Secundo quantum ad secundos: Tercio quantum ad tertios. 1. (Et agricola acceptis seruis, &c. *Alium ceciderunt*, vt Micheam. *Alium occiderunt*, vt Esaïam. *Alium lapidauerunt*, vt Naboth.

Naboth. Hebr. 11. *Lapidati sunt, secti sunt, in occisione gladii mortui sunt.* 2. (*Misit alios.*) Item, singulariter misit Prophetas vt Moysen, & Aaron, & alios; sed post tempore Dauid misit multos cuneos prophetarum. Vult enim Dominus pugnare misericordiam suam contra malitiam eorum. Vnde (*& fecerunt eis similiter,*) Deut. 30. *Vos semper contentiose contra Dominum egistis.*

3. [*Novissime autem misit ad eos, &c.*] quod fuit malitiæ consummata. Et tria facit. Primo ponitur misericordia Domini: *Secundo* malitia eorum: *Tertio* executio pravi propositi. *Novissime*, Hebr. 1. *Multisfarie multisque modis olim Deus loquens patribus, &c.* (*Misit ad eos filium suum dicens. Forte, &c.*) Cur forte? Nunquid ignorabat ipse? Hier. dicit quod ille modus loquendi dubius significat libertatem arbitrij, vt ostenderet quid futuri essent. quia, qui non honorificat filium, non honorificat patrem. Vel dicit sic, quia aliqui reueriti sunt eum.

Consequenter ponitur propositum malitiæ. Et primo ponitur requisitio. *Secundo* propositum: *Tertio* malitia. 1. (*Agricola autem videntes filium dixerunt intra se, hic est hæres, &c.*) Ipse enim filius vere hæres est patris: quia, quod petit obtinet, Psalm. 2. *Postula à me & dabo tibi gentes.* Item est hæres, quare quæcunque habet pater, habet & ipse. Non enim dicitur hæres sicut alius, qui decedente patre habet hæreditatem; sed quia semper, quod est patris, ipsius etiam est. *Contra.* Si cognovissent nunquam Dominum gloriæ crucifixissent. Verum est, si cognovissent vere; sed cognoverunt per coniecturam.

2. Sequitur propositum. [*Venite occidamus eum.*] Sap. 2. *Morte turpissima condemnemus eum.* Et quod est propositum? habebimus hæreditatem eius. Sciebant enim ex lege, quod debebat dominari super Iudaicum populum: Vnde timebant, ne imponeret super eos iugum legis, & traditiones eorum destrueret; ideo noluerunt pati iugum Christi: vnde passi sunt iugum Romanorum. Ioa. 11. *Ne forte veniant Romani, & tollant locum nostrum & gentem.*

3. Ponitur executio. (*Et apprehensum eum eiecerunt extra vineam, & occiderunt.*) Quia extra portam ciuitatis crucifixerunt eum, quasi alienum à vinea occiderunt. Esaiæ 53. *Quasi ovis ad occisionem ductus est, &c.* Quod eum extra vineam eiecerunt, habetur Ioann. 4. quod, quicumque confiterentur nomen Christi, fierent extra synagogam.

### P A R S III.

#### *De sententia ab ipsismet requisita.*

**C**um ergo venerit dominus vinee, quid faciet agricolis illis.) Ita subtiliter petit dominus vt iudicent contra se; Sicut Nathan fecit Dauid, quando peccauit cum Bersabee. Ponitur sententia. (*Malos male perdet,*) id est, perditione præsentis, & in futuro. *Male*, id est, acerbe. Matthæi septimo. *In ea mensura, qua mensi fueritis, remetietur vobis.* Sapientia sexto, *Pe-*  
tentes



rentes potenter tormenta patientur. ( Malos male perdet, & vineam suam, &c. ) id est, populum suum. ( locabit aliis agricolis ) id est, Apostolis. [ Qui reddant ei fructum temporibus suis, ) Psalm. 1. Et erit tanquam lignum quod plantatum est secus decursus aquarum quod fructum suum dabit in tempore suo. Job. 34. Conteret multos & innumerabiles, & stare faciet alios pro eis.

I. *Questio.* Quare in Marco Dominus respondit: Hic Iudæi? *Solutio.* Dico quod primo dixit Dominus: postea ipsi dixerunt. Item, Luc. 20. habetur quod cum Dominus hoc diceret: ipsi dixerunt, *absit.* *Responsio vera est.* Quia primo ipsi dixerunt; post intelligentes quod contra eos esset, dixerunt, *absit.* Item, verum est quod principes dixerunt. Et quamvis perciperent, quod contra eos esset, non contradicebant, sed populus dixit, *absit.*

II. ( Dicit illi Iesus. ) Hic ponitur confirmatio. Et primo ponitur autoritas: Secundo expositio. 1. Dicit [ Nunquam legistis, &c. ] Istud legitur in Psal. 117. Lapidem quem reprobauerunt edificantes, hic factus est in caput anguli. Et ponit quatuor. Primo ponit reprobationem: secundo dignitatem, tertio causam: quarto admirationem. 1. Dicit. Lapidem, &c. Lapis Christus est, quid dicitur lapis ex multis similitudinibus, Esaia 28. Ecce ego posui in fundamentis Sion, lapidem angularem, &c. Edificantes sunt Apostoli. Vnusquisque videat quomodo adificet. 2. Vnde ille lapis quem repro-  
bauerunt, id est, eiecerunt, hic factus est,  
id est,

id est, constitutus in caput anguli, id est, in caput Iudæorum & Gentilium. Vnde ipse factus est caput Ecclesiæ.

Possent dicere. Ipse fecit se caput: ideo dicit. 3. (*A Domino factum est illud, &c.*) Psal. 117. *Dextera domini fecit virtutem, &c.* Et qualis est ista exaltatio? 4. Et est mirabile in oculis nostris, Abac. 1. *Aspicite in gentibus, & videte, & admiramini, & obstupescite: quia opus factum est in diebus vestris, quod nemo credet cum narrabitur, &c.*

Tanta enim fuit dignitas, vt non factum fuisset, nisi gratia Dei hoc fecisset. Ephes. 2. *Gratia estis saluati à Christo.*

## P A R S IV.

### *Conclusio aduersus malitiosos.*

**E**Xponit, & ponit duas conclusiones. Primo, Quod dictum est de parabola: Secundo sumitur de hoc quod dictum est in autoritate. 1. (*Ideo dico vobis, quod auferetur à vobis regnum*) id est, 1. Sacra scriptura; quia amittetis intellectum sacrae scripturae. Ioan. 12. *Excacauit oculos eorum, & indurauit cor eorum, vt non videant oculis, & non intelligant corde, & conuertantur, & sanem eos.* 2. Vel Prælationem super Ecclesiam fidelium; quia translata est gloria eorum. (*Et dabitur genti facienti fructum eius.*) Esa. 55, *Ecce testem populi dedi eum, ducem ac praeceptorem gentibus; Ecce gentem, quam nescitis, vocabis, & gentes quæ*

quæ te non cognouerunt, ad te current. Sed quomodo datus est eis, superius dictum est, quod locauit: hic autem quod datur, quia cum non facit fructum, dicitur conductus, siue mercenarius: sed cum datur, tunc fructum facit.

II. Ponit duplicem pœnam. 1. (*Et qui ceciderit super lapidem istum confringetur.*) Exponitur secundum Hieronymum. sic. Ille cadit super lapidem Christum, quando fidem tenet de eo, id est, de Christo; sed cadit per peccatum quod contra eum facit. Ideo peccatores cadunt, quia non habent charitatem. 2. (*Super quem vero ceciderit, conteret eum.*) 1. Cadit autem Christus super infidelibus. Hæc est differentia: Quia quando vas cadit super lapidem, non confringitur vas propter lapidem, sed propter modum casus, secundum quod magis cadit ab alto. Quando lapis cadit supra vas, confringit illud secundum magnitudinem lapidis. Sic homo, cum cadit super lapidem Christum, tunc confringitur secundum magnitudinem peccati: quando vero fit infidelis, totaliter conteritur. 2. Vel aliquis cadit super lapidem; quando proprio arbitrio peccat, sed tunc lapis super eum cadit, quando Christus punit eum, & tunc totus comminuitur, Psalm. 18. *Comminuam eos sicut puluerem ante faciem venti.* Sequitur tempus malitiæ. (*Et cum audissent, cognouerunt quod de ipsis diceret.*) Et sequitur malitia. (*Et volentes eum tenere, timuerunt turbas, quia scilicet prophetam eum habebant.*) Et planum est.



IN SABBATO POST DOM. II.  
QVADRAGES.

*Homo quidam habuit duos filios. Lucae 15.*

SCOPVS. Præmiserat Dominus parabolas, de pastore & ouibus : de muliere, & drachmis : hic subditur de patre & filijs. Vt maxima Dei pietas & paterna ostendatur in peccatorem conuersio : Sed quatuor hic præcipua sunt capita. 1. Prodigii insolentia. 2. Miseria. 3. Pœnitentia. 4. Patris misericordia. Pulcer ordo. Nam insolentia præcipitauit in miseriam : hæc excitauit ad pœnitentiam : hæc autem præparauit ad patris misericordiam obtinendam.

PARTITIO.

I. De prodigi insolentia.

II. De miseria prodigi.

PARS I.

*De prodigi insolentia.*

TRIA hic: Primo, Conditio libertatis humanæ. Secundo, Perpetratio voluntaria culpæ.

SABBATO POST DOM. II. QUAD. 95  
culpa. Tercio : Dissipatio boni gratiæ & natura.

De I. *Quoad conditionem libertatis  
humanam.*

[Homo quidam,] id est, Dominus benignus. Daniel. decimo. *Tetigit me quasi visio hominis, & confortauit me.* Ea causa Deus in effigie humana sæpe apparuit. ( *Habebat duos filios,* ) id est, genus humanum Iudæorum & Gentium: Vel Innocentium, & Pœnitentium. Sic Beda hic. Filij dicuntur hi, qui in libertate arbitrij sunt creati, ad æternam hæreditatem habendam. Hebræor. *Seruus non manet in domo in æternum: filius manet in æternum.* Psalm. 102. *Quomodo miseretur pater filiorum, misertus est Dominus timentibus se.*

Quia vero libertas arbitrij in peccatoribus sæpe de proprijs viribus præsumit; ideo ait: ( *Dixit adolescentior: Pater, da mihi portionem substantiæ, quæ me contingit.* ) Adolescentior, id est, vanior, & ad sensus pronior. Ecclesiast. vñ. decimo. *Adolescentia enim & voluptas vana sunt.* Ibidem. *Latere iuuenis in adolescentia tua: & scito, quod pro omnibus his adducet te Deus in iudicium.* Hic partem suam petit, eam relinqui vult libertati suæ; vt iam non ad imperium gratiæ, sed ad suæ voluntatis nutum incedat. Beda. *Substantia est omne quod agimus, viuimus, sapimus, cogitamus & loquimur.* Hæc qui ex se regere vult,

re vult; à Deo exire molitur. Væ; qui sic contra se petunt: nam derelinqui à Deo volunt. Sicut Israelitarum petitio, i. Reg. 8. *Dixerunt filii Israel ad Samuelem: Constitue nobis Regem, vt iudicet nos. Dixitque Dominus ad Samuelem: Non te abiecerunt; sed me: ne regnem super eos. Ergo quia sic voluit prodigus: Pater (dixit illis substantiam.) Iuste: vt Eccl. 15. Deus ab initio constituit hominem, & reliquit illum in manu consilii sui. Et hoc iustum. Matth. 25. Vni dedit quinque talenta, alii vero duo, &c. vnicuique secundum propriam virtutem.*

De II. *Quoad perpetrationem culpæ voluntarie.*

**E**T post non multos dies, congregatis omnibus,] per liberi arbitrij dominium in vires omnes animæ: (adolescensior peregre profectus est in reg. long.) perpetrando peccatum. Longa à Deo est, non per situm: cum Deus sit vbique: sed per voluntatis auersæ dissimilitudinem. Glossa: *Abiit, non mutando locum, sed animum. Quanto enim quis in prauo opere amplius delinquit: tanto à gratia Dei longius recedit. Prou. 15. Longe est Dominus ab impiis; & orationes iustorum exaudiet.*

Peccatum vero est regio longinqua à Deo: Quia 1. Cum sit iniquitas, elongat à summa bonitate. Nam Isa. 59. *Iniquitates vestra diuiserunt inter vos & Deum vestrum, & peccata vestra absconderunt faciem eius à vobis.* 2. Cum sit tenebra: quia elongat à summa luce & veritate. i. Ioan. 1. *Deus lux est, & tenebra in eo non sunt vlla. Si dixerimus, quoniam societatem*



tatem habemus cum eo, & in tenebris ambulamus; mentimur, & veritatem non facimus. At quæ ex tenebræ? Subdit: Qui odit fratrem suum, in tenebris est. 3. Cum etiam peccatum sit nihil; quia elongat à summa æternitate: Ideo Ierem. 2. Quid inuenerunt patres vestri in me iniquitatis; quia elongauerunt se à me, & ambulauerunt post vanitatem. De his tribus simul dic tur, 2. Corint. 5. Quæ participatio iustitiæ cum iniquitate; aut quæ societas luci ad tenebras? Quæ autem conuentio Christi ad Belial? &c. Quis consensus templo Dei, cum idolis? Merito, sic elongans se, projicitur in extremum alterum inferni: quæ est regio mortis & tenebrarum. Iob. 10. Antequam vadam, & non reuertar ad terram tenebrosam; & opertam mortis caligine; terram miseriæ, & tenebrarum; vbi vmbra mortis, & nullus ordo &c.

### De III. Quoad dissipationem boni grætiæ & naturæ.

( Et ibi dissipauit substantiam suam, ) per peccata spiritalia. Maxime 1. per superbiam. Quia Nahum 2. Reddidit Dominus superbiam Iacob, sicut superbiam Israel. Quia vastatores dissipauerunt eos, & propaggines eorum corruerunt. 2. Per inanem gloriam. Isaïæ 3. Popule meus, qui te beatum dicunt, ipsi te decipiunt: & viam gressuum tuorum dissipant. 3. Per inuidiam. Psalm. 140. Dissipata sunt ossa nostra secus infernum, scilicet per inuidiam. De qua Prouerbiorum 14. Putredo ossium inuidia.

4. Per iram. Psalm. trigesimoquarto. *Dissipati sunt nec coniuncti : &c. frenduerunt super me dentibus suis.* Estque iracundus vt ille Dæmoniacus, Lucæ nono: *Subito clamat, & elidit, & dissipat eum cum spuma.* 5. Per acediam. Prouerbiorum 18. *Qui mollis & dissolutus est in opere suo, frater est sua opera dissipantis.*

Quia vero peccata spiritalia præcipitant sæpe in carnalia, ideo addit: (*Viuen-do luxuriose:*) quoad gulam & luxuriam. Prouerbiorum vigesimo. *Luxuriosa res vinum, & tumultuosa ebrietas: quicumque his delectatur, non erit sapiens.* Vnde in his est consummatio dissipationis. Iob trigesimo primo. *Ignis est vsque ad perditionem deuorans, & omnia eradicans, omnia genimina.* Quare istis tum animæ, tum corporis vires dissipantur, atque fortunæ, id est, tota hominis substantia. Prouerbiorum vigesimo nono. *Vir, qui amat sapientiam, letificat patrem suum; qui autem nutrit scorta, perdit substantiam.* Impleturque in eo istud Psalm. 48. *Homo, cum in honore esset, non intellexit, &c.*

[*Et postquam omnia consummasset,*] culpa omnia depopulante. Sapient. 3. *Nationes iniquæ diræ sunt consummationis.* De qua Iac. 1. *Concupiscentia, cum conceperit, parit peccatum: peccatum vero cum consummatum fuerit, generat mortem.*

(*Et facta est fames valida in regione illa:*) vltice scilicet iustitia Dei. Fames inopia est bonorum spiritalium: Glossa. *Est indigentia verbi veritatis in obliuione Creatoris.* De hac Amos 8. *Emittam fa-*

*mem in terram; non famem panis; neque sitim aqua; sed audiendi verbum Dei. Psal. 104. Vocauit famem super terram, &c.*

(*Et ipse cepit egere:*) nullo scilicet auxiliante. Ambros. tom. 3. libr. 7. in Luc. 15. *Virtutibus earum fonte relicto, merito ergo iste egere cepit, qui thesauros sapientia, & scientia Dei diuitiarumque celestium altitudinem dereliquit. Vnde Prou. 13. Egestas, & ignominia ei, qui deserit disciplinam. Idque ob culpam. Quia Miseros facit populos peccatum. Ideo Beda hic. Omnis locus, absenti Patri in penuria est. Sicut enim Sapientia adueniente, Sapient. 7. Veniant omnia bona pariter cum illa; & innumerabilis honestas per manus illius: Sic ipsa abeunte, omnia bona recedunt, & superuenit egestas: Iuxta Prou. 3. Egestas à Domino in domo impii: habitacula in istorum benedicentur.*


## P A R S II.

### *De miseria prodigi.*

**I**N hac duo. Primo Seruitus. Secundo, Mendicitas. De I. [*Et abiit, & adhesit vni ciuium regionis illius:*] peccatricis. Huius ciuis est, qui in peccato mansionem fixit: Ciuium talium princeps est diabolus. Glossa. Ioan. 14. *Venit princeps mundi, &c.* Huic adherent peccatores: Cuius figura est 2. Mach. 4. in iis, qui illis consimiles esse cupiebant, quos hostes & peremptores habuerant. NOT A dici: *Adhasit:* quia diabolus non habet posse, nisi quantum ei libere dat peccator. Vnde ex persona diaboli:



Isaias 51. *Incuruare, vt tranſeamus.* Et quia poteſtate accepta diabolus ſemper inſtigat ad peccatum; ideo ſubdit: (*Et miſit illum in villam ſuam, vt paſceret porcos, id eſt, dæmones, Matth. 7. Nolite dare ſanctum canibus, neque mittatis margaritas veſtras ante porcos: ne forte conculcent eas pedibus ſuis.* 2. Pet. 2. *Propter carnalitatem contingit eis illud veri prouerbi: &c. Sus lota in volutabro luti.* Prou. 11. *Circulus aureus in naribus ſuis, mulier pulcra, & ſatua.* Quia diabolus per eam inclinatur multos. Ruditatem habent dæmones in ſeipſis; ſed carnalitatem ſuggerunt aliis. Ob quod dicuntur Spiritus immundi: & recte porcis cognati ſunt. Iuxta Matth. 8. *Si eiicis nos hinc, mitte nos in gregem porcorum.* Hi enim paſcuntur immunditiis peccatorum. Vnde Ambroſius. *Cibus dæmonum eſt ebrietas, fornicatio: Et huiusmodi quæ blanda ſunt, & ad ſuum uſum prouocant: neque alia cura eſt luxurioſis, niſi vt ventrem ſuum impleant.* De quibus dicitur Phil. 3. *Quorum Deus venter eſt, & gloria in confuſione ipſorum qui terrena ſapiunt.* Vnde hos porcos paſcunt homines porcini, in quibus regnat ruditas intelligentiæ, carnalitas concupiſcentiæ, cupiditas auaritiæ. Et tales ad modum porcorum nihil prorsus valent ad vitam: Sed ſolum ad vitæ ritum; In cuius designationem dicitur, quod impetu abiit grex per præceps in ſtagnum, & ſuffocatus eſt.



De II. *Quo ad extremum genus mendicitatis.*

( *Et cupiebat implere ventrem suum de siliquis, quas porci manducabant.* ) Siliqua, dicit Glossa, est genus leguminis sonoris foliis & vacuis; quod ventrem magis onerat, quam reficiat. Et ideo designat delectationes vitiorum; quæ peccatori quandoque aliquid sonare videntur; sed nihil interius sunt. Vnde huiusmodi delectationes somniis comparantur. Sicut somniat esuriens & comedit: Isaia 29. *Cum autem expergefactus, vacua est anima eius. Et sicut somniat sitiens, & bibit; & postquam fuerit expergefactus, adhuc sitit, & anima eius vacua est.* Sic erit multitudo omnium gentium, quæ dimicauerunt contra montem Sion. De hisce siliquis, Proverbiorum secundo. *Latantur, cum male fecerint, & exultant in rebus pessimis.* Hisce quærit satiari peccator. Vnde Iob trigesimo. *Qui rodebant in solitudine, squalentes calamitate & miseria; & mandebant herbas, & arborum cortices: & radix iuniperorum, &c.* Qui inter huiusmodi latabantur, & esse sub sensibus delicias computabant.

Et quia talibus non potest homo satiari, ideo subdit: [ *Et nemo illi dabat.* ] quia sæpe cum talia peccator quærit, iusto DEI iudicio ea perdit. Vnde Osee secundo, *Vadam post amatores meos qui dant panes mihi, & aquas meas: lanam meam, & linum meum, & oleum meum, & potum meum.* Propter hoc ecce ego sepiam viam tuam spi-

nis, & sepiam eam maceria; & semitas suas non inueniet, &c. Et cessare faciam gaudium eius, solennitatem eius, Neomeniam eius, & Sabbata eius, & omnia festa tempora eius. Et hæc ideo permittit Deus, vt auersos per delectationes; reuocet per misérias. Vnde August. tom. i. libr. Confess. Omnes delectationes meas, quas amabam, respexisti Domine Deus, vt quarerem sine offensione latari, & non inuenirem, nisi in te. De his filiquis nemo dat peccatori; cum ei carnalis delectatio negatur. Vt inebriatus per delectationem euigilat per tribulationem. Iuxta Isa. 28. Tantummodo sola vexatio intellectum dabit auditui. Leuit. 26. Mittam pestilentiam in medio vestri, & trademini in manibus hostium; & comedetis, & non saturabimini.

---

## II. CONCIONIS DISPOSITIO.

*Ipse autem in se reuersus. Luc. 15.*

**S**COPVS. Prodigii pœnitentia; & Patris misericordia hic proponuntur.

### PARTITIO.

I. De pœnitentia prodigi.

II. De patris misericordia in suscipiendo indignum.

III. De



III. De eadem in vestiendo nudum.

IV. De eadem in pascendo famelicum.

## P A R S I.

*De pœnitentia prodigi.*

**H**Æc describitur fuisse sufficiens quoad confessionem, contritionem, & satisfactionem. De I. (*In se autem reuersus,*) scilicet, per agnitionem propriæ iniquitatis. Quia is dolor facit circumspicere 1. Internam conscientiam. Ideo [*in se reuersus.*] Isa. 46. Redite præuaricatores ad cor.

2. Felicitatem amissam. Vnde addit: (*Dixit: quanti mercenarii in domo Patris abundant pane, &c.*) id est, in domo DEI feliciter viuunt. Nota. Mercenarij 1. quidam sunt mali, 1. Ioannis decimo. Mercenarius autem fugit, quia mercenarius est. Hi, etsi aliquando abundant corporalibus, non tamen spiritualibus panibus. De his Matthæi sexto. *Amen dico vobis, receperunt mercedem suam.* Talibus dicitur Isaia quinquagesimo quinto. *Quare appenditis argentum non in panibus, &c.* 2. Quidam sunt boni. Genes. 49. *Isachar asinus fortis accubans inter terminos vidi requiem, quod esset bona, & terram, quod optima: & supposuit humerum suum.* Hi sunt qui seruiunt pro mercede æterna: abundantque panibus fidei, spei, & charitatis. Lucæ undecimo. *Amice, commoda mihi tres panes.* Psalm. 131. *Pauperes eius saturabopanis.*

3. Facit compunctio conspiciere calamitatem propriam : Vnde ait : [ *Ego autem hic fame pereor ,* ] scilicet , ob defectum diuinæ gratiæ . Et hæc ô quanta calamitas . Threnorum 4. *Melius fuit occisis gladio , quam interfectis fame : quoniam isti extabuerunt consumti à sterilitate terre .* Et pro istis Threnorum secundo dicitur : *Letia ad Deum manus tuas pro anima paruulorum , qui defecerunt infame in capite omnium compitorum .* Ex hac autem afflictione compunctionis Spiritus prouocatur , & excitatur . Ideo Psalm. trigesimo septimo . *Afflictus sum , & humiliatus sum nimis : rugiebam in gemitu cordis mei : Sequitur : quoniam ego in flagella paratus sum .*

## De II. Quoad humilitatem Confessionis.

[ *Surgam , & ibo ad patrem meum , & dicam ei : Pater , peccavi in cælum .* ) In quo 1. confitetur se peccasse in Ecclesiasticam Vnitatem ; quæ intelligitur nomine cæli . Nam in hoc Deus habitat . Isai. 66. *Cælum sedes mea .* Psalm. 10. *Dominus in templo sancto suo ; Dominus in cælo sedes eius .* 2. In diuinam Maiestatem . Vnde ( *Et coram te .* ) Quia illi omnia sunt aperta . Heb. 4. *Omnia nuda & aperta sunt oculis eius . ad quem nobis sermo .* Prou. 16. *Omnes via hominum patent oculis eius , & spirituum ponderator est Dominus .*

Et quia offensa tantæ Maiestatis nos priuat dignitate filiationis diuinæ ; ideo confitetur suam

suam indignitatem, dicens: (*Iam non sum dignus vocari filius tuus*). Vere. Quia esse filium Dei est maximæ charitatis. Iuxta 1. Ioan. 3. *Videte, qualem charitatem dedit nobis Pater, ut filij Dei nominemur & simus.* Hoc nomine peccator est indignus: quia contempsit patrem suum. Iuxta Isa. 1. Filios enutriui, & exaltaui: ipsi autem spreuerunt me.

Et quoniam veræ confessionis est, non solum confiteri peccati impietatem, & peccantis indignitatem, sed etiam implorare pietatem: ideo addit: (*Fac me sicut vnum de mercenarijs tuis.*) Nota; hic distingui Filium, seruum, & Mercenarium. Quia Filius seruit ex amore. Gal. 4. *Quoniam estis filij Dei, misit Deus Spiritum filij sui.* Seruus, ex timore: Mal. 1, *Filius honorauit patrem, & seruus Dominum suum, &c.* Mercenarius vero est, qui seruit ex spe hereditatis æternæ. De quo Iob 7. *Militia est vita hominis super terram, & sicut dies mercenarij dies eius. Si ceruus desiderat umbram, & sic: & mercenarius prestolatur finem operis sui: Sic & ego habui menses vacuos, & noctes laboriosas enumeraui mihi* Paret ergo, quod confessio esse debet Vera & Humilis: ut sic recognoscatur grauitas peccati, indignitas peccantis, & imploretur misericordia Patris, humili affectu. Eccl. 35. *Oratio humiliantis se nubes penetrabit.* Liqueat in Publicano, Luc. 18.

### De III. Quo ad humilitatem satisfactionis.

(*Et surgens venit ad Patrem.*) Per resurrectionem istam intelligitur peccati desertio, & quædam e-



longatio ab illo ; quæ est satisfactionis initium. Nam satisfacere est causas peccatorum excidere, & eis peccandi aditum non indulgere. Vnde & in huius figuram 1. Adoleſcēti adhuc mortuo dictum est : Luc. 7. *Adoleſcens tibi dico, surge. Vt sic deferatur culpa.* 2. Homini similiter languido: Ioan. 5. *Surge, tolle grabatum tuum, & ambula ; Vt sic deferatur peccatorum sequela.* 3. Petro compedito dicitur Act. 12. *Surge velociter: Vt sic relinquatur peccandi occasio, consuetudo, seu societas.* Ideo peccatori dicitur Eph. 5. *Surge, qui dormis ; & exurge à mortuis, &c.* Quia vero minus est mala nos agere, nisi etiam studeatur bonis operibus insudare ; subditur : ( *Venit ad patrem suum.* ) sc. per ipsius imitationem. Ioan. 14. *Nemo venit ad Patrem, nisi per me. Venit: vt qui recessit superbe præuaricando ; nunc redeat humiliter satisfaciendo.* Isa. 60. *Adorabunt vestigia pedum tuorum omnes, qui detrahebant tibi.* Qui sic venit, à Deo trahitur. Ioan. 6. *Nemo potest venire ad me, nisi Pater, qui misit me, traxerit eum.* Et sic tractus adiuuatur. Iob 23. *Quis mihi tribuat, vt cognoscam, & inueniam illum, & veniam vsque ad solium eius ?* Et sic auditus suscipiatur : Nam Ioan. 6. *Eum, qui venit ad me, non eijciam foras.*

## P A R S II.

*De patris misericordia in suscipiendo indignum.*

**I**N solentiam, miseriam & pœnitentiam prodigi sequitur patris misericordia, Cuius triplex actus est:

est: Suscipit indignum: Vestit nudum: Refecit famelicum. Hicque ordo est reparationis animæ: Nam suscipitur ad benignitatem gratiæ: vestitur iustitia; reficitur interna lætitia. Susceptio est 1. cum clementia suscipientis patris; 2. & reuersione seipsum accusantis filij. Itaque duo hic.

### De I. Quo ad clementiam Patris suscipientis.

(Cum autem adhuc longe esset,) propter culpam à Deo elongantem. Psal. 21. Longe à salute mea verba delictorum meorum. Psal. 118. Longe à peccatoribus salus, quia iustificationes tuas non custodierunt. (Vidit illum pater ipsius & misericordia motus est:) infundendo gratiam præuenientem Lucæ 22. Respexit Dominus Petrum, Sequitur; & egressus foras Petrus fleuit amare. De hoc Exod. 3. Vidi afflictionem populi mei in Ægypto: descendi, ut liberem eum. Hunc respectum petebat, qui dixit Psal. 24. Vide humilitatem meam, & laborem meum; & dimitte vniuersa delicta mea. Psal. 85. Respice in me, & misere-re mei, &c.

(Et accurrens cecidit super collum eius,) per gratiam concomitantem. q. d. amplexatus est eum. Cant. 2. Laua eius sub capite meo, & dextera illius amplexabitur me. Hæc gratia concomitans adiuvat in portando Legis Dei iugo. Vnde Ambr. hic. Super collum filii cecidit, dum leue iugum dilectionis sibi imposuit. Hoc enim iugum portare iuuat

inuat amplexus diuini brachij. De quo Psal. 97. *Saluabit sibi dextera eius, & brachium sanctum eius.* Per istum amplexum soluuntur vincula peccatorum. Isa. 52. *Solue vincula colli tui captiua filia Sion. (Et osculatus est eum)* per gratiam sequentem: quæ consistit in amore reconciliante. Osculum enim signum est amoris & pacis. Vnde Beda hic. *Rediens osculum charitatis à patre accipit, dum per gratiam certificatur de indulgentia;* iuxta Eph. 1. *In quo & credentes signati estis spiritu promissionis sancto, qui est pignus hereditatis nostræ.* Hoc osculum petit imponi, Cant. 1. *Osculetur me osculo oris sui: quia meliora, &c.* Et per hoc cognoscit Deus si simus eius filij, cum libenter osculamur eum per amorem intimum & vnitiuum, Gen. 27. *Accede ad me, & da mihi osculum, fili mi.* Accessit: osculatur: & sequitur: *Benedixit ei.* Quia benedictionis plenitudo ex hoc osculo procedit. Vnde Psal. 84. *Benedixisti Domine terram tuam; sequitur: Misericordia & Veritas obuiauerunt sibi; iustitia & pax osculatae sunt.* Istius osculationis origo est in Verbo incarnato; in quo est vnio summi amoris, in duplici natura iunctim, quæ & nos Deus osculatur, & nos Deum redosculamur. Iuxta Cant. 8. *Quis mihi det te fratrem meum, & inueniam te foris, & deosculer te, & me nemo despiciat.*

## De II. Quo ad reuerentiam filij seipsum accusantis.

(*Dixitque ei filius: Pater peccaui in cælum,*) scilicet per contemptum Maiestatis, quæ præsidet cunctis. Iob 11. *Excelsior cælo est, & quid facies? Profundior inferno,*



ferno, & unde cognosces? Iob 22. *An cogitas, quod Deus excelsior caelo sit, &c.* In cœlum ergo peccat, qui Deū cœli contemnit. Vnde 1. Esd. 9. *Iniquitates nostræ multiplicatæ sunt super caput nostrum, & delicta nostrā creuerunt vique ad cœlum, &c.*

(*Et coram te:*) Per contemptum veritatis omnia speculantis. Eccl. 23. *Oculi Domini multo lucidiores sunt super solem circumspicientes omnes vias hominum; & profundum abyssi, & hominum corda intuentes in absconditas partes.* Deo enim antequam crearentur, omnia sunt agnita: sicque ꝑ ost perfectum respicit omnia. Psal. 50. *Tibi soli peccaui, & malum, &c.*

(*Iam non sum dignus vocari filius tuus,*) Ob contemptum bonitatis omnibus prouidentis. Sap. 12. *Tu autem Dominator virtutis cum tranquillitate iudicas, & cum magnā reuerentia disponis nos: subest enim tibi, cum volueris, posse.* Docuisti autem populum tuum per talia opera: quoniam oportet iustum esse, & humanum, & bonæ spei fecisti filios tuos, quoniam das locum, in peccatis pœnitentia. Quia igitur contemsi hanc summam bonitatem, cuius est dare spiritum adoptionis filiorū: Iuxta Rom. 8. *Non accepistis spiritum seruitutis iterum in timore: sed accepistis spiritum adoptionis filiorum.* Item cuius est regenerare per aquam & spiritum sanctum in regnum filiorum Dei. Iuxta Col. 1. *Eripuit nos de potestate tenebrarum, & transtulit in regnum filij dilectionis suæ: Ideo* (*iā non sum dignus voc. fil. tuus.*)

NOTA. Licet pater occurrat, amplexetur, osculetur; tamen verus pœnitens numquā obliuiscitur suum peccatum. Psal. 37. *Quoniam ego in flagella*

gella paratus sum, & dolor meus in conspectu meo semper : quoniam iniquitatem meam annuntiabo, & cogitabo pro peccato meo. Et licet sic recogitet; anhelat tamen ad charitatem perfectam : ideo hic non petit dilectionem mercenariam, vt supra, cum nondum haberet gratiam infusam. At nunc plene conuersus, vt vere pœnitens se commendat, postulatque diuinam gratiam. Sic ille pœnitens : 2. Par. ult. Nunc flecto genu cordis mei, precans à te, &c.

## P A R S III.

*De patris misericordia in vestiendo nudum.*

**D**Vohic. Primo, De veste interioris puritatis. Secundo, De ornatu exterioris honestatis. De I. (Dixit, &c. Cito proferte stolam primam, & induite illam.) id est, vestem interioris puritatis, qua in creatione induta mens fuit. Sic Beda: addit: Sed post culpam se nudum nouit homo, & pelliceum, id est, mortale sumsit indumentum. De hoc Apoc. 3. Vestimentis albis induaris, vt non appareat confusio nuditatis tue. His vestimentis induitur, qui se per diuinæ gratiæ adiutorium in puritate custodit. Secundum Apoc. 3. Habes pauca nomina in Sardis, qui non inquinauerunt vestimenta sua : ambulabunt mecum in albis: quia digni sunt. Qui vicerit sic vestietur vestimentis albis, & non d. lebo nomen eius de libro vitæ. Hæc autem

autem vestis puritatis datur per susceptionem Baptismi, qui omnes sordes abluit. In cuius designatione baptizatus alba veste vestitur. Et etiam pœnitentiæ; quæ ad Baptismi puritatem conatur reducere; vt dicit August.

Quia vero hæc dispensatio Sacramentorum fit per diligentiam ministrorum, ideo dicitur Ioan. 20. *Accipite spiritum sanctum; quorum remiseritis peccata, &c.*

## De II. Quo adornatum honestatis exterioris

(*Et date annulum in manu eius,*) per pulcritudinem pudicitiae. Annulus enim in manibus significat desponsationem, ac per hoc castum amorem. Ex quo intelligitur, quod annulum in manu portat, qui pudicitiam in operibus suis seruat. Hæc pudicitia etsi appareat in integritate carnis; maxime tamen consistit in integritate fidei; secundum illud 2. Cor. 11. *Despondi vos uni viro virginem castam exhibere Christo.* Vnde annulus est fidei signaculum, quo anima subarratur; vt opera eius placeant Christo. Quia Heb. 11. *Sine fide est impossibile placere Deo.* Ideo & B. Agnes dicebat. *Annulo fidei sua subarravit me.*

Tunc autem annulus est in manu, quando fides relucet in operatione. Quia Iacobus 2. *Fides sine operibus mortua est.* Vnde Glossa Ambro-



Ambrosij. *Date annulum, id est, signaculum fidei, quo signantur promissa in cordibus fidelium. Date in manu, id est, in operatione, ut per opera fides clarescat & per fidem opera confirmantur. In cuius rei designationem, Tullit annulum Pharo de manu sua & dedit ei in manu Ioseph. Gen. 41.*

Et quia non sufficit, quod aliquis sit pudicus in operibus suis; nisi etiam sit obediens & humilis. Ideo subdit: (*Et calceamenta in pedibus eius*) ad promptitudinem sc. obedientiæ, quod dicitur Eph. 6. *Calceati pedes in præparationem Euangelij pacis. Tunc autem illa obedientia est maxime placita, quando fit ex affectu filiali. Cant. 7. Quam pulcri sunt gressus tui in calceamentis, filia principis.*

Et quia nullus est idoneus ad transeundum ex hoc mundo ad patrem, nisi habuerit promptitudinem obedientiæ; ideo in esu Paschalis agni hæc datur edendi forma: *Renes vestros accingetis & calceamenta vestra habebitis in pedibus vestris. tenentes baculos in manibus & comedetis festinantes: Est enim phæse, id est, transitus Domini.*

Et hæc obedientia est maxime necessaria, & requiritur in prædicatoribus exemplo Christi & Sanctorum. Isa. 5. *Quam pulcri supra montes pedes annunciantis & predicantis pacem: annunciantis bonum, predicantis salutem, d centis Sion: Regnabit Deus tuus. Vnde Bedæ glos. tom. 5. Calceamenta autem in pedibus, officium Euangelizandi denunciat; ut mens ad cælestia tendens à terrenarum contagio rerum inuiolata seruetur & munda, priorumque munitus exemplis homo super serpentes & scorpiones securus incedat. Vnde, quia*  
calcea-

calceamenta fiunt de pellibus animalium mortuorum, per hoc possunt designare exempla priorum patrum. Sicut hic dicit Beda.

Quia vero dicuntur dari in pedes, designare possunt vetustatem peccati. Ideo dicitur Moyse Exod. 3. *Solve calceamentum de pedibus.* Et Lucæ 10. *Nolite portare sacculum, neque peram, neque calceamenta.* Vnde supra loquitur de calceamentis ad litteram, hic autem per similitudinem parabolicam.

## P A R S IV.

*De misericordia patris in reficiendo famelicum.*

**P**OST misericordiam in suscipiendo indignum, & vestiendo nudum, subditur hic misericordia in reficiendo famelicum. Et hoc recto ordine: quia post remissionem culparum, & vestitionem virtutum, sequitur diuinarum oblectatio deliciarum. Quæ confurgit ex duplici consideratione. I. Ex consideratione saluatoris nostri. II. Hominis saluati.

De I. (*Adducite vitulum saginatum & occidite.*) Is Christus erat in cruce occisus, in ara nobis propositus. Vitulus dicitur, quia pro peccatis oblatuſ est. Leu. 1. *Immolabit vitulum coram Domino & offerent filij Aaron sacerdotes sanguinem eius fundentes per altaris circuitum, quod est ante ostium tabernaculi.* Dicitur autem saginatus, quia omnibus bonis repletus est & suauissimus ad spiritualem cibum. Vnde Glossa

h\*

hic

hic. *Christus vitulus est saginatus omni spiritali virtute optimus, vt pro totius salute sufficiat. De hoc in figura Genes. 18. De conuiuio angelis facto ab Abraham dicitur, quod Abraham ad armentum cucurritet & tulit inde vitulum tenerrimum & optimum. Hunc vitulū adducunt serui Christi & occidunt, dum immolant in ara. Item, occiditur, cum mors eius per predicatorem ad memoriam reuocatur. Sic Beda hic. Tunc nobis occiditur, cum fide creditur, aut mente cogitur, &c. Cæterum, etsi omnes Christiani reficiantur ex passione Christi; illi tamen potissime, qui per illam se à maioribus malis ereptos vident. Ideo subdit. (Et manducemus, & epulemur: ) Non vt carnales. Isa. 22. Comedamus & bibamus, cras enim moriemur: Sed spiritaliter: 1. Cor. 5. Pascha nostrum immolatus est Christus. itaq; epulemur non in fermento veteri; neq; in ferment. malitie & nequitie; sed in azymis sinceritatis & veritatis. Et Cant. 5. Comedite amici, & bibite, & inebriamini charissimi. In hoc conuiuio Christus est cibus, conuiua & dispensator, quia ipse delectatur nobiscum, & nos cum ipso, & hoc faciente ipso: Ecce sto ad ostium & pulso: Si quis aperuerit mihi ianuam, intrabo ad illum, & cœnabo cum illo, & ipse mecum. Apoc. 3.*

De II. *Quo ad hominis saluati considerationem.*

( *Quia hic filius meus mortuus fuerat,* ) per culpam quæ mortuos facit. Psal. 113. *Non mortui laudabunt te domine. Et iterum Ioan. 2. In peccato vestro moriemini. ( Et reuixit: )* per pœnitentiam. Eph. 5. *Surge, qui dormis,*



*dormis, & exurge à mortuis: & illuminabit te Christus. Et in Psal. 103. Ausferes spiritum eorum, & deficient. Deinde, Emittes spiritum tuum, &c.*

*(Perierat, per amissionem iustitiæ. Rom. 2. Qui-  
cunque sine lege peccauerunt, sine lege & peribunt. 2. Pet.  
2. In corruptione sua peribunt percipientes mercedem ini-  
ustitiæ suæ. (Et inuentus est, ) per recuperationem gra-  
tiæ: Iob 34. Inueni, in quo ei propitiûr. Et hæc facit Do-  
minus, cum gratiam infundit. Psal. 88. Inueni Da-  
uid seruum meum, oleo sancto meo unxi eum.*

*Et quia de hoc est omnibus gaudendum; ideo  
subdit: (Et cœperunt epulari ) Bedæ Glossa: Non solum  
filius, pro quo vitulus occisus est, reficitur: sed & pater, &  
serui eius. Quia refectio Dei, & Sanctorum est salus  
peccatorum. In cuius figura dicitur Deut. 16. E-  
pulaberis in festiuitate tua tu, & filius tuus, & filia tua, &  
seruus tuus, & ancilla, Leuites quoque & aduenæ, & pu-  
illus, ac vidua, qui intra portas tuas sunt, &c.*

### III. CONCIONIS DISPO- SITIO,

*Erat autem filius eius senior in agro, &c:  
Luc. 15:*

**SCOPVS.** Filij obedientis indignatio, eiusdem  
conciliatio declaratur.

### PARTITIO.

*I. De impatientia filij indignantis.*

*II. De clementia Patris ad indignationem placandam.*

h\* 1

PARS

## P A R S I.

*De impatientia filij indignantis.*

**T**Ria hic, ex quibus illa traxit originem. *Primo*, Difficultas laboris peracti. *Secundo*, solennitas gaudij auditi. *Tertio*, Liberalitas paterni beneficij indicati. De I. (*Erat autem filius senior, &c.*) Senior, utpote moribus maturior, patri conformior, & obedientior. Quia Sap. 4. *Canis sunt sensus hominis, & etas senectutis vita immaculata.* Hæc quia nunquam otiiatur; ideo ait, quod (*erat in agro,*) scilicet ad laborandum. Zach. 13. *Homo agricola sum: quoniam Adam exemplum meum ab adolescentia mea.* Unde in agro laborabat secundum sapientis consilium. Prou. 12. *Qui operatur terram suam, saturabitur panibus.* Prou. 14. *Preparatoris opus tuum, & diligenter exerce agrum tuum.* Quia sic dictum homini est: Gen. 3. *In sudore vultus tui vesceris pane tuo.*

De II. *Quo ad solennitatem gaudij auditi.*

(*Et cum appropinquaret domui, &c.*) id est, Congregationi iustorum. Psal. 67. *Deus in loco sancto suo, Deus inhabitare facit vnus maris in domo.* Et 1. Timoth. 3. *Ve scias quomodo oporteat te in domo Dei conuersari, qua est Ecclesia Dei viui, columna & firmamentum veritatis.* In hac domo auditur symphonia & chorus per concordem latitiam interiorum, & exteriorum hominis, id est, morum, animarum, sermonum. Unde Amb.

de Amb. hic. *Symphonia est diuersarum atatum & vir-  
tutum velut variarum chordarum indiscreta concordia.*  
Ita Act. 4. *Multitudinis credentium cor vnum & anima  
vna.* Chorus vero est collectio vocum in & cantando, &  
predicando Deum. Iuxta Psal. 150. *Laudate eum in tym-  
pano & Choro: id est, in S. Ecclesia 1. Cor. 1. Obsecro, vt  
idipsum dicatis omnes.* De vtroque Phil. 2. *Si qua con-  
solatio in Christo, si quod solatium charitatis, si qua socie-  
tas sp. ritus, si qua viscera miserationis, implete gaudium  
meum, vt idem sapiatis, eandem charitatem habentes, vna-  
nimes idipsum sentientes.* Appropinquans ad domum  
audit symphoniam istam. Ad quam appropinqua-  
tur per considerationem S. Scripturæ, Eccl. 51. *Ap-  
propiate ad me indocti, & congregate vos in domum disci-  
plinae.* In Ecclesia enim auditur & scripturæ con-  
cordia, & membrorum Ecclesiæ symphonia in  
tono charitatis. Adeo vt Matt. 22. *In his duobus pen-  
deat lex tota, &c.* Rom. 13. *Qui diligit proximum, legem  
impleuit.* Nam 1. Tim. 1. *Finis precepti est charitas de  
corde puro, &c.*

### De III. Quo ad liberalitatem paterni be- neficii indicati.

(Et vocauit vnum de seruis, & int. quid hac essent.) Iste  
vnus, est ordo prædicantium & docentium. De  
quo Luc. 14. *Misit seruum hora cœna dicere inuitatis.*  
Ab hoc seruo requirenda sunt Sacramenta eccle-  
siastica, & mysteria scripturarum. Quia Mal. 2. *La-  
bia sacerdotis custodient scientiam, & legem requirent ex  
ore eius: quia Angelus Domini exercituum est.* Et quoniã



verus prædicator est annunciator præcipuus diu-  
næ pietatis; ideo subdit: (*Isque dixit illi: frater tuus ve-  
nit.*) sc. per humilitatem pœnitentiæ. Isa. 21. *Si qua-  
ritis, quarite: conuertimini & venite.* Isa. 60. Et filij tui  
de longe venient; & filix tua de latere surgent. (*Et  
occidit pater tuus vit. sag.*) per refectionem Eucharis-  
tiæ. Nam Ioan. 6. *Caro mea vere est cibus, & sang. m.  
vere est potus: qui manducat, &c.* (*Quia saluum illum re-  
cepit.*) per recuperationē iustitiæ, quam solus Chri-  
stus potest restituere. Act. 4. *Nec enim est aliud nomen  
sub cælo datū homini in quo oporteat nos saluos fieri.* Hæc  
a. tria prædicat S. Scriptura, sc. pœnitentiam, gra-  
tiam, & salutē. Vnde Præcursor hæc prædicabat.  
Mat. 3. *Pœnitentiam agite, &c.* Itē & Dominus, Mat.  
4. Item Apostoli verbo & exemplo: 1. Tim. 1. *Chri-  
stus Iesus venit in hunc mundum peccatores saluos facere,  
quorum primus ego sum: Sed ideo misericordiam cō-  
fecutus sum, vt in me primo ostenderet Iesus om-  
nem patientiam, ad informationē eorum, qui cre-  
dituri sunt illi in vitā æt. Vnde & ob peccatores di-  
cebat, vitulum saginatū esse occisum. Ideo Rom.  
5. Commendat charitatem suam in nobis; quoniam cum  
adhuc peccatores essemus, secundum tempus, Christus pro no-  
bis mortuus est: Multo igitur magis nunc iustificati in san-  
guine ipsius, salui erimus ab ira per ipsum, &c. Vbi abunda-  
uit delictum, superabundabit & gratia: Vt, sicut regna-  
uit peccatum in mortem; ita gratia regnet per iustitiam.*

Et quia iustus præfidens de sua iustitia facile in-  
dignatur alterius misericordiæ, ideo subdit: (*Indi-  
gnatus est autem, & nōlebat introire:*) Et talis nō potest  
introire ad vnitatem ecclesiasticæ charitatis. De  
tali-

talibus Rom. 10. Ignorantes iustitiam Dei, & suā quærentes statuere, iustitiæ Dei non sunt subiecti. Et hac de causa Iudæi nolunt eam inire vnitatein: quorum similes sunt fidentes suæ iustitiæ. Rom. 3. Iustificati gratis per gratiam ipsius, & per redemptionem, quæ est in Christo Iesu; quem proposuit Deus propitiatorem per fidem in sanguinem ipsius, &c. ut sit ipse iustus, & iustificas eum, qui est ex fide Iesu Christi, ubi est ergo gloriatio tua? Exclusa est. sequitur: Arbitramur enim iustificari hominem per fidem sine operibus legis. Hic autem frater mala sui confidentia ambulabat non in iustitia. Quia Prou. 19. Qui ad indignandum facilis est, erit ad peccata procliuior.

## P A R S II.

*De clementia patris ad indignationem placandam.*

**T**Ria hic. Primo, Patris allocutio pia, Secundo, Filij responsio proterua. Tertio, Persuasio placatiua. De I. (Pater ergo illius egressus cepit rogare illum.) Egressus ad exteriora per condescensionem. Iuxta Abac. 3. Egressus es in salutem populi tui, & in salutem cū Christo tuo. Egredi igitur est manifestare se in carne. Isa. 62. Propter Sion non tacebo, & propter Ierusalem non quiescam, donec egrediatur ut splendor iustus eius. Egressus ille fuit ex pietate, ideo ait: (Cepit rogare eum.) Nam, Hebr. 11. Tanquam filiis nobis offert se Deus; rogat ergo, si contra ipsum

h\* 4      dedi-



dedignamur; Iuxta Isa. 30. *Aures tuae audient verbum post tergum monentis: Hæc est via; ambulate in ea.* Vnde contra indignatum filium pater non indignatur; sed potius eum rogat & consolatur. Isa. 66. *Quomodo sicut mater blandiatur: ita ego consolabor vos.* Nec immerito. Quia 2. Cor. 1. *Ipse est Pater misericordiarum, & Deus totius consolationis: qui consolatur nos in omni tribulatione nostra.* Vnde Iere. 3. *Ergo saltem modo voca me: Pater meus, dux virginitatis meæ tu es, &c.* Impletur illud Iob 19. *Orabam filios uteri mei.*

## De II. Quo ad filij responsionem.

(*At ille resp. dixit Patri suo. Ecce, tot annis serui tibi.*) Proteruum hoc quia se iactat: Cum tamen pater obsequio nostro non indigeat: Iuxta Psal. 15. *Dixi Domino, Deus meus es tu: quoniam honorum meorum non eges.* Iob 33. *Porro, si iuste egeris, quid donabis ei? aut quid de manu tua accipiet?* Ostendat ergo se pro patre magna fecisse; Seque nihil contra eum fecisse: quia addit: (*Et nunquam mandatum tuum prateriui.*) In quo se ipsum iustificat. Cum tamen, 1. Cor. 4. *Nihil mihi conscius sum; sed non in hoc iustificatus sum.* Contra illud supercilium 3. Reg. 8. *Non est homo, qui non peccet.* 1. Ioan. 1. *Si dixerimus, quoniam peccatum non habemus, ipsi nos seducimus.* Quia Rom. 3. *Omnes peccauerunt, & egent gloria Dei.* Ostendat ergo suam iustitiam; accusat patris duritiem, dicens: (*Et nunquam dedisti mihi hædum, ut cum amicis meis epularer.*) q. d. semper fuisti mihi durus, & negasti interiorem consolationem. Hoc autem fit à Deo iusto iudicio.

Eccl.



Eccl. 9. *Sunt iusti, atque sapientes, & opera eorum in manu Dei: Et tamen nescit homo, vtrum amore an odio dignus sit; sed omnia in futurum seruantur incerta.* Iste autem non attendens occulta Dei iudicia patris duritiem accusat, quasi dicat, illud Iob 30. *Mutatus es mihi in crudelem, & in duritia manus tue aduersaris mihi.* Similiter reprehendit patris clementiam, dicens: (*Sed postquam filius tuus hic.*) quasi dicat, non frater meus. Sicut indignans Dominus, Exod. 32. *Descende, peccauit populus tuus.* (*Tuus,*) inquit; non meus; quia ob culpam dedignor agnoscere fratrem. Ideo addit: *Qui deuorauit substantiam suam cum meretricibus, venit.*) Et ita dignus est ira. Quia prodigus inmundus erat, meritoque perdendus. Psalm. 72. *Perdidisti omnes qui fornicantur abste.* Et facta est Ierusalem quasi polluta menstruis inter eos. *Iustus est Dominus, quia os eius ad iracundiam prouocauit.*

(*Occidisti illi vitulum saginatum,*) ostendendo summam beneuolentiam; cum scilicet dat deuotionem circa passionem Domini. Vt Cant. 1. *Fasciculus myrrhæ Dilectus meus mihi, inter vbera mea commorabitur. Botrus Cypri Dilectus meus mihi in vineis Engaddi.* (*Occidisti ei.*) id est, per deuotionem dedisti, ac si solum pro ipso occisus esset. Sicut Paulus Gal. 2. *Quod autem nunc uiuo in carne, in fide uiuo filiis Dei; qui dilexit me, & tradidit semetipsum pro me.* Vnde præ mille, ait: *Christo confixus sum cruci.* Iste igitur arguit clementiã patris, accusat duritiã, ostenditque suã iustitiã; nec attendit, quod Deus superbis resistit, humilibus autem dat gratiam. Iac. 4. Si-

quidem Deus peccatoribus est duleis; vt eos excitet ad spem, & durus iustis; vt eos inclinet ad humilitatem. Ideo dicitur, Luc. 17. *Cum fueritis omnia quae praecepta sunt, dicite, serui inutiles sumus.*

### De III. Quo ad satisfactionem placatiuam.

( *At dixit illi: Fili, tu semper mecum es.* ) Benignissima responsio. Quia cum posset arguere filium de praesumptione, indignatione, proteruia, & inhumanitate, tamen non arguit, vt magis perturbet; sed pie blanditur, vt leniat. Quia Prouerbiorum 15. *Responsio mollis frangit iram.* Non ergo arguit iratum; sed dulciter & rationabiliter placat iratum laudando filij obedientiam, cum ait: ( *Fili, tu semper mecum es,* ) scilicet, obsequenter: esque de ijs, de quibus Luc. 22. *Vos estis, qui permansistis mecum in tentationibus meis.* Es ille, vt dicere queas, Psalm. 72. *Vt iumentum factus sum apud te; & ego semper tecum,* scil. vt pater cum filio: Et Filius manet in domo in aeternum.

Placat etiam ostendendo beneuolentiam, cum addit: ( *Et omnia mea tua sunt,* ) per beneuolentiam Charitatis. Iuxta 1. Cor. 3. *Omnia enim vestra sunt,* siue Paulus, siue Apollo: Sequitur, *siue praesentia, siue futura.* Omnia enim vestra sunt, vos autem Christi: Christus autem Dei. Quia. Ro. 8. *Qui proprio filio suo non pepercit; Sed pro nobis omnibus tradidit illum, quo modo non etiam cum illo omnia nobis donauit.* Vult ergo dicere: et si magna non ostendam, tamen magna refer-

uo. Iuxta Isa. 64. *Oculus non vidit, Deus, absque te, qua preparasti expectantibus te. Omnia ergo sunt iusti vel in re, vel spe. Nam cum sint quædam superiora, quædam inferiora, quædam paria. Superiora sunt viri iusti ad fruendum. Psalm. 72. Deus cordis mei, & pars mea Deus in æternum, æqualia scilicet angelis ad coadiuuandum. Heb. 1. Omnes sunt ministratores spiritus in ministerium missi propter eos; qui hereditatem capient salutis. Inferiora iusti sunt ad vtendum & dominandum. Psalm. 8. Quid est homo, quod memores eius, aut filius hominis, quoniam visitas eum? Sequitur: Omnia subiecisti sub pedibus eius, &c. In quo apparet beneuolentia patris.*

2. Placat approbando impensam misericordiam, cum subiungit: (*Epulari autem & gaudere oportebat,*) charitate scilicet urgente. Quia 2. Cor. 5. *Charitas Christi urget nos. Et sicut charitatis est, vri de alieno scandalo: Iuxta 2. Cor. 11. Quis scandalizatur, & ego non vrer? Sic latari & refici de alieno remedio. Ideo ait: (Quia frater tuus hic mortuus erat, & reuixit: perierat, & inuentus est.) Mortuus, deserendo Christum. Qui de se ait, Ioan. 14. Ego sum via, veritas, & vita. Et Ioan. 1. Vita erat lux hominum. (Perierat) amando peccatum. Quia Ecel. 3. Qui amat periculum peribit in eo. (Reuixit:) redeundo ad Christi gratiam. Ioan. vndecimo. Ego sum resurrectio & vita. (Et inuentus est.) redeundo ad poenitentiam. Sicut supra inuenta fuit ouicula: item & drachma. [Et ideo epulari oportebat & gaudere.] Quia Lucæ decimoquinto. Gaudium*

est



*est angelis Dei super vno peccatore poenitentiam agente.*  
 Gaudium etiam pastori de oue, & muliere de  
 drachma; Ergo maius esse debet fratri de fratre: &  
 patri de filio reperto.

---

## FERIA II. POST DOMIN. III. QVA- DRAGESIMÆ.

*Vtique dicetis mihi hanc similitudinem:*  
*Medice cura, &c. Luc. 4.*

**SCOPVS.** Confirmauerat suam doctrinam  
 Dominus in antegressis, ad eruditionem cre-  
 dentium. Nunc porro introducit exemplum ad  
 confutationem detrahentium. Qui quoniam  
 confutati efferantur ad vsque persecutionem;  
 Ideo eos esse declinandos admonet.

### PARTITIO.

- I. De detractiōibus Christo factis.
- II. De confutatione detrahentium.
- III. De persecutione malignantium.
- IV. De persequentium declinatione.

### PARS I.

*De detractiōibus factis Christo.*

**D**etrahentium conuitia in prædicatores ac  
 Christum tripliciter exprimuntur. I. Per  
 modum

IN FER II. POST DOM. III. QVAD. 125  
modum apertæ contumeliæ illius: Nonne hic est fi-  
lius Ioseph?

II. Per modum occultæ ironiæ: hic; dum ait:  
*Vtique dicetis mihi hanc similitudinem*, scilicet, hoc  
quod eos cogitare videbat. Ideo ex abundantia cordis  
eorum os loquitur Domino. Matth. 12. quali dic. Cu-  
rat alienos; & patriæ suæ ciues negligit. Suberat  
huic dicto magna incredulitas & sarcasmus. Un-  
de Matt. 13. *Non fecit ibi virtutes multas, propter incre-  
dulitatem illorum.* Bene igitur Glossa Bedæ hic: *Fru-  
stra opera misericordiæ cælestis expectas, si alienis virtuti-  
bus inuides. Aspernator enim inuidorum est Dominus, &  
ab his miracula suæ potentiæ auertit; qui benefi-  
cia diuina in aliis persequuntur.* Ironice vocant  
medicum, quem verum deberent confiteri. Nam  
Iob 5. *Ipsè vulnerat & medetur.* Despiciunt, quem  
colere deberent. Nam Eccl. 38. *Honora medicum  
propter necessitatem. Altissimus creauit de terra medici-  
nam: Et vir prudens non abhorrebit illam.*

III. Infectionis modum exprimit, cum ait:  
[*Quanta audiuiumus facta in Capharnaum?*] Vnde  
Matt. 13. *Et tu Capharnaum nunquid vsque in cælum ex-  
altaberis? & Terra Sodomorum remissius erit in diē iu-  
dicii quàm tibi.* Porro ex fama miraculorum argue-  
bant eum. Dicebantque [ *fac & hic in patria tua.* ] q.  
d. Eccl. 14. *Qui sibi nequam est, cui alii bonus erit?* 1. Ti-  
moth. *Si quis suorum, & maxime domesticorum,  
curam non habet, fidem negauit.* Eccl. 17.  
Mandauit illis vnique de proxi-  
mo suo.

## P A R S II.

*De confutatione detrahentium.*

**H**Æc tripliciter fit. Primo per generale uerbium. Secundo per spirituale exemplum. Tercio in Elisæo. Primum est ad commouendum. Secundum ad confutandum. Tertium ad confirmandum.

De I. *Amen dico vobis, quia nemo propheta acceptus est in patria.*) scilicet, nec quoad doctrinam, nec quoad vitam: in quibus propheta excellere consueuerunt. Sed ingratis & indignis non sunt miracula facienda. Ita euenit Iosepho. Gen. 37. Qui à fratribus venditur: ab Ægyptiis autem honoratur. Gen. 41. Sic Num. 12. Moyses ab Aaron & Maria contumeliam patitur. Et à contribulibus obiurgatus. Sic Abraham. Gen. 12. à ciuibus suis in Chaldæa patitur: Ideo à Deo dicitur ei: *Egredere è terra tua, & de cognatione tua.* &c. Causam assignat Glossa Bedæ. *Quia prope naturale est, ciues inuidere ciuibus.*

De II. *Quoad exemplum Elia.*

(*In veritate dico vobis.*) Nam Ioan. 17. *Sermo tuus veritas est.* Etiam veritatem dicebat, cui erat credendum; nec tamen credebant. Vnde Ioa. 8. *Si veritatem dico, cur non creditis mihi?* Et illud Iob. *Quare detraxistis sermonibus veritatis?* Et hæc est veritas certa, quia sumitur de scriptura. Vnde additur: *Multa vidua erant in diebus illis Elia in Israel,* ] quæ sc. erant in neces-



necessitatibus constitutæ. Ier. 18. *Multiplicata sunt mihi viduæ eius super arena maris.*

Erant enim in necessitate constitutæ, propter defectum pluviæ, ideo addit: [ *Quando clausum est quædam annis tribus & mensibus sex.* ) Sicut Dominus eorum inatus fuerat. Leu. 26. *Sin autem nec sic oberrat &c. dabo vobis cælum de super sicut ferreum.* Deu. 28. *Sit cælum, quod supra est, æneum; & terra, quam calceis ferrea.* Et sic factum est propter peccata eorum. Vnde Ier. 3. *Polluisti terram in fornicationibus tuis, & in malitiis tuis; quam obrem prohibita sunt stilla pluiarum, & serotinus imber non fuit.* Erant in necessitate, ob terrestris alimonie defectum. Ideo additur: ( *Cum facta esset fames magna in illa terra:* ) vt dicitur 3. Reg. 18. *Erat fames vehemens in Samaria, &c. Impletumque illud Psal. 58. Famem patientur vt canes, & circumibunt ciuitatem. Quia circuibat Rex & dispensator domus sue ad inuenienda pascua.* 3. Reg. 18. Et licet in tanta essent necessitate, tamen ad ( *nullam illarum missus est Elias,* ) vt eas miraculo releuaret. Vnde Psal. 106. *Esurientes & sitientes anima eorum in ipsis defecit.* Sed extraneam releuauit: ideo ait: ( *Nisi in Sarepta ad mulierem viduam,* ) vt est, 3. Reg. 17. *Præcepi enim mulieri vidua, vt pascat te:* Imo ipsa per te.

### De III. Quoad exemplum Eli- sæi.

( *Et multi leprosi erant in Israel sub Elisæo.* ] Vnde quarto Regum septimo. *Erant quatuor viri leprosi iuxta*

*iuxta introitum porta Samariæ; & multi alij in necessitate pari: [ & nemo eorum mandatus est, nisi Naaman Syrus. ]* Vt est 4. Reg. 5. Et hoc in isto Leuiudicio: Quia non erant digni. Ab horum simili ostendit Dominus, eos æque indignos esse, quibus miracula faciat. Similiter ratiocinatur Matth. 23. *Itaque testimonio estis vobismetipsis. Quia filii estis horum, qui prophetas occiderunt. Et vos implete mensuram patrum vestrorum.* Ita quoque Act. 7. *Dura ceruice & incircumcisi cordibus, & auribus; vos semper Spiritui S. resististis; sicut Patres vestri, & vos. Quem prophetarum non sunt persecuti patres vestri? Itaque conuicti sunt: quod defectus miraculorum non Christo, sed ipsorum inuidiæ & infidelitati imputandus esset.*

NOTA, Mystice ostendi utroque exemplo indignitatem Iudæorum respectu gentilium; quoad defectum pœnitentiæ; & contagium malitiæ vniuersale; quod in Iudæis remansit incuratum: sed in Gentibus est sanatum per Christum. 1. Clausura enim cœli designat defectum gratiæ & doctrinæ. Deut. 11. *Cauete ne forte decipiatur cor vestrum, & recedatis à Domino, &c. iratusque Dominus claudat cœlum, & pluuia non descendant, & terra det germen suum.* De qua pluuia Psalm. 67. *Pluuiam voluntariam segregabit Deus hereditati tue.*

2. Et ex hoc fit fames, & indigentia omnis boni. Iob 18. *Attenuetur fames robur eius, & inedia inuadat costas illius.*

NOTA, dici subtractam pluuiam annis tribus & mensibus sex: quia tot annis Dominus præ-

prædicauit, nec receperunt pluuiam gratiæ, exigentibus peccatis suis. Hebr. 6. *Terra sepe venientem super se bibens imbrem, & germinans herbam opportunam illis à quibus colitur, accipit benedictionem à Deo: proficiens autem spinas & tribulos, reproba est & maledictio proxima.*

3. Interea autem mittitur verus Elias Iesus in Sarepta Sidonis ad viduam. Quæ designat gentilitatem: vt ostendit Beda in Glossa. Saluata enim est Gentilitas derelicta Iudæa. Iuxta Luc.


4. *Quoniam repellitis Verbum Dei, & indignos vos iudicatis æternæ vitæ; ecce conuertimur ad gentes.*

4. Infectio lepræ designat corruptionem malitiæ, quæ fuit in omnibus ante aduentum Christi. Iuxta Psalm. 13. *Corrupti sunt, & abominabiles facti sunt.* Ab hac non est curata Iudæa. Ezech. 24. *Mundare te volui, & non es mundata à sordibus tuis. Sed nec mandaberis prius, donec quiescere faciam indignationem meam in te.*

5. Sed Naamân, id est, Decor, mundatur, & designat gentes per baptismum decore mundatas. Ose. 8. *Vsq̃ue quo non poterunt emundari?* Ezech.

36. *Effundam super vos aquam mundam, & mundabim̃ ni ab omnibus inquinamentis vestris.* Sicque

literaliter & mystice est confutatio Iudæorum.





## PARS III.

*De persecutione malignantium,*

**T**Ria hic. I. Iracundia mentis. II. Violentia operis. III. Perfidia intentionis. De I. [*Es repleri sunt omnes in Synagoga ira, hac audientes.*] Iuxta Amos 5. Odio habuerunt corripientem in porta. Vnde Prouerbiorum 9. Noli arguere derisorem, ne oderit te. Argue sapientem, & diliget te. Ideo audita veritate irritati sunt; non eruditi. Eccles. 7. Ne sis velox ad irascendum; quia ira in sinu stulti requiescat. Iob 5. Vere stultum interficit iracundia. Quia Prouerbiorum 27. Ira non habet misericordiam; nec erumpens furor.

De II. Violentiam autem operis insinuat, cum addit: [*Et surrexerunt, & eiecerunt illum extra ciuitatem;*] vt blasphemum. Iuxta Leu. 24. Educ blasphemum extra castra; & lapidet eum populus vniuersus. Sicq; impleta parabola, Matth. 21. de colonis filium è vinea eiicientibus. Isa. 5. Vineam enim Domini exerc. Domus Israel est. Sic factum Stephano. Act. 7. Impetum fecerunt vnanimiter in eum, & eiicientes eum extra ciuitatem, lapidabant. Vnde Saluator hoc eis dicere quibat: Iud. 11. Nonne vos estis, qui odistis me; & eiecistis de domo patris mei?

De III. Perfidiam intenti finis explicat dicens: [*Et duxerunt illum vsq; ad supercilium montis, super quem ciuitas illorum erat edificata.* Ah: 2. Reg. 20. Quare precipitas hereditatem Domini? Et in hoc dæmone peio-

res erāt: vt Beda ait. Quia, quod hic verbo tantum dixit: *Mitte te hinc deorsum*: id isti conati sunt facto. Sed non valuerunt: quia Ioan. 10. *Ipse habebat potestatem ponendi animam suam*: nemo autem tollendi ab eo. Vnde Beda: *Non à Nazareis precipitari; non à Ierosolymitis lapidari, non inter pueros Bethlehemitas periri; non alia voluit morte consummari; sed crucis voluit expectare triumphum.* Ipsa enim est typus Monarchiæ singularis. Nam Phil. 2. *In nomine Iesu omne genua flectetur, &c.*

## P A R S IV.

*De persequentium declinatione.*

**N**Equibant ei violentiam facere trahendo, impellendo, aut portando. I. Non vim detentionis: Quia (*Ipse transiens.*) Amb. tō. 3. l. 4. in Luc. c. 4. *Quod capitur à paucis & tenetur; voluntatis est. Quod à populo modo non tenetur, sed transit; maiestatis est.* Quare nil potentiam eius retardare valebat. Hinc Cant. 2. *Ecce iste venit saliens in montibus, transiliens colles.* Fuit autem iste transitus in virtute propria; sed Petri. Act. 12. in aliena.

II. Non vim impulsione: Quia (*Per medium eorum,*) q. d. Ab nullo poterat superari. Vnde Ps. 26. *Si consistant aduersum me castra, non timebit cor meum.* Simile Ioan. 10. *Quarebant eum apprehendere, scilicet ad lapidandū: & exiuit de manibus eorum.* Per medium vadit: Quia Mediator Dei & hominum semper diligit mediū. Io. 1. *Medius vestrum stetit, quē vos nescitis.*

III. Non vim vectationis: quia [*ibat:*] sc. virtute

te propria: vt animalia Ezech. 1. *Ibant & reuertebantur in similitudinem fulguris coruscantis.* (*Ibas*) scilicet, non in præceps; sed descendebat, ait Beda, sub rupem, illic edente petra, eumque suscipiente. Verum hoc Ioann. septim o. *Quæritis me & non inuenietis; & vbi ego sum, non potestis venire.* Quo ostenditur Domini potentia. Quia non poterant illum lædere; sed & lapides obediebant ei. Ostenditur & patientia: quia celsit Dominus, nec eos læsit: Sicut Ioan. 8. *Exiuit, & abscondit se ab eis.*

NOTA. Mors est Domino quatuor modis intentata. Alij gladio perimere eum nitebantur. Alij præcipitio: Alij lapidatione: Alij Crucifixione. Matthæi vigesimo septimo. Spiritu aliter enim Christus crucifigitur in nostra redemptione. De his Hebræorum 6. *Rursus sibi metipsis crucifigentes filium Dei, &c.* Lapidatur autem in obduratione. Matthæi vigesimo tertio. *Ierusalem, Ierusalem, quæ occidis prophetas, & lapidas eos.* Præcipitatur in desperatione: Ieremiæ 22. *Succident electas Cedros tuas, & præcipitabunt in ignem.* Gladio perimitur in blasphematione. Psalm. 56. *Filii hominum dentes eorum arma & sagitta: & lingua eorum gladius acutus.*





FERIA III. POST DOM. III. QVA-  
DRAGESIMÆ.

*Si peccauerit in te frater tuus. Mat-  
thæi 18.*

SCOPVS. Docet, vt in priuata publicaue cor-  
rectione fraternæ se gerat Christianus.

PARTITIO.

- I. *De secreta admonitione.*
- II. *De admonitione coram testibus.*
- III. *De annuntiatione peccati.*
- IV. *De orationis efficacia.*
- V. *De numero dimittendi.*

PARS I.

*De secreta admonitione.*

**D**Vo hic. Primo dat suum documentum Do-  
minus. Secundo rationem assignat. De I. no-  
ta. Dum ait : [ *Si peccauerit, &c.* ] loquitur  
de peccato perpetrato, quare aliter proceden-  
dum est in peccato perpetrato : aliter in perpe-  
trando, quia perpetratum non potest esse non  
perpetratum. In perpetrando est opera dan-  
da ne fiat. Esaïæ 50. *Dissolue colligationes impie-*  
*tatis,*

*vatis, solue fasciculos deprimentes, &c. (In te,) gloss.* si iniuriam vel contumeliam intulerit tibi. Monet, vt peccatum factum contra nos, remittamus: sed quod fit contra Deum, nos remittere non possumus, vt dicit gloss. 1. Regum 2. *Qui peccauerit contra Deum, quis orabit pro eo, &c.* Item debes præcipue curare iniurias à fratre illius, qui tecum est in eadem societate; de aliis etiam habenda est cura, sed non tanta. *Quid nobis de eis qui foris sunt, &c.* 1. Cor. 5.

(*Vade, & corripe eum, &c.*) Dominus discipulos ad perfectam sollicitudinem ducit. Matth. 7. Dominus dixerat, si quis offenderet fratrem, vt relinqueret munus ante altare, &c. Hic amplius: non solum, qui læsit; sed qui læsus est. Psalm. 119. *Cum his qui oderunt pacem, eram pacificus.* Et nunquid primo remittes? Non; sed primo debes corripere: vnde non iubet cuique dimittere sed pœnitenti. Item dicit, (*corripe,*) non increpa vel exaspera, & breuiter ostende. Si cognoscit; debes dimittere. *Instruite eos in spiritu lenitatis.* Galat. 6. Sed nunquid peccat, qui hanc correctionem dimittit? Augustinus. *Si non corripis, peior factus es tacendo, quam ille peccando.* Cum itaque sit verum; quod omnes corripere teneantur, tamen solis prælatis id conuenit ex officio, aliis vero ex charitate.

Aliquando Dominus permittit bonos cum malis puniri. Quia non corripuerunt malos. Dicit tamen Augustinus, quod aliquando debemus desistere, si times, ne propter corre-

tionem istam non emendentur ; sed deteriores reddantur. Item, si times ne inducat persecutionem Ecclesiæ ; non peccas. Si vero desistis , ne lædaris in temporalibus , ne molestia tibi accadat , vel huiusmodi : peccas. Prouerbiorum nono. *Argue sapientem , & dilget te , &c.*

( *Corripe eum inter te , & ipsum solum.* ) Quia ista correctio fit ex charitate ; charitas autem est amor DEI & proximi. Si amas , debes salutem eius diligere. Sed in hoc duo sunt attendenda : Conscientia , & bona Fama. Si vis ergo eum saluare , debes famam eius saluare : hoc autem facies corrigendo *inter te , & ipsum*. Si ante omnes corripis , famam eius tollis : tamen conscientia præponenda est famæ. Frequenter accidit , vt , quando homo videt publicari peccatum suum , ita fiat effrons , vt omni peccato se exponat. Hierem. secundo. *Sub omni ligno frondoso tu prosterneberis meretrix.* Ecclesiast. quarto. *Est confusio peccatum adducens.* Contra obiicitur , primo Corinthiorum quarto. *Peccantem coram omnibus argue.* Recte : si publice delinquatur. Est enim aliquis peccans publice , & tunc publice increpandus est : & aliquis secretus , & tunc secreto est increpandus. Pater : quia dicit Augustinus , *quod si te solo sciente peccauerit , corripe eum inter te & ipsum , &c.*

( *Quod si te audierit , lucratus es fratrem tuum.* ) Hoc dicit. I. Vt scias quo fine debeas corripere ; quia si propter te ipsum corripis , nihil facis , nam vbi



priuata est emenda, non est correctio meritoria. Sed si propter Deum, tunc valet. 2. Ut menti fratris inferas correptionem, & doctrinam. Dices: Perdere fratrem suum non est iustum. Sed monendo, *lucratus es fratrem tuum*. Quia ipse est membrum tuum, ideo sicut membrum membro compatitur, sic & tu fratri tuo. Item lucratus, quia tibi ipsi lucraris salutem. Iacob 4. *Qui iudicat fratrem suum, detrahit legi, & iudicat legem*. Vnde Iacob 5. *Qui conuerti fecerit peccatorem ab errore viæ sue, liberat animam eius à morte, & operit multitudinem peccatorum.*

## P A R S II.

### *De testimonio.*

**S***I autem te non audierit, adhibe tecum vnum, vel duos, &c.*) Deuteron. 19. *In ore duorum vel trium testium stet omne verbum.* *Quæstio.* Quare statim non inducit testes? *Dicendum.* Sic debet mundari conscientia, vt non lædatur fama: vnde si primo, & per se potest, bene quidem: Si non, tunc aduocet testes. Et Hieronymus dicit, quod vnum primo, & post duos. *Quare?* vt sint testes correctionis factæ. Sique vltius procedit; non est tibi imputandum. Hieronymus etiam ad hoc, vt illico conuincatur de peccato: Quia aliqui sunt ita pertinaces, vt non reco gnoscant, ideo debet testes adducere.

Contra August. dicit, antequam duobus ostendar,

dat, debet ostendere præposito: & hoc est ostendere Ecclesiæ. Ergo videtur pervertere ordinem. Dico, potest ostendi prælato, vel ordini iudiciario, vel vt personæ priuatæ. Intendit August. debere ostendi præposito primo, vt personæ priuatæ; vt tanquam persona priuatæ det operam correctioni.

## P A R S III.

### *De annunciatione peccati.*

**S**I eos non audierit, dic Ecclesiæ.) Hic ponitur denunciatio. Et primo denunciat: Secundo ponitur sententia: Tercio efficacia. i. Dicit, (*Si autem non, &c. Dic Ecclesiæ*) id est, toti multitudini, vt cōfundatur: vt, qui noluit sine confusione corripī, cum confusione corripiatur. Est enim confusio adducens peccatum; & est confusio adducens gloriam & gratiam. Eccl. 4. 2. Vel Ecclesiæ, id est, iudicibus; vt corrigatur. Deut. 21. *Si aliquis habeat filium contumacem, & proteruum, qui non audierit patris & matris imperium: & coercitus audire contemserit: apprehendent eum, & ducunt ad seniores civitatis illius, & ad portam iudicij, &c.*

2. Deinde additur pœna: (*Si Ecclesiam non audierit, sit tibi, &c.*) Ethnici sunt gentiles & infideles: publicani, qui tributa recipiunt, qui sunt publici peccatores. Vnde quasi separati excommunicentur per sententiam Ecclesiæ: quia Ecclesiam non audierint.

3. (*Amen dico vobis, &c.*) Hic ponitur efficacia huius sententię: quia posset quis dicere; quid curo

ego si ecclesiæ dicatur, & sim excommunicatus? Ideo ostendit (*Amen dico vobis, quaecumque alligaueritis super terram, erunt ligata & in cælo: & quaecumque salueritis, &c.*) Supra dicta sunt Petro hæc: hic autem dicitur toti Ecclesiæ. Et dicitur alligare, vel quia non soluit, vel quia excommunicat. Origenes notat: hic dicit *in cælo*; cum Petro loquutus est, dixit, *in cælis*, ad designandum, quod Petrus habet vniuersalem potestatem: hic *in cælo*; quia vniuersalis non est eis potestas, sed in aliquo loco.

## P A R S IV.

### *De orationis efficacia.*

**P**rimo ponit efficaciam orationis. Secundo rationem dat. I. Dicit, (*Iterum dico vobis, &c.*) Dices. Multa petimus, quæ non obtinemus. 1. Hoc contingit propter indignitatem petentium, vnde dicit, *Duo ex vobis, scilicet qui secundum Euangelium viuitis, Iac. 4. Petitis & non accipitis; eo quod male petatis.* 2. Quia non consentiunt, nec habent vinculum pacis. *Impossibile est enim preces multorum non exaudiri, si ex multis orationibus fiat quasi vna.* 2. Cor. 1. *Vt ex multarum personis facierum eius, quæ in nobis est, donationis per multos gratia agantur pro nobis.* 3. Quia petunt, quod non expedit eis ad salutem. *Petitio enim debet esse de re vili.* Mart. 20. *Nescitis*



scitis quid petatis. (Fiet illis à Patre meo, qui est in cælis,) id est, in altis. Vel in cælis, id est, in nobis.

II. (Vbi enim sunt duo, vel tres congregati in nomine meo, &c.) Congregatione Sanctorum non terrenorum. Psal. 110. In consilio iustorum & congregatione, magna opera Domini. (Vbi ergo duo vel tres,) Charitas non est in vno, sed in pluribus, unde I. Ioh. 4. Qui manet in charitate, in Deo manet, & Deus in eo, ideo (ego sum in medio eorum.)

## P A R S V.

### *De numero dimittendi.*

**T**Vnc accedens Petrus dixit ad eum (Domine.) Supra docuit, quo ordine sit dimittendum, scilicet post correctionem: hic agit de numero quoties sit dimittendum. Primo ergo ponitur Petri interrogatio: Secundo Christi responsio: I. (Tunc accedens:) audito hoc verbo, si peccauerit in te frater tuus, &c. motus fuit Petrus an semel, an pluries dimitteret, dixit: (Quoties peccabit in me frater meus. Nonne dimittam usque septies?) q. d. usque septies, infirmitatis est; sed plus malitiæ. Item sciebat illud, 4. Reg. 5. quod Helisæus præcepit Naaman, vt septies lauaret se in Iordane: Ideo cogitavit, quod septies dimittere deberet.

(Dixit ei Iesus: Non dico tibi septies, sed  
septuagies.)

*Septuagies septies.*) septies aggregatiue; vt sit sensus, nō septies, sed 70. vicibus, vel multiplicatiue; ita, vt septem vicibus septuagenis. Sic exponit Hieronymus. Secundum primam expositionem, quæ est Augustini, totum debemus cōdonare, sicut Christus omnia condonauit. Col. 3. *Donantes vobismet ipsis, si quis aduersus aliquem habet querelam: sicut & Dominus donauit nobis, ita & vos.* 2. Vel potest dici, quod ponitur numerus finitus pro infinito. sicut Psal. 104. *Verbum, quod mandauit in mille generationes.* Tamen additur ratio numeri. Per sex enim perfectio significatur; per centenarium, qui multiplicatur per denarium; decalogus significatur. Primus numerus, qui à denario recedit, est vndecimus. Et, quia per sex vniuersitas significatur; ideo vniuersitas peccatorum significatur, quasi dicat: Omnia quæcumque frater tuus peccauit contra te, dimitte ei. Secundū Hierony, videtur, quod velit dicere; plus remittere potest, quam ipse possit offendere.

---

FERIA IV. POST DOM. III. QVADRAGES.

*Accesserunt ad Iesum, &c. Matth. 15.*

**SCOPVS.** Dōminus sub figuris virtutem suæ doctrinæ ostenderat ante; Nunc ostendit sufficientiam eius.

PARTITIO.

I. De accusatione in Discipulos.

II. De

II. De defensione eorum per retortam accusationem.

III. De leſo quarto Decalogi.

IV. De redargutione accusantium.

V. De inſtructione urbe.

## P A R S I.

### *De accusatione in diſcipulos.*

**H**ic tria. *Primo* tanguntur circumſtantiæ accusationis: *Secundo* accusatio; *Tertio* expositio. 1. Aggrauatur autem malitia eorum ex tribus. *Primo* ex tempore. Quia tunc, cum Dominus hæc ſigna faciebat & miracula; iſi ſi faciebant ſigna iniquitatis, & malignabantur, Matt. 11. *Abscendiſti hæc à ſapientibus, & prudentibus, &c. Item* redditur aggrauatio ex loco. quia, cum Iudæi eſſent diſſuſi per Iudæam: illi tamen qui erant in Hieruſalem, erant ſapientes, & tamen erant deteriores. Eſa. 26. *In terra ſanctorum iniqua geſſit, non videbit gloriam domini.* Item aggrauatur ex conditione perſonarum, quia de magnis venerunt Scribæ qui erant magis literati; & Phariſæi qui reputabantur magis ſancti. Hiere. 5. *Ibo ad optimates, & loquar eis: Ipsi enim cognouerunt viam domini.*

Deinde ponitur id, in quo accusabant eos. (*Quare diſcipuli, &c.*) Præceptum erat, vt habetur Deut. 4. *Non addetis ad verbum quod vobis loquor: nec auferetis ex eo.* Vnde addentes traditiones, contra legem faciebant: non quod liceret conſtituere aliquid;



liquid; sed quod ita præcipiebant obseruari sicut legem Domini.

3. (*Non enim lauant manus suas, &c.*) Hic exponitur quæ sunt eorum traditiones. Hoc tamen exponitur magis Mar. 7. Ibi enim dicitur, *cum viderent quosdam de discipulis, &c.* Et potest hoc esse ad literam, quod non lauabant manus. Quare? Quia ita solliciti erant in verbo Dei, ut lauandi tempus non haberent. Vnde ex solitudine circa spiritualia non selauabant eo modo, sicut Iudæi, ut habetur Marci 7. *Iudæi nisi crebro lauent manus, non manducant.* Vnde carnaliter intelligebant quod dicitur Esa. 1. *Lauamini, mundi estote.*

## P A R S II.

*De defensione discipulorum per retortam accusationem.*

**I**Psæ autem respondens ait illis, ) Dominus duo facit: Non responderet excusando discipulos: sed ostendit quod ipsi non sunt digni, qui reprehenderent eos, Mar. 7. *Hypocrita, eijce primum trabem de oculo tuo.* Constat quod transgredi mandatum Dei, est grauius, quam traditiones hominum: & ideo qui transgrediebantur mandata Dei, in maioribus delinquebant. Quare Primo ostendit, Eos transgressores legis: Secundo Quod mandatum transgrediuntur. De I. *Quare vos transgredimini mandatum Dei, & non obseruatis, propter tradi-*

*traditionem vestram ?* ) Rom. 10. *Ignorantes Dei iustitiam, & suam quærentes statuere, iustitiæ Dei non sunt subiecti.* Esa. 3. *Lingua eorum, & adinueni:iones eorum contra dominum; vt prouocarent oculos maiestatis eius.*

De II. ( *Nam Deus, &c.* ) Ponit mandatum scilicet de honoratione parentum. Et Primo ponit mandatum: secundo pœnam. 1. ( *Nam Deus dixit* ) Exodi 20. ( *Honorapatrem, & matrem tuam.* ) Nota, *Honor non est nisi reuerentia exhibita in testimonium virtutis.* Ille enim exhibet reuerentiam, qui quæ necessaria sunt administrat. Vnde non solum tenetur homo assurgere: sed etiam necessaria ministrare, Eccl. 2. *Qui timeant dominum, custodient mandata illius.* 2. Et quod debeat talis honor, patet: quia Tobias mutuo dedit Gabelo; quod præceperat Dominus in Exo. & addit pœnam, *Vt sis longæuus super terram.* Item Leui. 20. Addit pœnam. ( *Qui male iixerit patri suo, & matri suæ, morte moriatur.* ) Et sic in benedictione non solum intelligitur, quod ore benedicas, sed etiam quod benedictionem impendas, Prou. 20. *Qui maledixit patri suo & matri, extinguetur lumen eius in medijs tenebris.*

Sed quia posuit incitatiuū ex parte pœnæ, quare non posuit præmium ex obedientia? Quia homines magis terrentur à pœna: quam desiderent præmium. Nam & brutum à pœna terretur. Ex hoc enim habetur, quod si qui detrahunt patri & matri, sunt digni morte: ergo qui mouent  
alio

alios eis detrahere, sunt digni morte: quare non sunt digni accusatione: ergo vos non estis digni accusare eos.

## P A R S III.

### *De lase quarto Decalogi.*

**V**Os autem dicitis, &c. ] Hic tangit quomodo transgrediuntur. Et primo hoc ostendit: Secundo autoritatem ponit. Et circa primum ostendit ritum suum: secundo quid sequebatur. Dicit. (*Vos dicitis. Quicumque dixerit patri vel matri, &c.*) Multis modis hoc legitur. Vno modo, ut sit constructio perfecta & tunc sic: *Quicumque*, id est, quiuis, dixerit, id est, dicere poterit. Alio modo, ut sit imperfecta, sic, (*Quicumque dixerit, &c.*) supple, servat mandatum, & est immunis à pœna, Quid est hoc dictum? Tripliciter exponit. 1. *Rabanus* dicebat, quod spirituale bonum præferendum est tēporali, ideo dicebant his qui habebant patres pāuperes, ut dicerent eis. Pater non displiceat tibi, si non dō tibi necessaria; quia munus quod offero, proficit tibi spiritualiter. Sed hoc non erat verum: secundum illud; *Dona in quorum non probat altissimus, &c.* Et Prou. 18. *Qui subtrahit aliquid à patre suo, & à matre, & non dicit hoc esse peccatum, particeps homicidæ st.* Ideo si quis habet patrem, vel matrem, & non possent vivere sine eo, qui diceret ei, vade ultra mare, vel intra religionem, in hanc sententiam incidit.

2. Alia est expositio. *Hiero.* legit interrogatiue, id est. *Nunquid proderit tibi.* Habetur *Leuit. 21.* quod alieni-



lienigena non poterat sumere quæ consecrata erant domino: ideo filios, qui habebant patres pauperes, monebant vt offerrent Deo. Et si patres velent sustentari ex eis; Si aliquid accipias ex isto, quod Deo debeo offerre, *nunquid proderit tibi?* Non, immo magis erit tibi in damnationem.

3. *Augustinus* sic exponit. Dicebant Iudæi, quod pueri dum erant sub tutela patris, eis tenebantur. Vnde quando parui sunt filij, patres offerunt pro filijs, & valet eis: sed quando liberi arbitrij sunt, tunc non valet deuotio aliena. Vnde dicebant, quod omnis, qui ad hunc statum potest peruenire, & patri suo dicere. *Munus quod ex me est, &c.* non tenebatur patri. Sed ex ista doctrina sequuntur duo inconvénientia. Vnum contra proximum; aliud contra dominum. 1. Contra proximum, quia qui sic diceret, & qui sic instructus est, non honorificauit patrem suum. Rom. 1. *Inuentores malorum; parentibus non obediētes, & sequitur, Qui alia agunt, digni sunt morte.* 2. Contra Deum. vnde dicit: *Et irritum fecistis, &c. q. d. Non solum fecistis contra proximum, immo etiam irritum fecistis mandatum Dei propter traditionem vestram.*

## P A R S IV.

### *Redargutio accusantium.*

**H**YPOCRITÆ] Proprie dicebantur hypocritæ, qui intrabant theatrum, & habebant vnā personam, & simulabant aliam cum laruis. Isti ergo hypocritæ sunt, qui exterius aliud prætendūt, quam  
k \*
habeant

habeant interius. Vnde interius intēdebant lucra; exterius monebant homines ad offerendum Deo, Iob 36. *Simulatores & callidi prouocant iram Dei, n̄que clamabunt cum vincti fuerint.* (Bene prophetauit de vobis Esa.) cap. 29. Primo ponit duplicitatem eorum: Secundo inutilitatem seruitij. De I. (*Populus hic labiis me honorat, &c.*) 1. Et hoc ad literam, sed corde longe erant à Deo, quia Christum in nomine Dei venientem non recipiebāt. 2. Vel sic. *Populus, &c.* quod enim dicunt; homo debet offerre Deo; videntur honorare Deum; cor autem eorum longe est; quia non tendebant ad honorem Dei, sed ad cupiditatem. Vnde quanto cupiditas maior, tanto charitas minor. Hoc habetur Hiere. 12. *Prope est in ore eorum, & longe à renibus eorum.*

De II. Sed numquid ista fictio valet eis? Non, quia non placet domino. Vnde sequitur. (*Sine causa, &c.*) Sed quid est hoc dictum? Ieiunare est doctrina hominum, & Canones sunt traditiones hominum; nunquid qui hæc docent, sine causa colunt Deum? Intellige, In præiudicium mandatorum Dei, Iob 32. *Deū homini non æquabo*, Act. 4. *Obedire oportet magis Deo quā hominibus.* Quare? Quia Deus decipi non potest, Esa. 1. *Ne offeratis sacrificium frustra.* Ex hoc habemus quod homo magis debeat sibi conscientiam facere de transgressione mandati; quam de transgressione ecclesiastica constitutionis.

‡ ‡

‡

## P A R S V.

*De instructione turbæ.*

**E**T conuocatis ad se turbis dixit eis, &c.) Supra ostendit dominus Phariseos calumniantes esse indignos, qui reprehenderent discipulos; quia maioribus erant inuoluti peccatis: Nunc autem prætermittens eos, instruit alios, vt impleatur quod dictum est Matt. 11. *Abscondisti hæc à sapientibus & prudentibus & reuelasti ea paruulis.* Et quidem turbas instruit: quas Primo præparat ad audiendum, Secundo dat doctrinam suam. De I. Nota, Ad audiendum aliquem alium requiritur attentio, per quam homo ad interiora reuocetur, & in se congregetur. Et hoc facit, cum dicit. (*Et conuocatis eis*) Quia oportet, vt ad ipsum congregemur. Psal. 33. *Accedite ad eum, & illuminamini.* 2. Necessaria est diligentia in audiendo. Ideo dicit. (*Audire.*) Prouer. 1. *Audiens sapiens, sapientior erit.* 3. Requiritur intellectus. Vnde dicit (*Et intelligite,*) Psal. 83. *Intelligite insipientes in populo, & stulti aliquando sapite.*

De II. Proponit altissimam doctrinam; quæ est perfectio moralis vitæ: vnde notandum quod aliquid immutatur ex exteriori; vt aqua calefit ab igne: aliquid ab interiori; vt homo mutatur per peccatum. Quantumcunque enim moueatur exterius, non est peccatum, nisi consentiat homo interius. Hiere. 37. *Ab interioribus peruenit tempestas.* Vnde primo ostendit quod non ab exterioribus: Secundo, quod ab interiori.



I. (*Non quod intrat, &c.*) Contra. Habetur *Leui.* 11. quod multa cibaria prohibentur, vnde homines fiebant immundi. *Respondet* Aug. contra *Faustum* dicens. Aliquid dicitur immundum dupliciter: Vno modo secundum naturam suam: & sic nulla sunt immunda; i. ad *Timot.* 4. *Omnis creatura Dei bona est, &c.* Nihil reijciendum quod cum gratiarum actione percipitur, &c. Aliquid potest esse immundum secundum significationem: & sic potest aliqua res esse signum immunditiae & munditiae; vt porcus, & agnus in sua natura: vterque est bonus, tamen sua significatione porcus significat immunditiam, agnus innocentiam: Ideo quantum ad significationem vnum est mundum, aliud immundum. Et quia ante aduentum Christi erat tempus, in quo vivebant sub figuris; ideo illae obseruantiae erant seruandae sub praeepto. Sed quia in aduentu Christi veritas manifestabatur; cessabat figura: ideo, &c.

II. Restat alia *questio*, *Act.* 15. quod Apostoli preceperunt, vt conuerſi abſtinerent a ſuffocato, & ſanguine. ergo videtur, quod veritate manente, debeant teneri illae obseruantiae 1. Antiqui dixerunt. istud ad literam intelligendum esse, & adhuc ab istis abſtinendum; quia immunda ſunt. Sed huic contradicit *Tit.* 1. *Omnia munda mundis.* 2. Alij dixerunt, quod istud partim ad literam intelligendum est, partim moraliter. De fornicatione, ad literam: de sanguine. Sic, quod ſanguis innoxius non effunderetur: De ſuffocato, ſic, vt nullus alij calumniam inferret. Sed non debet ſic intelligi, quamuis ſit

uis sit expositio vera. Versabatur enim quæstio, vtrum gentiles conuersi tenerentur ad ista, quæ prohibuerunt Apostoli? Ideo oportet intelligi, secundum quod Iudæis erat consuetum.

Non igitur Apostoli considerabant, & prohibebant, vel quia secundum se illicitum, vel quia occasio scandali; Vnde fornicationem quasi illicitam prohibuerunt: Sanguinem autem, ne scandalum alijs facerent; vt scandalum tolleretur. Et hoc sonant verba Apostoli, 1. Cor. 8. *Videte autem ne hac licentia vestra offendiculum fiat infirmis. Si obijcitur: Ponatur quis in quadragesima comedere carnes; nonne coinquinatur? Dicendum, quod non ex cibo, sed ex violatione præcepti, Rom. 14. Regnum Dei non est esca & potus. (Sed quod procedit ex ore, hoc coinquinat hominem.)* Dices: videtur tangere solum peccata, quæ ex ore procedunt, & hæc coinquinant, Luc. 19. *Ex ore tuo te iudico serue nequam.* Et Matt. 15. *Ex ore tuo iudicaberis.* Sed dicendum, quod proprium officium oris est, dicere. Est autem duplex dicere, exterius ore corporali; & interius ore mentis, de quo psal. 13. *Dixit insipiens in corde suo, non est Deus.* Sic per os potest intelligi os cordis, scilicet mens hominis, & sic omne peccatum est ex ore, quia nunquam est peccatum, nisi ex proposito mentis. Sic ergo *quod procedit ex ore, scilicet cordis, hoc coinquinat, quia peccatum adeo est voluntarium; vt, si non sit voluntarium, non sit peccatum.*

FERIA V. POST DOM. III. QVA-  
DRAGES.

*Surgens Iesus de synagoga. Luc. 4.*

SCOPVS. Suam Dominus autenticam esse doctrinam, miraculis demonstrat.

PARTITIO.

I. De Petri socru febriente.

II. De variorum languorum curatione.

III. De Christi acceptatione facta à populo.

PARS I.

*De Petri socru febriente.*

QVatuor hic I. Febris incommodum. II. Intercessionis adiutorium. III. Curationis remedium. IV. Perfectæ liberationis indicium.

De I. Febris cogebat socrum Simonis decumbere. Ideo (*Surgens Iesus de synagoga introiuit in domum Simonis:*) scilicet vt potestas eius iam propagata manifestata, etiam in secreto se proderet coram suis. Sed in domo curanda erat mulier, non in synagoga. Quia 1. Tim. 2. *Docere mulieri non permisso.* Ad hunc ingressum mouebat misericordia ob mulieris miseriam releuandam: quam exprimit hic: (*Socrus autem Simonis tenebatur magna febre,*) scilicet ideo



ideo quia Eccl. 31. *Infirmetas grauis sobriam facit amicum.* Attamen Ioan. 11. *Infirmetas hac non est ad mortem; sed pro gloria Dei.* Hac vero in vtroque sexu fuerat corrupta; ideo & in vtroque reparanda, vnde in Christi natiuitate fuit Ioseph cum Maria: In prædicatione, discipuli & mulieres: In passione, Maria & Ioannes. In resurrectione, Discipuli & Magdalena. Sed grauiori pœnæ mulier, quam vir subiecta fuit, Ideoque est infirmior Gen. 3. *Multiplicabo erumnas tuas, & conceptus tuos; in dolore paries filios, & in viri potestate eris.*

De II. Quoad intercessionis suffragium, dicitur: (*Et rogauerunt illum pro ea*) Dare paratus Dominus, rogari tamen vult. Iuxta Psal. 8. *Inuoca me in die tribulationis; eruam te, & honorificabis me.* Isa. 58. *Inuocabis, & Dominus exaudiet te; clamabis, & dicet: ecce adsum, &c.* Os enim Domini locutum est. NOTA. Dominus alium curauit sine precibus Luc. 4. Vt Dæmoniacum prius. Alium precibus alienis: vt hic. Alium precibus proprijs: vt leprosum. Signatur quod gratia Dei curat tripliciter animas 1. Ex sola gratia. Ro. 2. *Ignoras, quoniam benignitas Dei ad pœnitentiam te adducit?* 2. Ex Ecclesiæ deprecatione. Iac. 5. *Infirmatur quis in vobis, inducat presbyteros Ecclesiæ, & orent super eum, vngentes eum oleo in nomine Domini: & oratio fidei saluabit infirmum.* 3. Interueniente proprio gemitu. Exo. 6. *Ego audiui gemitum filiorum Israel.* 4. Reg. 20. *Audiui orationem tuam, & vidi lacrymam tuam: ecce, sanaui te.* Ideo Anima sancta ait, Psal. 29. *Dominus Deus meus clamaui ad te, & sanasti me.*

De III. Quoad curationis remedium, additur: *(Et stans super illam, imperavit feбри, & dimisit illam.)* Imperat autem tanquam Dominus & Rex. Sic Eccles. 5. *Insuper vniuersa terra Rex imperat serui-  
enti.*

Et quia non est ei impossibile omne verbum: id-  
eo ipse dixit. Psal. 148. *Et facta sunt:* Vnde ad prae-  
ceptum eius *(dimisit illam)* febris: Psal. 148. *Prace-  
ptum posuit, & non prateribit.* Nec mirum: Quia, om-  
nia, quaecunque voluit Dominus, fecit in caelo, & in terra,  
in mari, & in omnibus abyssis. Iere. 5. *Me ergo non timebi-  
tis, ait Dominus; & à facie mea non dolebitis.* Qui posui a-  
renam terminum mari, praeceptum sempiternum, quod non  
prateribit. Ex quo valde reprehensibilis ostenditur  
peruicacia humanæ voluntatis. Quia omnis crea-  
tura obedit Deo, cui homo contradicit.

De III. Quoad perfectæ liberationis indicium  
subditur: *(Et continuo surgens ministrabat illis.)* Hoc  
autem est perfectæ curationis indicium, quia nul-  
læ remanserunt reliquæ; adeo statim facta est po-  
tens ad motum, & potens ad obsequium. Surre-  
xit enim & ministrabat eis, tanquam bona matro-  
na; tanquam altera Martha, de qua Lucæ 10.  
*Martha autem satagebat circa frequens ministerium.*  
Et tales merentur diuinum ministerium. 4. Reg:  
4. Dicit puer Elisæus Sunamitidi: *Ecce sedule in om-  
nibus ministrasti nobis, quid vis ut faciam tibi?* Talem  
viduam dicit Apostolus esse eligendam: 1. Tim. 5.  
*Vidua eligatur non minus sexaginta annorum, quæ fue-  
rit vnius viri vxor in operibus bonis testimonium ha-  
bens:*

*bens: si filios educauit, si hospitio recepit; si Sanctorum pedes lauit; si tribulationem patientibus subministravit; si omne opus subsequuta est.*

NOTA. I. Quoad sensum allegoricum: Curatio viri à dæmone significat curationem gentilis populi ab errore. In cuius rei figuram dicitur Isai. 34. *Occurrent demonia, onocentaurus, & pilosus, & clamabit alter ad alterum.* Hoc dicitur de Idumæo, sub figura gentilitatis. Hoc vero dæmonium eicitur per fidem Christi: secundum illud Mar. ult. *In nomine meo demonia eiicient, linguis loquentur novis, serpentes tollent, &c.* Serpentes, inquam, diffundentes virus erroris. Qualis fuit de quo 2. Cor. 11. *Timeo autem ne, sicut serpens Euam seduxit astutia sua, ita corrumpantur sensus vestri, & excidant à simplicitate, quæ est in Christo.*

Per curationem Socrus Simonis à febre, significatur curatio Synagogæ ab æstu carnalis concupiscentiæ, quo inardescit ille populus carnalis. Osee 7. *Omnes adulterantes, quasi clibanus succensus à coquente.* Et ideo præmittitur curatio viri; quia sicut dicitur Rom. 11. *Donec plenitudo gentium intraret & sic omnis Israel saluus fieret.*

II. Secundum sensum moralem, curatio hominis à dæmone significat curationem à peccatis spiritualibus secundum quod dicitur, 1. Reg. 6. *Exagitabat eum, s. Saulem, spiritus nequam à Domino.* Et Luc. 11. *Cum immundus spiritus exierit ab homine, perambulat per loca inaquosa, quærens requiem, & non inueniens, dicit; reuertar in domum meam, vnde exiui, &c.* Eccl. 23. *Curatio mulieris à febre est curatio animæ à pec-*

k<sup>\*</sup> s                      catio



*catu carnalibus, Anima calida ignis ardens non extinguetur, donec aliquid gluriet. Vnde Beda. Homo à demonio liberatur, cum animus ab immunda cogitatione purgatur. Fœmina à febris, cum caro à feruore concupiscentia refrenatur.*

Et ideo homo qui in medio Synagoge eliditur; quia qui spiritualibus peccatis detinetur, indiget humiliari in conspectu hominum. Ps. 114. *Custodiens paruulos Dominus, &c. humiliatus sum, & liberaui me.* Ita vero liberatur à Domino stante super eam in domo: quia cum diuina gratia est custodia disciplinæ. Eccl. 26. *In filia non auertente se, firma custodiam, ne inuenta occasione abutatur se.* Et ideo 1. Cor. 9. *Castigo corpus meum, & in seruitutem redigo.*

## P A R S II.

### *De variorum languorum curatione.*

**M**anifestatur admirabilis potentia Christi ex quatuor. I. Ex varietate languorum. II. Ex facilitate curationum. III. Ex confessione dæmonum. IV. Ex cohibitione spirituum immundorū. De I. Cum autem sol occidisset, omnes, qui habebant infirmos variis languoribus, ducebant illos ad eum: ) Vt sc. curaret. Et merito; quia *Vero languores nostros ipse talit, &c.* Isa. 53. & Act. 10. *Pertransiit benefaciendo & sanando omnes oppressos à diabolo.* Et sine distinctione, quia super omnia potest æqualiter. Vnde Sap. 16. *Neq; herba, neq; malagma sanauit eos, sed tantus Domine, sermo, qui sanat omnia.* Vnde & Matth. 4. dicit. *Circuibat*

quibat Iesus, &c. Dein sanans omnem languorem & omnem infirmitatem in populo.

NOTA. Adducebant post solis occasum: ut ostenderetur, 1. quod Christus non tantum interdiu, sed etiam noctu sollicitus & potens erat circa salutem humani generis. Quod figuratum est in Iacob, Gen. 31. *Dienoctique astu vrgebar & gelu, fugiebatque somnus ab oculis meis.* Sap. 19. *In omnibus magnificasti populum tuum Domine, & honorasti; & non despexisti in omni tempore, & in omni loco assistens eis.* 2. Vel ideo post solis occasum, ut ostenderet viandam esse gloriam hominum. Vnde reprehendit Phariseos, Matt. 23. *Omnia opera sua faciunt, ut videantur ab hominibus.* 3. Aut ideo post solis occasum, ut designetur per passionem acquirendum esse generale remedium. Christus enim sol est; secundum illud Mal. 4. *Orietur vobis timentibus nomen meum, sol iustitie, & sanitas in pennis eius.*

Iste occubuit in passione. Vnde Amos 8. *Ocside sol in meridie.* Et tunc plures sanati sunt. Quod signatum est in morte Samsonis, qui interpretatur sol eorum. Iud. 16. Vnde Beda. *Solis occubitus est passio Christi, per quam plures sanantur demoniaci, & egroti quam ante.*

De II. Additur facilitas curationum, cum ait: (*At ille singulis manus imponens, curabat eos.*) Faciliter curabat, quia sine interpolatione; sed sola impositione manus sanabat. Nec mirum; quia, secundum quod dicitur Isa. 59. *Non est abbreviata manus Domini, ut saluare nequeat.* Neque solum poterat hoc per

per se, sed etiam aliis communicare quibat : secundum illud Mar. 16. *Super agros manus imponent & bene habebunt.*

NOTA. Singulis imposuisse dicitur sine exclusione, sicut dicitur Act. 10. *Non est personarum acceptor Deus.* Et ideo in Psalm. *Aperis tu manum tuam, & imple omne animal benedictione.* Et hoc est quod dicitur, Sap. 6. *Pusillum & magnum ipse fecit, & equaliter illi cura est de omnibus.* Et ideo dicitur (curabat eos) sc. omnes ad se venientes. Quia Ioan. 6. *Eum, qui venit ad me, non eiiciam foras.* Nec mirum; nam Rom. 10 *Idem Dominus omnium dives in omnes, qui inuocant illum.*

De III. Quoad confessionem dæmonum. [ *Exibant autem demonia à multis clamantia,* ) scil. 1. præ dolore, & timore, & admiratione. Isa. 65. *Clamabitis præ dolore cordis; & præ contritione spiritus ululabitis.* Sed cassus erat eorum clamor. Ps. 17. *Clamauerunt, nec erat qui saluos faceret.*

Vel clamantia propter publicam veritatis annunciationem. Et ideo subditur vera confessio. ( *Et dicentia: quia tu es filius Dei.* ) Hoc autem non dicebant ex certitudine, sed ex coniecturatione propter potentia magnitudinem. Et ideo dixit dæmon: *Scio te, quia sis sanctus Dei: nunc, quod filius Dei;* quia per maiora experimenta in cognitione profecerat. Hoc autem quod ex coniectura confitebantur dæmones, non confitebantur corde. Nam 1. Cor. 12. *Nemo potest dicere Domine Iesu, nisi in spiritu Iesu, &c.* Non etiam opere confitebantur: de quo 1. Ioan. 4. *Omnis spiritus qui confitetur Iesum Christum*



*stum in carne venisse, ex Deo est. Sed solum ore dicebant, & corde contradicebant & opere negabāt. Confitentur se nosse Deum, factis autem negant. Nec mirum, secundum quod dicitur in Psal. 6. In inferno autem quis confitebitur tibi? Nullus sc. confessione meritoria, sed omnes confessione extorta, & necessaria. Sap. 5. Dicentes intra se, pœnitentiam agentes, & præ angustia spiritus gementes, &c.*

De IV. Quoad cohibitionem spirituum immundorum addit: *(Et increpans non sinebat ea loqui)* vt verificetur illud, Psal. 105. *Ab increpatione tua fugient, à voce tonitru tui formidabunt.* Marc. 6. *Non sinebat ea, &c.* Frequenter Dominus obicem ponit malignantibus. Vnde non sinere peccatoribus ex sententia agere; sed statim vitiones adhibere; magni hoc beneficij est indicium.

Vel ideo non sinebat, quia per dæmones manifestari nolebat. Vnde subditur: *Quia sciebant ipsum esse Christum, id est, probabiliter conijciebant. Non enim innotuit, inquit D. Aug. vt splendor & lux; sed per quandam virtutis sue efficaciam.* Nolebat autem Dominus sui nominis cognitionem per dæmones diuulgare, tum, quia indignierant; tum etiam quia fraudulentis. Et ideo talis confessio nec conueniebat Deo; nec congruebat dæmoni; nec proderat homini. *Improbis enim magister est diabolus, ait Beda hic: quia falsa veris semper permiscet; vt specie veritatis testimonium fraudis obtexat.*

Ex quo nobis datur intelligi quod, qui in prædicando Christum veris falsa permiscerent, omnino sunt cohibendi sicut hæretici. 1. Cor. 5. *Nescitis, quia medi-*

*modicum fermentum totam massam corrumpit ? Si qui autem vera prædicent, non tamen intentione recta, sustinendi sunt. & de talibus dicitur, Phil. 1. Quid enim dum omni modo, siue per occasionem, siue per veritatem Christus annuncietur: Et in hoc gaudeo & gaudebo. Si autem prædicant vera & bona, & tamen non faciunt, nihilominus sunt audiendi: Matth. 23. Super cathedram Moysi sederunt Scribæ & Pharisei. Et tales designati sunt per illum, de quo dicitur, quod prædicabat Christum non sequens eum. Luc. 9. quem Dominus noluit prohiberi. Ex prædictis liquet quod Saluatoris potestas per omnem modum est manifestata.*

### P A R S III.

#### *De Christi acceptatione facta à populo.*

**P**ost communicationem doctrinæ Christi; & confirmationem ipsius per operationem miraculorum, subiungitur hic acceptatio eiusdem à multitudine populi.

Ad hoc autem, ut auditoribus aliquis debito modo fiat acceptus, oportet ut sit immunis I. Ab ostentatione. II. Ab ambitione. III. Ab adulatione. IV. A personarum acceptione. His enim quatuor modis consuevit doctrinæ acceptio depravari.

I. Quod ab acceptatione doctrinæ Christi excluditur ostentatio; ideo dicitur: ( *Facta autem die egressus ibas in desertum locum,* ) volens se magis humi-

humiliter occultare ; quam impudenter ostentare. Iuxta Psalm 54. *Ecce, elongaui fugiens, & mansi in solitudine* Huius figura Elias. 3. Reg. 19. *Qui relicto puero suo solus perrexit in desertum*, peracto miraculo ignis, holocaustum consummentis. Figura Dauid : 1. Reg. 20. *Qui dixit Ionathæ : Dimitte me, ut abscondar in agro vsque ad vesperam diei tertia: id est, vsque ad resurrectionem.* Obquam causam dixit discipulis, Matt. 14. *Nemini dixeritis visionem donec filius hominis à mortuis resurgat.* Et Ioan. 12. *Hæc locutus est Iesus, & abiit, & abscondit se.*

Illud autem iter in desertum, & egressus è ciuitate significat egressum vitæ secularis, & ingressum religionis. Desertum enim est locus paupertatis, asperitatis, & vtilitatis. Contra tria quæ sunt in mundo. 1. Ioan. 2. *Omne, quod est in mundo, concupiscentia carnis est, & concupiscentia oculorum, & superbia vitæ.* In deserto religionis triplex vouetur votum prædictis oppositum. In hoc moratus est Ioannes, Matt. 11. *Quid existis in desertum videre? Arundinem vento agitatam? Vbi notatur humilitas, quæ non delectatur vento laudum, nec deiicitur in vituperio detractorum. Sed quid existis videre? hominem mollibus vestitum?* Notatur paupertatis asperitas. In hoc deserto fuit Christus. Eius Figura 1. Reg. 23. *Morabatur Dauid in deserto in locis firmissimis: mansitque in monte solitudinis Cith.* Quia altissimum religionis tenuit. Vnde Aug. tom. 1. lib. de vera relig. capit. 7. ait. *Omne peccatum prouenit, aut quia petimus, quæ Christus contempsit: aut sugimus quæ sustinuit.* *Satellites enim diaboli diuitias appetunt;*  
Chri-



*Christus pauper esse voluit. Honoribus inhiant; Rex esse noluit. Delicias cupiunt, crucifigi voluit.*

## De II. Quod excluditur ambitio.

Idque per hoc: ( *Et turba requirebant eum, & venerunt vsque ad ipsum:* ) Non ipse se ingerebat ex ambitione: sed illi quærebant cum deuotione. Vnde Ioan. 6. *Qui cum cognouisset, quod venturi essent, vt raperent eum, & facerent eum Regem; fugit.* 1. Docuit, honoris officium non esse assumendum, nisi homo requiratur. Heb. 5. *Nec quisquam sibi assumit honorem, sed qui vocatur à Deo, quemadmodum Aaron.* 2. Commendatur etiam deuotio populi: quia latèrè volentem requirebat, cum tempus esset. Isa. 55. *Quærite Dominum, dum inueniri potest.* Ose. 10. *Tempus requirendi Dominum, cum venerit qui docebit vos iustitiam.* Et anima sancta Psalm. 26. *Exquisiuit refacies mea.*

Quod deuote requirerent, appareret; quia, [ *Venerunt vsque ad ipsum:* ] Iuxta Isa. 21. *Si queritis, querite, conuertimini, & venite.* Vnde Matt. 11. *Venite ad me omnes, qui laboratis & onerati estis.* Igitur quia deuote quæserunt, inueniunt; Sap. 1. *In simplicitate cordis querite illum.*

Et quia perfecta deuotio non solum facit quærere; sed detinere inuentum: ideo ait: ( *Et detinebant illum, ne discederet ab eis.* ) Iuxta Cant. 3. *Inueni, quem diligit anima mea: tenui eum, nec dimittam.* Nec mirum: quia Prou. 3. *Signum vitæ est his, qui apprehenderint eam: & qui tenuerint eam, beati.* Vnde  
pote-

poterant dicere animæ illæ sanctæ, Psal. 37. *Ne derelinquas me Domine Deus meus, ne discesseris à me.* Itaque Dominus nec offerendum, nec iam oblatum ambibat honorem: quia violente detinebatur. Figura huius est Gen. 32. *Dimitte me; iam enim ascendit aurora.*

### De III. Quod excluditur adulatio.

Idque ibi. (Et aliis ciuitatibus oportet me euangelizare regnum Dei;) sc. quia æqualiter curabat omnes, blandiebatur nulli. Vnde dicere poterat, 1. Thess. 2. *Neque enim aliquando fuimus in sermone adulationis, sicut scitis: neque in occasione auaritia, Deus testis est, nec querentes ab hominibus gloriam, neque à vobis, neque ab aliis.* Oportuit ergo eum euangelizare: quia sic est voluntas Patris: Quia, ait (ideo missus sum.) Isa. 61. *Ad annunciandum mansuetis misit me.* Oportebat, quia Ioan. 14. *Sicut mandatum dedit mihi Pater, sic facio.* Missus autem erat pauperibus euangelizare. Item & regnum Dei: Ergo & euangelizare pauperibus regnum Dei. Matth. 5. *Beati pauperes spiritu, quoniam ipsorum est regnum coelorum.* Quia Matth. 19. *Scriptum est: Auren dico, quia diues difficile intrabit in regnum coelorum.* Hoc enim habere nemo potest, nisi contemnat terrenum. Et difficile pecuniæ contemnuntur, ideo difficile acquirunt, quod pauperibus est promissum.


### De IV. Quod personarum acceptio excluditur.

Idque hic: (Et erat predicans in Synagoga Galilææ,)

*laa, sc. omnibus indifferenter. Matth. 9. Circuibat Iesus omnes ciuitates & castella docens in Synagogis eorum. Hoc faciet & Prædicator. Prou. 5. Deriuentur fontes tui foras, & in plateis aquas tuas diuide. Isa. 32. Beati, qui seminatis super omnes aquas. Luc. 8. Semen autem est Verbum Dei.*

Prædicator debet esse communis: vt Paulus Rom. 1. *Gracis & barbaris, sapientibus & insipientibus debitor sum: ita quod in me promptum est & vobis, qui Romæ estis, euangelizare. Quod significatum Zach. 6. in equis deferentibus quadrigam, id est, legem euangelicam. De quibus ibi: Isti sunt, quos misit Dominus, vt perambulent terram. Vnde Matt. vlt. Euntes ergo docete omnes gentes. Marc. vlt. Euntes in mundum vniuersum predicate euangelium omni creatura.*

Vt ergo prædicator sit acceptus Deo, debet esse immunis ab ostentatione in signo; ab ambitione in animo; ab adulatione in verbo; à personarum acceptione in facto. De his 2. Cor. 2. *Non sumus, sicut plurimi adulterantes verbum Dei: sed ex sinceritate, sine personarum acceptione: sicut ex Deo, sine ambitione, coram Deo, sine ostentatione: in Christo loquimur, sine adulatione. Nam Christus veritas.*





FERIA VI. POST DOM. III. QVAD-  
RAGESIMÆ.

*Venit Iesus in civitatem Samaria, Ioan-  
nis 8.*

SCOPVS. Capite 3. Docuerat Dominus quomo-  
do per spiritalem regenerationem gratia ad Iu-  
dæos peruenerit : Hic, quomodo & ad Gentes  
per Doctrinam ; quam aperit occasione Sama-  
ritanæ.

PARTITIO GENERALIS.

- I. Preambula, & Propositio Doctrinae, siue doni.
- II. De petitione Doni.
- III. De fructu doni.
- IV. De cibo Christi.
- V. De messe spiritali.

I. CONCIONIS DISPO-  
SITIO.

SCOPVS. Donum doctrinae suæ primum in  
gentes infert Dominus occasione mulieris.

PARTITIO.

- I. De praeambulis Doctrinae proponendæ.

1\* 2

II. De

II. De ea *summatim* proposita.

III. De virtute doni, seu doctrinae.

## PARS I.

*De praeambulis doctrinae proponenda.*

I. **V**Rbs est regionis Samariae, quae dicitur [ *Sichar.* ] Sichar enim idem est, quod Sichem. Gen. 34. Iacob iuxta eam tetendit tentoria sua, & propter raptum Dinæ fillæ suæ à filio Regis Sichem; duo filij Iacob indignati, occiderunt homines ciuitatis illius: & sic cessit in possessionem Iacob, & habitauit ibi fodiens in ea puteos. Postmodum vero circa mortem suam, dedit eam Ioseph filio suo, Gen. 48. *sibi partem vnam extra fratres tuos, &c.* & hoc est, quod dicit. ( *Iuxta pradium,* ) id est, agrum, ( *quod dedit Iacob filio suo.* ) Ideo autem hac omnia diligenter euangelista narrat, vt ostendat, quod omnia quae contigerunt circa Patriarchas, fuerunt ducentia ad Christum, & quod Christus signatus est per eos, & ab eis secundum carnem descendit.

II. Ponit praeambulum doctrinae ex parte rei, de qua doctrina tradenda erat, & hoc congruenter. Nam doctrina futura erat de aqua & fonte spirituali, & ideo fit hic mentio de fonte materiali; ex quo sumitur occasio disputandi de fonte spirituali qui est Christus, Psal. 35. *Apud te est fons vitae,* scilicet Spiritus sanctus, qui est spiritus vitae. Item fons est baptismus de quo dicitur Zach. 10. *Erit fons patens*

*patens domui Iacob in ablutionem, &c.* Circa hoc tria facit. Primo describit ipsum fontem. Secundo sessionem Christi super eum. Tercio sessionis tempus designat. I. Fontem. (*Erat autem ibi fons Iacob.*) Sed contra: inferius dicitur, *Puteus altus est*, non ergo erat fons. Dico. Cum Aug. quod fons erat, & puteus, omnis enim puteus fons est: sed non convertitur. Nam ubi aqua de terra scaturit, fons est; & siquidem aqua in superficie terræ scaturit, fons tantum dicitur. Si vero in alto, & in profundo scaturit, ita puteus vocatur ut nomen fontis non amittat. Dicitur autem fons Iacob, quia ipse puteum illum foderat in terra illa propter defectum aquæ, Gen. 34.

III. Sessio autem Christi innuitur, cum subdit, (*Fatigatus, &c.*) Ostendit infirmitatem, quanquā esset virtutis immensæ, non propter defectum virtutis; sed ut ostenderet veritatem naturæ assumptæ. Nam secundum Aug. Iesus fortis est, quia in principio erat verbum: sed infirmus est, quia Verbum caro factum est. Christus ergo volens ostendere veritatem humanæ naturæ, permittebat eam agere & pati, quæ sunt propria hominis. Volens etiam ostendere in se veritatem diuinæ naturæ, faciebat & operabatur propria Dei. Vnde quando retrahebat influxum virtutis diuinæ à corpore; esuriebat, fatigabatur, quando vero ipsam virtutem diuinam corpori exhibebat, sine cibo non esuriebat, & in laboribus non fatigabatur. Matthæi quarto, *iunavit 40. diebus, & 40. noctibus, &c.*

Ex hoc autem, quod Iesus fatigatus est ex itinere,



nere, datur nobis exemplum non refugiendi laborem propter salutem aliorum. Psalm. 87. *Pauper sum ego, & in laboribus à iuventute mea.* Similiter exemplum paupertatis. Quia *sedebat sic*, id est, super nudam terram.

*Mystice* autem sessio humilitatem passionis Christi significat. Psalm. 138. *Tu cognouisti sessionem meam*, id est, passionem, & resurrectionem meam. Item significat auctoritatem docendi, quia loquitur tanquam potestatem habens; unde dicitur Matthæi septimo, quod *sedens docebat eos*.

IV. Tempus autem determinatur, cum subdit. [*Hora autem erat, &c.*] Et ratio assignatur literalis, & mystica. *Literalis* quidem. Ut ostendat causam fatigationis, nam in calore, & sexta hora diei, homines magis fatigantur ex labore. 2. Ut ostendat causam sessionis, libenter enim homines in æstu, & calore diei, iuxta aquas quiescunt. *Mystica* autem causa assignatur triplex. *Vna*, quia Christus in sexta ætate sæculi in mundum venit, carnem assumens. *Alia*, quia sexto die homo factus est, & in sexto mense conceptus est Christus. *Tertia*, quia in sexta hora sol in alto existit, & non restat nisi ut declinet. Sol autem quantum ad hoc pertinet, temporalem prosperitatem significat, secundum illud Iob trigessimoprimum. *Si vidi Solem cum fulgeret, &c.* Tunc ergo Christus venit, quando prosperitas mundi in alto erat, id est, in cordibus hominum per amorem

morem florebat : sed pereum amor à cordibus hominum declinare debebat.

V. Dicit. (*Venit mulier.*) Ponitur præambulum ex parte audientis. Et circa hoc duo facit. *Primo* ponitur persona, cui exhibetur doctrina, *Secundo* innuitur præparatio eius ad doctrinam, I. Persona, cui exhibetur doctrina, est quæ [*Venit mulier de Samaria haurire aquam.*] Ista significat Ecclesiam gentium nondum iustificatam: quæ idololatria detinebatur: sed tamen per Christum iustificandam. (*Venit*) autem ab alienigenis, Samaritanis: qui alienigenæ fuerant, licet vicinas terras incolerent. Quia ecclesia de gentibus aliena à genere Iudæorum, ventura erat ad Christum. Matth. 8. *Multi venient ab Oriente & Occidente, & recumbent.*

De II. Hæc autem mulier præparatur ad doctrinam per Christum, cum dicit. (*Da bibere.*) Et *primo* dat ei occasionem quærendi. *Secundo* Evangelista interponit quærendi oportunitatem. I. Occasio autem, & præparatio mulieris fuit petitio Christi, (*Da mihi bibere.*) Quia sitiebat aquam, propter æstum diei, & sitiebat salutem hominis, propter amorem eius. Vnde in cruce. *Sitio.* 2. Oportunitatem autem quærendi à muliere habuit Christus, quia non erant ibi discipuli eius, à quibus quæreret aquam. & ideo dicit Evangelista. (*Discipuli eius abiuerunt ad civitatem.*) Vbi tria de Christo Nota: I. Eius humilitatem, in eo quod solus relinquebatur, dabat enim in hoc exemplum disci-



pulis suis omnem superbiam conculcare. Sed quæres. Quæ necessitas fuerat assuescere discipulos ad humilitatem, quia piscatores & humiles extiterant, & tabernaculorum factores. Sed aduerte. Quod repente piscatores huiusmodi facti sunt reuerentiores omnibus regibus, facundiores philosophis, & rhetoribus; & familiares domini orbis terrarum: & tales sic repente promoti consueverunt superbire: utpote in experies ad tantum honorem. *Secundo*, nota Christi parsimoniam: nam ita parum curabat de cibis, ut nihil secum ferret. *Tertio* nota, quod dimiserunt eum solum in cruce. Isa. 63. *Torcular calcaui solus, &c.*

V. Præparavit dominus mulierem ad recipiendum spiritualem doctrinam, dando ei occasionem quærendi. Hic *Primo* ponitur quæstio: *Secundo* assignatur ratio quæstionis. Scito Dominus petierat à muliere potum, intendens magis spirituales, quam corporales potum. Mulier vero, potum spiritualium nondum capiens, intendebat solum corporalem: & ideo respondet. (*Quomodo tu Iudæus cum sis: bibere à me poscui, quæ sum mulier Samaritana?*) Christus Iudæus erat: quia & de Iuda promissus. Gen. pen. *Non auferetur sceptrum de Iuda, & de Iuda natus.* Heb. 7. *Manifestum est, quod ex Iuda ortus sit dominus noster.* Cognoscebat autem mulier Christum esse Iudæum ex habitu, nam dicitur Num. 15. Dominus præcepit, quod Iudæi portarent fimbrias iacintinas in quatuor angulis vestium suarum, ut per eas discernerentur ab aliis populis.



De II. Assignatur ratio quaestionis: siue ab Evangelista secundum gl. siue à muliere, secundum Chrys. cum dicit. (*Non enim contumuntur.*) Sciendum est circa hoc; quod, vt dicitur 4. Reg. 18. *Propter peccata populi Israel*, scilicet decem tribuum, qui colebant idola, ducti sunt in captiuitatem à Rege Assyriorum in Babylonem; & ne Samaria absque habitatoribus remaneret, fecit ibi gentes ex diuersis locis ductas habitare. Quæ cum ibi essent, volens Dominus ostendere, quod non propter imbecillitatem suæ virtutis: sed propter Iudæorum malitiam tradidit eos, immisit ipsis gentibus leones, & sæuas bestias, quæ eos lædebant. Quæ vbi nunciata sunt Regi Assyriorum; habito consilio, hoc ideo eis contingere, quia non seruabant legitima Dei terræ; misit ad eos sacerdotem quendam ex Iudæis, traditurum eis Dei legem, secundum legem Moyfi. vnde & isti licet non essent ex populo Iudæorum, seruabant tamen legem Moyfi: sed cum Deo vero, colebant idola, nec Prophetis attendebant. Et vocabant se Samaritanos, à ciuitate Samaria, quæ erat sita in monte Somer. 3. Reg. 16. Reuerentibus ergo Iudæis ex captiuitate in Hierusalem semper infesti fuerunt & contrarij, & sicut dicitur in Esdra, impediabant eos ædificare templum & ciuitatem. Et licet Iudæi vitarent omnes alias nationes, specialiter tamen vitabant istos; nec in aliquo contuebantur eis.

Et hoc est quod dicit. (*Non enim contumuntur Iudæi Samaritanis.*) Non dicit, quod Samaritani non contumuntur Iudæis, quia libenter voluissent adiungi, &

couti Iudæis: sed Iudæi eos repellebant; secundum illud Deut. 7. *Non inibis cum eis fœdus, &c.* Sed *Quæres*: si non erat fas Iudæis couti Samaritanis, quare Dominus petebat à Samaritana potum? Ad quod vt dicit Chrys. Dominus sciebat eam non tradituram potum; ideo petiuit. Sed hoc sufficit; quia petens quod non licet, à peccato non est immunis, quantum in se est quin scandalizet, etsi non detur ei quod ipse petit: & ideo dicendum est: quod, sicut dicitur Matt. 12. Filius hominis est Dominus etiam sabbathi, vnde tanquam dominus legis poterat vti, & non vti lege, & obseruantijs, & legalibus, prout sibi expediens videbatur. & quia imminebat tempus quo gentes vocarentur ad fidem, ipsis gentibus coutebatur.

## P A R S II.

### *De doctrina Christi summam proposita.*

**D**ixit ergo I. Tu miraris, quod ego Iudæus potum petij à te Samaritana: sed noli mirari. quia ad hoc veni, vt etiam gentibus potum darem. (*Si scires donum Dei; & quis est qui dicit tibi, &c.*) *Quæres*. Quid intelligitur per aquam. Dico, quod per aquam intelligitur gratia Spiritus sancti. Quæ quidem quandoque dicitur ignis, quandoque aqua: Vt ostendatur, quod nec hoc, nec illud dicitur secundum substantiæ proprietatem; sed secundum similitudinem actionis. Nam ignis dicitur: Quia eleuat

leuat cor per feruorem & calorem. Rom. 12. *Spiritus feruentes, &c.* Et quia consumit peccata. Cant. 8. *Lampades eius, lampades ignis, &c.* Aqua vero dicitur est iter purgationem, Ezech. 36. *Effundam super vos gratiam mundam, & mundabimini, &c.* Et propter rebant idonem ab æstibus tentationum. Eccle. 3. *Ignem ardentem extinguit aqua.* Et propter satietatem contra sitim terrenorum & quorumcunque temporalium. Is. 55. *Omnes sitientes, venite ad aquas, &c.*

Est autem duplex aqua, sci. viua & non viua. 1. Non viua quidem est quæ non continuatur suo principio, vnde scaturit: sed collecta de pluuiâ seu aliunde, in lacunas & cisternas à suo principio separata seruatur. Viua est, quæ suo principio continuatur & effluit. Ergo, gratia Spiritus sancti recte dicitur aqua viua: quia ita ipsa gratia Spiritus sancti datur homini, vt tamen ipse fons gratiæ detur, scilicet Spiritus sanctus: imo per ipsum datur gratia. Ro. 5. *Charitas Dei diffusa est in cordibus nostris per Spiritum sanctum, qui datus est nobis.* Nam ipse Spiritus sanctus est fons indeficiens, à quo omnia dona gratiarum effluunt. 1. Cor. 13. *Hæc omnia operatur unus atque idem spiritus, &c.* Inde est quod si quis donum Spiritus sancti habet, & non spiritum, aqua non continuatur suo principio, & ideo est mortua & non viua. Iac. 2. *Fides sine operibus mortua est.* Sic ergo patet, quid per aquam intelligatur.

II. Ostenditur, quod ad habendum aquam viuam, id est, gratiam, in adultis per desiderium perueni-



uenitur, id est, per petitionem. Psal. 9. *Desiderium pauperum exaudiuit Dominus.* Quia absque petitione & desiderio non datur alicui gratia. Vnde dicimus, quod in iustificatione impij requiritur liberum arbitrium ad detestandum peccata, & ad desiderandum gratiam; secundum illud Matt. 7. *Petite, & accipietis.* In tantum enim requiritur desiderium, vt etiam ipse filius ad petendum inducatur. Ps. 2. *Postula à me, & dabo tibi.* Vnde nec contradicens gratiæ eam recipit, nisi prius reducatur ad desiderium gratiæ. Patet in Paulo, qui antequam gratiam reciperet, reductus est ad desiderium gratiæ, dicens. *Domine, quid me vis facere?* Act. 9. Et inde est, quod signanter dicitur (*Tu forsitan petisses ab eo.*) & dicit (*forsitan*) propter liberum arbitrium, quo homo aliquando desiderat, & petit gratiam; aliquando non.

III. Sed ad petendam gratiam incitatur desiderium hominis ex duobus scilicet ex cognitione desiderandi boni; & ex cognitione datoris: & ideo duo cognoscenda proponit. *Primo*, scilicet ipsū donum. vnde dicit. (*Si scires donum Dei.*) quod est omne bonum desiderabile quod est à Spiritu sancto. Sap. 8. *Scio, quod non possum esse continens, &c.* Et hoc donum Dei est, &c. *Secundo*, proponit ipsum datorem. Vnde dicit (*& quis est qui dicit tibi, &c.*) scilicet si scires eum qui dare potest, qui sum ego. Ioa. 15. *Cum venerit paracletus, quem ego mittam, &c.* Psal. 67. *Dedit dona hominibus.*

Sic ergo doctrina est de tribus, scilicet :

I. De dono aque viue.

II. De

II. De petitione ipsius doni.

III. De datore eius.

## P A R S III.

*De virtute doni, seu doctrina.*

**D**VO facit. *Primo* ponitur inquisitio mulieris. *Secundo* responsio Christi. De I. Nota: Mulier ista quæ Dominus spiritualiter intelligebat, carnaliter accipiebat: quia erat animalis. 1. Cor. 2. *Animalis homo non percipit ea quæ sunt spiritus.* Et ideo verba quæ dicebat quasi inconuenientia, & impossibilia, argumento quò modo vtens, infringere conabatur, hoc modo: Tu promittis mihi aquam viuam: aut ergo de isto puteo: aut de alio. sed non de isto. quod (*Nec in quo haurias habes: & puteus altus est.*) De alio autem non videtur credibile, quod dare possis, quia (*non maior es patre nostro Iacob qui dedit, &c.*)

*Primo* ergo prosequentes primum, videamus hoc, quod dicit (*Domine neque in quo haurias habes, & puteus altus est*) Per altitudinem, intelligitur sacræ scripturæ profunditas, & sapientiæ diuinæ. Eccle. 7. *Alta profunditas, & quis, &c.* Vas autem, quo aqua sapientiæ salutaris hauritur, est oratio Iac. 1. *Si quis indiget sapientia, postulet à Deo.* Secundum ostendit cum dicit (*Nunquid tu es maior patre nostro, &c.*) q. 1. Nunquid meliorem aquam habes, dandam nobis, quam Iacob? Dicit autem patrem suum Iacob, non quod Samaritani de genere sint Iacob, vt ex supradictis apparet; sed quia legem Moyli habebant,



bebant, & quia intrauerunt terram semini Iacob repromissam.

Commendat autem puteum istum ex tribus: *Primo* ex auctoritate dantis. (*patre nostro Iacob, qui dedit, &c.*) *Secundo* ex suauitate aquæ, & dicit, quod ipse Iacob ex eo bibit, & filij eius: nisi enim fuisset suauis; non ipsi bibissent, sed pecoribus eam tradidissent. *Tertio*: ex vbertate, (*& pecoracius.*) quia enim erat suauis; nisi fuisset vberima, non dedissent eam pecoribus. Sic & sacra scriptura magna est auctoritate, quia à Spiritu sancto est data, delectabilis est suauitate. Psal. 118. *Quam dulcia sunt faucibus meis eloquia tua.* Iterum fecunda est vbertate, quia non solum sapientibus; sed etiam insipientibus communicatur.

De II. (*Respondit Iesus.*) Explicat virtutem suæ doctrinæ, & *primo*, quantum ad hoc, quod dixerat eam *esse aquam.* *Secundo* quantum ad hoc, quod dixerat eam *esse aquam viuam.* I. Ostendit autem, quod doctrina sua sit optima aqua, ex hoc, quod habet aquæ effectum, scilicet auferat sitim multo amplius, quam aqua ista corporalis: ostendens se in hoc esse maiorem, quam Iacob. (*Respondit Iesus, & dixit ei*) q. d. Tudicis, quod Iacob dedit vobis puteum: sed ego dabo aquam meliorem, quia (*omnis qui biberit ex hac aqua,*) scilicet corporalis, vel carnalis cupiditatis & concupiscentiæ, licet ad horam sedetur appetitus; tamen sitiet iterum, quia insatiabilis est delectationis appetitus. Prou. 23. *Quando euigilabo, & rursus vina reperiam.* (*Sed qui biberit ex hac aqua,*) scilicet spirituali  
(*quam*)



*(quam ego dabo ei, non sitiet in æternum. Is. penul. Serui mei bibent, & vos sitietis.*

Sed contra Eccl. 24. *Qui bibunt me adhuc sitient.* Quomodo ergo non sitiet in æternum qui biberit ex hac aqua, scilicet diuina sapientia. Dico: Vtrumque verum est; qui bibit ex aqua quam Christus dat, & sitit adhuc, & non sitit: Sed qui bibit ex aqua corporali, sitiet iterum, & hoc propter duo. *Primo*, Quia aqua materialis & carnalis non est perpetua, nec causam perpetuam habet; sed deficientem. Vnde & effectus oportet ut cesset Sap. 5. *Transferunt hac omnia quasi umbra, &c.* Aqua vero spiritualis causam perpetuam habet, scilicet Spiritum sanctum, qui est fons vitæ, nunquam deficiens; & ideo *qui ex ea bibit, non sitiet in æternum.* Sicut qui haberet in ventre fontem aquæ viuæ, non sitiret vnquam. *Alia ratio*, Quia differentia est inter rem spiritualem, & temporalem, licet enim vterque generet sitim; tamen aliter, & aliter. Quia res temporalis habita, causat quidem sitim non sui ipsius, sed alterius rei. Spiritualis vero tollit sitim alterius rei, & causat sui ipsius sitim. Cuius ratio est, quia res temporalis antequam habeatur, existimatur magni pretij, & sufficiens: sed postquam habeatur, quia nec tanta, nec sufficiens ad quietandum desiderium inuenitur, ideo non satiat desiderium, quin ad aliud habendum moueatur. Res vero spiritualis non cognoscitur, nisi cum habeatur. Apoc. 3. *Nemo nouit, nisi qui accipit.* Et ideo non habita, non mouet desiderium; sed cum habeatur & cognoscitur, tunc delectatur.

stat affectum, & mouet desiderium; non quidem ad aliud habendum, sed quia imperfecte percipitur propter recipientis imperfectionem, mouet vt ipsa perfecte habeatur. De hac siti Ps. 41. *Sitituit anima mea ad Deum fontem viuum.*

Hæc sitis in mundo isto vsquequaque non tollitur. Quia bona spiritualia in vita ista percipere nō possumus, & ideo qui biberit ex hac aqua, adhuc quidem sitiet eius perfectionem, sed non sitiet in æternum, quasi ipsa aqua deficiat, quia Psa. 35. *Inebriabuntur ab vbertate domus tuæ.* In vita autem gloriæ beati perfecte bibunt aquam diuinæ gratiæ, non sitient in æternum. Matt. 5. *Beati qui esuriunt & sitiunt iustitiam,* scilicet in mundo isto, quia saturabuntur in vita gloriæ.

II. Ostendit doctrinam suam esse aquam viuam ex motu ipsius aquæ. Vnde dicit, quod est fons decurrens. Psal. 45. *Fluminis impetus latificat ciuitatem Dei.* Sed alius est cursus aquæ materialis, scilicet deorsum: alius istius spiritualis: quia ducit sursum: & ideo dicit, *dico*, quod talis est aqua materialis, vt nō tollat sitim: sed *aqua quam ego do*, non solum sitim aufert, sed *est viuæ*: quia est coniuncta fonti. Vnde dicit: quod fiet ( *in eo fons.* ) Fons, inquam, perducens per bona opera ad vitam æternam. Ideo dicit ( *aqua salientis,* ) id est, salire facientis ( *in vitam æternam.* ) vbi non est sitis. Ioa. 7. *Qui credit in me, flumina de ventre eius,* scilicet bonorum desideriorum *de ventre eius fluent aquæ viuæ.* Psal.

35. *Apud te fons vitæ.*

\* \* \*

II. CON-

## II. CONCIONIS DISPOSITIO.

*Domine, da mihi hanc aquam,  
Ioan. 4.*

**S**COPVS. Modum petendi donum doctrinæ proponit Dominus per dialogum.

### PARTITIO.

- I. De modo percipiendi donum.
- II. De oratione, qua donum acquiritur.
- III. De triplice oratione inuicem comparatâ.
- IV. De Christianâ collatâ cum Iudaicâ, & Ethnicâ.
- V. De collatore doni doctrinæ.

### PARS I.

*De modo consequendi doctrinam Domini.*

**J**ste certus est, qui nititur per orationem & petitionem. Ideo primo ponitur petitio mulieris, Secundo responsio Christi. Tertiò, Hæc conuincitur. De I. Nota. Mulier ista in exordio collationis mutuat, Christum non vocauit Dominum; sed simpliciter Iudæum dicens: *Quomodo tu Iudæus cum sis,* &c. Hic vero statim, cum audit eum fore sibi utilem, & aquam dare posse, Dominum eum vocat. vnde (*Dixit ad eum mulier; Domine da mihi hanc aquam.*) Quia enim hoc carnaliter intelligebat; &

m\*

dupl.



duplici corporali necessitate tenebatur, sc. sitis & laboris veniendo ad puteum & portando, ideo aquam petens, hæc duo allegat: dicens quo ad primum. (*Vt non sitiam*) & quo ad secundum, (*Neque veniam huc habere.*) Naturaliter enim homo laborem refugit. Ps. 72. *In labor: hominum non sunt.*

De II. Sed sciendum. Dominus respondebat spiritualiter: mulier intellexit carnaliter: & ideo potest hoc dupliciter exponi. 1. Secundum Chrysost. qui dicit, quod Dominus volebat dare aquam spiritualis doctrinæ non ipsi soli, sed specialiter viro suo, quia ut dicitur 1. Cor. 11. *Caput mulieris vir: & ideo voluit, ut præcepta Dei ad mulieres per virum deuenirent.* 1. Cor. 14. *Si mulier aliquid addiscere vult, domi virum interroget.* & ideo dicit, (*Vade voca virum tuum, & veni huc.*) & tunc cum eo, & per eum dabo tibi. 2. Secundum Aug. exponitur mystice. Nam sicut de aqua Dominus figurative loquebatur, ita de viro. Vir autem iste, secundum Aug. est intellectus. nam voluntas parit, & concipit à vi apprehensiva mouente eam: vnde voluntas est, sicut mulier. Ratio vero mouens voluntatem est vir eius. Quia ergo mulier, id est, voluntas prompta erat ad recipiendum; sed non mouebatur ab intellectu & ratione, ut specialiter hoc intelligeret, sed adhuc sub sensu detinebatur; ideo dominus dixit ei (*Vade.*) Tu sensualis. (*voca virum tuum.*) id est, rationabile intellectum aduoca, quo spiritualiter & intelligibiliter intelligas, quod modo carnaliter sapis (*& veni huc.*) Intelligendo ducta ratione.

De III. Hic conuincitur à Christo mulier. Et primo ponitur eius responsio. *Secundo* contestatio, qua conuincitur à Christo. I. Sciendum, quod mulier turpitudinem suam occultare volens, & Christum sicut purum hominem credens; licet verum responderit Christo, tamen fecte, & occulte dedecus suum tacebat: quia Eccl. 6. *Mulier fornicaria quasi stercus*, &c. Et ideo (*Respondit & dixit: virum non habeo*) & verum erat: quia licet ante plures habuerit, scilicet quinque; non vero legitimum habebat virum, sed cuidam adhæserat; & ideo conuincitur à Domino. Vnde dicit (*Bene dixisti: non habeo virum*) scilicet legitimum (*quinque enim viros habuisti*) ante ipsum. (*& nunc quem habes*) id est, hoc modo: vteris vt viro, (*non est tuus vir: hoc vere dixisti:*) quia virum non habes. Ideo autem dixit ei Dominus ea quæ ab eâ non didicerat: & occulta sibi videbantur, vt mulierem ad spirituales intelligentiam reducat, & credat in Christo aliquid diuinum esse.

*Mystice* autem quinque viri sunt, quinque libri Moyli, quia Samaritani, vt dictum est, eos recipiebant: & ideo dicit (*quinque enim viros habuisti, & hunc quem habes*) id est, quem audis, scilicet Christum, non est tuus vir, quia non credis. Sed, dicit Aug. hæc expositio non est bona, Quia mulier ista, dimissis quinque viris, venit ad hunc quem habebat: At isti qui veniunt ad Christum, non dimiserunt quinque libros Moyli. 2. Ideo aliter dicendum, quod (*quinque viros habuisti*), id est, quinque sensus, quibus vsq; modo utebaris: *sed hunc quem habes,*

scilicet rationem errantem, qua spiritualiter dicta adhuc carnaliter intelligis (*non est tuus vir*) legitimus, sed adulter: & ideo tolle adulterum errorē, qui te corrumpit, & (*voca virum tuum*, id est, intellectum, vt intelligas me.

## P A R S II.

### *De oratione qua donum acquiritur.*

**P**rimo ponitur quæstio mulieris de oratione. *Secundo*, responsio Christi. *Circa primum* duo facit mulier. *Primo*, confitetur aptitudinem Christi ad respondendum quæstioni. *Secundo* quæstionem proponit, I. Mulier autem ista audita, quæ Christus de occultis ei manifestauerat; quem vsq; modo purum hominem credidit; nunc Prophetam confitetur, idoneum ad satisfaciendum de dubijs, hoc est proprium Prophetarum, vt absentia, & incognita annuncient. i. Reg. 9. Qui olim dicebatur videns, nunc dicitur Propheta; & ideo dicit. (*Domine, vt video, Propheta es tu.*) q. d. in hoc quod occulta mihi dicis, ostenderis propheta. In quo secundum Aug. patet, quod cœpit ad eam venire vir, sed non plene venit: Quia Dominum prophetam putabat, licet enim propheta esset: Matt. 13. *Non est propheta sine honore*, &c. tamen erat plusquam propheta. Quia prophetas ipse constituit. Sap. 1. *In animas sanctas per nationes se transfert*, &c.

II. Ponit quæstionem de oratione dicens. (*Patres nostri*, &c.) In quo admiranda est mulieris diligentia



gentia, quia mulieres plurimum curiosæ, & infructuosæ, & otiosæ, 1. Tim. 5. Non de mundanis, non de futuris eum interrogabat; sed de his, quæ Dei sunt: secundum illud Mat. 7. *Primum querite regnum Dei*, & mouet primo quæstionem de his quæ in terra illa homines mouere consueuerant, sc. de loco orationis, de quo quæstio vertebatur inter Iudeos & Samaritanos, (*Patres nostri in monte hoc adorauerunt, & vos dicitis, &c.*)

Circa quod sciendum est, quod Samaritani (secundum legis mandata) Deum colentes, fecerunt templum, in quo eum adorarent, non euntes in Hierusalē, propter Iudeos, eis infestos: quod quidem templum fecerunt in monte Garizim, Iudei vero in monte Syon. Vnde quæstio vertebatur inter eos, quis istorum montium esset conuenientior locus orationi, & utriq; adducebant rationes pro parte sua. *Samaritani quidem* dicebant magis in monte Garizim esse adorandum: quia antiqui patres adorauerunt ibi Dominum; ideo dicit, (*Patres nostri in monte hoc adorauerunt.*) sed quomodo dicit mulier. (*Patres nostri,*) cum Samaritani non essent ex semine Israel? *Responsio*, secundum Chrys. Aliqui dicunt Abraham in monte illo filium obtulisse: alij autem in monte Syon, Gen. 22. Vel potest dici, quod patres nostri intelligantur Iacob & filij eius; qui, ut habetur Gen. 33. & dictum est supra, habitauit in Sichem, quæ est sita iuxta montem Garizim, & forte ibi adorauerunt in monte Dominum. Vel potest dici, quod filij Israel adorauerunt in monte hoc, quando Moyse præce-

pit, ut ascenderent in montem Garizim, ad benedicendum seruantibus mandata Domini : ut dicitur *Deu. 6*. Et vocat istos patres suos, vel propter legem datam filiis Israel, quam seruabant Samaritani : Vel propter terram eorum quam inhabitabant; ut dictum est supra.

*Iudæi autem* dicunt orandum esse in Hierusalem; autoritate Domini, qui præcepit *Deu. 12*. *Cau- ne offeras holocausta tua in omni loco quem videris; sed in loco quem elegerit Dominus Deus tuus*. Qui quidem orationis locus primo fuit in Sylo; postea vero autoritate Salomonis & Natham prophetæ, arca Dei portata est de Sylo, in Hierusalem, & ibi factum est templum, secundum illud *Psal. 77*. *Repu- lit tabernaculum Sylo, sequitur, sed elegit tribum Iuda in monte Syon, quem dilexit*. Sic ergo Samaritani adducebant pro se autoritatem patrum; Iudæi vero autoritatem prophetarum, quos Samaritani non recipiebant.

Hanc ergo quæstionem mulier proponit: nec est mirandum à quo docta fuerit; quia communi- ter contingit, ut in terris, in quibus diuersa sunt dogmata, etiam simplices in eis sint instructi. Unde quia Samaritani fuerant in continuo iur- gio cum Iudæis, ideo mulieres & simplices in materia ista edo- cti erant.

## P A R S III.

*Responsio Christi de oratione triplice inuicem comparata.*

**P**rimo distinguit trinam orationem. Secundo comparat eas adinuicem. De I. Reddit primo mulierem attentam, utpote grandia locuturus dicens (*Crede mihi*) & fidem adhibe, quia ubique opus est fide. Hebr. 11. *Accedentem ad Deum oportet credere.* Isa. 7. *Nisi credideritis, non intelligetis.* Secundo proponit trinam adorationem, quarum duæ iam erant; alia vero expectabant futura. Duarum autem quæ erant, vna erat Samaritanorum, qua orabant in monte Garizim, & hanc exprimit dicens. (*Venit hora: quando neque in monte hoc.*) scilicet Garizim (*adorabitis.*) Alia est Iudæorum qua orabant in monte Syon, sc. in Hierusalem, & hanc exprimit dicens. (*Neque in Hierusalem.*) Tertia est futura, quæ expectatur, quæ est alia ab istis; & hanc insinuat excipiendõ vtramque adorationem. Nam si veniat hora quando adorabunt, non tamen in monte Garizim, neque in Hierusalem; manifestum est, quod erit tertia adoratio Christi, euacuans vtrorumque adorationem. Nam si quis vellet duos populos in vnum coniungere, oporteret in vtroque remoueri illud, in quo abinuicem dissiderent: & aliquid eis commune in quo conueniant, concedere. Christus ergo volens cõiungere Iudæos & Gêtiles, remouit à Iudæis ceremonias: &



à gentibus idololatria : quæ duo erant sicut paries vnus, in quo vterque adinuicem dissidebant ; & fecit ex vtroque populo vnum populum, secundum illud Eph. 2. *Ipse est pax nostra, &c.* Sic ergo cessauit cæremonialis cultus, & idololatria gentium ; & sic introductus est verus Dei cultus à Christo.

*Mystice* autem secundum Orig. per tres adorationes intelliguntur diuinæ sapientiæ tres participationes. 1. *Quidam* namque participant eam obnubilantes tenebris erroris ; & isti adorât in monte. Quia omnis error ex superbia causatur. Hier. 7. *Ecce ego ad te mons pestifer.* 2. *Quidam* vero participant ipsam diuinam sapientiam sine errore, sed imperfecte : quia in speculo & ænigmate. Et isti adorant in Hierusalem ; quæ significat præsentem Ecclesiam. Psal. 146. *Ædificans Hierusalem Dominus dispersiones Israelis congregabit, &c.* 3. Beati vero & sancti participant illam sine errore perfecte. Quia vident Deum sicuti est ; vt dicitur 1. Ioan. 3. Et ideo dicit. (*Venit hora,*) id est, expectabitur quando neque in erroribus, neque per speculum & in ænigmate participabitis diuinam sapientiam ; sed sicuti est.

De II. (*Vos adoratis, quod, &c.*) Comparat prædictas adorationes adinuicem. Et primo comparat secundam ad primam. Tria hic. *Primo*, ostendit defectum primæ adorationis. *Secundo*, veritatem secundæ. *Tertio*, rationem vtriusque assignat. De I. (*Vos adoratis, quod nescitis.*) Videtur, quod Dominus explicare debuisset veritatem quæstionis, & rationem mulieris exsoluere. Sed Dominus de hoc nõ curat ; quia vtraque adoratio cessare debebat.

Quan-

Quantum autem ad hoc, quod dicit. [*Vos adoratis.*] Sciendum, quod Philosophus dicit, aliter est cognitio in rebus compositis, & aliter in simplicibus. Nam composita possunt quantum ad aliquid cognosci, ita vt quantum ad aliquid in eis remaneant incognita, vnde potest de his haberi falsa cognitio. Sicut si aliquis habens veram cognitionem de animali quantum ad eius substantiam; tamen potest errare circa cognitionem accidentis; vtrum, sc. sit album vel nigrum: & differentiae vtrum, sc. sit alatum vel quadrupes. In simplicibus autem nullo modo potest esse falsa cognitio. Quia aut perfecte cognoscuntur, in quantum scitur eorum quidditas, aut nullo modo cognoscuntur, si non possit ad ea attingi. Cum ergo Deus sit omnino simplex, non potest de eo haberi falsa cognitio per hoc, quod aliquid de eo sciatur, & aliquid nesciatur; sed per hoc, quod non attingitur. Vnde quicumque credit Deum esse aliquid quod non est; puta corpus vel aliquid huiusmodi, non adorat Deum: quia nescit eum, sed aliquid aliud.

Samaritani autem falsam opinionem habebant de Deo dupliciter. *Primo*, quia existimabant eum esse corporeum; vnde & credebant ipsum in vno loco corporeo tantum determinate adorari oportere. Deinde quia non credebant eum esse super omnia, sed æqualem aliquibus creaturis. Vnde simul cum eo, & idola adorabant, quasi sibi æqualia; ideoque nesciebant eum: quia non attingebant ad veram cognitionem eius. Vnde dicit

**Dominus.** (*Vos adoratis, quod nescitis*) id est, non adoratis Deum, quia nescitis ipsum: sed phantasmam vestram, qua aliquid apprehēditis, vt Deum. Eph. 4. *Sicut & gentes ambulant in vanitate sensus sui, &c.*

**De II.** (*Nos adoramus, quod scimus.*) Connumerat se Iudæis, quia & Iudæus erat secundum gentem: & etiam mulier opinabatur eum & Prophetam & Iudæum esse. [*Nos adoramus, quod scimus.*] Quia Iudæi per legem & prophetas veram cognitionem seu æstimationem de Deo habebant: in hoc quod non credebant ipsum esse corporeum, nec in vno loco determinato esse; quasi eius maiestas à loco capi possit. 3. Reg. 4. *Si enim cœli cœlorum te capere possunt, &c.* Nec etiam idola colebant. Ideo Ps. 75. *Notus in Iudæa Deus.*

**De III.** Rationem autem huius assignat, cum dicit. (*Quia salus ex Iudæis est,*) q. d. ideo vera notitia de Deo habebatur solum à Iudæis; quia futurum erat, vt salus ex Iudæis proveniret: & sicut principium sanitatis debet esse sanum, ita principium salutis, quæ habetur per Dei veram cognitionem & verum cultum, oportet veram cognitionem de Deo habere: & ideo quia ex eis principium salutis, & causa, scil. Christus provenire debebat secundum illud Gen. 22. *In semine tuo benedicentur omnes gentes;* oportet Deum notum esse in Iudæa.

Provenit autem ex Iudæis salus tripliciter. **Primo**, quantum ad doctrinam veritatis, quia omnes gentes erant in erroribus: Iudæi autem in veritate permanebant. Ro. 3. *Quid amplius est Iudæo, quia tra-*  
dita



*data sunt eis eloquia Dei? Secundo, quantum ad spiritualia dicta. nam prophetica, & alia dona Spiritus sancti, prius eis data fuerunt, & ex eis deuenierant ad alios. Rom. 11. Tu scilicet gentilis cum esses oleaster, insertus es in illis, scilicet Iudeis. Rom. 15. Nam si spiritualium eorum, scilicet Iudeorum participes facti sunt gentiles. Tercio, quantum ad ipsum salutis auctorem, quia ex eis processit secundum carnem. Rom. 9. Ex quibus Christus est secundum carnem.*

## P A R S IV.

*De adoratione Christiana collata cum Iudaica & Ethnica.*

**P**rimo ponit eminentiam adorationis veræ respectu ad alias. Secundo præeminentiæ convenientiam De I. Nota secundum Orig. quod supra loquens de tertia adoratione cum dixit. [ *Venit hora, quando non in monte, &c.* ] non addidit Dominus ( *& nunc est,* ) hic vero de ipsa loquens dicit ( *venit hora & nunc est.* ) Quia tunc locutus est de adoratione in patria, secundum quam perfectam Dei cognitionem participabimus; quæ nondum viventibus in hac carne mortali venit: hic vero loquitur de ea, quæ est in vita ista, quæ iam venit per CHRISTVM, & ideo dicit [ *Venit hora, & nunc est quando veri adoratores.* ] Quod potest legi, primo quidem secundum Chrysostomum, ut per hoc totum ostendatur eminentia istius adorationis ad adorationem

tionem Iudæorum, vt sit sensus: Sicut adoratio Iudæorum præminet adorationi Samaritanorum, ita adoratio Christianorum præminet ei, quæ est Iudæorum.

Et hoc in duobus. *Primo*, quia illa est secundum carnales cæremonias. Heb. 9. *In iustitiis carnis vsque ad tempus correctionis impositis*, hæc vero est secundum spiritum. *Secundo* vero, quia illa est secundum figuras, nam Deo illæ victimæ, secundum quod sunt res quædam, non placebant. Vnde in Psalm. 49. dicitur. *Nunquid manducabo carnes taurorum, &c.* Psalm. 50. *Sacrificium dedissem vtique, holocaustis non delectaberis*; in quantum, scil. sunt res quædam, sed delectabatur in eis in quantum erat figura veræ victimæ & veteris sacrificij. Hebr. 10. *Vmbra habet lex futurorum bonorum, non rerum ipsam imaginem, &c.*

Hæc autem adoratio est *in veritate*; quia ipsa secundum se Deo placet. Ioan. 1. *Gratia & veritas per Iesum Christum facta est.* Et ideo quantum ad primum dicit, quod (*veri adoratores adorabunt in spiritu.*) non in cæremoniis carnalibus. Quoad secundum dicit (*in veritate,*) non in figura. *Secundo* potest legi, quod Dominus per hæc duo, quæ dicit, sc. (*In spiritu, & veritate,*) vult ostendere differentiam huius adorationis, non tantum ad illam Iudæorum; verum etiam ad eam, quæ erat Samaritanorum. I. Ad illam quidem Iudæorum, per hoc quod dicitur [*& veritate.*] nam illa, vt dictum est, cum errore erat; quia adorabant quod nesciebant: ista vero est cum vera Dei cognitione.

*Tertio*

Tercio modo legitur, vt per hoc quod dicit (*In spiritu & veritate.*) ostendatur conditio veræ adorationis. Ad hoc enim quod adoratio vera sit, duo requiruntur. Vnum, quod spiritualis [*vn̄de dicit in spiritu.*] id est, in feruore spiritus. 1. Cor. 14. *Orabo spiritu, orabo & mente.* Eph. 5. *Psallentes in cordibus vestris Deo.*

Aliud quod sit *in veritate.* Primò quidem fidei, quia nullus feruor spiritualis desiderii est ad merendum idoneus, nisi adsit veritas fidei. Iac. 1. *Postulet autem in fide nihil hesitans.* Secundo vero (*in veritate,*) id est, sine fictione & simulatione. Contra quod dicitur Matt. 6. *Amant in angulis orare: vt videantur ab hominibus.* Sic ergo ad ipsam orationem requiritur feruor charitatis, quantum ad primum: & veritas fidei, quantum ad secundum: & rectitudo intentionis, quantum ad tertium.

Sed dicit *Patrem*, quia adoratio legis non erat *patris*, sed *Domini*.

Nos adoramus, vt filij per amorem; illi vero adorabant vt serui, per timorem. Sic ergo hoc quod dicit (*veri,*) opponitur contra tria secundum dictas expositiones. Primo cōtra falsum adorationis ritum Samaritanorum. Ephes. 4. *Deponentes mendacium, loquimini veritatem.* Secundo, contra vanum & transitorium quod erat in cæremoniis carnalibus. Ps. 4. *Vt quid diligitis vanitatem, & queritis mendacium?* Tertio contra figurale. Ioan. 1. *Gratia & veritas per Iesum Christum facta est.*

De II. (*Nam & Pater querit.*) Ostendit continentiam tertiæ adorationis ex duobus. Primo ex volun-



voluntate & acceptione eius qui adoratur. *Secundo* ex ipsius natura. *Circa primum* sciendum, quod ad hoc, vt homo mereatur, quod petit, accipere, ea debet petere quæ non sunt contra voluntatem dantis, & eo modo quo acceptum est danti; & ideo cum oramus Deum, esse debemus quales Deus quærit. Deus autem tales quærit, qui sc. cum adorent in spiritu & veritate, & in feruore charitatis, & veritate fidei. Deut. 10. *Et nunc Israel, quid Dominus Deus tuus petit à te, nisi vt timeas Dominum Deum tuum, & ambules in viis eius, & diligas eum ac seruias Domino Deo tuo in toto corde tuo; vt bene sit tibi? &c.* Mich. 6. *Indicabo tibi ò homo quid sit bonum, & quid Deus requirat à te: vtique facere iudicium, & diligere misericordiam, & sollicitum ambulare cum Deo tuo.*

*Circa II.* Hoc ostendit & ex natura ipsius dicens: (*Spiritus est Deus, & eos, &c.*) Nam, sicut dicitur Eccl. 13. *Omne animal diligit sibi simile,* &c. Deus in tantum diligit nos, in quantum ei assimilamur: sed non assimilamur ei secundum carnalia: quia est incorporeus; sed secundum spiritualia: quia [*Deus spiritus est*] Eph. 4. *Renouamini spiritu mentis vestre.* Hoc autem quod dicit [*spiritus est Deus.*] denotat in Deo incorporeitatem Luc. vltim. *Spiritus carnem & ossa non habet.* Item viuificationem, quia tota vita nostra est à Deo: vt à principio effectiuo. Est etiam Deus veritas. *Ego sum veritas*

*& vita: & ideo in spiritu & veritate oportet adorare eum.*

## P A R S V.

*De Datore doni dicti.*

**H**Oc respondet ei, quod Dominus dixerat. (*Si scires donum Dei, & quis est qui dicit tibi, Da mihi bibere.*) & Primo ponitur confessio mulieris: secundo doctrina Christi. De I. Duo facit. Primo enim profiteretur mulier fidem Christi venturi. Secundo profectiorem doctrinæ eius. I. Sciendum, quod mulier, eorum, quæ dicta, sunt altitudine fatigata, obstupuit, ea capere non valens, dicit. (*Scio quia Messias venit, qui dicitur Christus,*) quasi dicat, ista verba non capio: sed veniet tempus quando veniet Messias, & tunc sciemus omnia ista. Messias enim Hebraice, *unctus* Latine, Græce *Christus* est. Sciebat autem mulier ista Messiam venturum, edocta per libros Moyse: ubi Christi aduentus prænunciatus est. Gen. pen. *Non auferetur sceptrum de Iuda, & dux de femore eius, donec veniat, qui mittitur, &c.* Sicut autem Augustinus dicit, hæc est prima locutio mulieris, in quo nominat Christum: ut innuat, quod post quinque sensus corporeos, iam inciperet redire ad virum legitimum.

II. Hic autem Messias cum venerit, perfectam doctrinam proponet, cum dicit. (*Cum venerit, illa ann. &c.*) Et hoc prædixerat Moyses Deuteronomij 18. *Prophetam suscitabo eis de medio fratrum suorum similem eis, & ponam verba mea in ore eius, loqueturque ad eos omnia quæ præcepero illi.* De II. Et quia iam adiuuauerat mulier ista *Virum suum*, intel-

telle-

telleſtum ſc. & rationem, ideo Dominus aquam doctrinæ ſpiritualis ei propinat optime manifeſtando ſe ei. [*Ego ſum, qui loquor.*] ſc. Chriſtus. Sap. 6. *Praoccupat eos qui ſe concupiſcunt, vt illis ſe prior oſtendat.* Ioan. 14. *Ego diligam eum, & manifeſtabo ei meipſum.* Non autem Deus manifeſtauit ſe mulieri à principio; quia forte credidiſſet, & viſus fuiſſet ipſi ex vanitate loqui. Nunc autem paulatim in cognitione Chriſti eam reducens, oportune reuelauit ſeipſum. Prou. 25. *Mala aurea in lectis argenteis, qui loquitur verbum in tempore ſuo, & quidem interrogatur à Phariſæis, vtrum eſſet Chriſtus, Ioan. 10. Si tu es Chriſtus, dic nobis palam: & tamen eiſ non ſe manifeſte reuelauit; quia non ad diſcendum quærebant: ſed ad tentandum: Hæc verò ſimpliciter mente loquebatur.*

### III. CONCIONIS DISPOSITIONO.

*Continuo venerunt diſcipuli eius, Ioannis 4.*

**SCOPVS:** Effectum doctrinæ ſuæ declarat opere.

#### PARTITIO.

- i. *De fructu ſpiritualis doctrinæ apud diſcipulos & mulierem.*
- ii. *De effectu eiſdem apud Diſcipulos.*

PARS



## PARS I.

*De fructu Doctrinæ Dominicæ.*

**E**ffectus Christianæ doctrinæ est fructus proueniens ex parte fidelium. & ideo *Primo* ponitur fructus proueniens ex parte discipulorum admirantium. *Secundo* fructus proueniens ex parte mulieris virtutem Christi annunciantis.

De I. Tria ponuntur quantum ad discipulos. I. Eorum reditus ad Christum. vnde dicit (*Et continuo venerunt discipuli eius.*) & vt dicit Chrysost. satis opportune, postquam se Christus mulieri manifestauit: discipuli occurrerunt: vt ostendatur omnia tempora, diuina prouidentia dispensari. Sap. 8. *Vnumquodque fecit Deus, quia pusillum & magnum, & equaliter est ei cura de omnibus, & in omni prouidentia occurreret illis.* Eccles. 8. *Omni negotio tempus est, & opportunitas.* II Eorum admiratio de Christo: vnde dicit. (*& mirabantur, quia cum muliere loquebatur.*) Mirabantur quidem bonum; sed non suspicabantur malum; vt August. dicit. Mirabantur autem duo. *Primo* quidem superabundantem Christi mansuetudinem & humilitatem; quia Dominus orbis terrarum, dignatus est cum inope muliere loqui, & diu: Dans in hoc nobis exemplum humilitatis. Eccl. 4. *Congregationi pauperum affabilem te facito.* *Secundo*, quia cum Samaritana & alienigena loquebatur, nescientes mysterium, quod mulier typum ecclesiæ gentiū generet,

reret, quam quærebat; qui venit *querere, & saluum facere, quod perierat.* Luc. 19. Ponitur eorum reuerentia ad Christū, quæ ostenditur ex taciturnitate eorum. In hoc enim ostendimus reuerentiā ad Deū, quando facta eius discutere non audemus. Prou. 25. *Gloria Dei est celare verbum, & gloria Regum inuestigare sermonem.* Ideo dicit, quod licet mirarentur. [*Nemo tamen dixit, quid quæris, aut quid loqueris cum ea?*] Eccl. 2. *Audi tacens, & pro reuerentia accedet tibi bona gratia.*

Sed tamen sic eruditi erant discipuli ordinem seruare, ex reuerentia & timore filiali ad Christū, vt aliquando quidem confidenter eum interrogent de his, quæ ad eos pertinebant: scil. quando Christus aliqua proponebat ad eos pertinentia, quæ eorum capacitatem transcendebant. Eccl. 3. *Adolescens vix loquere in causa tua, aliquando vero eum non interrogent in his,* scil. quæ ad eos non pertinebant, sicut hic.

De II. [*Reliquit ergo hydriam suam mulier, & abiit in ciuitatem.*] Ponitur fructus proueniens ex parte mulieris, officium Apostolorum annunciando assumentis. Et dicuntur tria, quæ colligi possunt ex dictis & factis eius. *Primo*, deuotionis affectus. *Secundo* prædicationis modus. *Tertio* prædicationis effectus.

I. Affectus autem mulieris apparet ex duobus. *Primo* ex hoc, quod præ magnitudine deuotionis, illud pro quo spiritualiter venerat ad fontem, quasi oblita dereliquit aquam & hydriam. [*& abiit in ciuitatem annunciare, &c.*] scil. magnalia de Christi

Christo, non curans de corporeo commodo, propter utilitatem aliorum. In quo sequitur Apostolorum exemplum, qui, ut dicitur Matth. 14. *Relictis retibus, secuti sunt Dominum.* Per hydriam autem intelligitur cupiditas sæculi, per quam de profundo tenebrarum, cuius imaginem puteus gerit, id est, de terrena conuersatione homines hauriunt voluptates. Qui ergo cupiditates sæculi propter Deum derelinquunt, hydriam derelinquunt. 2. Tim. 2. *Nemo militans Deo, implicat se negociis secularibus.* II. Apparet ex multitudine eorum quibus annunciat, quia non vni tantum: nec duobus vel tribus; sed toti ciuitati, unde (*abiit in ciuitatem.*) In quo significatur Apostolorum officium, quibus committit Dominus, Matth. vlt. *Euntes docere omnes gentes.* Ioan. 15. *Posui vos, ut eatis, & fructum afferatis.* Prædicationis autem modus innuitur, cum dicit.

II. (*Dicit illis hominibus, venite.*) Vbi primo inuitat ad Christi visionem, cum dicit; ) *Venite & videte hominem.*) Audierat enim mulier ista à Christo, ego sum Christus: sed non statim dixit, ut venirent ad Christum seu crederent; ne daret occasionem blasphemandi, & ideo à principio dixit ea de Christo, quæ credibilia erant, & in propatulo, scilic. quod esset homo. Phil. 2. *Et in similitudinem hominum factus:* nec dixit credite: sed (*Venite & videte,*) quia manifeste nouerat, quod si gustarent de illo fonte, eum videndo, eadem paterentur, quæ & ipsa Ps. 15. *Venite & narrabo, quanta fecit anima mea.* Nihilominus tamen in hoc veri prædicatoris imitatur



exemplum, non ad se homines: sed ad Christum vocando, 1. Cor. 2. *Non enim predicamus nosmetipsos, sed Christum.*

*Secundo* ponit diuinitatis Christi indicium, cum dicit. (*qui dixit mihi omnia quaecunque feci*) sc. quos viros habuerat. Hoc enim est diuinitatis officium & indicium, quod occulta & secreta cordium manifestet, & licet illa quæ fecerat, ad confusionem suam pertinerent: nihilominus tamen non est verecundata referre, nam vt Chrysost. dicit, Anima cum ignita fuerit igne diuino, ad nihil eorum, quæ sunt in terra, de reliquo respicit; neque ad gloriam, nec ad verecundiam: sed ad illam solam, quæ detinet eam flammam.

*Tertio* autem concludit Christi maiestatem dicens. [*Nunquid non ipse est Christus?*] Non est ausa asserendo ostendere, quod esset Christus; ne videretur alios velle docere, & ipsi ex hoc irati exire ad eum nollent. Neque tamen totaliter hoc siluit; sed sub quæstione quasi hoc eorum iudicio committens, proposuit dicens. (*Nunquid non ipse est Christus?*) Hic enim facilius modus est suadendi.

*Mystice.* Per hanc autem mulierem, quæ infimæ conditionis est, signatur Apostolorum prædicationis modus: quia vt dicitur 1. Cor. 1. *Non multi sapientes, non multi potentes secundum carnem, sed quæ stulta sunt mundi elegit Deus, vt confundat sapientes.* Vnde Prouerb. 9. Ipsi Apostoli ancillæ dicuntur. *Misit, inquit, sapientia diuina, sc. filius Dei, ancillas suas, sc. Apostolos vocare ad arcem.*

Fructus aut prædicationis ponitur ibi. (*Exierunt de*

IN FER. VI. POST DOM. III. QVAD. 197  
*de ciuitate.* ) ad quam iuerat mulier. ( *& veniebant ad ipsum,* ) sc. Christum in quo datur intelligi, quod si ad Christum ire volumus, oportet nos exire de ciuitate, id est, amorem carnalis cupiditatis deponere. Heb. 13. *Exeamus ad eum extra castra,* &c.

## P A R S II.

### *De effectū spiritualis doctrinæ apud discipulos.*

**C**irca primum duo facit. *Primo* ponitur occasio manifestationis huius fructus. *Secundo* ponitur ipsa manifestatio. De I. Occasio manifestationis sumitur ex instantia discipulorum, ad hoc, vt Christus manducaret, ideo dicit. ( *Interea.* ) id est, inter mulieris verba, & locutionem Christi cum ea, & inter tempus aduentus Samaritanorū. [ *Rogabant eum,* ] scilicet Christum [ *Discipuli eius, dicentes: Rabi, manduca.* ] arbitantes hoc tempus fore aptum ad prandium, antequam multitudo eorū concurreret. Non enim coram aliquo aduena sibi escas propinabant. vnde dicitur Matth. 6. quod *tanta multitudo confluebat ad eum, vt non haberet tempus manducandi.*

De II. Hunc autem fructum manifestat data sibi occasione dicens, [ *Ille, &c. Ego cibum habeo, &c.* ] Vbi *primo* ponit fructum figurata locutione: *Secundo* innuitur tarditas discipulorum ad intelligendum. I. Fructus autem spiritualis doctrinæ proponitur sub figura cibi & refectionis: & ideo dicit.

(*Ego cibum habeo manducare.*) Et sciendū, quod, sicut refectio corporalis non est perfecta, nisi cibo iungatur potus; & è conuerso: ita etiam ad spiritualē refectionem vtrumq; habere debet. Eccl. 17. *Cibauit illum Dominus pane vitæ & intellectus*, ecce cibis: & *aqua sapientia salutaris, potauit eum*, ecce potus. Ideo congrue post poculi negōciū, quo Samaritana potata fuerat, conueniens erat & de cibo disceptare; & sicut per aquā intelligitur sapientia salutaris; ita per cibū intelligitur operatio bona. Cibus autem iste quem Christus manducare habebat, est salus hominum; quam quærebat, ostendens per hoc, quantū desiderium habet salutis nostræ. Sicut enim nobis cū esurimus concupiscibile est manducare, ita ei saluare nos. Prou. 8. *Delitiæ meæ sunt, esse cum filiis hominum*. Ideo dicit. [*Cibum*] id est conuersionē gentium, (*habeo manducare, quem vos nescitis.*) quia non poterant adhuc præcognoscere conuersionē gentiū. Vel aliter, secundū Orig. contingit sicut de cibo corporali, ita & de spiritali. Non enim eadē quantitas omnibus sufficit; sed vni quidem maior necessaria est; alteri minor: & vni quidem sanum est, quod alteri nocet; eodem modo in spiritali refectioe, nō enim eadem qualitas seu quantitas doctrinæ spiritalis adhibenda est singulis; sed secundum dispositionis congruitatem & capacitātē hominū. Nam secundum Apostolum, *nuper geniti infantes, rationabiles lac appetunt; perfectorum autem est solidus cibus*. vnde Orig. dicit, qui est altioris doctrinæ, & aliis in spiritalib. præest: potest hoc verbum dicere infirmis & debilioris intellectus existens.



istentibus, & sic Apostolus loquitur 1. Cor. 3. *Tanquam paruulis in Christo, lac vobis potum dedi, non escam.* Et hoc multo amplius veridic<sup>9</sup> Iesus dicere potest (*cibum habeo manducare.*) Ioan. 16. *Multa habeo vobis dicere, quæ non potestis portare modo, &c.* Tarditas autē intellectus discipulorum innuitur ex hoc, quod ea, quæ dixit dominus de cibo spirituali: intelligebant de corporali. *Adhuc enim & ipsi sine intellectu erant,* Matt. 16.

Et ideo (*dicebant adinuicem: Nunquid, &c.*) Non est ergo mirum, si mulier illa Samaritana spiritua-lem a quam non intelligebat. Ecce enim, quod discipuli Iudæi, spiritualem non intelligunt escam. In hoc autem, quod dicunt adinuicem. (*Nunquid aliquis attulit ei.*) consuetudinem Christi debemus attendere: quia cibos ab alijs oblatos solebat accipere: Non quod bonis nostris indigeret: quia bonorum nostrorū non indiget: vt dicitur in Ps. 15. *nec esca hominum, quia dat escam omni carni.* Sed quare quærebat; & ab alijs accipiebat? Propter duo. *Primo*, vt dantes & afferentes, meritum consequerentur. *Secundo*, vt daret Christus exemplum, quod vacantes spiritualibus non erubescāt paupertatem; nec graue putent ab alijs nutriri. Proprium est enim doctoribus alios habere procuratores ciborum: vt ipsi de nullo curantes verbi ministratio-nem sollicitè procurent, vt dicit Chrysost. & hoc idem habetur in gl. 1. Tim. 5. *Qui bene præsumt*

*presbyteri, duplici honore digni habeantur,*

*maxime qui laborant in verbo &*

*doctrina.*

IV. CONCIONIS DISPO-  
SITIO.

*Meus cibus est, vt faciam voluntatem, &c.*  
Ioan. 4.

SCOPVS. Posita tarditate intellectus discipulo-  
rum circa figuratam locutionem : Hic conse-  
quenter Dominus explanat eam.

## PARTITIO.

- I. *Quis suus sit cibus explicat Dominus.*
- II. *De messe spiritali.*
- III. *De messorum premio.*
- IV. *De fructu ex predicatione Samaritane.*

## PARS I.

*De cibo Domini quis sit.*

Sicut Christus supra explanauit mulieri : quod  
figuraliter ei proposuit de aqua; sic & Apostolis  
explanat, quod figuraliter eis de cibo proposuit;  
sed aliter, & aliter. Nam Apostolis tanquam capa-  
cioribus absq; verborum inuolutione expositio-  
nem statim proponit; mulierem autem ( vtpote  
minus capacem ) per multa verba ad veritatis co-  
gnitionem perducit. Hoc autem quod dicit. [*Meus  
cibus est: vt faciam voluntatem eius qui misit me: vt  
perficiam eius opus.*] satis rationabilē habet causam.  
Cum enim cibus corporalis sustentet hominem,  
& per-

& perficiat ipsum; ille est spiritualis cibus animæ & creaturæ rationalis, quo sustentatur & perficitur. Hoc autem est, vt coniungatur suo fini: & vt sequatur regulam superiorem: Quod Dauid intelligens dicebat, Ps. 27. *Mihi autem adherere Deo bonum est.* Et ideo Christus, secundum quod homo, conuenienter suum cibum esse dicit, vt Dei faciat voluntatem, & perficiat opus. Et hæc quidem duo possunt intelligi. *Vel* vt vnum; ita tamen, vt secundum sit expositio primi. *Vel* possunt intelligi vt aliud, & aliud, 1. Si autem intelligantur vt vnum, tunc est sensus, ( *Meus cibus est,* ) i. in hoc est firmitas & sustentatio mea. ( *Vt faciam voluntatem eius, qui misit me.* ) secundum illud Psal. 39. *Facere voluntatem tuam Deus meus volui, & legem tuam in medio cordis mei.* Ioan. 6. *Descendi de cælo, non vt faciam voluntatem meam: sed voluntatem eius qui misit me.*

Sed quia facere voluntatem alicuius intelligitur dupliciter, vno modo vt faciat eum velle; alio modo vt opere compleat illud, quod scit eum velle; ideo Dominus exponens quid sit facere voluntatem eius, qui misit eum, dicit hoc, scilicet esse ( *vt periciam opus eius.* ) id est, vt compleam opera, quæ scio eum velle. Ioan. 9. *Me oportet operari opera eius qui misit me donec dies est.* 2. Si autem intelligatur vt aliud, & aliud: Sic sciendum est, quod Christus duo fecit in mundo isto: *Primo* docuit veritatem inuitando, & vocando ad fidem. Et in hoc compleuit voluntatem patris. Ioan. 6. *Hæc est voluntas patris, qui misit me, vt omnis qui videt filium, & credit in eum, habeat vitam æternam.* *Secundo* consummauit ipsam



veritatem aperiendo per passionem suam in nobis ianuam vitæ, dando potestatem perueniendi ad consummatam veritatem. Ioa. 17. *Opus consummari quod dedisti, vt faciam.* Si ergo dicit ( *Meus tibi est, vt faciam voluntatem eius qui misit me,* ) vocando homines ad fidem. ( *vt perficiam opus eius,* ) perducendo eos ad perfectum.

Vel secundum Orig. Omnis homo qui bene operatur, ad duo debet dirigere suam intentionem, scilicet ad honorem Dei, & ad vtilitatem proximi. Quia sicut dicitur 1. Tim. 1. *Finis præcepti est charitas, quæ continet amorem Dei & proximi.* Et sic, quando aliquid facimus propter Deum, finis præcepti est Deus: Quando vero propter vtilitatem proximi, finis præcepti est proximus. Secundum hoc ergo dicit Christus, ( *Meus tibi est, vt faciam voluntatem Dei,* ) i. vt intentionem meam dirigam, & regulem in his, quæ sunt ad honorem Dei ( *vt perficiam opus eius.* ) i. ea faciam, quæ sunt ad vtilitatem & perfectionem hominis.

Sed contra Dei perfecta sunt opera; non ergo conuenienter dicitur opera perfici Dei. *R. spondeo.* Inter cæteras creaturas inferiores, homo est speciale opus Dei; quia *ad imaginem & similitudinem suam fecit illum.* Gen. 1. Et hoc opus in principio quidem perfectum fuit; quia *Deus fecit hominem rectum,* vt dicitur Eccl. 7. Postmodum vero per peccatum hanc perfectionem amisit, & à rectitudine recessit. Et ideo vt hoc opus Domini perfectum esset; reparari indigebat, quod quidem perfectum est per Christum: quia dicitur Rom. 5. *Sicut enim per vnus homi-*

hominis inobedientiam peccatores constituti sunt multi; ita per vnus, &c. Sic Christus dicit ( *Vt perficiam opus eius,* ) id est, vt hominem ad perfectum deducam.

## P A R S II.

### *De messe spiritali.*

**A**Ttende quod Christus à muliere potum petiuit dicens: *Da mihi bibere.* Et ideo occasione huius petitionis introduxit similitudinē de aqua. Hic vero discipuli inducunt Dominum ad manducandum. Vnde & occasione huius introducit Dominus similitudinem de cibo spiritali. Quia idem intelligitur per cibū & potum. Sic ergo sunt quidam à quibus Deus petit potum; sicut à muliere: Quidam vero Deo offerunt potum. Sed cibū nullus Deo offert, nisi prius petierit ab eo Deus. Tunc enim Deo cibum spiritualem offerimus, quando ab eo poscimus salutem nostram; cum sc. petimus, *fiat voluntas tua, sicut in celo & in terra.* Salutem ex nobis ipsis consequi non possumus nisi præueniēti à gratia præueniēte, secundum illud Threno. ult. *Conuerte nos Domine ad te & conuertemur.* Ipse est ergo prius, qui per præuenientem gratiam nos petere facit.

In hac autem similitudine, duo facit. *Primo* ponit similitudinem de messe corporali. *Secundo* de messe spiritali. De I. ( *Nonne vos dicitis, quod adhuc quatuor, &c.* ) Datur intelligi, q. Christus statim post captionē Ioannis de Iudæa recessit: vt dicit Mat. 4.  
*& trans-*

*Et transiit per Samariam.* Et hoc fuit in hyeme. Vnde quia ibi tempestiuius messes perficiuntur, quatuor menses erant ab illo tempore vsque ad messem. Dicit ergo. (*Nonne vos dicitis*) loquendo de messe corporali, (*quod adhuc quatuor menses sunt.*) Qui extant futuri, (*& messis venit,*) id est, tempus collectionis messium.

De II. Duplex expositio est. PRIMA. (*Eccē dico vobis*) de spiritali messe loquens, (*Leuate oculos vestros, &c.*) Vbi sciendum est, quod tempus messium, dicitur tempus collectionis fructuum. Et ideo omnis collectio fructuum comparatur tempori messium. Tempus autem collectionis fructuum duplex est. Nihil enim prohibet in temporalibus, & in spiritalibus, quin illud, quod est fructus respectu præcedentium, sit etiam semen respectu sequentium. Nam bona opera sunt fructus spiritalis doctrinæ, sicut fides & huiusmodi; quæ tamen sunt semina vitæ æternæ: quia per ea ad vitam æternam peruenitur. Eccles. 24. *Flores mei* respectu fructus sequentis, *sunt fructus honoris, & honestatis,* respectu præcedentium.

Secundum hoc ergo *una* est collectio messis spiritalis; respectu fructuum æternorum, scilicet congregatio fidelium in vitam æternam; de qua Matth. 13. *Messis est consummatio sæculi.* Et de ista non agitur hic. *Alia* est in præsentī: Et hoc potest intelligi dupliciter. *Vno* modo collectio fructuum, scilicet fidelium in Ecclesia congregandorum conuersio. *Alio* modo ipsa cognitio veritatis, qua aliquis fructum veritatis in anima sua congregat. Et de vtra-



de vtraque secundum diuersas expositiones hic agitur. De prima secundum Aug. & Chrys. (*Vos dicitis*, ) quoniam adhuc non est tempus corporalis messis; sed non sic est de messe spirituali, imo (*Eccete dico vobis, leuate oculos vestros*) scilicet mentis per considerationem: vel oculos etiam corporis (*& videte regiones: quoniam albae sunt iam ad messum.*) quia scilicet tota regio plena erat Samaritanis ad Christum exeuntibus.

Hoc autem quod dicit: (*Albae sunt*) metaphoricum est; Cum enim segetes albatae sunt, signum est, quod sunt praeparatae ad messum. Nihil aliud per hoc significare voluit, quam quod homines ad salutem, & susceptionem verbi parati erant ei. Vnde dicit. (*Videte regiones,*) quia non solum Iudaei, sed etiam Gentiles parati sunt ad fidem. Matt. 9. *Messis quidem multa, operarii autem pauci.* Et sicut messes dealbantur propter praesentiam Solis aestiuo tempore magis feruentis; ita & homines per aduentum Solis iustitiae, scilicet Christi & praedicationem atque virtutem suam, praeparabantur ad salutem. Et de isto Sole dicitur, Mal. 3. *Vobis timentibus nomen meum orietur Sol iustitiae.* Et inde est, quod tempus aduentus eius dicitur tempus plenitudinis, Gal. 4. *Cum ergo venit plenitudo temporis, misit Deus filium suum.*

SECVNDA. De secunda autem collectione messis, id est, veritatis in animam, exponit Orig. qui dicit; Tot fructus veritatis colligit in messe, quot quis veritates cognoscit. Et vult, totum hoc. (*Nonne vos dicitis quoniam adhuc quatuor menses, &c.*)  
Et

Et ecce dico vobis leuate, &c.) intelligi parabolice. Et secundum hoc duo facit Dominus in verbis istis, Primo ponit falsam opinionem quorundam: Secundo excludit eam, Opinio namque quorundam erat, quod nulla veritas alicuius rei haberi possit ab homine.

Et ex hoc deriuata est hæresis Academicorum dicentium: Nihil certo scieri posse in vita ista. Iuxta quod dicitur Eccl. 7. *Cuncta tentavi in sapientia; dixi sapiens efficiar: Illa autem recessit à me multo magis quam fuerat.* Hanc ergo opinionem tangit Dominus dicens. (*Nonne vos dicitis quoniam adhuc 4. menses sunt: & messis venit:*) id est, totam vitam præsentem, in qua homo 4. elementis deseruit, finiri oportet, ut post eam collectio veritatis habeatur in alia vita.

Sed hanc opinionem consequenter excludit cum dicit, non est ita. (*Sed ecce dico vobis, leuate oculos vestros.*) Hoc enim sacra scriptura dicere consuevit: quandoque aliquod subtile & altum considerandum præcipitur. Is. 40. *Leuate in excelsum oculos vestros, &c:* nam oculi quando non sunt eleuati à terrenis, vel à concupiscentia carnali; non sunt idonei ad cognitionem spiritualis fructus, nam quandoq; depriuntur ad terrena retracti à consideratione diuinorum, secundum illud Ps. 16 *Oculos suos statuerunt declinare in terram.* Quandoq; excæcantur per concupiscentiam. Dan. 13. *Et declinauerunt oculos suos: ut non viderent cælum: neque recordarentur iudiciorum Dei.* Dicit ergo. (*Leuate oculos vestros, & videte regiones: quoniam albae sunt ad messem*) i. ita dispositæ, ut ex eis veritas sciri possit. Nam per regiones spiritualiter intelli-

telliguntur omnia; ex quibus veritas accipi potest. Et hæ specialiter duæ sunt scripturæ: Ioa. 5. *Scrutamini scripturas: quia ipsa testimonium perhibent de me.* Et hæ regiones erant quidem in veteri Testamento: sed non erant albæ ad messem, quia homines non poterant ex eis spirituales fructus accipere, quousque Christus venit; quia eas dealbavit aperiendo eorum intellectum. Luc. vlt. *Aperuit illis sensum, ut intelligerent scripturas.* Item creaturæ sunt messes: ex quibus colligitur fructus veritatis. Rom. 1. *Inuisibilia Dei per ea quæ facta sunt intellecta conspiciuntur.* Sed tamen gentiles qui earum cognitioni insistebant, erroris potius, quam veritatis fructus ex eis colligebant: quia, ut ibidem dicitur, *Seruierunt creaturæ potius, quam creatori.* Et id eo nondum albæ erant; sed Christo veniente, albæ factæ sunt ad messem.

### P A R S III.

#### *De Messorum præmio.*

**P**rimo proponit messorum præmium. *Secundo*, Prouerbum. *Tertio*, Adaptat idem. De I. Nota. Dominus exponens supra de aqua spirituali proposuit conditionem, per quam ea differt à corporali: quia, scilicet qui biberit ex aqua corporali sitiet iterum, qui vero biberit ex aqua spirituali, non sitiet in æternum. Ita hic exponens, quod dicit de messe, proponit quod dissimile est inter messem corporalem & spiritua-

Vnde



Vnde & tria proponit. *Vnum* quidem secundum quod attenditur similitudo vtriusque messis; scilicet qui metit tam in corporali messe, quā in spiritali, mercedem accipit. Ille autem metit spiritaliter; qui congregat fideles in ecclesia: vel qui colligit fructus veritatis in anima sua. Et vterque mercedem accipit secundum illud priori ad Corinthios tertio: *Vnusquisque propriam mercedem accipiet secundum suum laborem.* Duo alia proponit secundum quæ attenditur dissimilitudo. *Primo* quidem quia fructus messoris: qui metit messem corporalem, pertinet ad vitam corporalem, sed fructus eius qui metit messem spiritua-lem, pertinet ad vitam æternam. Et ideo dicit (Et congregat.) Ille, scilicet qui metit spiritaliter (*fructus in vitam æternam*) scilicet fideles qui ad vitam æternam peruenerint. Rom. 6. *Habetis fructum vestrum in sanctificationem, sine vero vitam æternam:* vel ipsam cognitionem & expositionem veritatis, per quam homo acquirit vitam æternam. Eccl. 24. *Qui elucidant me, vitam æternam habebunt.*

Secundo vero attenditur dissimilitudo: quia in messe corporali ad miseriam reputatur, quod unus seminet & alius metat. Vnde qui seminat tristatur de hoc, quod alius metit: sed in semine spiritali aliter est: quia (*qui seminat simul gaudet, & qui metit.*) Et quidem secundum Chrys. & Aug. seminantes semen spirituale sunt patres veteris Testamenti, & Prophetæ: nam ut dicitur Luc. 8. *Semen est verbum Dei:* quod Moyses & Prophetæ seminauerunt in Iudæa: sed Apostoli messuerunt, quia ipsi quod

pli quod intendebant; scilicet homines adducere ad Christum, efficere non potuerunt; quod tamen Apostoli fecerunt. Et ideo vtrique simul gaudent, scilicet Apostoli & Prophetæ, in vnâ mansione gloriæ, de conuersione fidelium, Isa. 51. *Gaudium & lætitiâ obtinebunt in ea, gratiarum actio & vox laudis.* Et per hoc confutatur hæresis Manichæorum, damnantium Patres veteris Testamenti: Cum tamen, vt hic dominus dicit, simul gaudebunt cum Apostolis.

Secundum Orig. vero *seminantes* in qualibet facultate dicuntur illi, qui qualibet illius facultatis principia tradunt. *Merentes* vero, qui ex illis procedunt vterius. Et hoc multo magis in ista, quæ est omnium scientiarum scientia. Prophetæ seminantes sunt, quia multi de diuinis tradiderunt. Messores vero sunt Apostoli: quia ea quæ non manifestauerunt Prophetæ hominibus prædicando, & docendo reuelauerunt. Ephes. 3. *Quod alijs generationibus non est agnitus, sicut nunc reuelatum est sanctis Apostolis eius.*

De II. Inducitur Proverbium, q. d. quod (*in hoc,*) id est, in isto facto (*verum est verbum,*) id est, impletur vulgare proverbium, quod erat apud Iudæos, scilicet *Vnus seminat, & alius metit.* Quod proverbium deriuari videtur eo, quod dicitur Leuit. 26. *Seretis frustra segetem, quæ ab hostibus deuorabitur.* Ex quo consueuerunt Iudæi: quando quis in re aliqua laborabat, & alius inde gaudebat, huiusmodi proverbium proferre. Ergo dicit Dominus, *In hoc,* quod Prophetæ seminauerunt & laborauerunt,

o\* & vos

& vos metitis & gaudetis, impletur prouerbi-  
 2. *Vel aliter.* (In hoc verbum verum est, ) scilicet quod  
 ego dico ( quod alius est qui seminat, alius qui metit. )  
 quia vos metetis fructus ex laboribus propheta-  
 rum.

Sed Prophetæ quidem & Apostoli alij sunt non  
 in fide, quia & illi, & isti fidem habuerunt. Rom. 3.  
*Nunc autem sine lege iustitia Dei manifestata est, testifi-*  
*cata à lege & Prophetis.* Sunt tamen alij in conuersa-  
 tione: quia Prophetæ videbant sub cæremonijs  
 legalibus, à quibus Christiani & Apostoli liberi  
 sunt. Gal. 4. *Et cum essemus paruuli, sub elementis huius*  
*mundi eramus seruientes, &c.* Et licet disparis tempo-  
 ris labores habuerint Apostoli & Prophetæ: ta-  
 men gaudio pariter perfruentur, & mercedem ac-  
 cipient in vitam æternam. Vt simul gaudeat qui  
 seminat, & qui metit.

Et hoc præfiguratum fuit in transfiguratione  
 Christi, vbi omnes gloriam suam habuerunt, &  
 patres veteris testamenti, scilicet Moyse & He-  
 lias, & patres noui testamenti, scilicet Petrus, Io-  
 annes, & Iacobus, dans per hoc intelligere, quod  
 in illa futura gloria simul gaudent noui, & veteris  
 testamenti iusti.

De III. ( *Ego misi vos metere.* ) Adaptat prouer-  
 bium ad propositum, & primo dicit Apostolos esse  
 messores. Secundo ostendit alios esse laboratores:  
 I. Dico quod alius est qui metit, quia vos estis mes-  
 sores. Alius qui seminat, quia ( *Ego misi vos metere*  
*quod non laborastis.* ) Non autem dicit mittam, sed  
 misi; quia bis misit eos. i. Semel ante passionem  
 suam



suam ad Iudæos, cum dixit eis. *In viam gentium ne abieritis: sed ite potius ad oues quæ perierunt domus israel* Matth. 10. Et quantum ad hanc missionem, missi fuerunt metere, quod non laborauerunt, scilicet ipsos Iudæos conuertere, in quibus Prophetæ laborauerunt. 2. Misit autem eos post resurrectionem ad gentes dicens eis Matt. ult. *Eunt: s in mundum vniuersum prædicate euangelium*, &c. In hac missione missi sunt de nouo seminare. Vnde Apost. Rom. 15. *Si autem prædicaui euangelium: ubi non nominatus est Christus, ne super alienum fundamentum edificarem*, &c. Et ideo dicit (*missi*) habens respectum ad primam missionem. Sic ergo Apostoli sunt messores; sed alij, scilicet Prophetæ sunt seminatores.

Vnde dicit II. (*Alij laborauerunt, &c.*) Seminando primordia doctrinæ Christi. (*Et vos in labores eorum introiitis ad colligendum fructus.*) Eccl. 13. *Bonorum laborum gloriosus est fructus:*) laborauerunt inquam Prophetæ, vt adducerent homines ad Christum: Ioa. 5. *Si crederetis Moyse, crederetis forsitan & mihi.* De me enim ille scripsit: *Si autem illius literis non creditis, quomodo verbis meis credetis?* Sed non ipsi fructum messuerunt. Vnde secundum hoc

dicebat. Is. 49. *Inuacuum laboraui, & sine*

*causa: vane fortitudinem meam*

*consumsi, &c.*

## P A R S IV.

*De fructu ex predicatione Samaritana.*

**S**Vpra Dominus prænunciavit Apostolis fructū, qui Samaritanis prouenerat, ex prædicatione mulieris: Hic autem Euangelista agit de eodem. Et primo ponitur fructus proueniens ex prædicatione mulieris. *Secundo* insinuatür augmentatio ipsius facta per Christum: De I. Fructus autem ex prædicatione mulieris proueniens ostenditur quantum ad tria. *Primo*, quantum ad fidem; quia in Christum crediderunt; unde dicit. (*Ex ciuitate autem illa*) ad quam; scilicet abierat mulier (multi homines crediderunt in eum Samaritanorum. Et hoc (*propter verbum mulieris*) à qua Christus aquam petierat (*testimonium perhibentis*) hoc; scilicet (*Quia dixit mihi omnia quæcunque feci.*) Quod quidem testimonium satis inducens erat ad credendum Christo. Cum enim; quæ Christus dixerat, pertinerent ad defectum eius manifestationem, nisi ipsa commota fuisset ad credendum, talia non referret. Et ideo statim ad auditum verborum suorum crediderunt. In quo significatur, quod *fides est ex auditu*.

*Secundo* ostenditur fructus quantum ad eorum accessum ad Christum; nam ex fide sequitur desiderium rei creditæ. Et ideo postquam crediderunt, accedunt ad Christum; ut perficiantur per eum. unde dicit. (*Cum venissent ad illum Samaritani.* Ps. 33. *Accedite ad eum & illuminamini.* Matt. 11. *Venite ad me omnes qui laboratis, &c.*

Tertio

*Tertio* quantum ad desiderium. nam credenti non solum est necessarium venire ad Christum; sed quod habeat eum secum. Vnde dicit, quod (*Rogauerunt eum, vt ibi maneret. Et mansit ibi duos dies.*) Manet autem Dominus nobiscum per charitatem, Ioa. 14. *Si quis diligit me: sermonem meum seruabit, & paulo post, Et mansionem apud eum faciemus.* Sed manet duos dies: quia duo sunt praecepta charitatis, sc. dilectionis Dei & proximi: in quibus lex pendet & Propheta, Matt. 22. Tertia autem dies, est dies gloriae. Oseæ 6. *Viuisabit nos post duos dies, in die tertia suscitabit nos.* Et in hac die non mansit ibi, quia Samaritani non erant adhuc capaces gloriae.

De II. (*Et multo plures, &c.*) Ponit Euangelista, quod fructus proueniens ex praedicatione mulieris, augmentatus est ex praesentia Christi. Et hoc tripliciter. *Primo*, ex multitudine credentium. *Secundo*, ex modo credendi. *Tertio*, ex veritate fidei. I. Ex multitudine credentium augmentatus est: quia propter mulierem multi crediderunt in eum: (*Sed multo plures crediderunt propter sermonem eius,*) scilicet Christi, in quo signatur, quod licet multi crediderunt per Prophetas; tamen multo plures conuersi sunt ad fidem veniente Christo, secundum illud Ps. 7. *Exurge Domine in precepto, quod mandasti, & synagoga populorum circundabit te.* II. Augmentatus est fructus ex modo credendi, vnde dicunt mulieri. (*Quia iam non propter tuam loquelam credimus.*) Nota. Tria sunt necessaria ad perfectionem fidei, quae hic per ordinem ponuntur. *Primo*,



vt sit recta: *Secundo*, vt sit prompta: *Tertio*, vt sit certa.  
 1. *Recta* quidem est fide, cum veritati non propter aliquod aliud, sed ei propter seipsam obeditur. Et quantum ad hoc dicit, quod (*mulieri dicebant, quod iam credimus veritati; non propter tuam loquelam*) sed propter ipsam veritatem. Inducunt autem nos ad fidem Christi tria.

*Primo* quidem ratio naturalis. Rom. 1. *Inuisibilia Dei à creatura mundi, &c. Secundo* testimonia legis & Prophetarum. Rom. 3. *Nunc autem iustitia Dei sine lege manifestata est, testificata à lege & Prophetis. Tertio* prædicatio Apostolorum & aliorum. Rom. 10. *Quomodo credent sine prædicante?* Sed quando, per hoc homo manu ductus credit, tunc potest dicere, quod propter nullum istorum credit; nec propter rationem naturalem, nec propter testimonia legis, nec propter prædicationem aliorum: sed propter ipsam veritatem tantum. Gen. 16. *Credidit Abraham Deo, & reputatum est ei ad iustitiam.*

2. *Prompta* quidem est fides si cito credit: & hoc erat in istis, quia ad solum auditum conuersi erant ad Deum. Vnde dicunt, (*Ipsi enim audiuiimus, & tamen credimus ei. Et scimus ei*) absq; hoc, quod miracula videremus, sicut Iudæi viderunt. Et licet credere cito hominibus, pertineat ad leuitatem secundum illud Eccl. 19. *Qui facile credit levis est corde: tamen credere cito Deo magis laus est, secundum illud Psal. 17. In auditu auris obediuit mihi.*

3. Debet fides esse certa; quia qui dubitat in fide infidelis est. Iac. 1. *Postulet autem in fide nihil hesitans.* Et ideo istorum fides certa erat, vnde dicunt  
 (& sci-

( & scimus. ) Aliquando enim ipsum credere dicitur scire; sicut hic patet, quia scientia & fides conueniunt in certitudine: nam sicut scientia est certa: ita & fides, imo multo magis, quia certitudo scientiæ innititur rationi humanæ: quæ falli potest. Certitudo vero fidei innititur rationi diuinæ: cui contrariari non potest. Differunt tamen in modo, quia fides habet certitudinem ex lumine infuso diuinitus: Scientia vero ex lumine naturali. Nam sicut certitudo scientiæ habetur per prima principia naturaliter cognita, ita & principia fidei cognoscuntur ex lumine infuso diuinitus. Ephes. 2. *Gratia saluati estis per fidem: & hoc non ex vobis, Dei enim donum est.*

Tertio augmentatus est fructus ex veritate credendi. Et ideo dicit ( *Quia hic est vere Saluator mundi.* ) Vbi confitentur Christum Saluatorem Singularem, Verum, & Vniuersalem. 1. *Singularem* quidem cum discretum eum ab alijs dicunt ( *Hic est* ) qui, scilicet singulariter saluare venit. Isaia 45. *Vere rex es Deus absconditus: Deus Israel Saluator.* Act. 4. *Non est aliud nomen sub cælo datum hominibus, in quo oporteat saluos fieri.* 2. *Verum* autem cum dicit ( *vere.* ) Nam cum secundum Dionysium salus sit liberatio à malis, & conseruatio in bonis; est duplex salus; quædam vera, quædam non vera. Vera quidem salus cum liberamur à veris malis, & cōseruamur in veris bonis. In veteri. a. testamento licet missi fuerint aliqui Saluatores, non tamen vere saluabant; quia liberabant à malis tēporalibus, quæ nō sunt vera mala, nec vera bona, quia sunt transito-

ria. Sed Christus est vere Saluator, qui liberat à veris malis, scilicet peccatis. Matt. 1. *Ipse enim saluum faciet populum suum à peccatis eorum.* Et præs(eruat in veris bonis, id est, spiritualibus. 3. *Vniuersalem vero: quia non particularem, scilicet Iudæorum tantum, sed (mundi) supra tertio. Non enim misit Deus filium suum in mundum: vt iudicet mundum: sed vt saluetur mundus per ipsum.*

---

## IN SABBATO POST DOM. III.

### QVADRAGES.

*Iesus perrexit in montem. Ioan. 8.*

**S**COPVS. Postquam egit Euangelista de origine doctrinæ Christi. Hic agit de eiusdem virtute. Habet autem doctrina Christi virtutem illuminatiuam, & viuificatiuam: quia verba eius spiritus & vita sunt.

### PARTITIO.

*I. De adiunctis facti.*

*II. De attentatione calumnie.*

*III. De repulsa calumnie per sententiam iustitie.*

*IV. De effectu iustæ sententie.*

### PARS I.

*De circumstantiis facti.*

**P**rimo describitur locus doctrinæ. Secundo auditor. Tertio doctor. De I. Locus doctrinæ est templum.



plum. Vnde *primo* ponit recessum ab eo. *Secundo* reditum. I. Recessum quidem cum dicit. *Iesus autem perrexit in montem Oliueti,* ] nam Dominus hanc sibi consuetudinem fecerat; vt per diem, quando erat Hierosolymis, in diebus festis prædicaret in templo; signa & miracula faceret; & sero reuerteretur in Bethaniam, & apud sorores Lazari, Mariam & Martam hospitaretur, quæ erat in monte Oliueti. Secundum igitur hunc morem dicit, quod cum in nouissimo magnæ festiuitatis die Iesus steterisset in templo, & prædicasset, sero, (*perrexit in montem Oliueti,* ] vbi erat Bethania. Et hoc conuenit mysterio. Nam, vt dicit August. Vbi decebat Christum docere, & suam misericordiam manifestare, nisi in monte Oliueti? In monte vñtionis & chris-matis? 1. Oliua autem misericordiam signat. Vnde & in Græco ὄλεα & idem est quod misericordia. Luc. 10. Samaritanus infudit oleum & vinum, secundum misericordiam & fœueritatem iudicij. 2. Oleum sanatiuum est, Isa. 1. *Vulnus, & liuor, & plaga tumens, non est circumligata medicamine: neque fota oleo.* 3. Signatur etiam medicina spiritualis gratiæ, quæ ad nos deriuata est, Ps. 44. *Vnxit te Deus Deus, &c.* Et alibi. *Sicut vnguentum in capite quod descendit in barbam.*

II. Reditus autem ad locum ponitur tempestiuus. Vnde dicit. [ *Et iterum diluculo venit in templum.* ] 1. Signatur quod cognitionem, & manifestationem gratiæ suæ in templo suo, fidelibus suis manifestaturus erat. Psal. 47. *Suscepimus Deus misericordiam tuam in medio templi tui.* 2. Quod autem

diluculo redijt; exortum lumen nouæ gratiæ designat, Oseæ 6. *Quasi diluculum preparatus est egressus eius. Auditor autem doctrinæ est populus deuotus.*

De II. Ideo dicit. [ *Et omnis populus venit ad eum,* ) Ps. 7. *Synagoga populorum circumdabit te.* Doct̃or autem introducit̃ur ( *sedens,* ) id est, condescendēs, vt eius doctrina facilius caperetur. Sessio enim humilitatem incarnationis significat, Ps. 138. *Tu cognouisti sessionem meam,* &c. De III. Quia per susceptam humanitatem visibilis apparens, cœperunt de diuinis facilius edoceri: Ideo dicit, quod [ *sedens docebat eos,* ] id est, simplices, & sermonem eius admirantes, Psal. 24. *Docebit mites vias suas,* &c. Isa. 2. *Docebit nos vias suas.*

## P A R S II.

### *De Calumnia attentatione.*

**H**ic tria. Primo ponitur tentationis occasio. Secundo describitur ipsa tentatio. Tercio tentatorum intentio. De I. Occasio tentationis ponitur adulterium à muliere perpetratum: & ideo primo aggrauant culpam. Secundo præsentant personam peccantem. I. [ *Adducunt autem Scriba & Pharisei mulierem in adulterio deprehensam.* ) Vt enim Aug. dicit: tria in Christo præminebant, s. veritas, mansuetudo, & iustitia. De ipso quippe fuerat prædictum. *Procede, & regna propter veritatem & mansuetudinem, & iustitiam.* i. Nam veritatē attulit vt Doct̃or: Et hâc præceperat Phariseis & Scribis

bis cum doceret, Ioan. 8. *Si veritatem dico vobis, quare non creditis mihi?* Nullum enim falsum in verbis, & doctrina eius deprehendere poterant: & ideo calumniari de hoc cessauerant. 2. Mansuetudinem vero attulit vt Liberator. Et hanc cognouerunt dum aduersus inimicos & persecutores non commoueretur, 1. Pet. 2. *Cum malediceretur, non maledicebas.* Vnde dicebat Matt. 9. *Discite à me, quia mitis sum, &c.* & ideo de hoc etiam non calumniabantur. 3. Iustitiam autem attulit vt Cognitor. Et hoc, quia nondum nota erat Iudæis maxime in iudicijs: ideo in ea scandalum posuerunt: volentes scire vtrum à iustitia propter misericordiam, recederet; ideo proponunt ei crimen notum, & confusione dignum, scilicet adulterium, Eccl. 9. *Omnis mulier fornicaria quasi stercus, &c.* II. Simul personam peccantem repræsentant vt magis commoueant. Vnde ( *& statuerunt eam in medio,* ] Eccl, 29. *Hic in medio adducetur, & inter filios Dei, &c.*

De II. ( *Dixerunt: Magister, hæc mulier, &c.* ) Prosequuntur ipsam tentationem. Et primo manifestât culpam. Secundo allegant legis iustitiam. Tertio exquirunt sententiam. I. *Hæc mulier modo deprehensa est in adulterio.* ) Quam quidem culpam exaggerant ex tribus, quæ Christum commouere deberent à sua mansuetudine. Et Primo ex culpæ nouitate: ( *modo.* ) Nam quando est antiqua, non tantum mouet; quia forte præcessit correctio. Secundo ex eius euidencia, ( *deprehensa est,* ] ita vt non possit se excusare, quod est consuetu-



suetudinis mulierum: secundum illud Prou. Tergit os suum dicens, non sum operata malum. Tertio ex culpæ enormitate: [in adulterio.] quod est graue facinus, & malorum multorum causa, Eccl. 8. Omnis mulier quæ adulteratur peccabit.

II. Legis iustitiam allegant, (In lege autem,) sc. Leuit. & Deut. 23. Moyses mandauit huiusmodi lapidare. III. Sententiam autem exquirunt, cum subdunt. [Tu ergo quid dicis?] Calumniosa est interrogatio, q. d. Si eam dimitti censuerit, iustitiam non tenebit. Sed absit vt qui venerat querere, & saluum facere quod perierat, eam condemnaret, Ioan. 3. Non enim misit Deus filium suum in mundum, vt iudicet mundum; sed vt saluetur mundus, &c. Lex etiam, quod iniustum erat, iubere non poterat; & ideo non dicit absoluator: ne contra legem facere videretur: & consequenter subditur peruersa tentantium intentio cum dicit. [Hæc autem dicebant, &c.] Credebant enim, quod Christus ne mansuetudinem perderet, eam dimitti debere dicturus esset, & sic accusarent eum tanquam legis præuicatorum, 1. Cor. 10. Neque tentaueritis Christum: sicut illi tentauerunt.

### P A R S III.

*De repulsa calumnia per sententiam Iustitiæ.*

**P**harisæi de duobus eum tentabant: sc. de Iustitia, & de Misericordia. Vtrunque in respondendo

dendo seruauit. *Primo* describit Iustitiæ sententiam. *Secundo* pronunciat eam. *Tertio* perseuerat iterum in scribendo sententiam.

De I. Sententiam describit in terra digito. (*Iesus autem inclinans se, &c.*) Scribebat autem secundum quosdam illud, Hier. 22. *Terra, terra audi, scribe iustum virum sterilem.* Secundum alios vero, & melius dicitur, quod scripsit eadem quæ protulit, sc. (*Qui sine peccato est vestrum, &c.*) Neutrum tamen certum est.

Sed in terra quidem scribebat triplici ratione. Secundum Aug. Vt ostendat eos, qui eum tentabant, in terra describendos esse, Hierem. 27. *Domine recedentes à te in terra scribuntur.* Iusti autem & discipuli, qui eum sequuntur, in cœlo scribuntur, Matth. 5. *Gaudete & exultate, quia nomina vestra scripta sunt in cœlo.* 2. Vt ostendat se, quod signa faceret in terra: qui enim scribit, signa facit. Scribere ergo in terra, est signa facere: & ideo dicit, (*quod inclinauit se*) sc. per Incarnationis mysterium: ex quo in carne assumpta miracula fecit. 3. Quia lex vetus in tabulis lapideis scripta erat, Exod. 22. & 2. Cor. 3. Per quod signatur eius duritia, quia irritam quis faciens legem Moysi absq; vlla miseratione occidebatur; Heb. 10. Terra autem mollis est: Vt ergo signaret dulcedinem & mollitiem nouæ legis, per eum traditæ, in terra scribebat.

Ex quo tria in sententijs debemus attendere. *Primo* benignitatē in condescendendo puniendis. Vnde dicit (*inclinans.*) Iac. 2. *Iudicium sine misericordia ei, qui non fecit misericordiam.* Gal. ult. *Si praoccupatus*

ius fuerit aliquis in aliquo delicto, &c. Secundo discretionem indiscernendo. Vnde [digito scribebat.] Qui propter flexibilitatem discretionem significant, Dan. 5, *Apparuerunt digiti quasi manus hominis scribentis contra candelabrum.* Tertio certitudinem in pronunciando. Vnde [scribebat.] Sententiam autem profert ad eorum instantiam.

De II. (Cum autem perseuerarent interrogantes eum, &c.) dixit. (Qui sine peccato est vestrum; &c.) Pharisei enim transgressores legis erant: tamen nitebantur Christum de transgressione legis accusare, & mulierem condemnare: & ideo Christus sententiam proponit iustitiæ dicens. (Qui sine peccato.) quasi dicat, puniatur peccatrix; sed non a peccatoribus. Impleatur lex; sed non a prauaricatoribus legis: Quia, vt dicitur Rom. 2. *In quo enim alium iudicas, teipsum condemnas.* Aut ergo istam dimittite: aut cum illa pœnam legis excipite.

Hic incidit *questio*: Vtrum Iudex in peccato existens, peccet ferendo contra alium sententiam, qui in eodem peccato existit: & licet manifestum sit, quod iudex, si publice in peccato existens sententiam ferat, peccat scandalizando, nihilominus tamen hoc idem videtur, si sit in peccato occulto. Nam Rom. 2. *In quo alium iudicas, teipsum condemnat.* Constat autem, quod nullus condemnat se, nisi peccando. Ergo videtur quod iudicando alium peccet. *Respondet.* In hoc vti oportet duplici distinctione. 1. Aut enim iudex perseuerat in proposito peccandi; aut pœnitet se peccasse. Item aut  
punit



punit vt legis minister ; aut motu proprio. Et si-  
quidem pœnitet se peccasse ; iam peccatum non  
est in eo : & sic absque peccato sententiam posset  
ferre. Si autem est in proposito peccandi : aut pro-  
fert sententiam vt legis minister ; & sic non pec-  
cat ex hoc quod sententiam profert : quamuis  
peccet ex hoc, quod talia facit, quibus dignus est  
contra se similem sententiam recipere. Si autem  
proprio motu : dico , quod proferendo senten-  
tiam peccat cum non moueatur ad hæc amore  
iustitiæ : sed ex aliqua mala radice, alias primo in  
se puniret quod animaduertit in alios : Quia hoc  
dicitur in Prouerbijs. *Iustus prior accusator est  
sui.*

De III. Perseuerat autem in scribendo : quia  
[ iterum se inclinans scribebat. ) Primo quidem, vt o-  
stendat suæ sententiæ firmitatem. Num. 23. *Non  
est Deus vt homo, vt mentiatur, & vt filius hominis, vt  
mutetur. Secundo, Vt ostendat eos sua visione in-  
dignos. Vnde cum eos zelo iustitiæ percussisset,  
nondignatus est eos attendere, sed auertit ab eis  
obuitum. Tertio. Vt eorum verecundiæ consu-  
lens, daret eis exeundi liberam facultatem.*

## P A R S IV.

### *De effectū iustæ sententiæ.*

I. **E**Xibant. ) Tum quia grauioribus peccatis  
erant impliciti, & magis eos conscien-  
tia

ria remordebat, Dan. 13. *Egressa est iniquitas à senioribus, &c.* Tum etiam, quia melius cognoscebant æquitatem prolatae sententiae. Hier. 5. *Ibo ergo ad primates.* (Et remansit solus Iesus, & mulier stans,) sc. Misericordia, & Miseria. Ideo autem solus remansit, quia ipse solus remansit; quia ipse solus sine peccato erat. Nam Psalm. 13. *Non est qui faciat bonum, non est usque ad unum,* sc. Christum. Ideo forte mulier territa est, & ab illo se puniendam credebat.

Sed si remansit solus, quomodo dicit, (*in medio stans.*) Dico. Mulier stabat in medio discipulorum; sic hoc, (*solus,*) excludit extraneos non discipulos. Vel (*in medio*) id est, in dubio, utrum absoluenta esset vel condemnanda. Sic ergo patet, quod Dominus in respondendo iustitiam seruauit.


II. Ostendit, quod à misericordia non recessit, dando sententiam misericordiae. Et primo examinat. Secundo absoluit. Tertio admonet. 1. Examinat autem eam de accusatoribus, unde (*erigens se Iesus.*) sc. faciem suam à terra, in qua scribebat, ad mulierem conuertens (*dixit ei: Mulier ubi sunt qui te accusabant?*) Item de condemnatione: unde quaerit. (*Nemo te condemnauit?*) Et illa respondit. (*Nemo Domine.*)

2. Absoluit autem eam. (*Dixit ei Iesus, nec ego te condemnabo.*) à quo te forte damnari timuisti, quia in me peccatum non inuenisti: nec mirum, quia non misit Deus filium suum in mundum, ut iudicet mundum, sed ut saluetur. Ioan. 3. Ezech. 18. *Nolo mor-*  
tem

*tem peccatoris.* Absoluit autem eam à culpa, non imponendo ei aliquam pœnam. Quia cum absol-  
uendo exterius iustificaret interius, bene potuit  
eam à deo immutare interius per sufficientem  
contritionem de peccatis; vt ab omni pœna im-  
munis efficeretur. Nec tamen trahendum est in  
consuetudinem, vt aliquis exemplo Domini abs-  
que confessione & pœnæ inflictione quenquam  
absoluat. Quia Christus excellentiam habuit in  
sacramento, & potuit conferre effectum sine sa-  
cramento; quod nullus purus homo potest.

3. Admonet verò eam, cum dicit: (*Vade, & iam  
noli peccare.*) Duo enim erant in muliere ista, scili-  
cet, natura & culpa. Et vtrunque poterat Domi-  
nus condemnare: puta naturam, si iussisset eam  
lapidare; & culpam, si non absoluisset. Poterat  
etiam vtrunque absoluerè, puta si dedisset licen-  
tiam peccandi dicens. (*Vade*) viuè vt vis, esto de  
mea liberatione securus. Ego quantumcunque  
peccaueris, etiam à gehenna & ab inferni torto-  
ribus liberabo. Sed Dominus culpam non amans,  
peccatis non fauens, ipsam damnauit culpam,  
non naturam, dicens. [*Amplius noli peccare*] vt

sic appareat, *quam dulcis est Dominus per  
mansuetudinem; & rectius per  
veritatem.*





FERIA II. POST DOM. IV. QVA-  
DRAGESIMÆ.

*Prope erat Pascha. Ioan. 2.*

**SCOPVS.** Proponit Dominus signum suæ resurrectionis, ad fidem & conuersionem audientium.

PARTITIO.

- I. De ascensu Domini in Hierosolymam, & tempore prædicationis eius.
- II. De forensibus in Templo.
- III. De eiectione templo.

PARS I.

*De tempore prædicationis Dominicæ, ascensuque Hierosolymam.*

**D**Vo hic. Primo, innuit occasionem ascensus. Secundo, ponit ascensum. I. Occasio autem ascensus fuit Pascha Iudæorum. Exed. 23. Præcipitur, vt ter in anno omne masculinum præsentetur coram Domino: & inter illos terminos vnus erat pascha Iudæorum. Quia ergo Dominus venit vt doceret omnes humilitatis, & perfectionis exemplum; voluit legem, quamdiu statum

statum habuit, obseruare. *Non enim venit legem soluere, sed adimplere.* Matth. 5. Nos ergo ad eius exemplum deberemus sollicitè diuina præcepta potius seruare. Nota. In euangelio Ioannis ter fieri mentionem de pascha. Hic, Ioan. 6. miraculum de panibus. Erat autem proximum paschæ diēs festus Iudæorum. Et Ioan. 13. Ante diem festum paschæ, &c. Vnde habemus, quod post miraculum de vino Christus prædicauit duobus annis, & quantum est à diebus baptismi, vsque ad paschæ. Nam hoc, quod fecit hic, fuit prope paschæ. & postea reuoluto anno prope aliud paschæ fecit miraculum de panibus; & tunc Ioannes fuit decollatus. Idque circa paschæ, quia Matth. 14. statim post decollationem Ioannis, *Christus secessit in desertum.* Vbi fecit miraculum de panibus. Festum tamen decollationis celebratur diē, quo caput eius inuentum est. Postea in alio paschate passus est Christus.

Secundum opinionem ergo illorum; qui dicunt, quod miraculum factum in nuptijs; & ea quæ hic dicuntur, eodem anno gesta sunt, quæ baptizatus est Christus, à baptismo Christi, vsque ad eius passionem fuerunt duò anni & dimidijs. & ideo secundum eos Euangelista dicit (*Prope erat paschæ Iudæorum.*) Vt ostendat quoniam ante paucos dies fuerat baptizatus.

Sed ecclesia tenet contrarium. Credimus enim quod eodem diē, quo Dominus baptizatus est, reuoluto anno, factū fuerit miraculum de vino, & postea altero anno, prope paschæ, Ioannes fuerit de-

collatus: & quod ab hoc paschate, fuit vnus annus vsque ad Pascha quo Christus passus est. vnde oportet aliud pascha à baptismo Christi, vsque ad miraculum de vino intermedium esse, de quo nullus Euangelista facit mentionem. Et sic, quod Ecclesia tenet, Christus tribus annis & dimidio prædicauit.

Ait autem (*Iudæorum*,) non quod alterius nationis homines Pascha celebrarent: sed duplici de causa. *Vna.* Quia quando aliqui festum aliquod sancte, & pure celebrant, dicitur illud domino celebrare. Cum vero nec pure, nec sancte celebrant, non domino, sed sibi solennizant. Isa. 1. *Calendas vestras, & festiuitates vestras odiuit anima mea*, quasi dicat, quia vobis, & non mihi celebratis, non placent mihi. Zach. 7. *Cum ieiunaretis, nunquid ieiunium ieiunastis mihi*, &c. quasi dicat, non mihi, sed vobis. Quia ergo isti Iudæi deprauati erant, & eorum pascha indebite celebrabant, ideo Euangelista nō dicit. [*Prope erat pascha domini.*] sed (*Iudæorum*) 2. Vel hoc dicit ad differentiam nostræ paschæ. nam pascha Iudæorum erat figurale: vt pōte post immolationem agni figuralis celebratum. Sed nostrum est verum; in quo recolimus veram passionem Agni immaculati. 1. Cor. 5. *Pascha nostrum immolatus est Christus.*

De II. (*Et ascendit Iesus Iero.*) Nota, secundum ordinem historię, Iesum bis circa festum Paschæ Hierosolymam ascendisse, & expulisse de templo euentes, & vendentes. Semel quidem ante incarcerationem Ioannis: quod hic Euangelista  
com-



IN FER. II. POST DOM. IV. QVAD. 229

commemorat. Alia vice, imminente Paschate, & tempore passionis ; quod narrat Matthæus. nam frequenter dominus similia facta operatus est ; sicut patet de duplici illuminatione cæcorum. vna Matt. 9. & alia Matt. 10. Et similiter bis eiecit ementes & vendentes de templo. *Myſtice*, ( *aſcendit Hieroſolymam* ) quæ interpretatur *viſio pacis* : & ſignificat æternam beatitudinem : in quam aſcendit, & ſuos tranſduxit. In Capharnaum deſcendit, & poſtea Hieroſolymam aſcendit. Niſi enim deſcendiſſet primum, non competiſſet ei aſcendere, quia Eph. 4. ) *Qui deſcendit, ipſe eſt & qui aſcendit.* Non facit autem mentionē de diſcipulis in aſcenſu ad Hieroſolymam, quia diſcipulorum aſcenſus eſt ex aſcenſu Chriſti. Ioan. 3. *Nemo aſcendit in cælum, &c.*

P A R S II.

*De forenſibus in Templo.*

**N**Arrat Euangelista factum ; quod mouit Chriſtum ad ſignum reſurrectionis proponendum, & manifeſtat Iudæorum vitium. De hoc dupliciter hic. I. Hiſtorice. II. Myſtice. De I. Sciendum, quod diabolus inſidiatur his, quæ Dei ſunt, & ea nititur corrumpere. Inter cætera autem quibus ſancta corrumpit, præcipuum eſt vitium auaritiæ, Iſaiæ quinquageſimoſexto. *Paſtores eiꝯ nescierunt intelligentiam, &c. ad auaritiã, &c.* Quod quidem ab antiquis tem-

poribus diabolus fecit. Nam Sacerdotes veteris testamenti, qui institutierant, vt diuinis vacarent, auaritiæ studebant. Præceptum autem erat à Deo in lege, vt in certis solennitatibus domino immolarent aliqua animalia. Ad quod quidem præceptum implendum ad templum animalia ducebant. Illi autem qui à remotis veniebant, non valebant animalia ducere de domibus suis. Quia ergo oblationes huiusmodi cedebant in utilitatem Sacerdotum, ne deessent animalia de remotis venientibus ad offerendum, prouiderunt ipsi sacerdotes vt venderentur, in atrio templi. (*Et inuenit dominus in templo vendentes oues, & boues, & columbas, &c.*) Vbi primo facit mentionem de duobus terrestribus, quæ secundum legem domino offerri poterant, de boue, & oue. Tertium vero animal terrestre, quod offerebatur, capra scilicet. annumeratur cum oue. Similiter etiam turtur annumeratur cum columba.

Et quia contingebat aliquos ad templum venire, qui nec animalia secum ducebant, nec pecuniam, vt emere non valerent, ideo sacerdotes aliam auaritiæ artem adinuerant: vt scilicet in templo constituerent nummularios, qui prædictis non habentibus pecuniam mutuarent. Et licet vsuram inde non reciperent, quia hoc erat in lege prohibitum, loco tamen eius quædam collibia, id est, parua munuscula & vilia recipiebant.

*Mystice* tripliciter intelligi potest. *Primo* per vendentes & ementes significantur illi, qui ecclesiar

eclesiasticas res vendunt, vel emunt. Ipsa consecrata quidem & oblata, sunt ex doctrinis Apostolorum, & doctorum, quæ significantur per boues, Prouerbiorum 14. *Vbi plurima sunt segetes, ibi manifesta fortitudo bouis.* Item, ex sanguine martyrum, qui significantur per oues. Vnde in persona eorum dicitur in Psalm. 43. & Roman. 8. *Æstimati sumus, ut oues occisionis.* Dona Spiritus sancti, significantur per columbas, quia Ioann. 1. *Spiritus sanctus in specie columbe apparuit:* omnia ergo hæc vendunt, Doctrinam Apostolorum, Sanguinem Martyrum, & Dona Spiritus sancti, quicumque bona ecclesiastica spiritualia, & eis annexa vendere præsumunt.

*Secundo* contingit aliquos prælatos, etsi non manifeste per simoniam, occulte tamen per negligentiam boues, & oues, & columbas vendere: quando iterum inhiant temporalib. lucris & occupantur in eis, & negligunt spiritualem salutem subditorum. nam per hoc vendunt tria genera hominum s. prædicatores, & operatores, qui significantur per boues. Isa. 32. *Beati qui seminant super omnes aquas, immittentes pedem bouis, & asini.* Qui prælati debent ordinare boues, id est, doctores, & sapientes cum asinis, id est, rudibus & simplicibus. Vendunt etiam Actiuos & ministerijs vacantes: qui significantur per oues, Ioan. 10. *Oues mea vocem meam audiunt, &c.* 2. Reg. vlt. *Isti, qui oues sunt, quid fecerunt?* Vendunt & Contemplantes; qui significantur per columbas, Ps. 54. *Quis dabit mihi pennas sicut columba, & volabo, &c.*



*Tertio*, quia templum Dei potest intelligi spiritualis anima, 1. Cor. 3. ) *Templum Dei sanctum est, quod estis vos.* Tunc homo vendit in templo oves, & boues & columbas, quando in anima bestiales motus retinet, pro quibus homo vendit se diabolo. Nam per boues, qui agriculturæ seruiunt, significantur terrena desideria, per ouem, quæ est animal stultum, significatur hominis stoliditas, Per columbas vero hominis instabilitas. Quæ quidem Deus de cordibus hominum expellit.

### P A R S III.

*De eiectione templo negotiatoribus, & increpatione.*

**D**ominus apposuit remedium, & operis, & verbi. Ut doceret eos qui curam habent ecclesiæ, subditos facto & verbo debere corrigere. Et ideo circa hoc duo facit. *Primo*, ponitur remedium, quod adhibuit facto. *Secundo*, remedium quod adhibuit verbo. De I. Tria. *Primo*, eiecit homines. *Secundo*, oves & boues. *Tertio*, effudit pecuniam. 1. ( *Et cum fecisset quasi flagellum de funiculis.* ) Quod quidem non potuit fieri, nisi virtute diuina. Orig. dicit. Diuina potestas Iesu poterat, cum volebat, accensam iracundiam hominum suffocare & sedare, Psalm. 32. & 93. *Dominus dissipat cogitationes hominum.* 2. Facit autem flagellum de funiculis. Quia, ut dicit Augustin. de peccatis

tis nostris sumit materiam, unde nos puniat. Ipsa enim protelatio peccatorum dum peccata peccatis adduntur, funiculi dicuntur. Prou. 5. *Funibus peccatorum, &c.* II. 5. *Va qui trahitis iniquitatem in funiculis, &c.* 3. Sicut ergo eiecit de templo negociatores, ita nummulariorum as effudit, & mensas subuertit. Quod si ista, quæ videbantur aliquo modo licita, quasi ad cultum Dei ordinata; de templo eiecit; quanto magis si inuenisset aliqua illicita? Ideo autem eos eiecit, quia sacerdotes in hoc non intendebant honorem Dei; sed vtilitatem propriam. Unde dicitur Ezech. 44. *Posuisti custodes, &c.* Ostendit autem Dominus zelum ad ea quæ sunt legis; vt ex hoc ipso confutaret Pontifices & Sacerdotes, qui erant ei de lege calumniam illaturi.

*Mystice*, per hoc etiam, quod huiusmodi eiecit de templo, innuebat appropinquare tempus, quo sacrificia legis cessare debebant, & verus Dei cultus ad gentes transferri. Matt. 21. *Auferetur à vobis regnum, & dabitur genti facienti fructum.* Similiter etiam, vt ostenderet eorum damnationem, qui spiritualia vendunt. Act. 8. *Pecunia tua tecum sit in perditionem.*

De II. Remedium quod adhibuit verbo. Nota Simoniaci primo quidem fugandi sunt de ecclesia; sed dum viuunt, per liberum arbitrium possunt se conuertere, & adiuti à Deo ad statum gratiæ redire: non sunt desperandi. Si vero non conuertuntur; tunc quidem non fugantur, sed ligantur ab illis, quibus dicitur Matt. 23. *Ligatis manibus & pedibus mittite in tenebras, &c.* Et ideo Dominus

hoc attendens. *Primo* quidem admonet. *Secundo* rationem admonitionis inducit. I. Monet venditores columbarum eos increpando. Quia per eos signantur, qui vendunt dona Spiritus sancti; vti simoniaci. 2. Rationē huius inducit: cū dicit: (*Nolite facere, &c.*) Sic Isa. 1. *Auferte malum, &c.* Attende. 3. quod Matt. 21. dicit, *Nolite facere domum meam spelūcam latronū*, hic vero dicit (*domū negotiationis.*) quod dominus ideo fecit, vt sicut bonus medicus primo à leuioribus incipiens, postea dura proponeret. Hoc enim quod hic factum dicitur primo factum fuit: vnde in ipso principio, non latrones, sed negotiatores eos vocat. Sed quia ex eorum duritia adhuc à tali negotiatione non cessabant: ideo Dominus alia vice eos expellens, Mar. 11. durius eos increpat, vocans latrocinium, quod primo vocauerat negotiationem.

Dicit autem (*domum patris mei.*) Ad excludendum errorem Manichæi; qui dicebat, quod Deus veteris testamenti non fuerat pater Christi; sed Deus noui. Si hoc verum, cum templum fuisset domus veteris testamenti; non vtiq; Christus dixisset templum domum Patris sui. Sed quare non sunt turbati Iudæi de hoc, quod hic vocat Deum patrem suum, sicut dicitur Ioa. 5. quod propter hoc eum persequerentur? Dico, quod Deus est pater aliquorum per adoptionem, puta iustorum, & hoc non erat nouum apud Iudæos Hie. 9. *Patrem vocabis me, & post me, &c.* Sed per naturam solius Christi est. Ps. 2. *Dominus dixit ad me, filius meus es tu.* sc. verus & naturalis, & hoc inauditum erat apud eos.



eos. Ideo Ioann. 5. *Propter hoc persequabantur Iudaei Christum; non quia solum soluebat sabbatum; sed patrem suum dicebat Deum, equalem se Deo faciens.* Quod autem domus Dei non debeat fieri domus negotiationis, habetur Zach. vltim. *Non erit vltra mercator, &c.* Et Psal. 70. secundum aliam literam. *Quoniam non cognoui negotiationem, introibo in potentias domini.*

II. (*Recordati sunt.*) subiicit Prophetiam ex Psal. 68. *zelum proprie dicit quandam intensiorem amoris, qua intense diligens, nihil sustinet quod amoris suo repugnet.* Et inde est, quod viri diligentes intense vxores, nec in eis sustinentes aliorum consortium, vtpote amoris eorum contrarium, zelotypi dicuntur. Ille igitur proprie zelum Dei habet, qui nihil patienter sustinere potest contra honorem Dei, quem maxime diligit. 2. Reg. 19. *zelus zelatus sum pro domino exercituum, &c.* Nos autem debemus diligere domum Domini. Ps. 25. *Domine dilexi decorem domus tuae.* Et intantum vt zelus eius nos comedat: dum, si quid contrarium fiat, studeamus, etiam quantumcunque chari nostri sint, qui hoc faciant, remouere; nec timeamus propter hoc pati. vnde dicitur in gl. *Bonus zelus est seruuor animi, quo quis mortis abiecto timore, pro defensione veritatis accenditur.* Eo comeditur, qui quolibet praua, quae viderit, corrigere satagit: & si nequit, tolerat, & gemit.

## II. CONCIONIS DISPOSITIO.

*Quod signum ostendis nobis, quia hæc facis?*  
Ioan. 2.

**S**COPVS. Posita occasione signi exhibendi; hic consequenter Euangelista manifestat signum exhibendum.

## PARTITIO.

- I. De signi postulatione, & exhibitione.
- II. De exhibiti intellectu falso Iudæorum.
- III. De vero Apostolorum.
- IV. De fructu signorum.

## PARS I.

*De signi postulatione & exhibitione.*

**T**Ria hic. Primo ponitur signi postulatio. Secundo signi exhibitio. De I. Signum autem postulant à Iudæis. (*Quod signum, &c.*) I. Cuius rei? In eiectione duo considerari poterant in Christo: Rectitudo & zelus; quæ pertinent ad virtutem, & Potestas seu autoritas. Sed de virtute & zelo Christi, quibus prædicta fecerat, non oportebat peti signum: cum unicuique liceat operari secundum virtutem. De autoritate tamen eius, qua eos de templo expellit, signum ab eo quæri poterat, cum hoc non cuilibet liceret. Prætermisso igitur Iudæi zelo, & virtute, signum petunt de eius autoritate:

(*Quod*

(*Quod signum ostendis nobis; quia hac facis?*) id est, quare cum tanta potestate, & autoritate nos expellis? non videtur hoc esse tui officij. Simile dicunt. Mat. 21. *In qua potestate hac facis?*

2. Cur signum quærunt? quia familiare erat Iudæis, signum quærere: utpote per ea ad legem vocati. Deut. ult. *Non surrexit ultra Prophetæ.* 1. Cor. 1. *Iudæi signa quærunt.* Ideo David in persona Iudæorum conqueritur dicens Ps. 73. *Signa nostra non vidimus.* Quærebant autem signum, non ut crederent: sed quasi desperantes, quod signum ostendere non posset, & sic eum reprimeret & impediret. De II. Quia ergo prave quærebāt, non dedit eis signum apertum, sed occultum in figura, scilicet signum de resurrectione. Vnde dicit. (*Soluite, &c.*) In quo ponitur signi postulati exhibitio. Ideo autem dat eis signum resurrectionis futurum; uia in hoc maxime virtus diuinitatis eius ostenditur. Non enim puri hominis est, ut se excitaret à mortuis; sed solum Christus, qui fuit inter mortuos liber, hoc virtute suæ diuinitatis fecit. Simile etiam signum ostendit eis, Matt. 15. *Generatio praua & adultera signum querit: sed signum non dabitur ei, nisi Iona prophetæ.* Et licet utrobique dederit signum occultum & figurale, illud tamen manifestius; istud vero obscurius fuit.

Nota. Ante Incarnationem dedit Deus signum futuræ Incarnationis. Is. 7. *Ipse Dominus dabit vobis signum: Ecce virgo concipiet, & pariet filium, &c.* Similiter & ante resurrectionem dedit signum de resurrectione futura, quia istis duobus maxime virtus  
Diu-



Diuinitatis commendatur in Christo. Nihil enim mirabilius fieri potuit, quam quod Deus factus est homo; & quod Humanitas in Christo, post eius resurrectionem immortalitatis diuinæ particeps effecta est. Rom. 6. *Christus resurgens ex mortuis, iam non moritur, &c. quod enim uiuit, uiuit Deo, id est, ad similitudinem Dei.*

Sed attende verba signi dati, nam Christus Corpus suum templum dicit. Ratio, Quia templum dicitur, in quo Deus inhabitat, &c. secundum illud Ps. 10. *Dominus in templo sancto suo.* Inde est, quod anima sancta quam Deus inhabitat, dicitur templum Dei. 1. Cor. 3. *Templum Dei sanctum estis vos, &c.* Quia ergo in corpore Christi Diuinitas inhabitat, ideo est idem templum Dei, secundum animam, & corpus. Col. 2. *In quo inhabitat, &c. corporaliter, & in nobis quidem habitat Deus secundum gratiam, scilicet secundum actum intellectus & voluntatis, qui non est actus corporis, sed animæ tantum: sed in Christo habitat secundum vnionem in persona, quæ quidem vnio non solum ipsam animam, sed & corpus includit, & ideo ipsum corpus Christi est templum Dei.*

Ex hoc Nestorius sui erroris occasionem sumens dicit, Verbum Dei vnitum humanæ naturæ secundum inhabitationem tantum. Ex quo sequitur, quod alia sit persona Dei, alia hominis in Christo. Et ideo dicendum est, quod inhabitatio Dei in Christo refertur ad naturam, quia alia est diuina natura, alia humana in Christo. Non ad personam,

quæ

quæ est eadem in Christo Dei, & hominis scilicet persona verbi.

Hoc igitur supposito, circa hoc signum Dominus duo facit. *Primo* quidem prænunciat suam mortem futuram. *Secundo* vero resurrectionem. I. Mortem quidem prænunciat, cum dicit. (*Soluite templum hoc.*) Christus enim mortuus fuit, & ab alijs occisus. Matt. 15. *Et occident eum*, eo tamen volente, quia Is. 53. *Oblatus est quia ipse voluit.* Non dicit *soluetur*; ne intelligas eum seipsum occidisse: sed dicit (*soluite,*) Quod non est imperantis, sed prænunciantis, & permittentis, prænunciantis quidem, ut sit sensus. (*Soluite*) id est, soluetis. Permittentis vero, ut sit sensus. (*Soluite*) id est, facite de corpore meo, quod vultis, illud vobis expono, sicut dicit Iudæ. Ioan. 13. *Quod facis, fac citius;* non quidem imperans ei, sed eum eius arbitrio derelinquens. Dicit autem (*Soluite*) quia mors Christi est solutio corporis eius: aliter tamen quam aliorum hominum. Nam corpora aliorum hominum soluuntur per mortem usque ad incinerationem carnis & pulverizationem. Qualis solutio non fuit in Christo: quia dicitur Psal. 15. *Non dabis sanctum tuum videre corruptionem.* Fuit ibi tamen solutio per mortem, quia anima separata est à corpore, ut forma à materia; & quia sanguis separatus est à corpore; & quia corpus eius perforatum est clavis & lancea. II. Resurrectionem autem prænunciat cum dicit (*Et in tribus diebus excitabo illud,*) scilicet corpus. Non autem dicit excitabitur,

bitur, nec excitabit illud primo; sed (*ego excitabo*;) ut ostendat se propria virtute à mortuis resurgere. Nec tamen negamus quin primo eum à mortuis suscitauerit, quia, Io. 8. *Qui suscitauit Iesum à mortuis.* Psal. 40. *Tu autem Domine miserere mei, & resuscita me.* Sic ergo Deus primo Christum suscitauit à mortuis, & Christus propria virtute resurrexit. Ps. 3. *Ego dormiui & soporatus sum, & exsurrexi, &c.* Nec est in hoc contrarietas; quia eadem est virtus vtriusque. vnde quæcunque vnus facit, hoc similiter & alius. Io. 5. *Nam si primo eum suscitauit, & filius.* 1. Cor. vlt. *Nam si crucifixus est ex infirmitate; sed viuit ex virtute Dei.*

Dicit; (*Et in tribus diebus*;) & non post multos dies; quia non diebus tribus completis in monumento permansit. 1. Sed sicut Aug. dicit, est synecdochica locutio, in qua ponitur pars pro toto. 2. Origenes autem huius locutionis mysticam rationem assignat, dicens. Corpus Christi verum est templum Dei: quod quidem corpus, figurat corpus mysticum, id est, ecclesiam. 1. Cor. 7. *Vos estis corpus Christi, & membra de membro.* Et sicut in corpore Christi habitat diuinitas per gratiam vnionis: ita & in ecclesia per gratiam adoptionis. Et quamuis corpus istud mystice dissolui videatur aduersitatibus tribulationum, quibus affligitur, tamen suscitatur *in tribus diebus*, scilicet in die legis naturæ, & in die legis scriptæ, & in die legis gratiæ. Quia etsi in his diebus quantum ad aliquos corpus dissoluatur: quantum ad aliquos tamen viuit. Et ideo dicit (*In tribus diebus*) quia huius resurrectionis spiri-



ritualis in tribus diebus perficitur , sed post tres perfecte resuscitabimur : non solum quantum ad primam resurrectionem ; sed etiam quantum ad secundam Apocal. 20. *Beatus qui habet partem in resurrectione secunda.*

## P A R S II.

*De signi exhibiti intellectu falso, concepto à  
Iudaïs.*

**C**Redebant quod Christus diceret hoc de templo materiali, ide. respondent (*Quadraginta & sex annis adificatum est templum hoc, & in tribus diebus, &c.*) Obiectio literalis. 1. Reg. 7. à Salomone fuit consummatum 7. annis Respondeo, secundum quosdam, hoc non est intelligendum de prima ædificatione templi. Nam templum Salomonis destructum fuit à Nabuchodonosor. sed intellige de reædificatione facta sub Zorobabel, post captiuitatem: sicut legitur in lib. Esdræ. Quæ quidem multis impugnantibus vndique inimicis in tantum impedita, & dilata fuit: vt non potuerit consummari vsque ad 40. & 6. annos.

Vel secundum Orig. quod intelligitur de templo Salomonis, ædificato 30. & 6. annorum tempore, vt numeretur ab die, quo Dauid mentionem fecit de ædificatione templi, consulens super hoc Nathan prophetam. (2. Reg 7.) vsque ad consummationem, perfectam per Salomonem. nam ex illo die Dauid incepit præparare materiam &c

necessaria ad ædificationem templi. Et si diligenter dictum tempus consideretur, ascendit ad numerum 46. annorum.

Quamuis autem Iudæi intentionem suam referrent ad templum materiale, tamen secundum Aug. potest referri ad templum corporis Christi. Quia sicut ipse dicit *lib. 83. q. 4.* Conceptio & formatio humani corporis perficitur 45. diebus hoc modo. Primis enim 6. diebus corporis humani conceptio, quasi lactis habet similitudinem. 9. vero diebus sequentibus conuertitur in sanguinem, 12. inde diebus solidatur in carnem, sed 18. reliquis diebus formatur vsq; ad perfecta lineamenta omnium membrorum. Isti numero addito vno propter sacramentum vnitatis, sunt 46. *Dices.* Quia huius processus formationis non videtur habere locum in corpore Christi, quia in ipso instanti conceptionis formatum fuit, & animatum. *Dico,* licet in corporis Christi formatione sit aliquid singulare, quia in ipso instanti corpus Christi fuit perfectum quantum ad omnia lineamenta membrorum: non tamen quantum ad debitam corporis quantitatem, & ideo in utero virginis tamdiu permansit, quousque ad quantitatem debitam perueniret.

Accipiamus autem dictum numerum senarium qui primus erat, & 46. qui erat vltimus. & duamus vnum in alterum, ex eis surgunt 276. diuidendo ergo tot dies in menses, dando cuilibet mensesi 30. dies, sunt nouem menses, & 6. dies. Recte ergo 46. annis templum dicitur ædificatum esse, & significabat corpus Christi, vt insinuet, quod tot  
anni

anni fuerunt in fabricatione templi, quot fuerunt dies in perfectione corporis Christi. Nā ab 8. Kal. April. in quo Christus fuit conceptus, & (vt creditur) passus, vsq; ad 8. Kal. Janu. sunt tot dies, s. 276. qui numerus surgit ex senario ducto in 46.

Et hoc etiam numero Aug. (vt patet per glo.) aliud intelligit mystice. Dicit enim, quod ex literis nominis Adam multiplicatis, secundum numerum, quem more græcorum ipsæ literæ importāt, surgit numerus 46. Nām A. in græco importat vnum, cum sit prima litera in alphabeto. D. verò quatuor: addito ergo vno quod importat A. & 40. quod importat M. habemus 46. In quo significatur, quod corpus Christi assumptum est de corpore Adam. Item secundum græcos ex primis literis acceptis ex nominibus quatuor partium mundi, componitur hoc nomen Adam, scilicet *Anathole*, quod est oriens, *Disis* quod est occidens. *Arctos*, quod est septentrio, *Mensebria*, quod est meridies: quo significatur, quod Christus ex Adam carnem assumpsit, vt congreget electos suos à 4. partibus mundi. Matt. 24. *Congregabit electos suos, &c.*

### P A R S III.

#### *De vero intellectu eiusdem.*

**P**rimo ponitur discipulorum intellectus. *Secundo*, vnde hoc conceperunt. I. Iudæi hoc dixerunt ignorantes; sed Christus non sic intelligebat: imo intelligebat de templo corporis sui. Ex hoc



Apollinaris occasionem erroris sumēs dixit, quod Caro Christi esset materia inanimata; quia templum est res inanimata. Sed in hoc decipitur, quia *corpus Christi est templum*, est metaphorica locutio. In qua non attenditur similitudo quantum ad omnia, sed quantum ad aliquid, scilicet quantum ad inhabitationē, quæ refertur ad naturam. Præterea hoc manifeste apparet per auctoritatem scripturæ, cum dicit ipse Christus, *Potestatem habeo ponendi animam meam*. Ioan. 10.

II. Vnde autem Apostoli hunc verum intellectū conceperunt, ostendit consequenter Euangelista cū subdit. (*Cū ergo surrexisset à mortuū, &c.*) Nā ante resurrectionem difficile erat hoc intelligere: *Primo*, Quia per hoc ostendebatur; quod in corpore Christi erat vera Diuinitas: alias non potuisset dici templum: & hoc tunc temporis intelligere, humanam capacitatem excedebat. *Secundo*, Quia in hoc facit mentionem de passione, & resurrectione, cū dicit (*Excitabo illud;*) quod nullus discipulorum adhuc audierat. Vnde, quando Christus id expressit Apostolis, Petrus hoc audiens, scandalizatus est, dicens: *Ab sit à te domine*. Matt. 16. Sed post resurrectionem, quando iam plene cognouerunt Christū esse Deum, per ea quæ circa passionem, & resurrectionem ostenderat, sacramentū resurrectionis ipsius didicerant: (*Tunc recordati sunt discipuli eius, quia hoc dicebat de corpore suo: & tunc crediderunt scripturæ.*) scilicet prophetarum, Ose. 6. *Vitiificabit nos post duos dies, & tertia die suscitabit nos*. Ionæ 2. *Erat Ionas in ventre Cæti, &c.* Et inde est, quod in ipsa die resurrectionis aperuit

peruit illis sensum, vt intelligerent scripturas: (Et sermoni eius, quem dixit Iesus,) huic, s. *Soluite templum hoc &c.*)

*Analogice* autem per hoc datur nobis intelligi, secundum Orig. quod in vltima resurrectione naturæ, erimus Christi discipuli; quando in magna resurrectione totum corpus Iesu, i. ecclesia eius certificabitur de his, quæ nunc per fidem ænigmatische cognoscimus; & tunc recipiemus fidei complementum, videndo per speciem: quod nunc per speculum intuemur.

## P A R S IV.

### *De fructu consecuto ex signis.*

**H**ic tria. *Primo* proponit ipsos credentes, propter miracula. *Secundo* ostendit, quomodo Christus se habuit ad eos. *Tertio* rationem assignat ad hoc.

De I. Fructus, qui prouenit ex signis Iesu, magnus est, quia (Cum esset Hierosolymis in Pascha, in die festo, multi crediderunt in nomine eius) i. in eum, (videntes signa, quæ faciebat.) Nota autem, quod dupliciter aliqui crediderunt. Quidam namque, propter miracula visa. Quidam vero, propter occultorum reuelationem & prophetiam. Sed commendabiliores sunt, qui propter doctrinam credunt. quia sunt magis spirituales, quam qui propter signa, qui sunt magis sensibiles. Isti autem qui conuersi sunt, sensibiles ostenduntur, per hoc quod non propter doctrinam, sicut discipuli: sed viden-

tes signa quæ faciebat, crediderunt in nomine eius, 1. Cor. 14. Prophetia data sunt fidei libus. &c.

Queritur hic, Quænam signa viderunt facta à Iesu: cum nullum legamus eum tunc fecisse. Respondeo, secundum Orig. 1. Quod multa signa facta sint à Iesu ibi, tunc temporis, quæ hic non habentur. Nam Euangelistæ scienter multa prætermiserunt de miraculis Christi, cum tot fecerit, ut non possent de facili scribi. Ioan. ult. *Multa quidem signa fecit Iesus, &c.* Et hoc signanter euangelista ostendit, cum dicit (*Videntes signa,*) Quæ iam prætermissa sunt, quia non fuit intentio euangelistarum omnia signa Iesu conscribere, sed tot, quot necessaria erant ad ecclesiam fidelium instruendam. 2. Quia inter alia miracula, potest maximum signum reputari, quod flagello facto ex funibus, hominum multitudinem Iesus de templo solus eiecerit.

De II. (*Ipse autem Iesus non credebat semetipsum eis.*) Quid hoc, quod homines credunt Deo, & ipse Iesus non credebat se eis? Nunquid potuissent eum occidere, ipso nolente? An quod ideo, quia sciebat eos fide credere. 1. Sed si hoc verum, non diceret Euangelista, *multi crediderunt in nomine eius*, & tamen non credebat se eis. Et ratio est, secundum Chrysost. quod isti crediderunt in eum, sed imperfecte, quia nondum poterant attingere ad perfecta mysteria Christi. Et ideo non credebat se eis, id est, secreta sua mysteria eis nondum reue-  
labat. nam & ipsis Apostolis multa non reuelauit. Ioan. 17. *Multa habeo vobis dicere; sed non potestis por-*



*tare modo. i. Cor. 3. Non potui vobis loqui, &c.* Et ideo notanter euangelista, vt ostendat eos imperfecte credere, non dicit, quod credebant in eum: quia nondum credebant eius Diuinitatem: sed dicit (*in nomine eius.*) illud qui de eo nomine tenus dicebatur, scilicet quod iustus, vel huiusmodi.

Secundum Aug. Isti gerunt in ecclesia typum catechumenorum, qui etsi credant in nomine Christi; Iesus tamen non credit se illis; quia Ecclesia non dat eis Corpus Christi. Quod quidem corpus, sicut nullus Sacerdos conficere potest, nisi in sacerdotem consecratus; ita nullus sumere debet, nisi baptizatus.

De III. Ratio autem huius, quod non credebat se eis, ostenditur ex perfecta Christi cognitione. Vnde dicit: (*Eo, quod ipse, &c.*) Licet autem homo ignorans, debeat de quolibet præsumere bonum; tamen postquam veritas innotescit de aliquibus, debet se habere ad eos secundum eorum conditionem. Et quia Christum nihil latebat eorum, quæ sunt in homine, cum sciret eos imperfecte credere, non credebat se eis. Describitur autem cognitio Christi vniuersalis; quia non solum familiares, sed etiam alios extraneos cognoscebat. Et ideo dicit (*eo quod ipse nosset omnes*) & hoc per potentiam Diuinitatis. Eccl. 13, *Oculi domini multi lucidiores sunt per Solem, &c.* Nam homo, etsi cognoscat alios, non tamen certam cognitionem de eis potest habere, quia non videt nisi ea quæ apparent:

rent: & ideo opus est ei testimonio aliorum. Christus autem certissime cognoscit; quia intuetur cor. Vnde non erat ei opus, ut quis testimonium perhiberet de homine, imo ipse testis est, Iob. 16. *Ecce in cælo est testis meus.* Perfecta, quia non solum quantum ad exteriora, sed etiam quantum ad interiora sua cognitio se extendit, & ideo dicit. (*Ipse enim sciebat quid esset in homine.*) id est, occulta cordis. Prou. 15. *Infernus, & perditio coram domino.*

### FERIA III. POST DOM. IV. QUADRAGES.

*Die festo mediante ascendit Iesus. Ioan. 7.*

**S**COPVS. Instante mortis tempore suam actius  
 vrget, ingeritque doctrinam se manifestando.

### PARTITIO.

I. De occasione doctrinae manifestanda, ipsaque manifestatione.

II. Probat eam à Deo esse.

III. Excludit objectionem.

IV. Turbatam turbam modeste confutat.

### PARS I.

*De occasione manifestanda doctrinae, ipsaque manifestatione.*

**T**Ria hic. Primo ponitur admirationis materia.  
 Secun-

*Secundo*, ipsa admiratio. *Tertio* admirationis ratio. I. Materia quidem admirationis est doctrina Christi. Vnde & circa hanc ponitur & Tempus, & Locus. Tempus cum dicit, (*Iam autem die festo mediante,*) Scenophegia, id est, cum illius festi tot dies remansissent, quot effluxerant. Vnde cum septem diebus ageretur festum: dicitur hoc fuisse quarto die. 1. Et quidem in hoc, quod se occultauit, humanitatis Christi est indicium, & nostræ virtutis documentum. Hoc autem quod se propalauit, nec eum tenere potuerunt: diuinitatis est ostensuum. Ideo autem in medio festiuitatis tempore ascendit: quia in principio festi omnes magis attenti sunt de his, quæ festi sunt. Boni quidem ad cultum Dei, alij vero ad vanitates, & ad lucra. Sed circa medium temporis his, quæ festi sunt expeditis, magis parati sunt ad doctrinam, vtergo eos attentiores, & paratiores ad doctrinam inueniret, non in primis diebus ascendit. 2. Similiter etiam quia hoc congruit ordini doctrinæ Christi. Quia non in fine mundi, nec in principio; sed in medio tempore venit instruere homines de regno Dei: Abac. 3. *In medio annorum notum facies.*

Locus autem doctrinæ ostenditur, cum dicit (*in templum.*) vbi docebat propter duo. 1. Vt ostenderet se docere veritatem, quam calumniari non poterant, & quæ erat omnibus necessaria. Ioan. 18. *Ego in occulto locutus sum nihil.* 2. Quia templum, cum sit locus sacer, conueniens est doctrinæ Christi sanctissimæ. If. 2. *Venite ascendamus ad*



montem Domini, & ad domum Dei Iacob, & docebit, &c. Quid autem doceret Christus: prætermittit Euangelista. Quia non omnia facta, & verba Domini exprimunt Euangelistæ: sed ea quæ commotionem, & contradictionem in populo faciebant. Et ideo hic mentionem facit de commotione populi ex ipsa doctrina. Quia qui ante dixerant, seducit turbas, postea ex ipsa doctrina admiratione mouentur.

II. Et ideo consequenter cum dicit (*& mirabantur Iudæi.*) Nec mirum, quia Ps. 118. *Mirabilia testimonia tua.* Verba enim Christi, verba sunt sapientiæ diuinæ. III. Ratio autem admirationis subditur, cum dicit, (*Quomodo hic literas scit, cum nō didicerit?*) Sciebant enim Iesum filium esse pauperis mulieris, & putabatur filius fabri, qui de labore suo uiuens, non insisteret studio literarum, sed potius operi manuali. Ps. 87. *Pauper sum ego, & in laboribus iuuantur meæ.* Et ideo cum audiunt eum docere, & disputare, mirantur dicentes. [*Quomodo hic literas scit, &c.*] Simile Matth. 13. *Vnde huic sapientiæ & virtutes, nonne hic est filius fabri? &c.*

De II. Posito loco, & occasionibus manifestandi doctrinæ spiritualis originem, hic consequenter ipsis manifestat doctrinam suam. Ergo. [*Respondit eis Iesus & dixit.*] quasi dicat. Vos admiramini vnde habeam scientiam: sed ego dico, quod [*mea doctrina non est mea.*] Si dixisset doctrina, quam ego dico non est mea, nulla esset quæstio, sed quod dicit (*mea non est mea:*) videtur contradictionem implicare. Sed hoc soluitur, quia sua doctrina

doctrina aliquo modo potest dici sua ; & aliquo modo non sua. 1. Si enim intelligatur de Christo filio Dei , sic , cum doctrina vniuscuiusque nihil aliud sit quam verbum ; Filius autem Dei sit verbum eius , sequitur , quod doctrina patris sit ipse Filius. Idem autem verbum est sui ipsius per identitatem substantiæ. *Quid enim tam tuum est quam tu ipse?* Est autem non suum per originem. *Quid enim non tuum, quam tu si alicuius es, quod es?* vt Augustin. dicit. Hoc ergo breuiter videtur dixisse (*mea doctrina non est mea,*) ac si diceret. Ego non sum à meipso. In quo hæresis Sabelliana confunditur , quæ dicere ausa ipsum esse filium , qui est pater.

Vel (*mea doctrina,*) quam ego pronuncio verbo creato, non est mea, (*sed eius qui misit me patris,*) id est, non est mihi à meipso, sed à patre. Quia etiam cognitionem filius per æternam generationem habet à patre, Matt. 11. *Omnia tradita sunt mihi à patre meo.*

2. Si vero intelligatur de Christo filio hominis, tunc dicit (*mea doctrina,*) quam ego habeo secundum animam creatam , & profero corporis ore [*non est mea,*] id est, non mihi à meipso, sed à Deo. Quia omne verum à quocunque dicatur, à Spiritu sancto est. Sic ergo secundum Aug. 1. de Trin. secundum aliquid suam dixit doctrinam, & secundum aliquid non suam: secundum formam Dei suam; secundum formam serui non suam. Ex quo habemus exemplum, quod omnem cognitionem nostram cū gratiarū actione recognoscamus à Deo.

1. Cor. 4. *Quid habes, quod non accepisti: si autem accepisti, &c.*

## P A R S II.

*Probat doctrinam suam esse ex Deo.*

**E**T hoc dupliciter. Primo ex iudicio recte sentientium. Secundo ex sua intentione. De I. Nota, Iudicio illius standum est, vtrum aliquis bene operetur in aliqua arte, qui est expertus in arte illa. Sicut an aliquis bene loquitur Gallice, standum est iudicio eius, qui est peritus in lingua Gallica. Secundum hoc ergo dicit Dominus. Illius iudicio standum est, an doctrina mea sit à Deo; qui est expertus in rebus diuinis: talis enim recte potest de his iudicare, 1. Cor. 2. *Animalis homo non percipit ea quæ sunt spiritus Dei: spiritualis autem iudicat omnia, & ideo dicit. Quia vos alienati estis à Deo; ideo non cognoscitis de doctrina vtrum ex Deo sit. ( Sed si quis voluerit voluntatem eius, ) id est, Dei ( facere: ) iste potest ( cognoscere vtrum doctrina hæc sit à Deo, an ego à meipso loquar. ) Ille quidem à seipso loquitur, qui falsum dicit. Quia sicut dicitur Ioan. 8. Cum loquitur mendacium, ex propriis loquitur,*

2. Vel secundum Chrysost. Voluntas enim Dei est pax, charitas, & humilitas nostra. vnde Matth. 5. *Beati pacifici, &c.* Studium autem contentionis frequenter peruertit mentem hominis in tantam,



vt verum æstimet falsum. Vnde deposito contentionis spiritu, rectius habetur certitudo veritatis, Iob 6. *Respondete obsecro absque contentione, & loquentes id quod iustum est, iudicate.* Et ideo dicit Dominus, si quis vult recte de doctrina mea iudicare, faciat voluntatem eius, id est, deponat iram, inuidiam; & odium, quod sine causa in me habet; & nihil est, quod prohibeat eum cognoscere [*Virum ex Deo sit: an ego à meipso loquar.*] id est, quod Dei verba sunt quæ loquor.

3. *Vel secundum August.* voluntas Dei est, vt faciamus opera eius, sicut voluntas patrisfamilias est, vt operarij faciant opus eius. Opus autem Dei est, vt credamus in eum quem ipse misit. Ioan. 6. *Hoc est opus Dei, vt credatis in eum, quem ille misit.* Ideo dicit. (*Si quis voluerit facere voluntatem eius,*) scilicet Dei, id est, credere in me, iste [*cognoscet an doctrina mea sit ex Deo,*] Isa. 7. secundum aliam literam. *Nisi credideritis, non intelligetis.*

De II. (*Qui à semetipso loquitur, &c.*) Probat idem ex sua intentione. Et ponit duplicem intentionem per quam intelligitur duplex origo doctrinæ. Dictum est autem aliquos loqui à se, aliquos vero loqui non à se. Loquitur autem non à se, quicumque studet loqui veritatem. omnis veritatis cognitio ab alio est; Vel per modum quidem disciplinæ, vt à magistro; Vel per modum reuelationis; vt à Deo: Vel per inuentionem; vt ab ipsis rebus. Quia Rom. 1. *Inuisibilia Dei per ea quæ facta sunt, intellecta conspiciuntur.* Sic ergo quocunque istorum modorum cognitio aliqua habeatur, non est

est homini à se. A se autem loquitur, quia ea quæ dicit, nec à rebus, nec ex doctrina humana accepit: sed de corde suo, Hier. 23. *Visionem cordis sui loquuntur.* Ezech. 13. *Va Prophetis insipientibus qui vaticinantur de corde suo.* Sic ergo confingere aliquid à se ipso, est propter humanam gloriam. Quia, ut Chrys. dicit. *Qui aliquam propriam vult instruere doctrinam, propter nihil aliud hoc vult, quam ut gloriam acquirat.*

Et hoc est, quod Dominus dicit probans doctrinam suam à Deo esse. ( *Qui à semetipso loquitur,* ) de certa cognitione veritatis, quæ est ab alio, iste [ *querit gloriam propriam;* ] propter quam, & propter superbiam hæreses, & falsæ opiniones introducuntur. Et hoc competit Antichristo; 2. Thessal. 2. *Qui aduersatur, & extollitur super omne quod dicitur Deus: aut quod colitur.* Sed ( *qui querit gloriam eius qui misit illum,* ) sicut ego quero, Ioan. 8. *Ego gloriam meam non quero, (hic verax est, &c.)* Verax sum: quia doctrina mea continet veritatem, iniustitia in me non est, quia alterius gloriam non usurpo. Et ut dicit August. *Magnum nobis prebuit humilitatis exemplum, dum habitu inuentus ut homo, querit gloriam patris, non suam. Quod tu homo facere debes: quando aliquid boni facis, gloriam tuam queris: quando aliquid mali facis, Deo calumniam meditaris.* Patet autem, quod gloriam suam non quærebat: quia si non fuisset aduersarius principibus sacerdotum, non fuissent eum persecuti. Sic ergo Christus, & quicumque gloriam Dei querit, habet quidem in intellectu cognitionem, Matth. 22. *Magister scimus*  
quia

*Quia verax es:* Et ideo dicit, (*hic verax est:*) In affectu autem rectam intentionem: unde dicit. (*Et iniustitia in illo non est.*) Iniustitia enim est, quod homo usurpet sibi alienum. Gloria autem est propria solius Dei, qui ergo sibi quaerit gloriam, iniustus est.

## P A R S III.

*Excludit obiectionem.*

**P**OSSET quis dicere Christo: Quod ideo doctrina sua non esset à Deo; quia sabbatum soluit, Ioan. 9. *Non est hic homo à Deo, qui sabbatum non custodit.* Et ideo hoc intendit excludere. Unde circa hoc tria facit. *Primo* excusat se, arguendo ex parte accusantium. *Secundo* ostenditur eorum iniqua responsio. De I. Dicit, Dato, ut vos dicitis, quod doctrina mea non sit à Deo, quia legem non seruo, sabbatum soluens, tamen vos non habetis causam accusandi, cum sitis in simili delicto. Unde dicit. [*Nomine Moyses dedit vobis,*] id est, populo vestro (*legem,*) & tamen [*nemo ex vobis facit,*] id est, seruat legem. Actorum septimo. *Accepistis legem in dispositione angelorum, & non custoditis.* Unde & Petrus, Actorum decimoquinto. *Hoc est enim, quod neque nos, &c.* Si ergo non seruatis legem, quare propter transgressionem eius vultis me interficere? Non autem propter hoc facitis; sed propter odium. Alioquin si propter zelum legis faceretur, ipsis vos seruaretis eam, Sap.



Sap. 2. *Circumueniamus iustum, quoniam inutilis est nobis, sequitur, morte turpissima, &c.*

2. *Vel dicendum, quod non seruatis legem quam Moyses dedit vobis: & hoc patet in eo, quod me vultis interficere; quod est contra legem, Exod. 20. Non occides.* 3. *Vel secundum August. Non facitis legem; quia in lege ipse contineor. Nam, Si crederetis Moysi, crederetis forsitan & mihi, de me enim ille scripsit. Sed vos vultis me interficere.*

II. Ponitur iniqua responsio turbæ, cum dicit: (*Dæmonium habes; quis te querit interficere?*) Verè turbata turba respondet, non pertinentia ad ordinem: sed ad perturbationem; vt dicit Aug. Eum enim dicunt dæmonium habere, qui dæmones expellit, Matth. 12.

## P A R S IV.

*Turbam turbatam confutat modestè.*

**D**Ominus in sua veritate tranquillus, confutat eos, excusans se per rationem. Et primo commemorat eis factum propter quod turbantur. Secundo ostendit eos non debere turbari. Tercio inducit eos ad iustum iudicium. De I. [*Respondit ergo Iesus, & dixit eis. Vnum, &c.*] Non reddit conuicio conuictum; nec repulit. quia 2. Petr. 2. *Cum malediceretur, non maledicebat: sed eis opus commemorat de curatione paralytici; de quo omnes admirabantur: Non admiratione deuotionis, secundum illud Isa. 60. Videbis, & afflues, & mira-*

*mirabitur & dilatabitur cor tuum* : sed admiratione turbationis, secundum illud Sap. 5. *Videntes turbantur timore horribili, & mirabuntur, &c.* Si ergo propter vnum opus miramini, id est, cum turbatione turbamini : quid faceretis si omnia opera mea videretis ? Nam vt dicit Augustinus, ipsius opera erant quæ in mundo videbant, omnes etiam infirmi per eum sanantur. Psalm. 106. *Misit verbum suum, & sanauit eos*, Sap. 16. *Nec herba, nec malagma, &c.* Ideo ergo turbamini, quia vnum tantum opus videtis, & non omnia.

De II. [ *Propterea Moyses dedit, &c.* ] Contuincit eos de iniusta turbatione. Et Primò ponit mandatum eis datum à Moyse. Secundo opus eorum. Tercio arguit ex vtroque. Mandatum autem Moyse est de circumcisione, & ideo dicit. [ *Propterea,* ] id est, ad significandum mea opera. ( *Moyse dedit vobis circumcisionem.* ) Nam circumcisio in signum data est, vt habetur Genes. 17. *Erit vobis in signum fœderis inter me & vos.* Significabat enim Christum; 1. ideo semper data est in membro generationis : quia ex Abraham secundum carnem descensus erat Christus; qui spirituales circumcissionem, id est, mentis & corporis facit. 2. Vel Ideo in ipso membro fiebat, quia data est contra peccatum originale. Quod autem Moyses dederit circumcisionem, expresse non habetur, nisi Exod. 13. *Omnis masculus emptitiis circumcidetur.* Et licet Moyses dederit circumcisionem; non tamen quasi eam instituens: quia non ipse primus accipit circumcisionis mandatum, sed Abraham. Gen. 17.

Factum autem Iudæorum est, quia, in Sabbato circuncidebant. Et hoc est quod dicit [*& in sabbato circunciditis, &c.*] Et hoc ideo, quia Abraham mandatum est, ut octauo die circuncideretur puer, Genesis 21. *Circuncidite eum die octauo, sicut praeceperat ei Deus.* A Moyse autem praeceptum erat eis, ut nihil operis facerent in die sabbathi. Contingebat autem aliquando, quod octauus dies necessitatis veniret in die sabbathi, & sic circumcidentes puerum ipso die, mandatum Moyse soluebant: propter mandatum patrum. Et ideo ex his arguit Dominus cum dicit. (*Sic circumcisionem, &c.*)


Vbi nota. Hoc argumentum efficaciam habet ex tribus considerationibus, quarum duæ sunt expressæ; sed tertia subintelligitur. 1. *Consideratio.* Videmus enim primo, quod quamuis mandatum Abraham prius fuerit, tamen mandatum Moyse de obseruatione sabbathi non præiudicabat priori, scilicet mandato de circumcisione. Galat. 3. *Dico autem testamentum confirmatum à Deo, quæ post quadringentos, & triginta annos facta est lex, non irritum facit.* Et ideo ex hoc arguit. Quia licet in humanis legibus posteriora præiudicent prioribus: tamen in diuinis priora sunt maioris auctoritatis. Et ideo præcepto facto Abraham de circumcisione, non præiudicat præceptum Moyse de obseruatione sabbathi. Multo ergo minus præiudicat mihi, qui facio, quod dispositum est à Deo ante mundi constitutionem de salute hominum



num in sabbato figurata. 2. *Consideratio est.* Quia Iudæi mandatum habebant, vt non operarentur in sabbato, & tamen Iudæi operabantur, quæ ad salutem particularem erant. Dicit ergo, Si vos, quibus mandatum est, vt nihil operemini in sabbato; circumcisionem accipitis ipso die; quæ est quædam particularis salus: Vnde & in membro particulari fiebat: & hoc facitis; vt non soluatur lex Moyfi. Ex quo patet; ea quæ ad salutem pertinent in sabbato prætermittenda non esse. Ergo multo magis debet homo facere ipso die ea quæ sunt ad vniuersalem salutem. Non ergo debetis mihi indignari, quia totum hominem sanum feci in sabbato. *Tertia consideratio est.* Quia vtrunque mandatum fuit figura: nam omnia in figura contingebant illis. Si ergo figura; scilicet mandatum de obseruatione sabbati, non præiudicat figura, scilicet mandato circumcisionis, multo minus præiudicat veritati. Nam circumcisio ipsum dominum figurabat, vt dicit Augustinus. Ideo autem dicit [*totum hominem.*] quia cum *Dei perfecta sint opera*, curatus est vt sanus esset in corpore; & credidit vt sanus esset in anima.

De III. [*Nolite iudicare secundum, &c.*] Rêducit eos ad iustum exâmen sui, vt scilicet non secundum faciem iudicent; sed iustum iudicium. Dicitur autem quis iudicare secundum faciem dupliciter. Nam iudex iudicat secundum allegata, primo Regum decimosexto. *Homines vident ea quæ apparent.* Sed in hoc potest esse

esse deceptio; ideo dicit. ( *Nolite iudicare secundum faciem,* ) id est, secundum illud, quod statim apparet; sed diligenter inquirete, Iob 29. *Causam quam nesciebam diligenter inuestigabam.* Isa. 11. *Non secundum visionem oculorum iudicabit.* 2. Vel ( *Nolite iudicare secundum faciem,* ) id est, nolite accipere personam in iudicio. Hoc enim est prohibitum omnibus iudicantibus. Leu. 19. *Non accipies personam pauperis in iudicio.* Mal. 2. *Faciem accipitis in iudicio.* Accipere autem personam in iudicio, est prætermittere iustum iudicium propter amorem, seu reuerentiam, seu timorem, seu conditionem personæ, quæ non faciunt ad causam. Dicit ergo. [ *Nolite iudicare.* ] quasi dicat. Non, quia Moyses apud vos habet maiorem gloriam, quam ego, ex personarum dignitate feratis sententiam: sed à rerum natura, quia, ea quæ ego facio, maiora sunt, quam ea, quæ fecit Moyses. Sed nota secundum Augustinum, quod ille non iudicat partialiter, qui æqualiter diligit. Non enim cum homines diuerso modo pro suis gradibus honoramus, timendum est ne personam accipiamus.



II. CONCIONIS DISPO-  
S I T I O.

*Nonne hic est, quem quarunt interficere?*  
Ioann. 7.

SCOPVS. Postquam egit de origine doctrinæ,  
nunc agit de origine docentis.

PARTITIO.

- I. *Admiratio turbæ de Christo.*
- II. *Se eis manifestat Dominus.*
- III. *Docet modum perueniendi ad notitiam e-  
ius.*
- IV. *De effectu doctrinæ ab eo proposita.*

P A R S I.

*Admiratio turbæ varia disceptantis.*

**A**Dmiratio turbarum confurgit ex duobus.  
*Primo*, ex iniquo proposito principum. *Se-  
cundo* ex publicâ doctrina Christi. De I. Di-  
ctum est autem supra, quod Christus, vt osten-  
deret infirmitatem humanæ naturæ, latenter  
ascendit ad diem festum: sed vt ostenderet suæ  
diuinitatis personam, publice docet in templo,  
& à persequentibus teneri non potest. Et sic, vt  
ait Augustinus, apparet potestas, quæ putaba-



tur timiditas. Et ideo dicebant, quidam ex Hierosolymis quasi admirantes, nam ipsi sciebant qua scuitia quærebat a principibus, utpote eius familiares, & Hierosolymis existentes. Vnde Chrysostom. dicit. *Omnibus miserabiles erant, qui diuinitatis signum videntes maximum, omnia iudicio corruptorum principum permittentes, Christum minus reuerabantur.* secundum illud Ecclesiast. septimo, *Qualis rector ciuitatis, talis, &c.* Sed tamen mirabantur qua potentia non tenebatur: vnde & dicebant. [ *Nonne hic est quem Iudæi querunt?* ] id est, principes, secundum illud supra 5. *Propterea persequabantur eum Iudæi,* id est, principes, &c. Daniel. decimotertio. *Egressa est iniquitas a senioribus populi, &c.* Apparet autem per hoc veritas sermonum Christi, & falsitas principum. Supra enim cum Dominus diceret eis, *Quid me queritis interficere?* negauerunt dicentes: *Dæmoniam habes, quis te querit interficere?* Sed ecce quod principes negabant, isti confitentur cum dicunt. ( *Quem Iudæi querunt interficere.* ) Sic ergo admirantur ex iniquo proposito principum.

De II. Similiter etiam ex publica doctrina Christi. Vnde dicunt: ( *Ecce palam loquitur, & nihil ei dicunt.* ) Quod est indicium securæ veritatis, Ioannis decimo octauo. *Ego palam locutus sum.* Et tamen ( *nihil ei dicunt* ) quasi repressi virtute diuina. Hæc est enim propria Dei virtus, quod malorum corda ab impetu suæ malitiæ reprimat, Proverbiorum 16. *Cum placuerunt domi-*  
no viæ

*no via hominis, inimicos eius quoque conuertet ad pacem.*  
Et alibi. *Cor Regum in manu Dei, &c.*

*Suspicio eorum* ponitur cum dicit: (*Nunquid vere cog. quia hic est Christus,*) quasi dicat. Ante quærebant eum interficere, modo inuenerunt, & tamen nihilei dicunt: Non tamen mutati à propria sententia, 1. Cor. 3. *Si enim cognouissent, &c.* Sed repressi à virtute diuina.

*Obiectio eorum* contra suspicionem subditur: (*Sed hunc scimus vnde sit, Christus, &c.*) Quasi hoc modo arguentes. Christus debet habere occultam originem; sed iste habet originem manifestam; ergo non est Christus. In quo apparet eorum amentia, quia supposito quod quidam etiam principes crederent Christo; non tamen eorum sententiam sequuntur, sed aliam corruptam proferunt, Ezech. *Ista est Hierusalem in medio.* Sciebant enim Christum esse ex Maria secundum originem; sed tamen eius modum ignorabant. Matthæi 13. *Nonne pater eius est Ioseph, &c.* Sed cum dicatur Mich. 6. *Ex te exiet dux, &c.* quare dicunt, [*Christus cum venerit nemo scit vnde sit.*] Respondeo, quod hoc habent ex verbo Isa. 53. *Generationem eius quis enarrabit?* Sic ergo & ex Prophetis habent, vt sciant vnde sit, secundum humanam originem. Et ex eis habent, quod nesciant, secundum diuinam generationem.

‡ ‡

‡

‡

4

PARS

## P A R S II.

*Se eis manifestat Dominus.*

**P**rimo ostendit quid de origine eius sciebant. **S**ecundo quid circa ipsum ignorabant. De I. Nouerant de Iesu originem suam, & ideo dicit (*clamabat Iesus.*) Clamor. 1. Aliquando ex magnitudine affectus procedit, & ideo quandoque importat turbulentiam animi, interius concitati. Et hoc modo non competit Christo, de quo scriptum est Isa. 42. *Non clamabit, nec accipiet personam, nec audietur vox eius foris.* Eccles. 9. *Verba sapientium audiuntur,* &c. 2. Quandoque importat magnitudinem deuotionis, secundum illud, Psalm. 19. *Ad Dominum cum tribularer clamaui.* 3. Quandoque vero cum hoc magnitudinem dicendorum, secundum illud, Isa. 6. *Seraphim clamabant alter ad alterum,* &c. Prouerb. 8. *Nunquid non sapientia foris clamat;* &c. Et sic predicatorum clamare monentur. Isa. 58. *Clama ne cesses, quasi tuba exalta vocem tuam.* Et sic clamabat hic Dominus (*docens in templo, & dicens,*) hoc scilicet, (*me scitis,*) secundum faciem noscitis. (*Et vnde sim scitis,*) scilicet corporaliter, Baruch. 3. *Post hæc in terris visus est:* Sciebat enim, quod ex Maria natus erat in Bethlehem, & nutritus in Nazareth; sed nesciebant Virginis partum, & quod per Spiritum sanctum conceptus esset, vt dicit August. Excepto virginis partu, totum nouerant in Iesu, quod ad hominem pertinet.

De II.



De II. Nesciebant autem de ipso originem occultam, vnde dicit. (*A me ipso non veni. Sed est, &c.*) Et primo insinuat suam originem. Secundo ostendit eam eis esse occultam. I. Origo autem sua est à patre ab æterno: vnde dicit. (*A me ipso non veni,*) q. d. Ante fui secundum Diuinitatem, quam in mundum venirem per Humanitatem, Ioan. 8. *Antequam Abraham fieret, ego sum.* Alias non conueniret ei venire, nisi ante fuisset; & tamen hoc ipsū quod veni, non veni à me ipso: quia filius non est à se, sed à patre. Ioan. 16. *Exiui à patre, & veni in mundum.* Præ-nunciata autem fuit eius origo à patre, qui eum promisit mittere, Exo. 4. *Obsecro Domine mitte quem missurus es.* Isa. 19. *Mittam eis Saluatorem, &c.* & ideo dicit. (*Sed est verus qui misit me,*) q. d. non aliunde veni; sed ab eo qui promisit, & promissum adimpleuit, quia (*verus est,*) Rom. 3. *Est autem Deus verax:* & ideo docet me veritatem loqui: quia à vero missus sum. Est autem eis occulta; quia nesciunt eum, qui misit me. Vnde dicit (*Quem vos nescitis.*)

Sed cum omnis homo licet in carne natus, sit à Deo; videtur, quod possit dicere. *Ego sum à Deo, & per consequens me scitis vnde sim.* *Responsio,* secundum Hilar. Filius aliter est à Deo, quam alij homines: Quia sic est à Deo, vt etiam sit Deus, vnde Deus est principium eius consubstantiale: Alia vero sic sunt à Deo, vt tamen non sint ex illo. Sic ergo filius vnde sit ignoratur: quia natura ex qua est, nescitur; sed homines vnde sint, non ignoratur. Quia si vnde, ignorari non potest, quicquid subsistit ex aliquo.

366 DISP. II. EX D. THOM. COM.  
PARS III.

*Docet modum perueniendi ad notitiam eius.*

**A** B illo oportet nos addiscere aliquid, qui scit illud; solus autem Filius nouit Patrem, & id eo dicit. Si vultis notitiam eius, qui misit me, habere, oportet, habeatis à me: quia ego solus (*scio eum,*) & ideo *Primo* ostendit suam scientiam: *Secundo* scientiæ suæ perfectionem: *Tertio* scientiæ suæ rationem. I. Suam scientiam ostendit cum dicit. (*Ego scio eum, &c.*) Verum est autem, quod *omnes homines vident eum*; Iob 36. sed tamen diuersimode. Quia homines in vita ista vident eum per creaturas, Ro. 1. *Inuisibilia Dei per ea quæ facta sunt, &c.* ideo dicitur 1. Cor. 10. *Videmus nunc per speculum in enigmate.* Angeli vero & beati in patria, vident eum immediate per essentiam Matt. 18. *Angeli eorum in caelis semper vident faciem, &c.* 1. Ioan. 3. *Videbimus eum sicuti est;* sed filius Dei videt eum excellentius omnibus, scilicet visione comprehensionis, Ioan. 1. *Deum nemo vidit vnquam, scilicet comprehendendo: Vnigenitus, &c.* Matt. 11. *Neque patrem quis nouit nisi filius.* Et de hac visione loquitur hic dicens. (*Ego scio eum,*) scilicet notitia comprehensionis.

II. Perfectionem vero scientiæ suæ ostendit, dicens: (*Si dixero quia nescio eum, ero similis, &c.*) Quod quidem introducit propter duo. 1. Nam creature intellectuales sciunt eum: sed lōge & imperfecte, quia vnusquisq; intuetur eum procul. Iob 36. *Veritas enim diuina excedit omnem cognitionem nostram,* 1. Ioan. 3. *Deus maior est corde nostro.* Quicunque ergo  
Deum

Deum cognoscit, potest absq; mendacio dicere, nescio eum: quia non cognoscit eum quātum cognoscibilis est: Filius. 2. Deum patrem perfectissime cognoscit, sicut pfectissime ipse se nouit. Vnde non potest dicere. (*Nescio eū.*) 2. Quia cognitio Dei, & maxime quæ est per gratiam, potest perdi: Psa. 105. *Obliti sunt Deum qui redemit eos:* vnde possunt dicere, (*nescio eum,*) quamdiu est in vita ista. Quia *ne-  
mo* scit *utrum* odio vel amore dignus sit: Filius autē inamissibilem notitiam habet de patre. vnde non potest dicere, (*Nescio eum.*)

In hoc autem quod dicit, (*ero similis vobis, &c.*) debet accipi similitudo per cōtrarium. Non enim essent mendaces, si dicerent, se nescire Deum; sed potius si dicerent se Deum cognoscere, cum eū ignorent. Si. a. Christus diceret se eum non nosse; cum noscat, esset mēdax. Est ergo sensus verbi. (*Si dixero quia nescio eum*) cū sciam eum (*ero similis vobis mendax*) qui dicitis vos cognoscere eum, cum tamen ipsum ignoretis.

Sed numquid non poterat Christus dicere *nescio eum*? Videtur, quod sic, quia poterat mouere labia, & proferre verba huiusmodi: ergo potest esse mēdax. Sed dicendum, q̄ Christus huiusmodi verba protulit, & tamen non fuit mendax: q̄ intelligendum est si dixero (*nescio eum,*) cum assertionem, ita sc. ut corde credam, quod profero ore. Afferere autem falsum pro vero, ex duplici defectu cōtingit, sc. ex defectu cognitionis intellectus. Et hic defectus non poterat esse in Christo; cum sit *Dei sapientia*, 1. Cor. 1. Item ex defectu rectæ voluntatis in affe-



in affectu; qui similiter in Christo esse non poterat; cum sit *Dei virtus*, ibidem. Vnde non poterat dicere asserendo. (*Nescio eum*,) Nec tamen conditionalis est falsa; quamvis antecedens sit impossibile, & consequens.

III Ratio autem singularis, & perfectæ scientiæ Christi ponitur, cum dicit. (*Sed ego scio eum*, *quis*, &c.) Omnis enim cognitio est per aliquam similitudinem; cum nihil cognoscatur, nisi prout similitudo cogniti est in cognoscente: omne autem quod procedit ab aliquo, habet eius similitudinē à quo procedit. Vnde omnes vere cognoscentes, secundum diuersum gradum processioneis eorum à Deo, habent diuersimode eius cognitionem. Anima autem rationalis, Dei cognitionem habet secundum quod similitudinem participat imperfectiori quodammodo ab alijs creaturis intellectuales. Angelus quia expressiorem Dei similitudinem habet, cum sit signaculum similitudinis, manifestius Deum cognoscit. Filius autem perfectissimam patris similitudinem habet cum sit eiusdem essentiæ, & virtutis cum ipso. Et ideo perfectissime cognoscit, ut dictum est. Et ideo dicit. (*Sed ego scio eum*,) scilicet quantum cognoscibilis est. Et huius ratio est, quia ab ipso sum: quasi habens eandem naturæ essentiam cum ipso per consubstantialitatem: vnde sicut ipse perfecte se nouit per essentiam suam, ita & per eandem essentiam, (*ego scio eum*) perfecte.

Sed ne hoc referatur ad missionem qua venit in mundum, continuo subiecit, (*& ipse me misit*.)  
 Ut sic

Vt sic quod dicit. (*Ab ipso sum,*) referatur ad æternam generationem, per quam consubstantialis est patri. Ex quo habetur proprietas cognitionis, de proprietate generationis. Per hoc vero quod dicit. (*Ipse me misit*) insinuat patrem actorem incarnationis, Gal. 4. *Misit Deus filium,* &c. Sicut autem per hoc, quod filius est à patre, perfectam patris cognitionem habet: ita etiam per hoc quod anima Christi singulariter est vnita verbo: habet singularem & excellentiorem præ alijs creaturis cognitionem Dei: licet eum non comprehendat. Consequenter cum dicit, & ideo potest Christus secundum diuinam dicere, scio eum excellentius præ omnibus creaturis, non tamen comprehendendo.

## P A R S IV.

### *De effectu doctrinæ ab eo propositæ.*

**P**rimo ponit effectum doctrinæ in turbis maleuolis. Secundo, in turbis deuotis, De I. tria facit. Primo, innuit turbarum iniquum propositum. Secundo propositi implendi impedimentum. Tercio impedimenti rationem. I. *Iniquitas propositi* manifestatur, cum dicit, (*quærebant ergo eum apprehendere.*) Quia dixerat Dominus *quem vos nescitis*, irati sunt Iudæi, quasi simularent eum scire: & ideo iniqua proponebant, scilicet eum apprehendere, ad crucifigendum, & occidendum, secundum illud Psalm. 70. *Persequimini, & comprehendite eum.* Sunt autem aliqui Christum in se habentes; quærunt  
tamen

tamen pie apprehendere, Cant. 8, *Ascendam in palma, & apprehendam fructus eius*, Philip. 3. *Sequor si quomodo appr. h:ndam.*

2. *Impedimentum propositi* ponit cum dicit. ( *Nemo misit in illum manus* ) Inuisibiliter enim eorum furor refrenatus est & repressus, per quod patet, quod voluntas nocendi est unicuique à se: sed nocendi potestas à Deo, Patet Iob 1. & 2. Vbi Sathan non potuit Iob affligere, nisi quantum permissum est sibi à Deo.

3. *Ratio impedimenti assignatur.* ( *Quia nondum venerat hora eius.* ) Vnde sciendum est, quod secundum illud Eccl. 8. *Omni negotio tempus est, & opportunitas.* Tempus autem unicuique rei ex sua causa determinatur. Quia ergo corporalium effectuum causa sunt corpora cœlestia, ideo in his quæ corporaliter aguntur, hora determinatur ex corporibus cœlestibus. Anima vero cum secundum intellectum & rationem, nullis corporibus cœlestibus subiaceat, cum quantum ad hoc temporales causas transcendat, non habet horas determinatas ex corporibus cœlestibus: sed ex causa eius, scilicet Deo, qui dispensat quid quo tempore sit faciendum, Eccl. 33. *Quare dies diem superat, & iterum lux lucem, & annus annum à Sole? A Domini scientia separati sunt,* &c. Multo ergo minus in Christo determinatur hora ab ipsis corporibus. Sic ergo intelligenda est hora eius, non ex necessitate fatali, sed à tota Trinitate præfinita. Nam, ut dicit Aug. *Hoc nec de te credendum est, quanto magis de illo per quem factus es? Si tua hora voluntas illius est, sc. Dei, hora illius,*  
qua



*qua est nisi voluntas sua?* Non ergo horam dixit qua cogeretur mori; sed qua dignaretur occidi. Ioan. 2. *Nondum venit hora mea.* Ioan. 13. *Sciens Iesus, quia veni hora eius ut transeat.*

De II. (*De turba multi crediderunt.*) Ponit effectum doctrinae in turbis deuotis. Et primo ponitur eorum fides, (*quia multi de turba crediderunt in eum.*) Non dicit de principibus: Quia quanto maiores erant, tanto magis erant elongati: & ideo in eis sapientia locum non habebat, quia Prou. 11. *Vbi humilitas, ibi sapientia.* Turba autem quia suam ægritudinem cito vidit; Domini medicinam sine dilatione cognouit, Matth. 11. *Abcondisti hac à sapientibus, & prudentibus, &c.* Et propter hoc in principio humiles, & pauperes conuersi sunt ad Christum, 1. Cor. 1. *Ignobilia, & contemptibilia mundi elegit Deus, &c.*

Secundo ponit motiuum ad fidem, cum dicit. (*Christus cum venerit, nunquid, &c.*) Prophetarum enim erat, quod Christus in aduentu suo miracula multa esset factururus, Isa. 35. *Deus ipse veniet, & saluabit nos: tunc aperientur oculi cæcorum, & aures, &c.* & ideo videntes miracula quæ Christus faciebat; inducebantur ad fidem eius. Sed tamē fides eorum infirma erat, 1. quia non à doctrina, sed à signis mouentur ad credendum ei: Tamen ipsi qui fideles iā erant, & per legem instructi, magis à doctrina moueri debuissent. Nam 1. Cor. 14. *Signa data sunt infidelibus, &c.* 2. Quia adhuc videntur alium Christum expectare. Vnde dicunt (*Christus cum venerit, nunquid, &c.*) Vnde patet, quod non credebant

debant in Christum, sicut in Deum; sed sicut in aliquem iustum virum, seu prophetam. *Vel* secundum Aug. syllogizant. (*Christus cum venerit, &c.*) q. d. Christus promittitur venturus; sed ipse non plura signa faciet, quam hic facit. Ergo vel ipse est Christus, vel erunt plures Christi.

FERIA IV. POST DOM. IV. QUADRAGESIMÆ.

*Præteriens vidit hominem cæcum à natiuitate, Ioan. 9.*

**S**COPVS. Postquam Dominus doctrinæ suæ illuminatiuam virtutem ostendit verbo, hic confirmat eam factō, cæcum corporaliter illuminando.

PARTITIO.

- I. De infirmitate, eiusque causa questio.
- II. Causam eius opinatam remouet Dominus.
- III. Eiusdem causam veram ponit, & exponit.
- IV. sanat cæcum natum.

PARS I.

*Questio de infirmitate, eiusque causa.*

**H**ic dno facit. Primo ponitur infirmitas. Secundo inquiritur causa eius. De I. Sciendū, Quod Iesus abscondens se, & de templo recedens, dum præte-

præteriret, vidit hunc cœcum. Et hoc est quod dicit, (*Et præteriens Iesus, vidit hominem cœcum à natiuitate*) Vbi tria considerantur. Primo quidem præteriiit, vt declinaret Iudæorum furorem, Eccl. 8. *Ne accendas carbones peccatorum, &c.* Secundo, vt emolli-  
ret Iudæorum duritiam, ex miraculo factò, & fiendo. Ioan. 12. *Si opera non fecissem in eis, &c.* Tertio vt per operationem signi verba sua firmaret, nam facta Domini, eorum quæ dicta sunt à se faciunt fidem, Marc, ult. *Sermonem confirmante, sequentibus signis,*

*Mystice* secundum August. Genus humanum est iste cœcus. Nam spiritualiter cœcitas peccatum est. Sap. 3. *Ex cœcauit eos malitia eorum.* Qui à natiuitate cœcus est; quia ex sua origine trahit peccatum. Hæc enim cœcitas contingit per peccatum in homine primo, de quo omnes originem traduximus, Eph. 2. *Eratis natura, id est, naturali origine, filij iræ.*

De II. (*Interrogauerunt cum discipuli eius*) Agitur de causa ipsius infirmitatis. Et primo inquiritur causa ipsius à discipulis. Secundo manifestatur à Christo ibi. (*Neque hic peccauit.*) Circa primum tria quærenda occurrunt. Primum est Causa inquisitionis discipulorum à Christo. Quæ est vt Chrysost. dicit: quia Iesus egrediens de templo, & videns hunc cœcum, valde studiose respexit; quasi videns in eo misericordiam operandæ virtutis: ita vt discipuli hoc videntes, moti fuerint ad interrogandum. Secundo discipulorum diligentia: quia dicunt. (*Rabbi,*) vocantes eum magistrum, Vt innuant se sic quærere, quasi discere desiderantes. Tertio quare



quærentes causam peccati, dixerunt (*quis peccauit?*)  
 Dicendum secundū Chrys. quod quia Dominus  
*Ioan. 3.* s. quando paralyticum sanauit, dixerat ei.  
*Ece iam sanus factus es, Vade & amplius noli peccare;* co-  
 gitauerunt discipuli, quod propter peccatum, ei il-  
 la infirmitas accidisset; æstimantes vltterius, qd  
 omnis humana infirmitas proueniret ex peccato;  
 vt Eliphaz dicit *Iob 4. Quis vnquam innocens perijt?* Id-  
 eo quærebant, Vtrum ex peccato suo, vel paren-  
 tum, cæcus natus fuisset?

Sed quod ex peccato suo esset, non videtur:  
 Quia nullus peccat antequam nascatur. Cum ani-  
 mæ ante corpora non fuerunt, nec peccauerunt,  
 vt quidam falso opinati sunt: secundum illud *Ro.*  
*9.* Cum nondum nati fuissent, &c. Quod autem  
 hoc ex peccato parentum passus fuerit, non vide-  
 tur; Quia *Deut. 24. Non occiduntur patres pro filiis, nec*  
*filij pro parentibus.*

Dicendum, quod est duplex pœna qua hominēs  
 puniuntur. *Vna* est spiritualis quantum ad animā.  
*Alia* est corporalis quantum ad corpus. Et pœna  
 quidem spirituali nunquam filius pro patre puni-  
 tur. Cuius ratio assignatur, *Ezech. 18. Quia anima*  
*filij non est ex patre, sed à Deo. Omnes,* inquit, *anima mea*  
*sunt,* s. per creationem, *sicut anima patris, ita anima fi-*  
*lij,* &c. Hoc etiam dicit Aug. in quadam Epist. Sed  
 pœna corporali filius pro patre punitur, cum quā-  
 tum ad corpus sit quædam res patris. Et expresse  
 hoc habetur *Gen. 19.* Vbi filij Sodomorum occi-  
 si sunt pro peccato parentum, in subuersione So-  
 dome. Multoties etiam dominus comminatur Iu-  
 dæis

dæis occisionem puerorum, propter peccata parentum.

Quare autem vno peccato alius puniatur, sciendum, quod pœna duo habet, læsionem, & remedium. Aliquando abscinditur membrum vt totum corpus conseruetur. Et sic pœna huius, læsionem infert, in quantum abscinditur: Sed remediũ habet, in quantum conseruat corpus. Numquam tamen Medicus nobilius membrum abscindit propter cõseruationem minus nobilis: sed e conuerso. In rebus autem humanis, anima nobilioꝝ est corpore; & corpus nobilius exteriorib. rebus: ideo nunquam fit, vt aliquis propter corpus in anima puniatur, sed potius in corpore propter remedium animæ. Quandoque ergo Deus irrogat pœnas corporibus, vel reb. exterioribus, propter remedium bonum animæ. Et tunc huiusmodi pœnæ non inferuntur, vt læsiuæ tantum; sed vt purgatiuæ in remedium. Vnde & ipsa puerorum Sodomitarum occisio, fuit ad bonum animarum; non quidem ad meritum, sed ne paternæ malitiæ imitatores, viuendo peccata cumulantēs atrocius punirentur, sed etiam pro peccatis parentum, pluries aliqui puniuntur.

## PARS II.

*Causam infirmitatis opinatam remouet.*

**N**Equē hic peccauit, &c. ] Hanc enim esse causam infirmitatis, opinati sunt discipuli. Sed contra, Rom. 3. Omnes enim peccauerunt, & e-

gent, &c. Et cap. 5. *Peccatum ab Adam in omnes pertransiit. Respondeo.* Tam cæcus, quam parentes eius originali peccato tenebantur, & etiam alia actualia viuendo superaddiderant: quia *si dixerimus, quod peccatum non habemus, &c.* 1. Ioan. 3. Quod autem dominus dicit. (*Neque hic peccauit,*) intellige, eos non peccasse ad hoc, quod cæcus nasceretur. Causam autem veram subdit dicens. (*Sed vt manifestentur.*) Nam per opera Dei in eius cognitionem ducimur, Rom. 1. *Inuisibilia Dei, per ea quæ facta sunt, &c.* Ioan. 5. *Opera quæ dedit mihi pater, hæc sunt, &c.* Cognitio autem Dei est summum bonum hominis; cum in ea consistat hominis beatitudo, Ioa. 17. *Hæc est vita æterna, vt cognoscant te, &c.* Hie. 9. *In hoc gloriatur, qui gloriatur, scire & nosse me.* Si ergo infirmitas contingit, vt manifestentur opera Dei, & per ipsorum manifestationem Deus innotescit; manifestum est, quod huiusmodi corporales infirmitates contingunt propter bonum.

Possit autem videri, quod manifestatio operum Dei non sit sufficiens causa infirmitatis huiusmodi, præsertim cum *neque hic, neque parentes eius peccauerunt*; Ideo volunt dicere, quod hoc vt, tenetur non causaliter, sed consequenter, q.d. Ego existente cæco, opera Dei manifestantur ipsum curantis. Sed hoc non videtur sane dictum, ideo *melius dicendum*, Quod tenetur causaliter. Est enim duplex malum, scilicet culpæ & pænæ. Malum quidē culpæ Deus non facit; sed permittit fieri; quod non permetteret nisi intenderet inde bonum aliquod.



quod. Vnde dicit Aug. in Ench. Deus adeo bonus est, vt nunquam permetteret aliquod malum fieri, nisi esset potens, quod de quolibet malo eliciat bonum. Sic ergo permittit aliqua peccata fieri ex intentione boni quod intendit. Sicut permisit sœuire tyrannos, vt coronaret Martyres. Multo ergo magis debet dici, quod malum pœnæ, quod ipse facit, vt dicitur Amos 3. *Non est malum, &c.* Nunquam inducit nisi ex intentione boni: Et inter alia bona optimum est, quod opera Dei manifestentur, & ex eis innotescat Deus. Non est ergo inconueniens si aliqua flagella immittit, vel peccata fieri permittit, vt bonum inde proueniat.

Et sciendum, quod vt Gre. dicit, 1. Mor. quinque modis Deus hominibus immittit flagella. 1. *Quandoque ad initium damnationis.* Hiere. 17. *Duplici contritione contere eos.* Et hoc flagello percutitur peccator in hac vita sic, vt sine retractione & sine puniatur in alia. Sicut Herodes, qui occidit Iacobum, punitus est in hac vita; & in inferno. Actor. ii. 2. *Quandoque ad correctionem.* Psalm. 17. *Disciplina tua ipsa me docebit.* 3. *Quandoque flagellatur aliquis non propter præteritorum correctionem, sed ad futurorum præseruationem.* Vt de Paulo legitur, 2. Cor. 12. *Ne magnitudo reuelationum, &c.* 4. *Quandoque autem ad promotionem virtutis.* Vt sc. cum in aliquo nec præterita culpa corrigitur, nec futura prohibetur, dum inopinata salus persecutionem sequitur, saluantis virtute cognita, ardentius amatur, 2. Cor. 12. *Virtus in infirmitate perficitur*, Iac. 1. *Patientia opus perfectum habet* 5.

Quandoque vero ad manifestationem diuinæ gloriæ. Vnde & hic dicitur. (*vt manifestentur opera Dei in illo.*)

## P A R S III.

*Causam infirmitatis veram manifestaret.*

**Q**uia mentionem fecerat de operibus Dei, ideo primo ponit opportunitatem opera Dei manifestandi. Secundo, assignat opportunitatis seu necessitatis rationem. Tertio, exponit. De I. Dicit ergo; ideo scilicet cæcus natus est, vt manifestentur opera Dei in illo; quæ quidem manifestari oportebat; Nam (*me oportet, &c.*) Quod quidem potest referri ad Christum secundum quod homo: Et sic est sensus, *Me oportet operari opera eius qui misit me*, id est, opera commissa mihi à patre Ioan. 6. *Opera quæ dedit mihi pater, vt faciam.* Ioan. 17. *Pater opus consummaui, quod dedisti mihi, &c.* Vel ad Christum secundum quod Deus, & sic dicit æqualitatem suæ potentie ad patrem, vt sit sensus. (*Me oportet operari, &c.*) id est, opera quæ habeo à patre. Omnia enim quæ filius facit, etiam secundum diuinam naturam, à patre habet. Ioan. 5. *Non potest filius à se facere quicquam, &c.*

Oportet inquam, (*donec dies est.*) Dies quidem materialis ex præsentia solis super terram causatur. Sol autem iustitiæ est Christus Deus noster, Mal. 3. *Vobis timentibus nomen meum, oriatur, &c.* Quamdiu ergo sol iste nobis præsens est, opera Dei fieri possunt In nobis, Erga nos, & A nobis. Præsens autem fuit nobis aliquando quidem corporali

porali præsentia, & tunc dies erat. Psalm. 108. *Hæc dies quam fecit dominus, &c.* & ideo oportet operari opera Dei. Est etiam nobis præsens per gratiam, & tunc est dies gratiæ, in quo sc. oportet operari opera Dei, donec dies est: Rom. 13. *Nox præcessit, dies autem appropinquabit, abijciamus ergo opera, &c.* 1. Thess. 5. *Qui dormiunt, nocte dormiunt, &c. Vos autem non estis, &c.*

Sed sciendum, quod si præsentia solis facit diem, & absentia noctem; cum Sol sibi præsens sit semper, ipsi soli semper dies est, & sic soli semper est tempus operandi & lucendi. Sed quantum ad nos, quibus aliquando est præsens, aliquando absens, non semper operatur, & lucet. Eodem modo apud Christum solem iustitiæ, semper est dies & tempus operandi, non autem apud nos: quia non semper sumus capaces suæ gratiæ, propter impedimentum ex parte nostra.

De II. Rationem autem opportunitatis prædictæ subdit, dicens: (*Venit nox, quando nemo potest operari.*) Sicut est duplex dies, ita est duplex nox. Vna est per abscessum corporalem Solis iustitiæ; sicut Apostoli incurrerunt, quando Christo eis corporaliter sublato tempore passionis perturbati sunt. Matth. 26. *Omnes vos scandalum patiemini, &c.* Et tunc non fuit tempus operandi, sed patiendi. Sed melius est, ut dicamus, quod etiam Christo absente corporaliter per ascensionem dies Apostolis erat, in quantum illucebat eis sol iustitiæ; & tempus operandi, & ideo intelligendum est de nocte, quæ est per spirituales se-



parationem solis iustitiæ, scilicet per subtractionem gratiæ. Quæ quidem nox duplex est. *Vna* per subtractionem actualis gratiæ quam inducit peccatum mortale. 1. Thess. 5. *Qui dormiunt, nocte dormiunt.* Et quando hæc nox venit, nemo potest operari opera meritoria vitæ æternæ: *Alia* nox est consummata, quando non solum priuatur actuali gratia quis per peccatum mortale: sed etiam facultate adipiscendi per æternam damnationem in inferno. Vbi profunda non est, quæ erit illis quibus dicetur. *Ite maledicti in ignem æternum.* Mat. 25. Et tunc nemo potest operari, quia non est tempus merendi: sed secundum merita recipiendi. *Dum ergo vivis, fac sicut facturus es.* Vnde Eccles. 11. *Quæcumque potest manus tua instanter operare, quia neque ratio, &c.*

De III. Rationem dictorum exponit. ( *Quam diu sum in mundo, lux sum mundi.* ) Quasi diceret: Si vultis scire quis sit dies, & quæ nox, de quibus loquor. Ego inquam, *sum lux mundi.* Nam præsentia mea diem facit, & absentia noctem. Ioan. 8. *Ego sum lux mundi, (quam diu ego sum in mundo,)* corporaliter per meâ præsentiam, Io. 16. *Exiui à patre, & veni in mundum; iterum relinquo mundum, &c. (Lux sum mundi.)* Vnde dies iste duravit vsque ad ascensionem Christi. Item ( *quam diu sum in mundo* ) spiritualiter per gratiam, Matt. ult. *Ecce ego vobiscum sum vsque ad consummationem sæculi, &c. (Lux sum mundi.)*

Vnde dies iste vsque ad consummationem sæculi extendetur.

## P A R S IV.

*Sanat cæcum.*

**H**Uc quinque per ordinem concurrunt facta per Christum. *Primo* quidem sputio. *Secundo* luti factio. *Tertio* oculorum linitio. *Quarto* mandatum, ut lauaretur. *Quinto*, visionis perceptio.

Quæ quidem omnia causam habent, & literalem, & mysticam.

I. *Literalem* quidem secundum Chrysostomum hoc modo. 1. *Sputo illuminat*; Ut ostendat quod virtute à se egrediente hoc faciebat, & nulli alteri rei miraculum ascribatur, Luc. 6. *Virtus exibat de illo*. Licet enim omnia miracula Dominus solo verbo facere potuisset; *quia ipse dixit & facta sunt*; frequenter tamen corpore suo eis utitur, ut ostendat ipsum, in quantum est diuinitatis organum, virtutem quandam salutarem esse sortitum. 2. *Lutum fecit ex sputo*. Ut ostendat se membra homini deficientia posse formare, qui formauerat totum primum hominem. Vnde sicut primum hominem de luto formauit; ita lutum fecit, ut formaret oculos cæci nati. 3. *Liniuit lutum super oculos cæci nati*, Ut ostenderet se conditorem corporum, per id quod potissimum est in corporibus. Homo enim inter creaturas corporales præcellentior est: inter membra vero hominis præcellit caput: inter membra autem capitis,

oculus excellentior inuenitur. Matth. 6. *Lucerna corporis tui, est oculus tuus.* Formando ergo oculum ceteris corporalibus excellentiorem, ostendit se creatorem esse totius hominis & naturæ corporeæ. 4. Dixit autem ei. (*Vade, & laua te, &c.*) Ne videretur terra super oculos limita virtutem sanatiuam oculi habere. Vnde quamdiu lutum in oculis habuit, non vidit, sed postquam lauit,

Misit autem eum longe ad lauandum, scilicet ad natatorium Syloem. *Primo* quidem Ad confutandam Iudæorum duritiam. Nam oportebat eum transire ciuitatem, vt sic omnes viderent eundem cæcum euntem, lutum super oculos habentem, & redeuntem visu suo restituto. *Secundo*, Vt commendetur cæci obedientia, & fides. Frequenter enim forte lutum in faciem receperat, frequenter in natatoria Syloe se lauerat, & tamen non viderat. Vnde potuisset dicere: lutum solet magis excæcare, & multoties me ibidem laui, & in nullo sum adiutus: sicut de Naaman legitur, 4. Reg 5. sed non contradixit; imo simpliciter obediuit. Vnde sequitur. (*Abiit, & lauit.*) Ideo autem ad natatoria Syloe eum misit: quia per illam aquam signatus est populus Iudæorum. Isa. 8. *Populus iste adiecit aquas Syloe, quæ currunt cum silentio.* Vt ergo ostendat, quod non est alienus ab amore populi Iudaici, ad Syloe mittit eum. 5. Effectus autem sequitur, quia (*venit videns,*) hoc prædictum fuit, Isa. 53. *Tunc aperientur oculi cæcorum.*



II. *Causam mysticam, & allegoricam* assignat Augustinus, qui dicit, quod per sputum, quod est salivæ de capite descendens, signatur verbum Dei, quod à Deo patre capite omnium rerum procedit. Eccles. 24. *Ego ex ore altissimi prodii, &c.* Tunc ergo Dominus de sputo, & terra lutum fecit, quando *Verbum caro factum est.* (*Liniuit autem oculos cæci,*) id est, humani generis oculos, scilicet cordis per fidem incarnationis Christi: Sed nondum videbat, quia quando forte inunxit catechuminum fecit, qui fidem habet, sed nondum est baptizatus. Et ideo mittit eum ad piscinam, quæ vocatur Syloe, ut lauetur, & illuminetur, id est, baptizetur, & in baptismo plenam illuminationem recipiat. Unde secundum Dionysium baptismus dicitur illuminatio. Eccles. 36. *Effundam super vos aquam mundam, &c.* Et ideo signanter hoc Evangelium legitur illo die in quadragesima, quo incipit fieri scrutinium baptizandorum in sabbato sancto. Nec sine causa Evangelista subdit interpretationem piscinæ dicens. (*Quod interpretatur missus,*) quia quicumque baptizantur, oportet baptizari in Christo, qui est missus a patre, Galat. 3. *Quotquot baptizati estis, &c.* Nisi enim ille fuisset missus, nemo nostrum esset ab iniquitate dimissus.

III. *Secundum Gregorium* autem, per salivam sapor intimæ contemplationis accipitur, Quæ ad os de capite defluit, quia de charitate conditoris adhuc in hac vita nos positos, gustu revelationis tangit, Unde dominus salivam luto miscuit,

stio. I. Ponitur quaestio à populo. [ *Itaque vicini, & qui viderant eum prius, &c.* ) Duo considerata 1. Quod ex miraculi magnitudine ipsum incredibile reddebatur ; vnde dicebant. *A saculo non est auditum, quod aperuit quis oculos caeci nati.* Impletur in eis, quod dicitur Abac. 1. *Opus factum est in diebus nostris, &c.* 2. Mirabilis Dei clementia, Quia non solum circa potentes : sed etiam circa ignobiles , Dominus miracula operatur ; dum eos qui mendicant, cum multa pietate curabat. In quo ostenditur, quod propter paupertatem nullum repellit, qui propter salutem hominum venit. Iac. 2. *Nonne Dominus elegit pauperes, diuites in fide, &c.* Vnde & isti signanter dicunt. ( *Nonne hic est qui sedebat & mendicabat?* quasi dicat : Ignobilis, & curatione indignus. *Contra.* Baruch. 3. *Ibi gigantes nominati.*

II. Opiniones autem ponuntur à plebe. [ *Alij dicebant, quia hic est,* ) scilicet qui mendicabat ; & hoc ideo , quia pluries eum viderant mendicantem , & similiter discurrentem per ciuitatem , quando cum luto ad natatoriam ibat , inspexerant. Vnde non vltra poterant dicere, non est hic. Sed aliorum opinio erat contraria. [ *Nequaquam,* ) scilicet hic est, [ *sed similis eius est* ] Cuius ratio est, quia vt Aug. dicit, oculi restituti mutauerant vultum eius. Nihil enim ita cognoscibile sicut visus, Eccl. 19. *Ex visu cognoscitur sensatus.*

III. Quaestio determinatur per cœcum. Quia [ *ille dicebat,* ] scilicet cœcus ( *ego sum,* ) scilicet, qui mendicabam. Vox grata est ista, ne damnetur ingrata.

grata. Quia enim non poterat esse ingratus tanto beneficio, nec aliud signum gratitudinis ostendere poterat, quam quod constanter confitetur se à Christo curatum, dicit. [*Ego sum,*] qui scilicet cæcus eram, & mendicabam, & modo video, Tob. 12. *Benedicite Deum cæli, & coram omnibus viventibus, confitemini, &c.*

De II. [*Quomodo aperti sunt tibi oculi?*] Agitur de inquisitione facti, scilicet de ipsa illuminatione. I. Si tu es ille, qui cæcus mendicabas, dic ergo nobis. (*Quomodo aperti sunt tibi oculi?*) Sed ista quaestio ex curiositate procedit: quia hunc modum, nec ipse qui curatus est, nec nos nouimus; Ecclesiast. tertio. *In pluribus operibus eius, ne fueris curiosus.*

II. Responsio cæci fuit mirabilis. Vnde dicit. (*Ille homo, qui dicitur Iesus, &c.* In qua primo quidem demonstrat personam illuminantem, dicens. (*Ille homo qui dicitur Iesus.*) Recte nominat eum hominem, quem hominem nouerat, & verus homo erat, Phil. 2. *In similitudinem hominum factus*: licet autem eum non vidisset: quia cæcus ab eo recessit, ad Syloe vadens, cognouit eum ex auditu, & colloctione hominum de ipso. *Secundo recitat factum, dicens. Lutum fecit, & vnxit oculos meos.*] Vbi se veracem ostendit, non asserens incerta. Dominus enim lutum fecerat ex sputo. Quod quidem iste nesciuit, sed lutum factum, & oculis superpositum, per sensum tactus didicit; & ideo non dixit, lutum fecit ex sputo, sed simpliciter [*lutum fecit, & vnxit oculos, &c.*] 1. Ioan. 1. Quod audiui-

uimus;



uimus, quod vidimus oculis nostris, & perspeximus, &c. *Tertio* refert mandatum, dicens. ( *Et dixit mihi* ) scil. Iesus. [ *Vade ad natatoria Syloe, & laua.* ] Hoc etiam nobis necessarium est, nam si volumus mundari à cæcitate cordis, oportet quod spiritualiter lauemur, Isa. i. *Lauamini, mundi estote.* *Quarto* commendat suam obedientiam, dicens. ( *Et abii, & laui,* ) quasi diceret. Ex quo mandatum audiui, desiderio visionis ductus, executus sum mandatum; neque mirum, quia dicitur Prouerbiorum 6. *Mandatum, scil. impletum, lucerna est, & lex lux.* *Quinto* confitetur beneficij effectum, dicens. ( *Et vidi.* ) Et recte post obedientiam illuminatur, quia vt dicitur Act. 5. *Dabit spiritum sanctum obedientibus sibi.* Vide cæci constantiam. Nam vt August. dicit, *Ecce annuntiator factus est gratia, ecce Euangelizat, & confitetur Iudeis.* Cæcus ille confitebatur; & cor impiorum stringebatur, quia non habebant lumen; scil. in corde, quod ille habebat in facie.

De III. ( *Vbi est ille?* ) Ponitur inquisitio de persona illuminantis. Et *primo* ponitur Iudæorum quæstio, cum dicunt. [ *Vbi est ille?* ] Malitiose interrogant occisionem meditantes. Iam enim aduersus Christum conspirauerant, Ioan. 8. Nunc autem quæritis me interficere. *Secundo* ponitur cæci responsio, cum ait. ( *Nescio.* ) Vt Augustinus dicit, ex verbis apparet, quod sicut corporaliter in ipso gestum fuit; ita spiritualiter diuersis temporibus repræsentatur. Nam adhuc primo linitur cæcus, & post lotus vidit, & inunctio quidem

dem inchoationem sanitatis corporalis repræsentat. Lotio autem perfectam consequitur sanitatem. Specialiter autem inunctio efficit catechumenum; lotio, sc. baptismus, perficit & illuminat. Sic ergo diuersa diuersis temporibus repræsentatur, nam per hoc quod dicit (*nescio*) repræsentatur fides imperfecta in catechumenis, supra 5. Vos adoratis, quod nescitis. Potest etiam per hoc significari fides nostra 1. Cor. 13. *Ex parte enim cognoscimus, &c.*

## P A R S II.

*De Phariseorum examine in cæcum super miraculum.*

**A**gitur de inquisitione. Tria facit *Primo* præsentatur inquirendus. *Secundo* ponitur inquirentium intentio. *Tertio* ponitur ipsa inquisitio. De I. Inquirendus autem, scil. cæcus, præsentatur à populo Phariseis. (*Adducunt,*) scilicet turbæ [*eum qui cæcus fuerat ad Phariseos.*] Et hoc ideo: quia quæsierant ab eo ubi esset Iesus, ut si eum inuenirent, ducerent eum ad Phariseos, damnandum propter solutionem sabbati. Quia vero Christum non habuerunt, ducunt cæcum, ut eum vehementius interrogantes, cogant importunitate, vel timore, aliquid falsitatis contra Christum confingere. Hierem. 5. *Ibo ergo ad optimates, ipsi enim, &c. & ecce hi magis confregerunt iugum, &c.*

De II.

De II. Intentionem autem eorum Euangelista peruersam esse ostendit dicens. [*Erat autem sabbatum quando lutum fecit.*] Hoc dicit, vt eorum malam mentem demonstret, & causam propter quam eum quærebant; vt scilicet, occasionem contra eum inuenirent, & detraherent miraculo per æstimatam legis præuaricationem. Cum tamen Matth. 20. *Dominus est filius hominis etiam sabbati.* Examinatio autem fit à Phariseis; cum dicitur. (*Iterum ergo interrogabant eum Pharisei;* &c.

Et primo interrogant de facto. Secundo de persona facientis. I. Interrogant autem eum de materia consecutæ visionis. *Iterum interrogabant eum Pharisei, &c.*] Non vt scirent; sed vt calumniani inferrent, & falsitatem imponderent. II. Respondit autem cæcus, non dictis contraria, nec dissona veritati. (*ille,*) (*Dixit eis. Lutum posuit mihi.*) Vbi primo admiranda est cæci constantia. Nam etsi coram turbis, à quibus sine periculo interrogabatur, veritatem dixerat; non magnum videbatur. Sed hoc miræ est constantiæ, quod ampliori periculo constitutus, scilicet coram Phariseis, neque negat, neque contraria dicit prioribus, secundum illud, Psalm. 118. *Loquebar de testimoniis tuis in conspectu Regum, &c.* Secundo admiranda est eius indutritia. Nam mores recitantium fertiat, qui primo diffuse, & circumstantijs omnibus referunt, & si secundo referri oporteat succinctius loquuntur. Vnde neque nomen dicentis expressit, neque quoniam dixit mihi vade, & laua. Sed



confestim solam substantiam facti tangens dicit.  
(*Lutum fecit.*)

De III. [*Non est hic homo à Deo, &c.*] Fit inquisitione de persona illuminantis. Et primo ponuntur diuersæ sententiæ Phariseorum de Christo. *Secundo* exquiritur sententia cæci. Circa primum tria facit. *Primo* ponit opinionem Christum blasphemantium. *Secundo* opinionem eum commendantium. *Tertio* concludit, quod inter eos erat schisma & dissidium. I. Sciendum est, quod, qui malitiose contra aliquem agunt, tacent, si quid boni in facto eius vident; & mala, si qua videntur, manifestant; etiam bonum in malum conuertentes. Eccl. 11. *Bona in mala conuertens insidiatur, &c.* Quod & isti faciunt. Nam id, quod videbatur bonum, sc. cæci illuminationem subtricientes, quod contra Christum esse poterat, manifestant; scil. solutionem sabbati. Vnde [*dicebant quidam ex Phariseis,*] scil. malitiosi & prauis. (*Non est hic homo à Deo, qui sabbatum non custodit.*) Cum tamen Christus sabbatum seruaret. Dominus enim prohibens operari in sabbato, intendit de opere seruili, quod est peccatum, Ioan. 8. *Qui facit peccatum, seruus est peccati.* Ergo qui facit opera peccati in sabbato, soluit sabbatum. Christus ergo, qui sine peccato erat, potius sabbatum, quam ipsi, custodiebat.

II. Commendantium opinio ponitur, cum subdit. [*Quomodo potest homo peccator, &c.*] Isti enim aliquam fidem ex signis conceperant, & imperfecte, & imbecilliter erant dispositi: quia ex timore Phariseorum, & principum, quasi sub du-  
bio

bio proponunt dicentes. [ *Quomodo potest, &c.* ] Ioan. 12. *Multi ex principibus crediderunt in eum; sed propter Phariseos, &c.* Qui tamen potius debuissent ostendere, qualiter sabbatum non solueret, & conuenienter respondere pro Iesu.

III. Dissidium autem concludit inter eos dicens. [ *Et schisma erat inter eos.* ] Quod scilicet fuerat etiam inter populos, & hoc erat signum interitus illorum. Ose. 10. *Diuisum est cor eorum, nunc interibunt.* Matth. 13. *Omne regnum in seipsum diuisum, &c.*

### P A R S III.

*De sententia exquisitione à Cæco, & parentibus eius.*

**P**rimo ponitur Phariseorum interrogatio. *Secundo cæci responsio. De I. Tu quid dicis, &c.*

I. Quæ quidem interrogatio 1. *secundum Chrysost.* non est eorum qui Christum blasphemabant, sed eorum qui commendabant. Et hoc apparet ex modo interrogandi, vnde commemorant ei receptum beneficium dicentes. ( *Tu quid dicis de illo qui aperuit oculos tuos,* ) Alioquin si alij interrogassent, non hoc dixissent; sed potius, qui soluit sabbatum. Ideo autem beneficium commemorant, vt eum gratum reddentes inducant ad Christi prædicationem. 2. *Secundum Augustinum* est interrogatio aduersariorum, volentium calumniari hominem, qui constanter verita-

tem confitebatur; vel vt extimore mutaret sententiam; vel saltem eum de synagoga eiicerent.

II. *Responsio* autem cœci constans ponitur. Vnde subdit. ( *Ille autem dixit, quia Propheta est.* ) Licet enim adhuc quasi inunctus in corde, Dei filium nondum confiteretur; constanter tamen, quod sentiebat expressit, non tamen mentitus est. Nam ipse Dominus de se dixit Marc. 6. & Matth. 16. *Non est propheta sine honore, &c.* Deut. 18. *Prophetam suscitabit vobis Deus, &c.*

De II. ( *Vocauerunt parentes eius, &c.* ) Agitur de inquisitione à parentibus. Et primo ponitur causa inquisitionis. *Secundo* subditur interrogatio. *Tertio* adhibetur responsio. *Quarto* assignatur responsionis ratio. I. Causa autem secundæ inquisitionis, fuit infidelitas Phariseorum. Et hoc est quod dicit, [ *Non crediderunt ergo de illo,* ] scil. Pharisei, ( *quod cœcus natus fuisset & vidisset, donèc vocauerunt parentes eius,* ) scil. cœci qui viderat. Hoc quidem faciunt volentes annullare Christi miraculum; ne perdant gloriam suam. Ioan. 5. *Quomodo potestis credere, qui gloriam abinuicem, &c.*

II. Inquisitio autem ponitur à Phariseis ad parentes. Vbi tria proponunt. *Primo* de persona filij, dicentes. [ *Hic est filius, &c.* ] quasi diceret. Nunquid est hic? *Secundo* de eius cœcitate. [ *Quem dicitis, quia natus est cœcus.* ] Non dicunt, qui quandoque fuit cœcus, sed [ *quem dicitis,* ] quasi dicerent: hoc confingitis. Nunquid hoc est verum? Sed ô Inquinati. Quis pater eligeret talia mentiri de filio? Conantur enim per hoc eos ad negationem dūce-



ducere. *Tertio* quærunt de modo consecutæ visionis dicentes. (*Quomodo ergo nunc videt?*) quasi dicat: Aut hoc est falsum, quod nunc videat; aut primum, quod cæcus fuerat. Sed constat hoc esse verum, quod videt. Falsum ergo fuit, quod cæcum eum dicebant, Eccl. 7. *Ex multa enim loquela tentabat te, &c.*

III. Responso parentum ponitur. (*Scimus, quia hic est, &c.*) De tribus autem interrogauerant Pharisei; sed de duobus constanter respondent; & de tertio remittunt ad filium. *Primo* quidem confitentur primum, sc. quod filius eorum sit. [*Scimus, quia hic est filius noster.*] Item confitentur secundum, cum subdunt. (*Et quia cæcus natus est.*) In quo patet, quod veritas semper vincit mendacium. Vnde in Apocryphis Esdræ dicitur, quod veritas super omnia vincit. Tertium autem, scil. qualiter vidit, dicunt. (*Quomodo autem nunc videat, nescimus.*)

*Secundo* de persona illuminante. Cum subdunt. (*Aut quis aperuit oculos, &c.*) Hoc ideo dicunt, quia inquisitio fiebat contra personam illuminantem, & ideo remittunt ad filium dicentes. (*Ipsam interrogate, etatem habet, &c.*) quasi dicant. Et si genuimus eum cæcum, non tamen mutum. Vnde loqui potest pro se in causâ. Quod quidem dispensatiue factum est, vt dum parentes confitentur quod sciunt, & cæcus confirmat qui est curatus, veritas miraculi magis appareret.

IV. Ratio autem *responsionis* ponitur, cum subdit (*hoc dixerunt parentes eius, &c.*) Adhuc enim imper-

fecti erant, nec adimplere ausi : quod dicit Dominus Matth. 10. *Nolite timere eos qui occidunt corpus.* Causa autem timoris fuit, quia (iam conspirauerant Iudæi, vt si quis confiteretur, &c.) Ioan. 16. *Hec locutus sum vobis, vt non scandalizemini, absq̃ synagogis facient vos.* Et vt dicit Aug. *Iam non erat malum fieri extra synagoga.* Nam quos illi repellebant, Christus recipiebat.

### III. CONCIONIS DISPOSITIO.

*Vocauerunt rursus hominem. Ioan. 9.*

**SCOPVS.** Posita supra inquisitione negocij, scilicet à cæco & parentibus, hic persuadent negare veritatem, & asserere falsitatem.

### PARTITIO.

- I. *Conatus corrumpendi illuminatum.*
- II. *Cæcus maledicatur.*
- III. *Cæcus maledicentes sibi admiratur & refutat.*
- IV. *Cæcus ab eis iterato condemnatur.*
- V. *Dominus cæcum recipit & informat.*

### PARS I.

*Conatus Pharisaorum deprauandi cæcum.*

**H**ic tria geruntur. Primo proponit eorum malitiam. Secundo cæci constātiā. Tertio. Iteratam inter-

interrogationem. Malitia Phariseorum ostenditur in veritatis negandæ persuasione. Constantia cæci apparet in firma veritatis confessione. De I. (*Vocauerunt ergo,*) sc. Pharisei (*rursum hominem, qui fuerat cæcus.*) Nam parentes interrogati, remiserant eos ad cæcum. (*Et dixerunt ei. Da gloriam Deo.*) Vnum dicunt: sed aliud intendunt. Intendunt quidem vt cogant eum dicere, se non fuisse illuminatum à Christo. Vel si hoc non possunt; saltem confiteatur se ab eo aliquo maleficio curatum. Hoc tamen non aperte dicunt: sed tacite, & sub prætextu religionis; ad hoc enim inducere volunt dicentes. (*Da gloriam Deo,*) q. d. Illuminatus es, sed hoc non est nisi à Deo. Ergo hoc nulli alij attribuas nisi Deo, & non isti scil. Christo. Quia si hoc facis, ostendis te non accepisse à Deo curationis beneficium, quia Deus per peccatores non operatur miracula.

Vnde subdunt. (*Nos scimus, quia hic homo peccator est,*) quasi dicerent. Confitere, quoniam hic nihil operatus est, nega quod accepisti. Sed (*vt Augustinus dicit,*) si hoc fecisset, non dedisset gloriam Deo, sed potius ingratus existens, blasphemasset: sed vere mendacium locutus est stylus Phariseorum, dicentium. [*Nos scimus, quoniam hic homo, &c.*] Nam Ioan. 8. Eundem de peccato arguere non potuerunt, cum dixit. *Quis ex vobis arguet, &c.* Nec mirum; quia hoc dicitur 1. Petr. 2. *Peccatum non fecit, &c.* De II. (*Si peccator est, nescie: vnum scio, &c.*) Hic ponitur cæci constan-



tia, nam stomachatus contra Phariseorum duritiam, & impatiens ad verba eorum, cum veritatis assertionem dicit. (*Si peccator est,*) Sed cum supra dixit, quia *Propheta est*. Nunquid hoc propter timorem quasi dubitans dicit. *Si peccator est nescio?* Absit. Sed quasi indignatus Phariseos irridens, quasi dic. Vos asseritis eum peccatorem: sed hoc ego nescio quod sit peccator, & miror, quod hoc asseritis, quia opus fecit, quod non videtur esse peccatoris, (*quia cæcus cum essem, modo video,*) eius beneficio. *Secundum Augustinum* hoc dicit, ut neque pateretur calumniam, neque veritatem celaret. Fortassis enim si dixisset scio eum iustum: quod verum erat, calumniati fuissent eum. Sed *secundum Chrysostomum*, ideo hoc dixit, ut daret eis maius testimonium, sc. ipsius miraculosæ operationis, & suam responsionem faceret fide dignam ab accepto beneficio.

De III. *Quid fecit tibi? &c.*) Hic iterato interrogant, ut calumniam inferant. Et primo ponitur dolosa Phariseorum interrogatio. *Secundo* respondentis cæci derisio. (*Dixerunt ergo illi: Quid fecit, &c.*) quia enim cæcus confessus fuerat se à Christo visum recepisse, quod isti non quærebant, sed potius in ipso modo faciendi, contra Christum calumniam inferre intendebant, ideo non dicunt qualiter vidisti: Sed (*quomodo aperuit tibi oculos?*) quasi d. Nunquid aliquo præstigio, seu maleficio hoc fecit? secundum illud Psalm. 37. *Qui quærebant mala mihi, locuti sunt vanitates, & dolos tota die meditantur.*

Cæcus *pr. mo* irridet Phariseorum iteratam interrogationem, dicens. (*Dixi vobis iam & audistis, quid iterum, &c.*) q.d. Ex quo semel dixi vobis, quid iterum vultis audire? Hoc enim insipientis est. Videtur enim quod non attenditis ad ea quæ dicuntur: vnde non est ultra respondendum vobis, inani ter interrogantibus, & cauillari potius quam discere volentibus. Eccl. 22. *Cum dormiente loquitur, qui narrat stulto sapientiam, & in fine narrationis, &c.* Secundo, deridet præsumptuosam Phariseorum intentionem dicens: (*Nunquid & vos vultis, &c.*) Quando enim aliquis diligenter inquit, aut hoc facit bona intentione, vt scilicet ei adhæreat; aut mala, vt eum condemnet: quia ergo isti diligenter quærebant, & cæcus non ausus est eis imponere, quod mala intentione quærerent, declinat ad aliam partem, dicens, (*Nunquid*) q.d. Si non quæritis malitiose: ergo vultis adhærere ei. Hier. 23. *Si mutare potest Eth. ops pellem suam, &c.* Et vt Aug. dicit. *Illuminatus libenter volebat istos illuminare: vnde signanter dicit. (Et vos) quasi se innuens discipulum. q.d. (Numquid & vos vultis?) vt & ego sum (discipuli eius fieri)* Ego iam video, vestræ illuminationi non inuideo. Et vt Chryso. dicit: *Ex ista cæci constantia apparet quam forte quid sit veritas; quasi despectos, assumpserit, claros & fortes eos facit. Et quam imbecille quid sit mendacium, quod etsi cum fortibus fuerit, imbecilles eos monstrat, & reddit.*

## P A R S II.

*Illuminatus maledicitur.*

**P**rimo ponitur Phariseorum ad cœcum maledictio. Secundo cœci ad Phariseos redargutio. Circa primum duo facit. Primo ponitur Phariseorum maledictio. Secundo maledictionis occasio.

I. (*Maledixerunt ei. Et dixerunt. Tu discipulus eius sis*) quæ quidem maledictio est, si prauum cor eorum discutias; non si verba perpendas, immo est summa benedictio. Et tale maledictum sit super nos, & super filios nostros. Ioan. 8. *Vere discipuli mei eritis, &c.* Ideo tamen Euangelista dixit, (*Maledixerunt,*) quia ex malo eorum corde procedebat. Prou. 26. *Quomodo si ornare velis vas fictile argento sordido, sic labia tumentia cum pessimo corde sociata.* Et de hac maledictione dicitur in Psa. 108. *Maledicent illi, & tu benedices.* Et Matt. 5. *Beati eritis cum maledixerint, &c.*

II. Causam maledictionis subiungit. (*Nos autem Moyse discipuli sumus, &c.*) Reputabant enim maledictionem, quod cœcus dixerat eis, vt fierent discipuli Christi; cum ipsi gloriarentur se esse discipulos Moyse, quem maiorem reputabant. Et ideo primo proponunt suam conditionem, dicentes, *Nos autem Moyse discipuli sumus.* Eccl. 24. *Legem mandauit Moyses in primitiis iustitiarum, &c.* Sed falsa est eorum gloria: quia nec eum sequebantur; nec præcepta eius implebant. Ioan. 5. *Si crederetis Moyse,*  
crede-



grederetis & forsitan mihi, q. d. Nec sequimini seruum, & dorsum ponitis contra Dominum.

*Secundo* extollunt Moyfi dignitatem cum dicunt. ( *Nos scimus quia Moyfi locutus, &c.* ) In quo verum dicunt. Quia Exod. 33. *Loquebatur Dominus Moyfi facie ad faciem sicut loqui solet homo, &c.* Et Num. 12. dicit. *Si fuerit inter vos Propheta Domini, &c.* At non talis seruus meus Moyses, &c. Ore enim ad os loquor ei. Vnde excellentiori modo loquebatur cum eo, quam cum alijs Prophetis. Et de hac locutione hic ipsi loquuntur. Constat autem, quod, cum ad Moysen Deus loqueretur verbum suum, dignitas Moyfi est ex verbo Dei. Et sic verbum maioris dignitatis est, quam Moyses. Hebr. 3. *Amplioris gloria iste, scilicet Christus pra Moysa dignus habitus est, quanto ampliorem, &c.*

*Tertio*, occulte insinuant Christi dignitatem, cum dicunt. ( *Hunc autem nescimus vnde sit.* ) Quod quidem verum est, non tamen secundum eorum intentionem. Nesciebant enim patrem, vnde Christus erat. Ioan. 8. *Neque me scitis, neque patrem meum.* Sed falsum est quantum ad eorum intentionem. Dixerunt enim. ( *Hunc autem nescimus, &c.* ) quasi dicat. Nullius autoritatis est, & quasi apocryphum; ita vt non constet de eo, an à Deo venerit. Per quod videbantur ei impone-

re illud Hier. 23. *Non mittebam  
eos, & ipsi currebant.*

\* \* \*

## PARS III.

*Cæcus maledicentes admiratur & refutat.*

**E**T primo admiratur eorum duritiam. Secundo confutatur eorum falsitatem. De I. Nota. Quod non ea, quæ frequenter fiunt, & secundum communem modum, miramur; sed insolita, & ardua siue bona siue mala sint admiramur: Nam insolita bona & ardua admiramur: secundum illud Hester. 15. *Valde enim admirabilis es Domine, & facies tua, &c.* Admiramur etiam ardua mala: secundum illud Hester. 2. *Super hoc obstupescite cæli Duo enim mala, &c.* Secundum hoc ergo respondens cæcus, dixit eis. (*In hoc mirabile est, &c.*) q.d Si aliquem paruum, & nobis similem, non reputaretis alicuius auctoritatis; non esset mirandum: Sed quia videtis expressum, & evidens signum diuinæ virtutis in Christo, & dicitis quia vos nescitis unde sit, valde mirabile est, præsertim quia aperuit mihi oculos.

De II. Falsitatem eorum confutat dicens: (*Scimus autem, quia peccatores Deus non audit*) Vtitur tali ratione. Quemcunque Deus audit, est à Deo; sed Deus exaudiuit Christum: Ergo est à Deo. Primo ergo ponit primam. Secundo assumit minorem ibi. (*A sæculo non est auditum, &c.*) Tertio infert conclusionem, ibi. (*si non esset hic à Deo, &c.*)

De I. Duo facit. Primo insinuat, quos Deus non audiat. Secundo ostendit, quos Deus audiat. I. Non audit autem Deus peccatores. Et quantum ad hoc dicit.

dicat. (*Scimus quia peccatores Deus, &c.*) q. d. In ista opinione ego & vos consentimus, quod non exaudiantur peccatores à Deo. Psal. 7. *Clamauerunt ad Dominum, & non exaudiuit eos.* Prou. 1. *Tunc inuocabunt me, & non audiam.* Sed contra 2. Paral. 6. *Si autem peccauerunt tibi, neque enim est homo qui non peccet, &c. Aperiantur queso oculi tui, & aures tue, &c.* Luc. 19. *De Publicano descendit iustificatus in domum suam.* Et propter hoc dicit Aug. quod cæcus iste adhuc loquitur, vt inuictus, nondum perfecte sciens. Nā & peccatores exaudit Deus, alias frustra Publicanus diceret: *Domine Deus propitius esto mihi peccatori.* Si autem verbum cæci saluare volumus, dicendum est, quod Deus non exaudiuit peccatores in peccatis persistentes. Exaudiuit tamen peccatores de peccatis pœnitentes, qui magis sunt computandi in numero pœnitentium, quam peccatorum.

Sed insurgit *dubitatio*. Constat quod miracula non fiunt ab hominibus propria virtutē: sed per orationem. Peccatores autem frequenter miracula faciunt: secundum illud Matth. 8. *Nonne in nomine tuo Prophetauimus, & virtutes multas fecimus, & tamen Deus non nouit eos?* Non videtur ergo verum, quod cæcus dicit, *Scimus quia peccatores, &c.* Ad hoc est *duplex responsio*. *Vna* communis. Oratio duo habet; impetrat, & meretur: Quandoque ergo impetrat, & non meretur; Quandoque autem meretur, & non impetrat. Et sic nihil prohibet orationem peccatoris impetrare quod petit, absq; hoc, quod mereatur. Sic ergo Deus audit peccatores, non per modum meriti; sed in quantum ex  
dipi-



diuina virtute, quam prædicant, impetrant quod petunt. *Alia est specialis*, in casu isto quo loquebatur, scilicet quando miraculum factum notificabat personam Christi. *Sciendum* est autem: quod omne miraculum factum testimonium quoddam est. Quandoque ergo miraculum fit in testimonium veritatis prædicatæ; Quandoque autem in testimonio personæ facientis: Et nullum verum miraculum fit nisi virtute diuina. Deus autem nunquam est testis mendacij. Dico ergo, quod, quodocunque miraculum fit in testimonium doctrinæ prædicatæ, necessarium est doctrinam illam esse veram, et si persona prædicans non sit bona. Quando etiam fit in testimonium personæ, necesse est similiter, vt persona illa sit bona. Constat autem, quod miracula Christi fiebant in testimonium personæ eius: Ioan. 5. *Opera quæ dedit mihi pater, vt perficiam ea, testimonium perhibent de me.* hoc ergo modo loquendo cæcus dixit, quod (nunquam Deus peccatores exaudit) scilicet vt faciant miracula attestantia sanctitatem peccatorum.

De II. (*Si quis Dei cultor est, &c.*) Ostendit, quod iusti exaudiuntur à Deo, & per modum meriti. Vbi sciendum est, quod operatio miraculorum attribuitur fidei Matth. 21. *Si dixeritis huic monti, &c.* Ratio est: quia miracula fiunt per omnipotentiam Dei, cui fides innititur: qui ergo vult impetrare à Deo aliquid, oportet vt habeat fidem; Iac. 1. *Postulet autem in fide.* Si autem vult merendo impetrare, oportet, vt faciat Dei voluntatem. Et ista duo hic ponuntur. I. (*Sed si quis Dei cultor est,*) per  
sacri-

sacrificia & hostias. Isa. 19. *Colent eum in hostiis, &c.* In his enim consistit cultus patriæ, quæ fidei attestatur. 11. ( *Et voluntatem eius facit.* ) Implendo eius mandatum. ( *Hunc* ) supple ( *exaudivit Deus.* )

( *A sæculo non, &c.* ) Hic assumit minorem suæ rationis, q. d. Ex ipso opere eius, quod adhuc nullus hominum fecit, manifestum est, quod per operationem Dei hoc fecit, & quod exauditus est à Deo. Ioan. 16. *Si opera non fecissem in eis qua nemo ali-  
lius, &c.*

( *Nisi esset hic à Deo, &c.* ) Infert conclusionem q. d. Ex quo talia opera operatur, manifestum est, quod est à Deo. Nam *si esset hic à Deo, non poterat facere quicquam, scilicet libere, constanter, & veraciter.* Quia Ioan. 15. *Sine me nihil potestis facere.*

## P A R S IV.

*Iterato condemnatur cæcus.*

**I**N qua quidem condemnatione triplicem defectum siue peccatum incurrunt, scilicet mendacij, superbix, & iniustitiæ. 1. *Mendacij*, cæcitatem impropereando, ( *In peccatis natus est totus* ) Vbi sciendum es, Iudæos huius optionis fuisse, quod omnes infirmitates, & aduersitates temporales provenirent hominibus, propter eorum præcedentia peccata. Quam opinionem asserit Eliphaz Iob 4. *Recordare obsecro, quis vnquam innocens periit.*

aut quando recti deleti sunt? quin potius vidi eos, qui operantur iniquitatem, &c. Cuius opinionis ratio est; Quia in veteri lege, & pro bonis præmia temporalia, & pro malis poenæ temporales promittebantur. Isa. 1. *Si volueris & audieris me &c.* Videntes ergo, quod iste homo cæcus natus fuerat, credebant, quod hoc contigisset ei propter sua peccata, & ideo dicunt. (*In peccatis natus, &c.*) Sed falsum dicunt, quia supra Dominus: *Neque hic peccauit neque parentes eius.* Eccl. 10. *Est correctio mendax, &c.* Addunt autem (*totus,*) vt ostendant, quod non solum est peccatis inquinatus quantum ad animam secundum quod omnes nascuntur peccatores; sed etiam, quod peccatorum vestigia appareant in corpore per cæcitatem, Vel secundum Chryf. (*totus,*) id est, toto tempore vitæ tuæ, & à primæ uetustate in peccatis es.

2. *Superbia* defectum incurrunt contemnendo cæci doctrinam, cum dicunt, (*tu doces nos?*) q. diceret. Non es dignus. In quo apparet eorum superbia. Nullus enim homo, quantumcunque sapiens, debet à quocunque paruo doctrinam repellere, vnde Apostolus docet 1. Cor. 14. *quod si minori aliquid reuelatum fuerit, quod tunc maiores debent tacere, & eum audire.* Daniel. 13. *Totus populus, & seniores audierunt iudicium pueri iunioris, scilicet Danielis: cuius spiritum Dominus suscitauit.*

3. *Iniustitia*. a. defectum incurrunt, iniuste eum eiciendo, vnde dicitur quod (*elecerant eum foras,*) scilicet propter veritatis confessionem. In cæco autem iam impletur quod Dominus dixerat. Luc. 6.



Beati eritis cum vos oderint homines, & separauerint vos,  
& eiecerint, &c.

## P A R S V.

*Dominus cæcum recipit & instruit.*

**T**Ria hic. Primo studium Christi ad instruendum. Secundo desiderium cœci ad credendum. Tertio fidei documentum ad perficiendum. De I. Studium autem Christi ad instruendum describitur ex tribus. Primo, ex diligenti consideratione eorum, quæ circa cœcum agebantur. Sicut enim princeps diligenter considerat ea, quæ suus athleta patitur propter eum: ita & Christus ea, quæ cœcus patiebatur propter veritatem, & sui confessionem, diligenter attendit. Et ideo dicit, quod (*audivit Iesus.*) id est, diligenter attendit (*quia Pharisei eum eiecerunt foras.*) scilicet ex templo. Hier. 18. *Attende Domine ad me: & ad voces aduersariorum, &c.*

Secundo ex diligenti inquisitione. Vnde (*Et cum inuenissent eum, &c.*) Illud enim inueniri dicitur, quod diligenter quæritur. Luc. 14. *Quærit diligenter, donec inueniat.* Ex quo videtur, quod Christus solum eum quærat: quia in illo solo plus inuenit de fide, quam in omnibus alijs. Vnde colligitur, quod plus diligitur, vnus iustus à Deo; quam decem millia peccatorum. Hier. 13. *Preiosior erat vir auro, &c.* Genes. 17. *Dominus pro decem iustis voluit seruare Sodomam.*

Tertio ex seriosa interrogatione. Vnde (*dixit ei. Tu credis, &c.*) Iste cœcus typum baptizandorum  
u<sup>r</sup> gere-

gerebat. Vnde etiam consuetudo inoleuit in ecclesia, vt baptizandi interrogentur de fide: primæ Petri 2. *Nos saluos facit baptisma, &c. & bona conscientia interrogatio in Deum.* Interrogans autem de fide non dicit (*credis*) in Christum: sed (*in filium Dei.*) Quia vt Hylarius dicit: Futurum erat, vt aliqui Christum confiterentur, quem tamen filium Dei, & Deum negarent, q̄ postmodum Arrius finxit.

Vnde per hoc error eius manifeste excluditur. Nam si Christus non esset Deus, non esset in eum credendum, cum solus Deus sit obiectum fidei: quæ in prima veritate quiescit. Vnde & signanter dicit (*in filium.*) Nam bene possum credere alicui creaturæ: puta Petro & Paulo: non tamen in Petrum; sed in Deum solum sicut in obiectum, vnde patet quod filius Dei non est creatura. Ioan. 14. *Creditis in Deum, & in me credite.*

De II: (*Quis est Domine, vt credam in illum?*) Hic ponitur desiderium cæci ad credendum. Sciendum est autem circa hoc, quod cæcus iste adhuc non viderat Christum corporaliter. Nam quando Christo liniuit oculos suos, & misit eum ad natoria Syloe, nondum viderat eum & antequam ad eum reuerteretur, postquam lauit & vidit, detentus fuit à Phariseis & Iudæis. Licet autem corporaliter eum non vidisset, credebatur tamen eum qui aperuit oculos suos, esse filium Dei. Et ideo in verba desiderantis, & valde inquirentis animæ: prorumpit dicens. (*Quis est Domine?*) sc. filius Dei, qui aperuit mihi oculos. [*vt credam in eum.*] Ex quo hic apparet, quod eum ex patre cognoscebat, & ex pa-

tre

tre ignorabat, nisi enim eum cognouisset, nō tam constanter pro eo disputasset; & si non ignorasset, non utriusque dixisset, (*Quis est Domine?*) If. 26. *Anima mea desideravit te in nocte*, scilicet ignorantiae. Sed quia ut dicitur Sap. 3. *Præoccupat eos qui se concupiscunt*, scilicet sapientia. Ideo cæco se concupiscenti demonstrat, cum dicit.

De III. (*Et vidisti eum, & qui loquitur, &c.*) In quo ponitur documentum fidei, quo Christus eum instruit. Et primo commemorat ei susceptum beneficium, dicens. (*Et vidisti eum,*) scilicet corporaliter, qui prius nullum videbas, q. d. Ab ipso virtutem videndi accepisti. Luc. 12. *Beati oculi qui vident, quia vos videtis.* Et Luc. 2. *Nunc dimittis seruum tuum Domine: quia viderunt oculi, &c.* Secundo ponitur documentum, cum dicit. (*Et qui loquitur tecum, &c.*) Hebr. 1. *Novissime locutus est nobis in filio, &c.*

Ex his ergo verbis confutatur error Nestorij, qui dixit aliud suppositum in Christo filij Dei, aliud filij hominis. Nam qui loquebatur ex Maria natus est, & hominis filius, & ipse idem qui loquitur est filius Dei, (ut Dominus dicit.) Nō est ergo alius & alius, quamvis natura nō sit eadē utriusque.

(*Credo Domine, &c.*) Ponitur devotio fidei in cæco. Et primo fidem quam credit corde, confitetur ore dicens. (*Credo domine.*) Rom. 10. *Corde creditur ad iustitiam, ore, &c.* Secundo protestatur eam opere, unde (*procidens adoravit eum.*) Per quod ostendit se credere eius diuinam naturam, quia mundata conscientia cognoscit illum,



non solum filium hominis, quod exterius videbatur: sed filium Dei qui carnem susceperat. Nam adoratio debetur soli Deo, Deu. 18. *Dominum Deum tuum adorabis.*

FERIA V. POST DOMINICAM IV.

Quadragesimæ, Vide in Dominica 16. post Pentecosten.

FERIA VI. POST DOM. IV. QUADRAGESIMÆ.

*Erat quidam languens Lazarus. Ioan. II.*

SCOPVS. Supra, Dominus virtutem suam viuificatitiam ostendit verbo. Hic confirmat eam miraculo, Lazarum suscitando.

PARTITIO.

I. De circumstantiis historia subiicienda.

II. De infirmo denunciatio ad Iesum.

III. Accessus ad locum suscitandi mortui.

IV. De apto ad ambulandum tempore.

PARS I.

*De circumstantiis.*

**T**Ria hic. Primo describit personam ægrotam. Secundo languentis locum. Tercio personam coniun-

coniunctam. I. *Persona* (*Erat quidam languens Lazarus.*) Per hunc fidelis signatur, qui in Deo sperat; & tamen patitur infirmitatem peccati, de qua Ps. 6. *Miserere mei Domine, quoniam infirmus sum. Lazarus* enim interpretatur *auxiliatus à Domino*. Vnde eum significat qui spem habet diuini auxiliij. Psal. 120. *Auxilium meum à Domino*. II. *Locus* infirmi erat Bethania. Vnde dicit (*à Bethania de castello*) Bethania villa erat prope Hierusalem, vbi Dominus consueuerat frèquenter hospitari. Interpretatur *domus obedientie*. Significatur, Si infirmus sit Deo obediens, potest ab eo de facili curari. 4. Reg. 5. *Dixerunt serui Naaman ad eum: Pater, & si rem grandem dixisset tibi Propheta, facere debuisses.* Ista Bethania castellū erat Mariæ & Marthæ sororū Lazari. Per quas duplex vita signatur, actiua, scilicet & contemplatiua, scilicet per obedientiam homo perfectus redditur in vita actiua & contemplatiua. III. *Persona* coniuncta erat. (*Maria autem erat, &c.*) Quia enim mentionem fecerat de Maria, & plures mulieres huius nominis erant. Ideo ne erremus, (*Quæ vnxit Dominum vnguento, & extersit, &c.*)

De hac autem Maria diuersitas quædam est inter Sanctos. I. Hieronymus & Origenes dicunt, quod hæc Maria soror Lazari non est eadem cum illa, quæ peccatrix erat. De qua Luc. 7. *attulit alabastrū vnguenti, & stans retro secus pedes, &c.* Dicit Chrysostomus, hæc non fuit illa meretrix; hæc enim honesta fuit, & studiosa circa susceptionem Christi. Nam peccatricis illius nomen tacetur; Potuit autem Maria ista erga Christum tempore suæ pas-

fionis ex deuotione, & speciali dilectione simile opus fecisse, quod facit ei peccatrix illa diligens & compuncta. Quod quidem factum hic ab Euangelista propter Mariæ nominis magnitudinem per anticipationem recitatur.

2. *Augustinus & Gregorius* dicunt, quod hæc eadem Maria, est illa peccatrix, de qua Luc. 7. Et argumentum huius ex hoc verbo Augu. assumit, nam hic Euangelista dicit antequam Maria ungeret dominum unguento, quia illud fuit imminente passione. Ioan. 12. *Maria ergo sumpsit libram unguenti nardi pistici pretiosi, & unxit pedes Iesu.* Vnde dicit, hoc, quod hic dicit Euangelista de ea factum, recitari Luc. 7.

3. *Ambrosius* autem vtramque partem tenet. Secundum ergo opinionem Aug. manifestum est, quod peccatrix illa, de qua dicitur in Luca, est Maria ista. (*Cuius frater Lazarus infirmabatur,*) id est, miserandum corpus eius fornaceis febribus alendum edax incendium absumebat.

## PARS II.

### *Denunciatio infirmi ad Iesum.*

1. **M**iserunt ad eum, ] s. Iesum: (dicentes: Domine, ecce quem amas. &c.) In qua quidem denunciatio ne tria consideranda occurrunt. Vnum non esse signum, quod aliquis non sit amicus Dei, si aliquando corporaliter affligatur, sicut Eliphaz contra Iob falso arguit. Iob 4. Recordare obsecro, quis unquam innocens perit; aut quando recti deleti sunt? Ideo dicunt.



dicunt. [*Domine, ecce quem amas infirmatur,*) Prou. 3. *Quem diligit dominus corripit, & quasi pater in filio complacet sibi. Secundum,* quod non dicunt; Domine veni sana eum; sed tantum infirmitatem exponentes, dicunt, [*Infirmatur.*] In quo signatur, quod sufficit amico tantum necessitatem exponere, absque alicuius petitionis additamento. Nam amicus cum velit bonum amici, sicut bonum suū; sicut sollicitus est ad repellendum malum suum, ita & ad repellendum malum amici sui. Et hoc maxime verum est de eo, qui verissime diligit, Psal. 114. *Custodit dominus diligentes se* Tertium est, quod istæ duæ sorores desiderantes curationem fratris languidi, non venerunt personaliter ad Christum: sicut paralyticus, Luc. 5. Et Centurio, Matt. 8. Et hoc propter confidentiam, quam habebant ad Christum ex speciali dilectione, & familiaritate, quam Christus erga eas ostenderet, & forte à luctu detinebantur, ut Chrys. dicit, Eccl. 6. *Amicus si permanserit fixus, erit tibi coequalis, & in domesticis tuis fiducialiter ager.*

II. [*Infirmas hac non, &c.*] Hic ponitur præmissorum ratio. Et primo ratio ipsius infirmitatis. *Secundo* quare sorores eius non venerunt ad Christum secundū Aug. I. Ratio infirmitatis est glorificatio filij Dei. [*Dixit eis Iesus. Infirmas hac non est ad mortē, sed pro gloria Dei.*] Nota, Infirmitatum corporalium quædam sunt ad mortem: quædam autem non. Illæ sunt ad mortem, quæ ad aliquid aliud non ordinantur. Nam omnia mala pænæ ex diuina prouidentia infliguntur. Amos 3. *Si est malum*

*in ciuitate quod Dominus non faciat.* Mali vero culpæ Deus ultor est, non tamen autor. Omnia autem quæ à Deo sunt, ordinata sunt, & ideo omnia mala pœnæ ad aliquid ordinantur: quædam ad mortem, quædam ad aliquid aliud. Hæc autem infirmitas non est ordinata ad mortem; sed ad gloriam Dei.

*Dices.* Numquid non fuit mortuus Lazarus ex hac infirmitate? Videtur quod sic. Alias non foret quatrduanus in monumento; nec resuscitatio fuisset miraculosa. *Responsio:* Infirmitas hæc non fuit ordinata ad mortem, vt ad finem vltimum, sed propter aliud ceu dictum est; vt scilicet ipse qui resuscitatus fuit, quasi castigatus, iuste viueret ad Dei gloriam; & populus Iudæus videns miraculum conuerteretur ad fidem, Psalm. 117. *Castigauit me Dominus, &c.* Vnde sequitur, (*Sed pro gloria Dei vt glorificetur, &c.*) Vbi secundum Chrysostom. hoc pro, & vt, non tenetur causaliter, sed consecutiuè. Non enim ideo infirmatus est, vt ex hoc Deus glorificaretur; sed aliunde quidem infirmitas hæc venit, & ex ea consecutum est hoc, vt glorificaretur filius Dei: in quantum eum resuscitando, vsus est ea ad gloriam Dei, hoc autem vno quidem modo veritatem habet, sed alio modo non.

Potest enim infirmitatis Lazari duplex causa considerari. *Vna* naturalis, & secundum hanc verificatur dictum Chrysostom. Quia infirmitas Lazari secundum causam naturalem non ordinabatur ad resuscitationem. *Alia* causa potest considerari diuina, pudentia. Et tunc nō habet veritatē dictū Chry-

Chrysoft. Nam ex diuina prouidentia huiusmodi infirmitas ordinabatur ad gloriam Dei. Et secundum hoc pro, & vt, tenetur causaliter, q. d. (*Sed pro gloria Dei,*) quia licet ad hoc non ordinaretur ex intentione causæ naturalis; ordinabatur tamen ex intentione diuinæ prouidentię ad gloriam Dei, in quantum facto miraculo crederent homines in Christum, & vitarent veram mortem. Vnde dicit, (*vt glorificetur filius Dei per eam*) Hic manifeste Dominus filium Dei se nominat, nam ipse glorificandus erat in resurrectione Lazari, quod ipse est verus Deus, 1. Ioan. vlt. *Vt simus in vero filius eius.* Ioann. 9. *Neque hic peccauit, neque parentes, sed vt manifestentur opera Dei in illo.*

De II. (*Diligebat autem, &c.*) Hic secundum Aug. Euangelista assignat rationem quare duæ sorores non venerunt ad Christum. Quæ scilicet sumitur ex confidentia specialis dilectionis, vnde dicit. (*Diligebat autem Iesus Martham, & Mariam, &c.*) Quippe qui tristium consolator erat, sorores tristes diligebat. Et qui languentium saluator erat, languidum & mortuum Lazarum diligebat, Deut. 29. *Dilexit populos, omnes sancti in manu illius sunt.*

### P A R S III.

*Accessus ad suscitationem mortui.*

**T**Ria hic. Primo dat Dominus locum morti. Secundo prænunciat propositum de accedendo ad locum vbi mortuus erat. Tertio prænunciat propositum



positum suscitandi. De I. Dat autem locum morti moram trahendo Dominus trans Jordanem. Ideo dicit, (*vt autem audiuit, quia infirmabatur, mansit in eodem loco duobus diebus.*) Ex quo notatur, quod eodem die quo Christus recepit nuntium sororum Lazari, mortuus fuit Lazarus. Nam quando Christus venit ad locum vbi mortuus fuit, iam quatrivanus erat, Christus autem duobus diebus postquam recepit nuntium, remansit in eodem loco, & sequenti die ab illis duobus iuit in Iudæam. Dedit autem locum morti per tot dies propter duo. *Primo*, ne ex præsentia eius mors Lazari impedita fuisset. Nam vbi vita præsens est, mors locum non habet. *Secundo*, vt miraculum credibilius redderetur, & nullus posset dicere, quoniam nondum defunctum eum suscitauit: sed potius stupefactum.

De II. [*Eamus in Iudæam iterum.*] Dominus manifestat propositum accessus sui ad locum. Et *primo* prænunciat propositum. *Secundo* subditur timor discipulorum. (*Deinde post hæc,*) sc. moram contractam (*dixit,*) scilicet Iesus discipulis suis. (*Eamus in Iudæam iterum.*) Hic queritur, Quare hoc solum prædixit Apostolis iterum iturum in Iudæam, cum hoc alias non fecerit? Ratio est, quia Iudæi nuper in Iudæa persecuti fuerant Christum: ita vt pene eum lapidassent. Vnde & propterea inde decesserat; propter quod credendum erat, quod Christo iterato illuc ire volente discipulorum corda timor inuaderet; & quia præuisa iaculaminus feriunt, & mala quæ præuidentur, facilius

lis tolerantur, vt Greg. dicit, ideo Dominus, vt eis timorem auferret, eis itineris sui propositum manifestat. *Mystice* datur intelligi, Dominum in fine mundi iterum reuersurum ad Iudæos: qui conuertentur ad Christum, Rom. 11. *Cæcitas ex parte contingit in Israel, &c.*

II. Timor discipulorum ponitur cum dicunt: (*Nunc querebant te lapidare.*) quasi d. videtur, quod spontaneus vadas ad mortem. Sed timor iste irrationabilis est; quia secum habebant discipuli Deum protectorem, cum quo quiescit, timere non debet, Isa. 50. *Stemus simul: quis est aduersarius meus?* Psal. 1. *Dominus illuminatio mea, & salus mea, quem timebo?*

## P A R S IV.

### *De apto ad ambulandum tempore.*

**P**rimo ponit conditionem temporis. *Secundo* ostendit quod tempus sit aptum ambulationi. *Tertio*, quod non sit aptum. De I. Chrysostomus sic, [*nonne 12. hora sunt diei?*) quasi dic. Vos dubitatis ascendere in Iudæam: quia nuper Iudæi voluerunt me lapidare: Sed dies habet 12. horas, & quod contingit in vna, non contingit in alia. Vnde licet tunc voluissent me lapidare; in alia hora hoc nollent, Eccles. 3. *Omnia tempus habent, &c.* Idem 8. *Omni negotio tempus est, & opportunitas.* *Questio* literalis. Aut loquitur de die naturali, aut de die artificiali. Siquidem loquatur de

de die naturali, tunc falsum est, quod dicit, Cum non habeat duodecim, sed 24. horas. Similiter si loquitur de die artificiali. Quia hoc non est verum; nisi in æquinoctiali, quia non omnes dies artificiales habent 12. horas. Dico. Omnes dies artificiales habent 12. horas. Nam horæ huiusmodi dierum distinguuntur dupliciter. Quædam enim sunt æquales. Et quædam sunt inæquales. Æquales autem distinguuntur secundum circulum æquinoctialis. Et sic non omnes dies habent 12. horas: sed aliqui plures, aliqui pauciores, nisi tantum in æquinoctio. Inæquales autem distinguuntur secundum ascensiones Zodiaci propter eius obliquitatem: quia non æqualiter ascendit Zodiacus in omnibus partibus suis. Æquinoctialis autem æqualiter, & de istis horis inæqualibus quilibet dies artificialis habet 12. horas; quia quolibet ascendunt 6. signa de die & 6. de nocte, sed illa quæ ascendunt in æstate, sunt tardioris motus, quam illa quæ ascendunt in hyeme. Ascensus autem cuiuslibet signi facit duas horas.

De II. (*Si quis ambulauerit, &c.*) Id est, honeste & absque conscientia alicuius mali. Rom. 13. *Sicut in die honeste ambulemus.* (*Non offendit,*) id est, non inuenit, quid ei noceat. Et hoc ideo, [*quia lucem huius mundi videt,*] id est, lux iustitiæ in eo est, Ps. 96. *Lux orta est iusto, & rectis corde letitia,* q. d. Dominus. Nos secure possumus ire, cum in die ambulemus.

De III. (*Si autem ambulauerit in nocte, &c.*) sc. iniquitatum, de facili multa pericula inueniet. De qua nocte, 1. Thess. 4. *Qui dormiunt, nocte dormiunt:*

& ta-



& talis [*offendit,*] id est, impingit [*quia lux,*] (sc. iustitiæ, [*non est in eo.*]) 2. Theophylactus [*Si quis ambulauerit in die.*] dicit, quod dies est præsentia Christi in mundo, nox vero est tempus post passionem eius. Vt sit sensus. Non est timendum de Iudæis: quia quamdiu ego sum in mundo, vobis non imminet periculum: sed mihi. Vnde quando Iudæi eum capere voluerunt, Ioan. 18. *Dixit dominus turbis. Si ergo me quæritis, sinite hos abire. vt impleretur, &c.* Sed (*in nocte,*) id est, in tempore post passionem; tunc timendum est vobis ire in Iudæam: quia pati mini à Iudæis persecutionem, Zach. 13. *Percute pastorem, & dispergentur oues, &c.*

3. Exponit August. sic, vt per diem intelligatur Christus, Ioan. 9. *Me oportet operari opera eius qui misit me, donec dies est. Et quamdiu sum in mundo, lux sum mundi.* Huius ergo diei 12. horæ, sunt 12. Apostoli, Ioan. 7. *Nonne ego vos 12. elegi?* Sed timendum est valde, quod sequitur: *Et vnus ex vobis diabolus est.* Iudas ergo non erat hora huius diei: quia non lucebat. Dicendum, quod Dominus hoc dixit, non habito respectu ad Iudam, sed ad successorem eius Matthiam. Est ergo sensus. (*Nonne 12. horæ, &c.*) q.d. vos estis horæ. Ego sum dies. Sicut ergo horæ consequuntur diem, ita & vos me debetis sequi. Vnde si ego volo ire in Iudæam; vos non debetis me præcedere, nec mutare voluntatem meam; sed me sequi. Simile dicit Petro, Matt. 16. *Vade retro post me Satanas,* id est, non præcedas me, sed me sequere, voluntatem meam imitando. [*Si quis ambulauerit in die,*] q.d. Non debetis timere periculū: quia

quia vos itis mecum, qui sum dies. Vnde sicut qui in die vadit non impingit, id est, non offendit; ita nec vos qui mecum itis, Romanorum 8. *Si Deus pro nobis, quis contra nos?* Et hoc ideo: quia lucem huius mundi videt in me. (*Si autem ambulauerit in nocte,*) id est, in tenebris ignorantiae & peccati. (*Tunc offendit,*) & hoc ideo (*quia lux*) scilicet spiritualis (*non est in eo,*) non quidem ex defectu lucis, sed eorum rebellionem, Iob vigesimo secundo. *Ipsi fuerunt rebelles lumini.*

## II. CONCIONIS DISPOSITIO.

*Lazarus, amicus noster dormit.* Ioannis 11.

**SCOPVS.** Supra prænunciauit Dominus propositum de accedendo ad locum defuncti; hic manifestat propositum de defuncti suscitatione;

itali.

## PARTITIO.

- I. Obscure denunciat de mortuo.
- II. Clare edicit.
- III. Praëmbula suscitationis.
- IV. Martha describitur.
- V. Instruitur Martha.

## P A R S I.

*Obscura denuntiatio de mortuo.*

**P**ROpositum prænunciat *primo*, quasi implicite & obscure. *Secundo* Euangelista ostendit tarditatem intellectus discipulorum. *Tertio* dominus ipsum propositum denunciat manifeste.

De I. (*Hæc ait. Et post hæc dicit illis,*) quasi diceret, his quæ supra dictis, Postmodum dicit discipulis suis. (*Lazarus amicus, &c.*) Quod secundum Chrysostomum videtur facere ad secundam rationem excludentem timorem discipulorum; nam prima procedebat ex discipulorum innocentia: quia qui ambulat in die, non offendit. Ista sumitur ex necessitate imminente, quasi necessarium sit ire. Vnde circa hoc tria facit.

*Primo* commemorat pristinam amicitiam defuncti dicens. (*Lazarus amicus noster.*) Amicus, scilicet, propter multa beneficia, & obsequia quæ nobis exhibuit, & ideo non debemus in necessitate deficere, Prouerbiorum 12. *Qui negligit damnum, propter amicum fidelem.* *Secundo* ponit necessitatis instantiam. (*dormit.*) Vnde oportet, ei subueniatur, Prouerbiorum decimo septimo. *Frater in angustiis comprobatur.* (*Dormit*) inquam, ut dicit Augustinus Domino: sed mortuus erat hominibus, qui eum suscitare non poterant. Nota. Somnus accipitur multis modis: 1. Pro somno naturæ, primo Regum tertio.

*Dor-*



*Dormiuit Samuel vsque mane. Et Iob 11. Securus dormias, &c. 2. Pro somno mortis, 1. Thess. 4. Nolumus vos ignorare de dormientibus, vt non contristemini, &c. 3. Quandoque pro negligentia, Psalm. 120. Ecce non dormitabit neque dormiet qui custodit Israel. 4. Pro somno culpæ. Eph. 5. Exurge qui dormis, & exurge a mortuis. 5. Pro quiete contemplationis. Cant. 2. Ego dormio, & cor meum vigilat, &c. 6. Pro quiete futuræ gloriæ, Ps. 4. In pace in idipsum, dormiam & requiescam. Mors autem dicitur somnui propter spem resurrectionis, & ideo mors consuevit appellari dormitio; ab eo tempore quo Christus mortuus est, & resurrexit, Ps. 3. Ego dormiui, &c.*

*Tertio ostendit suam ad resuscitandum efficaciam, cum dicit. (Sed vado vt à somno excitem eum.)* Significat, quod tanta facilitate excitabat de sepulcro, quanta excitat dormientem in lecto. Nec mirum: quia ipse est, qui suscitatur mortuos, & viuificat. Ioan. 5. Vnde dicit ibidem. *Venit hora, in qua omnes qui in monumentis sunt, &c.*

*De II. Tarditatem autem intellectus discipulorum ponit Euangelista cum dicit: [Domine, si dormit, saluus est.] Et primo ponit signum tarditatis eorum, sc. quod non responderunt secundum intentionem Domini. Secundo ostenditur eorum tarditas manifeste. Nota. Id, quod dixerat Dominus de somno mortis, isti intellexerunt de somno naturæ, & quia solet somnus ægrorum salutis esse indicium, ideo (discipuli dixerunt, si dormit saluus erit,) q. d. hoc manifeste salutis est signum, vt per hoc ulterius concludant. Domine si dormit,*

mit, non videtur utile esse, vt tu vadas ad excitandum eum. [*Dixerat autem Iesus de morte eius.*] Rudes erant. Vnde Matth. 15. *Adhuc & vos sine intellectu estis?* De sapiente vero dicitur, Prouerbio-  
rum 1. *Animaduertet parabolam, & interpretationum verba.*

## P A R S II.

*Expressa denuntiatio mortui.*

**P**rimo annunciat eis Lazari mortem; quod pertinet ad eius scientiam. Secundo insinuat suum affectum circa eius mortem; quod pertinet ad eius prouidentiam. Tertio innuit propositum de eundo ad locum vbi mortuus erat; quod pertinet ad eius clementiam. Quarto. Affectus discipulorum. I. [*Lazarus mortuus est,*] id est, subiit legem communem mortis, quam nullus hominum subterfugere potest. Psalm. 88: *Quis est homo qui viuit, & non videbit mortem?* II. Affectum ostendit. (*Et gaudeo propter vos, vt credatis, &c.*) Quod potest dupliciter exponi. Vno modo sic: Nos audiuius infirmitatem Lazari, sed ego absens annuncio mortem eius: (*Et gaudeo propter vos,*) id est, propter vestram utilitatem; vt ex hoc sumentes experimentum diuinitatis meæ, quia in absentia video. Hebr. 4. *Omnia huda & aperta sunt oculis eius.* Nec mirum, quia ipse est omnibus præsens, Hier. 13. *Cælum & terram ego impleo.* (*Vt credatis,*) non vt denuo inciperent credere; sed vt firmitus secundum illud Lucæ 10:

*Credo Domine, adiuvā meam incredulitatem.* 2. Sic (Gaudeo,) scilicet quod mortuus est. Et hoc (propter vos,) id est, propter utilitatem, scilicet, (ut credatis.) Ideo inquam (gaudeo: quia non eram ibi,) nam si ibi fuisset, non fuisset mortuus: sed quia defunctus est, maius apparebit miraculum, cum resuscitabo defunctum putrescentem. Et ex hoc vos magis corroborabimini in fide. Maius est enim defunctum suscitare, quam viventem à morte præservare. Significatur, quod aliquando mala sunt ratio gaudij, in quantum ordinantur ad bonum. Roman. 8. *Diligentibus Deum omnia cooperantur in bonum.* III. Propositum autem eundem innuit, dicens. (Sed eamus ad eum, &c.) In quo ostenditur Dei clementia, in quantum homines in peccatis existentes, & quasi mortuos per se ad eum accedere non volentes, misericorditer præueniendo attrahit: secundum illud Hier. 31. *In charitate perpetua dilexi te, ideo attraxi te, &c.*

IV. (Eamus & nos, & moriamur cum eo) Hic ponitur discipulorum affectus. Quod potest dupliciter exponi. 1. Ut importer affectum dubitantis. 2. Diligentis. *Primo modo* exponitur à Chrysostomo. Nam, omnes discipuli timebant Iudæos, & præ alijs Thomas. Nam ante passionem infirmior erat alijs & infidelior, qui tamen postea fortior factus est & irreprehensibilis; qui solus orbem terrarum percurrit. Vnde ex hac dubietate [dicit ad condiscipulos. *Eamus & nos, & moriamur cum illo,*] quasi dicat. Iste non timet mortem, penitus vult ire, se, & nos volens tradere morti.

*Secun-*



*Secundo modo* exponit Augustinus. Thomas enim & alij discipuli ita Christum amabant, vt vel cum eo præsente viuere, vel cum eo mori vellent; ne post mortem deserti iterum inconsolati remanerent. Vnde ex hoc affectu (*Thom. dicit ad condiscipulos Eamus & nos, &c.*) quasi dicat, ire vult, periculum mortis ei imminet: nunquid & nos remanebimus vt viuamus? Absit. Sed. (*Eamus & moriamur cum illo, 2. Tim. 2. Si compatimur, & conregnabimus, 2. Cor. 5. Si vnus pro omnibus mortuus est, &c.*

### P A R S III.

#### *Præambula suscitationis.*

POSTquam prænunciavit defuncti suscitationem, hic describit Euangelista resurrectionis ordinem. Præambula autem ad alios pertinentia primo præmittit quantum ad defuncti conditionem. *Secundo* quantum ad Iudæorum erga sorores consolationem. *Tertio* quantum ad sororum deuotionem. I. Defuncti autem conditio describitur quantum ad tempus mortis: (*Venit itaque Iesus; & inuenit eum quatuor dies habentem.*) Et quantum ad locum; quia *in monumento*. Ex quo apparet secundum literam, vt dictum est supra, quod primus dies mortis fuit, quando nunciata fuit ei infirmitas.

*Mystice.* Per hos quatuor dies, secundum Aug. signantur quatuor dies quadruplicis mortis. *Vnus* dies est peccati originalis, quod homo trahit de mortis propagine, Roman. 5. *Per vnum hominem*

x \*

z

pecca-

*peccatum intravit, &c. Alii tres dies referuntur ad mortem peccati actualis, nam quodlibet peccatum mortale quædam mors dicitur. Psalm. 33. Mors peccatorum pessima. Et diuiduntur secundum transgressionem triplicis legis. Primo quidem legis naturæ, quam homines transgrediuntur. Et sic est secundus dies mortis, Isa. 24. Transgressi sunt legem, & pactum sempiternum, &c. id est, legem naturæ. Secundo legis scriptæ, quam etiam homines transgrediuntur, & sic est tertius dies, supra 7. Nonne Moyses dedit vobis legem, & nemo, &c. Tertio legis Euangelij & gratiæ, quam homines transgrediuntur; & sic est quartus dies, & grauior cæteris, Hebr. 10. Irritam quis faciens legem Moysi, sine ulla miseratione, &c. quanto magis putatis deteriora, &c.*

*Vel aliter, primus dies est peccatum cordis, Isa. 1. Auferte malum cogitationum vestrarum, &c. Secundus dies est peccatum oris, Eph. 4. Omnis sermo malus de ore vestro non procedat. Tertius dies est peccatum operis, Isa. 1. Quiescite agere peruerse. Quartus dies est peccatum peruersæ consuetudinis. Hierem. 13. Sic & vos poteritis benefacere cum didiceritis male. Qualitercumque tamen exponatur, Dominus quandoque sanat mortuos quatuor dies habentes, id est, legem Euangelij transgredientes, & in consuetudine peccati detentos.*

II. Visitantium autem conditio describitur quantum ad visitandi opportunitatem, & quantitatem. 1. Quo ad opportunitatem quidem: quia (erat Bethania iuxta Ierusalem,) id est, fere miliaria

liaria duo. Nam milliare habere 8. stadia. Et sic facilis multis Iudæorum à Hierosolymis patebat illuc accessus. *Mystice* per Bethaniam, quæ interpretatur domus obedientiæ, & Hierusalem visio pacis, significatur, quod qui sunt in statu obedientiæ, sunt propinqui ad pacem vitæ æternæ, Ioan. 10. *Oves meæ vocem meam audiant, & ego vitam æternam do eis.* Et dicit (*quindecim stadiis,*) quia, qui vult de Bethania, id est, de statu obedientiæ ire in Hierusalem cœlestem, oportet, transeat stadia quindecim. *Primo* quidem septem, quæ pertinent ad obseruantiam veteris legis. Nam septenarius numerus pertinet ad legem veterem: quæ diem septimum sanctificat. Deinde vero octo, id est, impletionem noui testamenti, ad quem pertinet numerus octonarius propter octauam resurrectionis. 2. Quo ad quantitatem describitur, quia [*Multi ex Iudæis venerant ad Mariam & Martham, vt consolarentur eas.*] Quod quidem pietatis erat, Rom. 12. *Gaudere cum gaudentibus oportet, Eccl. 7. Non desis plorantibus in consolationem.*

## P A R S I V.

*Describitur Martha.*

**M**artham describit quantum ad tria. *Primo* quantum ad eius occursum, quo Christo obuiavit. *Secundo* quantum ad deuotionis affectum, quem Christo exhibuit. Et *tertio* quantum ad in-

x\* 3 stru-



structionis profectum ad quem Christus eam erexit. I. Occursus autem Marthæ describitur festinus: quia, (*Martha ut audiuit quia Iesus venit, occurrit illi,*) absque moræ dilatione. (*Venit,*) præsentis temporis est, forte enim Christo prope castrum existente, aliquis præcessit, & nunciauit Marthæ aduentum Christi, quo audito statim cucurrit. Ratio, quare Martha primo audiuit, & sola occurrit, est, quia Luc. 10. *Martha, Martha sollicita es,* &c. & ideo occupata circa dispositionem negotiorum discurrebat per domum, & nuncianti facilius occurrit. Maria autem sedebat domi, cum illis qui venerant de Hierosolymis, & ideo non ita cito potuit illi indicari, sicut Martha.

Ratio, cur Martha non statim indicauit Mariæ, assignatur à Chrysostom. Quia Maria sedebat cum Iudæis, & Martha sciebat, quod Iudæi persequerentur Christum, & iam conspirauerant in eius mortem: & ideo timens, ne, si nunciaret ei, & illa iuisset in occursum Christi, iuissent cum ea. Propter hoc ergo ipsi nunciare noluit. Dices: Sed si Iudæi conspirauerant contra Christum; quomodo visitabant Lazarum, & sorores suas, qui Christi familiares erant, & quasi discipuli? Respondet Chrysostom. Hoc faciebant propter necessitatis calamitatem, & propter nobilitatem harum mulierum, quas spreto principum mandato consolabantur. *Vel* quia hi qui aderant, non mali erant, sed bene affecti ad Christum. Multi enim ex populo credebant.

*Mystice* autem vita actiua signatur per Martham quæ occurrit Christo ad exhibendum obsequij beneficium membris eius. Vita contemplatiua per Mariam signatur : quæ domi sedet quieti contemplationis, & puritati conscientiae vacans, *Prou. 8. Intrans in domum meam, conquiescam cum illa.*

II. Affectus autem deuotionis in Martha ostenditur præcipuus. (*Dixit Martha ad Iesum: Domine, si fuisses hic, frater meus non fuisset mortuus.*) Vbi duo Christo deuote proponit. Vnum quod respicit ad præteritum. Et aliud quod respicit ad futurum. 1. Ad præteritum quidem respicit, quod dicit, (*Domine si fuisses hic, frater meus non fuisset mortuus.*) Credebat enim quod præsentem Christo mors locum non haberet, cum vidisset mulierem ad solum tactum fimbriæ Iesu sanatam, *Matth. 14. Et quidem rationabiliter mouebatur.* Nam vita contrariatur morti, Christus autem vita est, & lignum vitæ, *Prouerbiorum 3. Lignum vitæ est hic, &c.* Si ergo lignum vitæ poterat præseruare à morte, multo magis Christus. Nihilominus tamen imperfectam habebat fidem, existimans Christum minus posse absentem quam præsentem. Vnde dicebat. [*Domine, si fuisses hic, &c.*] Quod quidem de virtute limitata & creata dici potest: sed de virtute infinita & increata, quæ Deus est, non est dicendum: quia æqualiter se habet ad præsentia & absentia, imo sibi omnia sunt præsentia, *Hierem. 23. Putasne Deus è vicino ego sum, &c.* 2. Ad futurum respicit hoc, x<sup>t</sup> 4. quod

quod subdit. [*Sed & nunc scio, quia quacunque poposceris à Deo, &c.*) In quo quidem licet aliquo modo verum dixerit, nam Christo secundum quod homo pertinebat à Deo petere. Unde & frequenter orasse legitur. Ioann. 9. *Si quis Dei cultor est, &c.* Tamen minus dixit. Nam per hæc verba arbitrari videtur Christum sicut vnum sanctum hominem, qui præteritam mortem orando posset excludere, sicut Elisæus orando mortuum suscitauit.

## P A R S V.

*Instruitur Martha à Domino.*

**Q**Via enim adhuc imperfecte cognoscebat, ideo Dominus ad altiora eam instruendo prouehit. Et *Primo* prænunciat fratris resurrectionem. *Secundo* ostendit resuscitationis potestatem. De I. Duo facit. *Primo* prænuntiat futurum miraculum. *Secundo* ponitur intellectus Marthæ de resuscitatione. I. Miraculum, quod futurum Dominus prænunciat, est resuscitatio Lazari. [*Resurget frater tuus,*] Isa. 26. *Viuent & mortui tui resurgent.* Nota Christum tres mortuos suscitasse. Puellam archisynagogi. Matth. 9. Filium viduæ qui efferebatur extra portam. Luc. 10. Et Lazarum quatuor dies habentem in monumento. Sed puellam in domo: Iuuenem extra portam: Lazarum in monumento. Item puellam paucis arbitris, secum habens, patrem videlicet & matrem puellæ, & tres ex discipulis



scipulis suis, Petrum scilicet. Iacobum & Ioannem; iuuenem vero magna turba præsente: Sed Lazarum assistente multitudine, & cum gemitu. Nam per hos tres suscitatos, tria genera peccatorum intelliguntur. *Quidam* enim peccant per consensum peccati mortalis in corde. Et isti signantur per puellam mortuam in domo. *Alij* vero sunt qui per exteriora signa & actus, peccant. Et signantur per mortuum qui effertur extra portam, sed quando per consuetudinem in peccato firmantur, tunc clauditur in monumento. Et tamen dominus omnes resuscitat. Sed illi qui per consensum solum peccant, & mortaliter peccando moriuntur, facilius suscitantur. Et quia secretum est, ideo secreta emendatione curatur. Quando autem peccatum procedit extra, tunc publico indiget remedio.

II. (*Scio, quia resurget, &c.*) Non auditum est à seculo, quod quis quatrIduanum fœtentem in monumento resuscitauerit, & ideo non poterat cadere in corde Marthæ, quod statim eum suscitaret à mortuis, sed credebat hoc in communi resurrectione futurum. Vnde dicit. (*Scio*), id est, certissime teneo, (*quod resurget in nouissimo die, &c.*) su. 5. *Ego resuscitabo eum in nouissimo die.*

De III. (*Ego sum resurrectio*.) Dominus Martham ad altiora eleuans, *Primo* ostendit virtutem & potestatem suam. *Secundo* subdit potestatis effectum. *Tertio* exposcit fidem. I. Potestas sua est viuificatiua. Vnde dicit (*Ego sum resurrectio & vita*), q. d. credis, quod frater tuus resurgat in nouissimo die? Totum autem hoc, quod homines resurgent, erit

mea virtute; & ideo ego cuius virtute tunc omnes resurgent, possum etiam fratrem tuum suscitare in presentia. Dicit autem duo, scilicet quod est (*resurrectio*), & quod est (*vita*). Sciendum, quod effectum vitæ aliqui participare indigent: Quidam, qui vitam amiserunt: Quidam, ut iam habita conservetur. Sic ergo quantum ad primum dicit. (*Ego sum resurrectio*), qua qui vitam per mortem amiserunt, reparatur. (*& vita*), qua viuentes conseruantur. Hoc (*Ego sum resurrectio*), est locutio causalis, quod dicitur. Ego sum resurrectionis causa. Hic autem locutionis modus in illis tantum fieri consuevit, qui sunt causa alicuius rei. Christus autem est tota causa resurrectionis nostræ, tam animarum, quam corporum, & ideo hoc quod dicit. (*Ego sum resurrectio*), est causalis locutio, quod dicitur. Totum hoc, quod resurgent in animabus, & in corporibus per me erit. 1. Cor. I 5. *Quoniam quidem per hominem mors, & per hominem resurrectio mortuorum.* Hoc inquam, quod (*sum resurrectio*), est mihi per hoc, quod sum, (*vita*). Nam vitæ est, quod aliqui reparentur ad vitam: sicut ignis est, quod aliquid extinctum reignitur, Ioan. 1. In Christo *vita erat, & vita erat lux hominum.*

II. (*Qui credit in me, &c.*) Primo ait de effectu, qui respondet primæ potestati. Secundo de effectu qui respondet secundæ. Primum autem quod de potestate sua dixerat, est, quod ipse sit resurrectio: & huic respondet effectus, quod ipse mortuos viuificat. (*Qui credit in me, etiam si mortuus fuerit viuet.*) Cuius quidem causa est. Quia ego sum resurrectionis causa, cuius causæ effectum aliquis

quis consequitur credendo in me. Vnde dicit. (*Qui credit in me uiuet, etiam si mortuus fuerit, &c.*) Nam per hoc quod credit, habet me in se, Eph. 3. *Habitare Christum per fidem in cordibus uestris.* Qui autem habet me, habet resurrectionis causam. Ergo, (*qui credit in me uiuet.*) Quod autem per fidem aliqui resurgant, habetur Ioan. 5. *Venit hora. & nunc est, quando mortui audient vocem filij Dei, & qui audierint uiuent: vita. s. spirituali, resurgentes de morte culpæ; & etiam vita naturali, resurgentes de morte pœnæ.*

Secundum autem, quod de potestate sua dixerat est, quod ipse sit vita. Et huic respondet effectus præseruationis in vita. Vnde dicit. (*Et omnis qui uiuit, &c.*) *vita iustitiæ.* De qua Abac. 2. *Iustus meus ex fide uiuit.* (*Non morietur. in æternum.*) id est, morte æterna, sed habebit vitam æternam. Ioan. 6. *Hac est voluntas patris mei, ut omnis qui uiuit, &c.* Et hoc non est intelligendum quin moriatur ad tempus morte carnis; sed quod aliquando sic morietur, ut tamen resuscitatus uiuat in æternum in anima, donec resurgat caro nunquam postea moritura. Vnde ibidem. *Et ego resuscitabo eum in nouissimo die.*

III. Exposcit fidem, ut eam perficiat. Vnde dicit: (*Credis hoc? &c.*) Primo ponitur quæstio Domini dicentis. (*Credis hoc?*) Non interrogat Dominus quasi ignorans, sed sciens fidem eius, quippe qui ipsam fidem ei infuderat. Credere enim à Deo est. Quærit autem ut fidem, quam habebat in corde, confiteatur ore, Rom. 10. *Corde creditur ad iustitiam, ore autem confessio fit ad salutem.*



ad salutem. Secundo ponitur responsio mulieris: (*Ait illi: utique Domine ego credidi, &c.*) Responsio impertinens videtur ad ea quæ Dominus dixerat. Dixit enim. *Ego sum resurrectio & vita; & postea quæ fuit utrum hoc crederet.* Mulier autem non respondit. Credo, quod tu es resurrectio, & vita. Sed (*ego credidi, quia tu es Christus, &c.*) Quod dupliciter exponitur 1. Chryso. dicit, quod hæc mulier non intelligens alta verba Domini quasi stupefacta, respondit dicens: Domine ego non intelligo hoc, quod dicis, sed hoc (*credidi: quia tu es Christus filius Dei vivi.*) 2. Aug vero dicit, quod mulier respōdit hoc ideo, quia quod dicit, est ratio omnium præmissorum à Domino, q. d. Quicquid dicis de potestate tua, & effectu salutis, totum credo. Quia ego credo, quod plus est, & radi omnium, s. (*quia tu es Christus filius Dei vivi.*)

Hæc autem confessio Marthæ perfecta est. Cōfitemur enim Christi dignitatem, naturam, & dispensationem incarnationis. Dignitatem quidem & regiam & sacerdotalem. Et hoc cum dicit, (*Tu es Christus,*) Christus enim Græce, Latine dicitur vnctus. Inunguntur autem Reges, & Sacerdotes. Est ergo Christus Rex & Sacerdos. Vnde Angelus, Luc. 2. *Natus est nobis hodie saluator; qui est Christus Dominus, &c.* Et vere ipse est singulariter Christus: quia alij vnguntur oleo visibili; iste vero oleo invisibili, s. Spiritu sancto, & cæteris alijs abundantius, Psal. 44. *Vnxit te Deus Deus tuus oleo latitiæ præ consortibus tuis.* Ideo præ consortibus; quia Ioan. 3. *Non ad mensuram dat ei Deus spiritum.* Naturam autem in Christo

Christo confitetur diuinam patri æqualem; vnde dicit, (*filius Dei viui, &c.*) Nam ex hoc quod singulariter vocat eum filium Dei viui, veritatem filiationis annunciat; non autem est verus Dei filius, nisi sit patri connaturalis, vnde de Christo dicitur, 1. Ioan. vlt. *Vt simus in vero filio eius.* Dispensationis autem mysterium confitetur cum dicit, (*Qui in hunc mundum venisti,*) scilicet, carnem assumens. Simile confitetur Petrus, Matth. 16. *Tu es Christus filius Dei viui.* Ioan. 16. *Exiui à patre, & veni in mundum.*

### III. CONCIONIS DISPOSITIO.

*Magister adest: vocat te.* Ioan. 11.

SCOPVS. Postquam Euangelista præmisit conditiones sororum quantum ad Martham: Hic describit eas quantum ad Mariam. *Primo* describit vocationem Marię *Secundo* occursum eius ad Christum. *Tertio*, Eius deuotio in Christum.

### PARTITIO.

I. De Marię vocatu & accursu ad Dominum.

II. De Christi turbatione.

III. Disceptatio super turbatione Domini.

### PARS I.

*De Marię vocatu, & accursu ad Dominum.*

Voca-

**V**OCatur Maria per Martham, quæ consolata & instructa per Christum nolens sororem suam esse tantæ consolationis expertem, (*Cum dixisset,*) verba prædicta cum domino (*abiit*) statim, (*& vocauit Mariam, &c.*) Vbi quidem duo dubia. Primum de hoc (*silentio*), Nam silētium nihil aliud est quam priuatio locutionis, vel soni. Non ergo eam silentio vocare potuisset. *Responsio*: secundum Au. quod silentium suppressam vocem nuncupauit: q. d. vocauit eam submissee: secundum illud Eccl. 9. *Verba sapientum audiuntur in silentio*. Ideo autem eam silenter vocat: quia multitudo Iudæorum erat cum ea; vt dictum est: & fortē erant inter eos aliqui; qui non diligebant Christum; qui vel recederent, vel hoc audito Mariam non sequerentur.

*Mystice* autem per hoc datur intelligi, quod ad Christum quis vocat exteriori voce tantum; sed efficacius silenter. vnde dicitur Isa. 30. *In silentio & spe erit fortitudo vestra*.

*Secundo dubitatur* de hoc (*Magister adest, & vocat te.*) Videtur falsum dixisse. Non enim dixit dominus Marthæ, quod vocaret Mariam. *Responsio*. dicit Augu. Euang. illa causa breuitatis innuit, quod in sua narratione intermiserat. Nam forte dominus dixit Marthæ, vt eam vocaret. *Alij* autem dicuntur quod Martha ipsam præsentiam, vocationem reputauit, quasi diceret: Inexcusabile est, vt eo præsentē tu non exeas obuiam ipsi.

*De II.* (*Illā vt audiuit, &c.*) Ponitur occurſus Mariæ. Et circa hoc tria facit. *Primo* ponitur promptitudo Mariæ ad occurrendum. *Secundo* locus in quo



quo ei occurrit. *Tertio* comitiua, quæ eam sequitur. I. Promptitudo autem Mariæ ad occurrendum describitur; quia non distulit propter luctum: non tardauit propter astantes: sed statim (*vt audiuit, surrexit cito*) de domo in qua erat [*& venit ad eum*], Iesum. Ex quo patet, quod non illam præuenisset Martha, si ei à principio notus fuisset aduentus Iesu. Disce exemplum non tardandi, cum vocaris ad Christum. Eccl. 5. *Ne tardes conuerti ad Dominum, &c.* Isa. 50. *Audiam eum quasi magistrum.*

II. Locus autem vbi Maria Christo occurrit, est idem illi, vbi Martha cū Christo locuta fuerat. Unde dicit: [*Nondum venerat in Castellum, &c.*] Quod id eo ponit, ne credatur superfluus occursum Mariæ, cum Christus potuerit adeo cito in castellum venire, sicut & Martha. Ideo autem Christus in illo loco remansit; vt non videatur seipsum ingerere miraculo; sed dum rogatus & inductus miraculū operatur, confiteatur ipsum mortuum esse, & miraculum nullam calumniam patiat. Significatur, quod cum volumus Christo frui, eum venientem anticipemus, non expectantes, quod ipse nobis condescendat: sed vt ipsi potius condescendamus ad eum. Hier. 55. *Ipsi conuertentur ad te, & tu non conuerteris ad eos.*

III. Comitiua autē quæ sequitur Mariam, describitur cū dicit: [*Iudai, &c. secuti sunt eam.*] Causa [*Quia vadit ad monumentum, vt ploret ibi.*] Credebant enim quod ex impetu doloris hoc faceret. Non enim audierant verba quæ Martha dixerat Mariæ. In quo

quo quidem Iudæi commendandi sunt; quia, ut dicitur Eccles. 7. *Non desis plerumque ibus in consolationem.* Nihilominus diuina prouidentia factum est, ut eam sequerentur, ut cum plures essent ibi, cum Lazarus suscitatus est, tam grande miraculum quadriduani resurgentis testes plurimos inueniret: ut dicit Augustinus.

De III. (*Maria, cum venisset ubi erat Iesus.*) Primò deuotio quam exhibuit facto. Secundo, quam verbo. De I. Nota in Maria securitatem & humilitatem, i. Securitatem quidem, quia contra mandatum principum, quod nullus confiteretur Christum, non verecundatur turbam, nec suspicionem Iudæorum de Christo veretur: cum aliqui inimicorum Christi interessent, ad Christum currit. 1. Rou. 28. *Iustus quasi leo confidens, &c.* 2. Humilitatem autem, quia (*cecidit ad pedes eius*), quod non de Martha legitur, i. Pet. 5. *Humiliamini sub potenti manu Dei, &c.* Ps. 131. *Aclorabimus in loco, ubi steterunt pedes eius.*

De II. Verbo. a deuotionem exhibuit, cum dixit ei. (*Domine, si fuisses hic, &c.*) Credebat enim esse vitam, & ubi ipse esset, mors locum non haberet. i. Cor. 6. *Non est conuentio lucis ad tenebras, q. d. Deus nobiscum præsens fuisti, ut Augu. dicit, non morbus, non infirmitas aliqua apparere ausa est, apud quas vita nouerat hospitari. O infidelis conuentio, te adhuc posito in seculo, Lazarus amicus tuus mortuus est. Si amicus moritur, inimicus quid patietur?*

✠ ( o ) ✠



## P A R S II.

*De Christiturbatione.*

**C**Hristus non respondet eadem Mariæ, quæ respondit Marthæ: sed propter astantem turbam nihil loquitur, factis demonstrans suam virtutem: [*Iesus ergo ut vidit eum plorantem.*] Nota, Christum verum Deum esse, & verum hominem; & ideo ubique fere in factis suis mixta leguntur humana diuinis, & diuina humanis: & si quandoque ponitur aliquid humanum de Christo, statim additur quid diuinum. Nihil enim infirmius de Christo legimus; quam eius passionem: & tamen eo in cruce pendente, diuina facta patent; quod Sol obscuratur, petra scinduntur, corpora sanctorum, qui dormierant, resurgunt. In natiuitate etiam, eo iacente in præsepio, sydus de cælo fulget, angelus laudes cecinit; Magi & Reges munera offerunt. Simile autem habemus in hoc loco: Nam Christus secundum humanitatis affectum aliquid infirmum patitur; turbationem quandam de morte Lazari concipiens. vnde dicit (*Infremuit spiritu, & turbauit semetipsum.*

Circâ quam quidem turbationem; *Primo* quidem attende pietatem. *Secundo*, discretionem. *Tertio*, potestatem. 1. *Pietatem* ex causa, quæ est iusta. Tunc enim iuste turbatur, si ex aliorum tristitia & malo turbetur. (*Vt vidit eam plorantem.*) Rom. 12. *Gaudete cum gaudentibus, & flete cum flentibus.* 2. *Discretionem*: quia secundum iudicium rationis turbatur.



batur. vnde dicit (*Fremuit spiritu.*) quasi iudicium rationis seruans. In turbatione enim spiritus dicitur mens vel ratio, secundum illud Ephes. 4. *Renouamini spiritu mentis vestrae.* Quandoque autem contingit, quod huiusmodi passionibus sensitiua partis, nec fiunt spiritu, nec seruant moderamen rationis; quin potius magis ipsam perturbant: quod quidem in ipso non fuit: quia (*infremuit spiritu.*)

Sed quid significat fremitus Christi? Videtur quod iram. Prou. 19. *Sicut fremitus leonis, ita & ira Regis.* 2. Videtur, quod indignationem: secundum illud Psal. 111. *Dentibus suis fremet & tabescet.* Responso, iram & indignationem cordis significat. Omnis autem ira & indignatio ex aliquo dolore, & tristitia causatur. Duo autem hic suberant. Vnum de quo Christus turbatur, quod erat mors homini infligta propter peccatum. Aliud autem de quo indignabatur, erat sauitia mortis & diaboli. Vnde, sicut quando aliquis vult repellere hostem, dolet de malis illatis ab ipso, & indignatur ad animaduertendum in eum; ita & Christus doluit & indignatus est.

3. *Potestatem:* Quia ipse suo imperio turbauit semetipsum. Nam huiusmodi quidem passionibus aliquando insurgunt ex causa indebita, sicut cum quis de malis gaudet, & de bonis tristatur. Prou. 1. *Qui letantur cum malefecerint.* &c. Et hoc non fuit in Christo. Vnde dicit: (*Vt vidit eam plorantem, &c.*) 2. Aliquando insurgunt ex aliqua causa bona, non tamen ratione moderantur.

Et propter hoc dicit (*infremuit spiritu.*) 3. Aliquando au-

do autem & si moderentur ab aliquo, præueniūt tamen iudicium rationis : cuiusmodi sunt subiti motus. Quod quidem in Christo non fuit. Quia omnis motus appetitus sensitiui fuit in eo secundum modum, & imperium rationis. Ideo dicit (*turbauit semetipsum.*) q. d. iudicio rationis hanc sibi tristitiam assumpsit. *Sed contra Isa. 42. Non erit tristis, neque turbulentus. Responso,* Hoc intelligitur de tristitia perueniente & immoderata.

Voluit etiam Christus se turbare & tristiari ex triplici causa. *Primo*, ad probandum conditionem & veritatem humanæ naturæ. *Secundo*, Vt, dum tristatur, & cohibet seipsum, doceat modum seruandum esse in tristitiis. Stoici enim dixerūt quod nullus sapiens tristatur. Sed valde inhumanum esse videtur, vt aliquis de morte alicuius non tristetur. Aliqui autem sunt, qui in tristitiis de malo amicorum, nimis excedunt. Sed Dominus tristari voluit, vt significet tibi, quod aliquando debeas contristari, quod est contra Stoicos. Et modum in tristitia tenuit; quod est contra secundos. Vnde 1. Thessal. 4. *Notamus vos ignorare de dormientibus, vt non contristemini, sicut ceteri qui spem non habent. Eccle. 32. Super mortuum plora, quia defecit lux eius, subdit, Medicum plora, &c. Tercio*, Vt inlinuet quod nos pro mortuis corporaliter tristiari & plorare debemus, secundum illud Psalm. 37. *Afflictus sum, & humiliatus sum nimis.*

## PARS III.

*Disceptatio super turbatione Domini.*

**N**Vnquid Dominus locum, ubi positus erat ignorabat? Videtur quod non. Nam sicut virtute diuinitatis absens sciuit mortem eius, ita sciuit etiam locum sepulcri. Quare ergo quaerit, quo sciuit? *Responsio*, 1. Non ut ignorans interrogat, sed dum a populo sibi sepulcrum ostenditur, vult eos confiteri Lazarum mortuum & sepultum. Et sic miraculum ab omni susceptione eripit. 2. Sunt ad hoc etiam duae rationes mysticae. *Vna* est: Quia qui interrogat, videtur nescire ea de quibus interrogat, per Lazarum autem in monumento, signantur mortui in peccatis. Ostendit ergo Dominus se ignorare locum Lazari. Significans, quod quasi nesciat peccatores, secundum illud Matt. 7. *Non noui vos*, & Gen. 3. *Adam vbis?* *Alia* ratio est. Quia quod aliqui a peccato resurgant ad statum iustitiae diuinae, est ex profundo praedestinationis diuinae: quod quidem profundum homines ignorant. Rom. 11. *Quis cognouit sensum Domini, aut quis consiliaria eius fuit?* Hier. 23. *Quis enim affuit in consilio Domini, & vidit, &c.* Et ideo Dominus hoc innuens, ad modum nescientis se habuit; cum & ipsi hoc nesciamus. Sic ergo ponitur Domini interrogatio. Et sequitur populi responsio. (*Dicunt ei Domine veni & vide.*) (*Veni*) miserando, (*vide*) considerando. Ps. 24. *Vide humilitatem meam, & laborem meum, &c.*

II. Dominus affectum suum lacrymis demonstrat.



strat. Quæ quidem lachrymæ non erant ex necessitate; sed ex pietate & causa. Fons enim pietatis erat. Et ideo flebat, vt ostendat non esse reprehensibile si quis ploret ex pietate, Eccl. 8. *Fili, super mortuum produc lachrymas.* Fleuit ex causa, vt doceret hominem propter peccatum fletibus indigere, secundum illud Ps. 6. *Laboraui in gemitu meo, lauabo per singulas noctes lectum meum.*

III. (*Ecce quomodo amabat eum.*) Primo inducit quosdam admirantes Christi affectum. Secundo quosdam in dubium reuocâtes miraculum prius factum. I. Admirantes autem miraculum Christi inducit Euangelista per modum conclusionis, cū dicit. [*Dixerunt ergo Iudæi,*] ostensis, scilicet signis affectus Christi, tam verbis, quam lachrymis. [*Ecce quomodo amabat eum.*] Nam amor maxime in tristitiis hominum manifestatur. Eccl. 4. *In tristitia amicus cognitus est.*

*Myſtice* autem per hoc datur intelligi, quod Deus homines etiam in peccatis amat: nisi enim eos amasset, non utiq; diceret, Non veni vocare iustos, sed peccatores ad pœnitentiam. Matt. 6. vnde Hic. 31. In charitate perpetua dilexi te, ideo attraxi te miserans.

IV. [*Quidam autem ex eis dixerunt. Non, &c.* Vertentes autem in dubium miraculum factum, erant ex inuidis Iesu. Vnde dicit. [*Quidam autem ex ipsis dixerunt. Non potuit hic, &c.*] q. d. Si sic amabat eum, vt etiã pro eius morte lachrymaretur; videtur quod voluisset eum non mori. Nam tristitia est de his quæ nobis non volentibus acciderunt, Si ergo eo

nolente mortuus est, videtur quod non potuit mortem impedire, multo magis, quod non potuerit aperire oculos cœci nati. Vel dicendum, quod hoc dixerunt admirando, eo modo loquendi, quo Elisæus dixit. 4. Reg. 2. *ubi est Deus Elia, etiam nunc.* Et Psal. 88. *Vbi sunt misericordia tua antiqua Domine?*

## IV. CONCIONIS DISPOSITIONO.

*Iesus rursus fremens in semetipso, &c.*  
Ioan. II.

**SCOPVS.** Postquam Euangelista posuit quædam præambula ad suscitationem: Hic consequenter agit de ipsa suscitatione.

### PARTITIO.

- I. De lapide sepulcri.
- II. De oratione Domini.
- III. De Lazari suscitatione.
- IV. De solatione obligati.

### P A R S I.

*De lapide sepulcri.*

**I**esus ergo rursus fremens in semetipso venit ad monumentum. ] Studiose Euangelista frequenter dicit, quod lachrymatus est, & infremuit: ut Chrysost. notat: quia in futuro ostensurus erat sue diuinitatis potestatem. Ne ergo dubites de veritate

rate humanitatis, infirmiora & humilliora nostræ naturæ de Christo asserit. Et sicut Ioannes cæteris Euangelistis expressius diuinam naturam & potestatem ostendit; ita etiam quædam infirmiora de eo loquitur.

*Mystice* autem infremuit, significet eos, qui à peccatis resurgunt, in continuo debere persistere luctu: secundum illud Ps. 37. *Tota die contristatus ingrediebar.* Vel supra infremuit spiritu, propter mortem Lazari; Sic autem rursum in semetipso, propter infidelitatem Iudæorum. Vnde Euangelista præmiserat dubietatem miraculi, dicentium. (*Non posuit hic qui aperuit oculos, &c.*) Qui quidem fremitus fuit ex compassione & miseratione ad Iudæos. Matt. 14. *Videns Iesus turbas misertus est, &c.*

II. (*Erat autem spelunca, &c.*) Agitur hic de lapidis sublatione. Vbi quatuor. *Primo* describit lapidem. *Secundo* subdit mandatum Christi de lapide submouendo. *Tertio* addit disceptationem de lapidis amotione. *Quarto* insinuat mandati implementationem.

I. *Lapis* describitur (*Erat autem spelunca, & lapis superpositus erat ei.*) Sciendum quod in partibus illis cauernas quasdam in modum speluncæ habent ad hominum sepulturas, vbi possunt plura mortuorum corpora ponere diuersis temporibus; & habent foramen quoddam, quod lapide claudunt & aperiunt, quando est necesse. Simile Genes. 23. Vbi Abraham emit agrum & speluncam ad sepeliendum Saram vxorem suam.

*Mystice* autem per speluncā intelligitur profun-



ditas peccatorum. De quo Ps. 68. *Infixus sum in limbo  
profundi, &c.* Per lapidem superpositum intelligi-  
tur lex, quæ in lapide scripta est; & peccatum non  
tollebat, sed tenebat eos in peccato. Quia ex hoc  
gravius peccabant, quod contra legem faciebant;  
Vnde Ro. 11. *Conclusit scriptura omnia sub peccato.*

II. Mandatum Christi de lapide submouendo po-  
nit, dicens: [ *Ait Iesus. Tollite lapidem.* ] *Quæritur*, cum  
maius sit sulcitare mortuum, quam remouere la-  
pidem, quare non etiam simul cum hac sua virtu-  
te lapidem sustulit? *Respondet* Chryso. Hoc factum  
est ad maiorem certitudinem miraculi: vt eos te-  
stes faciat miraculi; ne dicant quod in cæco dixe-  
runt. Non est hic qui mortuus fuit.

*Mystice* 1. secundum Aug. remotio lapidis signat  
amotionem ponderis legalium obseruantiarum à  
fidelibus Christi, ex gentibus ad ecclesiam venien-  
tibus, quod eis aliqui imponere volebant. Vnde  
dicit B. Iacobus Act. 15. *Visum est spiritui sancto & no-  
bis, &c.* Et Petrus *Cur tentatis imponere iugum super cer-  
uices, &c.* De hoc ergo dicit Dominus ( *Tollite lapi-  
dem,* ) id est, legis pondus, & gratiam prædicate. 2.  
*Vel* per lapidem significat eos, qui in Ecclesia cor-  
rupte viuunt, & offensionem sunt credere volenti-  
bus, dum eos à conuersione retrahunt. De quo la-  
pide in Psal. 90. *Ne forte offendas ad lapidem pedem tuum.*  
Quæ quidem Dominus præcipit vt remoueatur,  
Isa. 51. *Auferte offendicula, &c.*

III. Disceptatio autem ponitur ex parte Marthæ.  
Et primo ponuntur verba Marthæ disceptantis.  
*Secundo*, verba Christi respondentis. 1. Verba  
Marthæ

Marthæ. (*Dicit ei Martha, soror eius qui mortuus fuerat, Domine iam fœtet, &c.*) Quod quidem ad literam factum est ad ostensionem veritatis miraculi, quasi iam per putrefactionem inciperent membra resolui. *Myſtice* autem de illo, qui peccata consuevit [*iam*] fœtet, sc. per pessimam famam, cuius odor deterrimus per peccatum consurgit. Nam sicut ex bonis operibus fragrat odor bonus, 1. Cor. 1. *Christi bonus odor sumus, &c.* Ita ex malis operibus fœtor, & malus odor euaporat. Qui etiam recte quatruiduanus dicitur: quasi pressus pondere terrenorum peccatorum, & cupiditatum carnalium. Terra enim est vltimum de quatuor elementis. *Joel 2. Ascendet fœtor ei, &c.* 2. Illi autem Christus respondit, dicens: (*Nonne dixi tibi, &c.*) Vbi Dominus videtur Martham arguere, quod non memor erat eius, quod Christus ei dixerat. *Qui credit in me, etiam si mortuus fuerit, viuet.* Nam Martha diffidebat, an Christus posset resuscitare mortuum quatruiduanum. Licet enim aliquos recenter mortuos suscitasset, impossibile tamen hoc de fratre credebatur, ob dierum diuturnitatem. Et ideo Dominus dixit ei, (*Nonne dixi tibi. Si credideris, videbis gloriam Dei,*) id est, suscitationem fratris tui per quam Deus glorificabitur.

Sed cum supra Dominus hoc miraculum Apostolis dixerit futurum ad gloriam suam, inquit: *Vt glorificetur filius Dei per eam, s. per mortem,* hic tamen dicit Marthæ hoc miraculum futurum ad gloriam Dei: & hoc ideo, quia eadem est gloria patris & filij, & spiritus sancti. Ideo autem non ex-

pressit hic gloriam filij, ne turbaret astantes Iudæos, ad contradictionem promptos.

Innuitur autem in his Domini verbis duplex fructus fidei nostræ. *Primus* est miraculorum operatio, quæ debetur fidei. Matt. c. 17. *Si habueritis fidem sicut granum sinapis, &c.* Vnde 1. Cor. 13. *Si habuero fidem, ita ut montes transferam.* Matt. ult. Illi autem predicauerunt ubique Domino cooperante, & sermone confirmante, sequentibus signis. Quæ quidem miraculorum operatio est ad gloriam Dei. Et ideo dicit (*Si credideris, videbis gloriam Dei.*) *Secundus* fructus est, visio æternæ gloriæ, quæ debetur fidei præmio. Vnde dicit [*Videbis gloriam Dei.*] Isa. 28. Secundum aliam literam: *Si non credideritis, non intelligetis*, 1. Cor. 13. *Videmus nunc per speculum, & in enigmate per fidem; tunc autem facie ad faciem.*

IV. Impletionem mandati ponit inferens, (*Tulerunt ergo lapidem.*) Vbi considerandum est secundum Origenem, quod mora tollendi lapidem adiacentem, ex sorore defuncti causata est, & ideo tamdiu resuscitatio fratris dilata est, quamdiu Christum per verba detinuit, sed statim cum Christi mandatum obediendo exequitur, frater resuscitatur. Ut per hoc discamus nihil interponere inter iussa Iesu, & ipsorum executionem, si cupimus quod statim salutis sequatur effectus, Psal.

17. *In auditu auris obediuit mihi.*





## PARS II.

*De Christi oratione.*

**C**irca hanc quatuor. Primo ponit orandi modum. Secundo orationis efficaciam. Tertio excludit orandi necessitatem. Quarto subiungit orationis utilitatem.

I. Modum orandi ponit congruentem, quia [*elevatis sursum oculis*], id est, intelligentiam suam erexit, adducens illam per orationem ad excelsum patrem. Nobis autem, si ad exemplum orationis Christi orare volumus, necesse est leuare oculos mentis nostræ ad eum; remouendo illos à præsentibus rebus, memoria, cogitationibus & intentionibus. Leuamus etiam oculos ad Deum, quando non confidentes de meritis nostris, de sola misericordia speramus; secundum illud Psalm. 122. *Ad te leuaui oculos meos, qui habitas in cælis. Et sicut oculi ancilla, &c. Threnorum 3. Leuemus corda nostra, &c.*

II. Orationis efficaciam ponit, cum dicit, (*Pater gratias ago tibi, quoniam audisti me.*) In quo argumentum habemus, quod Deus facilius est ad largiendum, secundum illud Ps. 9. *Desiderium pauperum exaudiuit Dominus.* Vt desiderium etiam ante, quam proferat verba, exaudiat. Isa. 13. *Ad vocem clamoris tui, &c.* Et 60. *Adhuc illis loquentibus: dicam, ecce adsum.* Multo ergo magis expectit arbitrari de Domino Salvatore, quod Deus pater præueniens

ueniens eius orationem exaudierit. Nam lachrymæ, quas Christus pro morte Lazari fuderat, vicem orationis habuerunt.

Per hoc autem quod in principio orationis gratias agit, datur nobis exemplum, quod cum orare volumus, antequam futura petamus, pro perceptis beneficijs Deo gratias referamus. 1. Tim. ult. *In omnibus gratias agite.*

Quod autem dicit, (*Quoniam audisti me.*) si exponatur de Christo secundum quod homo, non habet difficultatem: sic enim Christus minor pater erat; & secundum hoc competit sibi orare patrem, & exaudiri ab eo. 2. Si vero, vt Chrysost. vult, exponatur de Christo, secundum quod Deus; tunc verbum difficultatem habet: nam secundum hoc ei orare non conuenit nec exaudiri: sed potius aliorum orationes exaudire: Et ideo dicendum, quod tunc aliquis exauditur, quando voluntas eius impletur. Voluntas autem patris semper impletur: quia, Ps. 112. *Omnia quæcunque voluit Dominus fecit.* Cum ergo eadem sit voluntas patris & filij, quandoque pater implet voluntatem suam, implet voluntatem filij. Dicit ergo filius, quia Verbum, (*Quoniam audisti me,*) id est, fecisti quæ erant in verbo tuo, vt fierent. Dixit enim & perfecta sunt.

III. Necessitatem orandi excludit, dicens: *Ego autem sciebam, quoniam semper me audis, &c.* Vbi quasi obumbrate Dominus suam Diuinitatem ostendit, q. d. Ad hoc, vt fieret voluntas mea, non indigeo oratione; quia ab æterno voluntas mea impleta est. Heb. 5. *In omnibus exauditus est pro sua reueren-*

ria. Nam (*ego sciebam,*) s. certitudinaliter (*quoniam semper me,*) Verbum (*audis.*) quia quicquid facis, in me est, vt fiat. [*Item me hominem semper audis.*] quia voluntas mea semper est conformis voluntati tuæ.

IV. (*Sed propter populum qui circumstat, vt credant. &c.*) In quo significatur, quod multa fecit & dixit propter vtilitatem aliorum, Ioan. 13. *Exemplum dedi vobis, &c.* Nam omnis Christi actio, nostra est instructio. Voluit autem Christus specialiter per ipsam orationem demonstrare, se non esse alienum à patre; sed recognoscebat eum, vt suum principium: & ideo subdit. (*Vt credant, quia tu me misisti.*) Ioan. 16. *Hæc est vita æterna, &c.* Gal. 4. *Misit Deus filium suum, &c.* Et in hoc ponitur orationis vtilitas.

### P A R S III.

#### *De Lazari suscitatione.*

**T**Ria hic. Primo ponitur vox excitantis. Secundo vocis effectus. De I. Vox excitantis ponitur magna: (*Hæc cum dixisset, voce magna clamauit.*) 1. Et hoc ad literam, vt destrueret errorem Gentilium, & quorundam Iudæorum, dicentium, animas mortuorum commorari in tumulis cum corporibus: Ideo (*clamat,*) quasi animam ex longinquo euocans in tumulto non existentem. 2. Vel dicendum, & melius; quod vox Christi magna dicitur, propter virtutis eius magnitudinem. Nam tanta vir-



tus eius fuit, vt suscitaret Lazarum quatrduanum à morte, quomodo excitaretur dormiens à somno. Ps. 67. *Dedit voci sue, vocem virtutis.* 3. Vox etiam ista magna, representatiua est illius magnæ vocis, quæ erit in communi resurrectione, per quam omnes de monumentis resuscitabuntur. Matt. 25. *Media nocte clamor factus est, &c.* Clamat, inquam, dicens, [*Lazare veni foras.*] Quem ideo ex proprio nomine vocat: quia tanta erat virtus vocis eius, vt pariter omnes mortui cogerentur exire, nisi per expressionem nominis virtutem suam ad vnum determinasset: vt August. dicit de verbis Domini.

*Mystice* significatur quod Christus vocat peccatores foras exire de conuersatione peccati. Apoc. 18. *Exite de illa populus meus.* Item de occultatione eius, per confessionem ipsum peccatum manifestando. Iob 31. *Si abscondi quasi homo peccatum meum.*

De II. [*Et statim prodit, qui fuerat, &c.*] Ponitur vocis effectus. Et primo ponitur mortui resurrectionis. Secundo, resurgentis mortui dispositio. I. Resurrectio quidem mortui fuit festina ad Domini imperium: Vnde dicit (*& statim prodit, qui fuerat mortuus.*) Tanta enim erat virtus vocis Christi, vt absque temporis dilatione vitam conferret. Sicut erit in resurrectione communi, quando in ietu oculi, mortui audientes tubam canentem: Mortui qui in Christo sunt, resurgent primi, 1. Cor. 15. Iam enim anticipatur officium Christi, quod dicitur Ioan. 5. *Venit hora, & nunc est, quando mortui, qui in monumentis sunt, audient vocem filii, & qui audierint viuent, &c.* Sic ergo imple-

impletum est, quod dixerat Dominus. *Vado, vt excitem eum.* II. Quantum autem ad dispositionem resurgentis, dicitur (*ligatus,*) id est, habens ligatas [*manus & pedes in stitis,*] id est, fascijs: quibus antiqui mortuos inuoluebant [*& facies eius sudario erat ligata.*] Ne scilicet horrorem faceret. Ideo autem ligatum, & coopertum resurgere iussit; vt miraculum magis approbaretur.

## P A R S I V.

### *De solutione obligati.*

**R**atio est; vt ipsimet qui soluerent fidentiores testes essent miraculi; & eius quod fit, renacorem memoriam haberet. Similiter etiam dum eum tangunt & ipsi appropinquant, videant, quod vere est ille. Ideo autem addit (*& finite abire.*) vt ostendat miraculum non esse phantasticum. Aliqui enim Magi visi sunt aliquando mortuos suscitasse; non tamen huc eos perducere potuerunt, vt pristina officia exequerentur, & hoc quidem erat, quia eorum resuscitatio phantastica tantum erat, & non vera.

Hoc totum (*& statim prodiit*) mystice exponi ab Augustino: & dupliciter secundum duplicem modum prodeundi. 1. Prodit namque peccator, quando exit pœnitendo à consuetudine peccati, ad statum iustitiæ. 2. Cor. 6. *Exite de medio,* &c. 2. Qui tamen *habet manus ligatas in stitis,* id est, carnalibus concupiscentiis. Quia adhuc  
in

in corpore constituti, alieni à molestijs esse non possunt, etiam à peccatis surgentes. unde Rom. 7. *Ego ipse mente seruius legi Dei, &c.* Quod autem facies eius sudario tecta erat, hoc est, quod in hac vita plenam cognitionem Dei habere non possumus. 1. Cor. 14. *Videmus nunc per speculum in ænigmate, &c.* 4. Et ideo soluere eū iubet, & abire: quia post hanc vitam auferentur à peccato surgentibus omnia velamina, vt Deum facie ad faciem contemplantur. 1. Cor. 15. Tunc enim soluetur corruptibilitas corporis, quæ est quasi quoddam vinculum ligans & aggrauans animam ab omni huiusmodi, plena & clara contemplatione. Isa. 52. *Solue vincula colli tui, &c.* Sic ergo apparet vnus modus spiritualiter prodeundi, qui ponitur ab Augustino libro 83. Quæst.

*Alius modus* prodeundi est per confessionem, de quo Prou. 18. *Qui abscondit scelera sua, &c.* Sic enim prodire, est ab occultis exeundo, per confessionem manifestari. 2. Sed vt confitearis, Deus facit vocē, id est, grātia magna vocando. 3. Mortuus autem procedens adhuc ligatus, est confitens adhuc reus. 4. Vt autem soluantur peccata eius, ministris mandatur, vt soluant eum, & sinant abire. Nam quem Christus per seipsum interiūs viuificat, discipuli soluunt: quia ministerio Sacerdotum viuificati absoluuntur. Matt. 16. *Quæcunque solueris super terram, &c.*

Dicunt autem quidam hoc ministerium prosequentes, quod sicut Christus Lazarum per seipsum viuificauit; viuificatum à discipulis absoluendum man-



mandauit: ita Deus interius viuificat animam per gratiam, remittendo culpam, & absoluendo à reatu pœnæ aternæ: Sed sacerdotes virtute clauium absoluunt à parte pœnæ temporalis. *Sed* hæc positio nimis parum attribuit Ecclesiæ clauibus. Hoc est enim proprium sacramentorum nouæ legis, quod in eis gratia conferatur. Sacramenta autem in dispositione ministrorum consistunt: Vnde in sacramento pœnitentiæ contritio, & confessio se tenent materialiter, ex parte suscipientis sacramentum. Vis autem causatiua sacramenti est in absolutione sacerdotis, ex virtute clauium, per quas effectum Dominicę passionis quodammodo applicat ad eum quem absoluit, vt remissionem consequatur. Si ergo sacerdos non absolueret nisi solum à pœnâ, sacramentum pœnitentiæ non esset gratiæ collatiuum, per quam culpa remittitur; & per consequens non esset sacramentum nouæ legis.

Est ergo dicendum, quod sicut in sacramento baptismi sacerdos verba proferens, & exterius abluens, ministerium baptismi exhibet, Christo interius baptizante: ita sacerdos exterius virtute clauium ministeriū absolutionis impendit, Christo per gratiam culpam remittente.

Sed hoc *dubium* facere videtur, quod ad baptismum plerunque, accedunt pueri, non ante baptismum iustificati, qui in baptismo remissionis gratiam consequuntur. Ad absolutionem vero consequendam accedunt adulti plerunque antea per contritionem, peccatorum remissionem conse-

cuti, vt sic sequens absolutio nihil facere videatur ad peccatorum remissionem. *Dico.* Si quis diligenter consideret ex vtraq; parte adultos accipiens, inuenietur omnimoda similitudo. Contingit enim aliquos adultos, antequam actu sacramentum baptismi consequantur, habentes illud in voto, remissionem peccatorum consequi baptismo flaminis baptizari, & tamen baptismus sequens, quantum est de se, remissionem peccatorum operatur, licet in isto cui iam sunt remissa, hoc locum non habeat, sed solum augmentum gratiæ consequatur. Si quis autem adultus ante baptismum non perfecte fuisset dispositus ad consequendum remissionem peccatorum, in ipso actu dum baptizatur, remissionem consequitur virtute baptismi, nisi ponat per fictionem obstaculum Spiritui sancto. Et similiter est dicendum in pœnitentia. Si quis enim ante absolutionem sacerdotis plene contritus fuerit, consequitur remissionem peccatorum, eo quod habet in voto, vt subiiciat se Ecclesiæ clauibus, sine quo vera contritio non esset. Si autem antea non plena fuisset contritio sufficiens ad remissionem: In ipsa absolutione remissionem culpæ consequitur, nisi ponat obstaculum spiritui sancto. Et similiter est in Eucharistia & extrema vnctione, & in aliis sacramentis, &c.

SABBATO POST DOM. IV.  
QVADRAGES.

*Ego sum lux mundi. Ioan. 8.*

**S**COPVS. Postquam Euangelista introduxit Christum multa docentem; hic ostendit doctrinæ ipsius illuminatiuam virtutem.

PARTITIO.

I. *Lucis commendatio.*

II. *Se esse Lucem mundi manifestat.*

III. *Afferit testimonium suum.*

IV. *Percunctationem de Patre factam resoluit.*

PARS I.

*De Lucis commendatione.*

**H**ic tria facit. Primo ponit spiritualis lucis priuilegiū. Secundo eius effectū. Tercio eius fructū. De I. Priuilegium spiritualis lucis ponitur quantum ad Christum, qui est lux: (*Iterum locutus est eis. Ego sum; &c.* Quod potest continuari ad antecedentia ubi dixit; *Nec ego condemnabo te, &c.* absoluens eam à crimine. Ideo ne aliqui dubitarent, vtrum absolvere posset, & peccata dimittere; dignatur apertius Diuinitatis suæ potentiam

2. 2. demon-



demonstrare, dicens, se esse lucem, qui peccati tenebras pellit. Alio modo potest continuari ad illud, quod Ioan. 7. dixit. *Scrutare scripturas, & vide quia Propheta à Galilæa, &c.* Quia enim eum aestimabant Galilæum, & quasi ex loco determinato dependentem, doctrinam eius repudiabant: ideo Dominus ostendit se totius mundi esse lucem vniuersalem, dicens. [*Ego sum lux mundi,*] non Galilææ, neque Palestinæ, neque Iudææ.

Manichæi autem, vt Aug. dicit, hoc falso intelligebant, quia enim imaginatio eorum erat solum de sensibilibus: Ideo nō valebant se ad intellectualia, & spiritualia extendere. Credebant enim supra corporalia nihil esse in rerum natura: vnde dicebant Deum esse corpus & lucem quandam infinitam; & Solem istum oculis carnis visibilem, Christum Dominum esse putauerunt. Et propter hoc ipsum dixisse. [*Ego sum lux mundi.*] Sed hoc stare non potest, & Ecclesia Catholica improbat tale figmentum. Sol enim iste corporalis est lux, quam sensus attingere potest; & ideo non est suprema lux, quam intellectus solus attingit, quæ est lux intelligibilis propria rationalis creaturæ: hic de ea dicit Christus. [*Ego sum lux mundi, &c.*] De ista dicitur, Ioan. 1. *Erat lux vera quæ illuminat, &c.* Lux autem ista sensibilis, imago quædam est illius lucis intelligibilis. Nam omne sensibile est quasi quoddam particulare: Intellectualia autem sunt quasi totalia quædam. Sic autem ista lux particularis habet effectum in re visa, in quantum colores facit actu visibiles: Et etiam in vidente, quia per

per eam oculus confortatur ad videndum: sic luxilla intelligibilis intellectum facit cognoscentem: quia quicquid luminis est in rationali creatura, totum deriuatur ab ipsa suprema luce. Ioan. 1. *Illuminat omnem hominem*, &c. Item facit res omnes actu intelligibiles, inquantum ab ipsa deriuantur omnes formæ, per quas res habent, quod cognoscantur. Sicut omnes formæ artificiatorum deriuantur ab arte, & ratione artificis. Ps. 13. *Quam magnificata sunt opera tua Domine, omnia in sapientia fecisti.*

Ideo recte dicit. [*Ego sum lux mundi.*] non sol factus, sed per quem sol factus est. Tamen, vt Aug. dicit, lumen, quod solem fecit, sub sole factum est, & carnis nube tegitur; non vt obscuretur, sed vt temperetur.

Excluditur etiam per hoc hæresis Nestorij dicentis, quod filius Dei erat vnitus homini per inhabitationem tantum. Constat enim, quod qui hæc verba proferebat, sc. *Ego sum lux mundi*, homo erat. Nisi ergo ipse qui loquebatur, & videbatur homo, personaliter esset filius Dei; non dixisset (*Ego sum lux mundi.*) sed in me habitat lux mundi.

De II. Effectus autem huius lucis est, expellere tenebras. Vnde dicit. *Qui sequitur me, non amb.* &c.) Et quia lux ista vniuersalis, ideo vniuersaliter tenebras omnes expellit. Sunt autem triplices tenebræ. 1. Ignorantiæ. Ps. 81. *Nesciuerunt neq; intellexerunt, in tenebris ambulant.* Et hæ sunt rationis secundum seipsam, inquantum per seipsam obnubilatur.

2. Culpa. Ephes. 5. *Eratis aliquando tenebrae, &c.* Et istae sunt rationis humanae non ex appetitu; in quantum male dispositus per passionem vel habitum, appetit aliquid ut bonum, quod tamen non est vere bonum. 3. Tenebrae damnationis aeternae. Matt. 25. *Inutilem servum eijcite in tenebras exteriores.* Sed duae primae sunt in vita ista. Tertia vero sunt in termino vitae. (*Qui ergo sequitur me, non ambulat in tenebris*) ignorantiae. Quia ego sum veritas. Nec culpa; quia ego sum via, &c. Neque damnationis aeternae; quia ego sum vita.

De III. Et ideo consequenter subdit fructum doctrinae, sc. (*Habebit lumen vitae.*) Nam qui hoc lumen habet, est extra tenebras damnationis. Dicit autem (*Qui sequitur.*) Quia sicut quicumque non vult errare in tenebris, oportet, ut sequatur eum qui lumen portat: ita quicumque vult salvari, quod sequatur Christum, qui est lux credendo, & amando. Sic Apostoli secuti sunt eum, Matt. 4. Quia vero lux corporalis deficere potest per occasum, contingit, ut, qui sequitur eum, tenebras incurrat. Lux vero ista quae nescit occasum, nunquam deficit; & ideo qui sequitur eam, habet lumen indeficiens, sc. vitae. Lumen enim visibile non dat vitam, sed coadiuvat exterius operationes vitae corporalis. Lumen vero istud vitam dat, qui vivimus in quantum intellectum habemus: quia est quaedam participatio illius lucis. Quando autem lux illa perfecte irradiabit, tunc habebimus vitam perfectam. Ps. 35. *Apud te est fons vitae, & in lumine tuo videbimus lumen.* q. d. Tunc ipsam vitam perfecte habebi-



IN SABBAT. POST DOM. IV. QVAD. 357  
bebimus, quando ipsum lumen per speciem vide-  
bimus. Vnde Ioan. 17. *Hæc est vita æterna, vt cogno-  
scant te solum verum Deum, &c.* Sed attende. Hoc,  
*Qui sequitur me*, pertinet ad meritum: quod vero  
dicit. (*Habebit lumen vitæ.*) ad præmium.

## PARS II.

*Manifestat se esse lucem mundi.*

PRimum autem, quod dixit est. *Ego sum lux mun-  
di*, quod Iudæos turbabat, & ideo. Primo ponit  
Iudæorum contradictionem. Secundo eorum con-  
futationem, manifestando veritatem sui dicti. De  
I. Manifestum est autem circa primum; quod illa,  
quæ dixit in templo, dixit in conspectu turbarum,  
hic autem coram Pharisæis, & ideo dixerunt ei  
Pharisæi. *Tu de teipso testimonium perhibes, testimonium  
tuum non est verum,* ) quasi dic. Ex hoc ipso, quod  
tu de teipso testificaris, testimonium tuum non  
est verum. In hominibus enim nec acceptum, nec  
congruum est, quod homo se laudet. Prouerbio-  
rum 27. *Laudet te alienus, & non ostuum: quia non  
ex hoc commendabilis redditur, sed si à Deo commen-  
datur.* 2. Corinthiorum 10. *Non enim qui sei-  
psum commendat, ille probatus est; sed quem Deus com-  
mendat, quia solus Deus perfecte eum cogno-  
scit. Deum autem nullus potest sufficienter com-  
mendare: nisi ipse seipsum: & ideo oportet,  
ipse de seipso testificetur, & etiam de homini-  
bus.* Iob 16. *Ecce in celo testis meus.* Et ideo Iudæi

decipiebantur. De II. [*Si ego testim. perhibeo, &c.*] Dominus repellit eorum contradictionem, auctoritate patris. Contradictio autem Iudæorum erat per quandam consequentiam. Et ideo ostendit eorum consequentiam non tenere. Et primo ostendit consequentiæ falsitatem. Secundo subdit deceptionis ipsorum causam.

De I. Consequentia istorum erat, quod ex hoc ipso quod Christus de se testimonium perhibeat, testimonium eius non erat verum; sed Dominus dicit contrarium, sc. quod ex hoc ipso verum est, unde [*respondit, & dixit eis. Si ego testimonium perhibeo de me ipso, testimonium meum verum est.*] & hoc ideo [*quia ego scio, &c.*] q. d. secundum Chrysostom. Quia ex Deo sum, & Deus, & Dei filius. Est autem Deus verax. Rom. 2. Dicit autem, [*Scio unde veni,*] id est, cognosco meum principium. Et quo vado, scilicet ad patrem, quem nullus perfecte scire potest, nisi filius Dei. Matt. 11. *Nec patrem quis novit, nisi filius, &c.* Non autem, quod, quicumque scit affectu, & intellectu, unde veniat & quo vadat; non potest nisi verum dicere: nam à Deo venit, & ad Deum vadit. Deus autem veritas est: quanto ergo magis filius Dei, qui perfecte scit, unde venit & quo vadit, verum dicit?

De II. (*Vos autem nescitis unde venio, &c.*) Ostendit causam erroris, quæ est ignorantia diuinitatis Christi: quia enim ipsam ignorabant, iudicabant de eo secundum humanitatem. Sic ergo duplex causa erroris erat in eis. Una. Quia eius Diuinitatem

tatem ignorabant: *alia*, Quia de eo secundum humanitatem tantum iudicabant: Et ideo quo ad primam dicit, (*Vos nescitis unde venio,*) id est, æternum meum processum à patre (*Aut quo vado.*) Ioan. 7. *Est verax, qui misit me, &c.* Iob. 28. *Vnde ergo venit sapientia?* Is. 53. *Generationem eius quis enarrabit?* Quo ad secundam dicit, (*Vos secundum carnem iudicatis*) sc. de me; me solum carnem esse putantes; non autem Deum: Vel (*secundum carnem*) id est, male & iniuste. Sicut enim secundum carnem vivere, est male vivere; ita & secundum carnem iudicare, est male iudicare.

### PARS III.

*Afferit testimonium suum.*

**O**stendit testimonium suum esse verum: & falsum esse, quod ipse solus de se testimoniū perhibeat: Et quia de iudicio mentio facta est, ostendit *Primo*, se non esse solum in iudicando. *Secundo*, se non esse solum in testificando. De I. tria facit. *Primo* ponit iudicij dilationem. *Secundo* iudicij veritatem. *Tertio* veritatis rationem. 1. Dilationem quidem iudicij ponit, cum dicit. (*Ego non iudico, &c.*) q. d. vos iudicatis male; sed (*ego non iudico quenuquam*) Ioan. 3. (*Non enim misit Deus filium suum in mundum, &c.*) Vel (*non iudico quenuquam*) scilicet secundum carnem, sicut vos iudicatis. Is. 11. *Non secundum visionem oculorum iudicabit, &c.* Sed tamen quandoque iudicabo; quia pater omne iudicium dedit filio Ioan. 5. Et tunc (*iudicium meum verum est,*)



id est, iustum. Psal. 95. *iudicabit orbem terra in aequitate*, Ro. 2. *Scimus, quia iudicium Dei est secundum veritatem*, &c. In quo ostenditur iudicij veritas.

3. Rationem veritatis ostendit, cum dicit (*quia non sum solus.*) quod autem dicit, Ioan. 5. *Pater non iudicat quenquam*: intelligendum est seorsum à filio: Vel quia non visibiliter pater apparebit omnibus in iudicio, & ideo dicit (*non sum solus*) Quia nō derelictus ab ipso: sed simul cum ipso. Ioan. 14. *Ego in patre, & pater in me est*. Hoc autem verbum excludit errorem Sabellij dicentis, vnā esse personam patris & filij: nec differre nisi secundum nomina. Si enim hoc esset, non dixisset (*non sum solus: sed ego, & qui misit me.*) Sed dixisset, ego sum pater, & ego ipse sum filius. Distingue ergo personas, & cognosce filium esse alium à patre.

De II. (*In lege vestra scrip. &c.*) Ostendit, quod nō est solus in testificando, nec tamen differt testimonium sicut iudicium: vnde non dicit testimonium non perhibeo. *Primo* ergo introducit legem. *Secundo* concludit propositum, Dicit ergo (*in lege vestra, & vobis data*. Eccl. 24. *Legem mandauit Moyses, vt scriptum est Deut. 10. Quia duorum hominum testimonium verum est*. sic enim est ibi. *In ore duorum aut trium stabit omne verbum*.

Sed secundum Aug. est magna questio, quod dicit duorum hominum testimonium verum est. Fieri enim potest, vt duo mentiantur. Nam Susanna casta duobus falsis testibus arguebatur. Dan. 13. Vniuersus etiam populus mentitus est contra Christum. *Responsio*, hoc quod dicit. (*duorum homi-*

*hominum testimonium verum est.* ) intellige, quod pro vero in iudicio est habendum. Cuius ratio est, quia in actibus humanis, vera certitudo haberi nō potest, & ideo accipitur inde id, quod certius haberi potest, q̄ est per multitudinē testium. magis enim est probabile, quod vnus mentiatur, quam quod multi. Eccl. 4. *Funiculus triplex, difficile soluitur.*

Nihilominus tamen per hoc, quod dicit, *In ore duorum aut trium testium, &c.* Reducit nos, secundum Aug. in considerationem Trinitatis, in qua est perpetua stabilitas veritatis, à qua omnes veritates deriuantur. Dicit autem (*duorum vel trium*) quia in scriptura sacra, quandoque nominantur tres, quandoque duæ personæ, cum quibus etiam intelligitur spiritus sanctus, qui est nexus duorū. Si ergo duorum hominum testimonium verum est, vel trium, testimonium meum verum est.

II. Quia & (*ego testimonium perhibeo de meipso, & testimonium perhibet de me, qui misit me, pater.*) Ioan. 5. *Ego testimonium habeo maius Ioanne.* Sed hoc non videtur ad propositum pertinere. Primo, quidem, quia pater filij Dei non est homo. Et cum ipse dicat (*duorum hominum, &c.*) Secundo vero, quia tunc sunt duo testes alicuius, quando testificantur de aliquo tertio: sed si vnus testificatur de vno, non sunt duo testes. Cum ergo Christus testificetur de se, & similiter pater de Christo; videtur quod non sunt duo testes. Sed *dicendum*, quod Christus hic arguit per locum à minori. Manifestum est enim, quod veritas Dei maior est, quam veritas hominis. Si ergo credunt testimonio hominū, multo magis cre-

credendum est testimonio Dei. Ioan. 5. *Si testimonium hominum accipitis, testimonium Dei maius est.* Item hoc dicit, ut ostendat se consubstantiali patri, & non indigentem alieno testimonio, ut dicit Chrys.

## P A R S I V.

*Pereunctionem de Patre resoluit.*

**P**rimo ponit quæstionem Iudæorum. Secundo responsionem Christi. Tertio innuit securitatem respondentis. I. Quæstio autem Iudæorum proposita Christo est de patre, ubi esset. Vnde dicebant ei. (*Vbi est pater tuus?*) Intelligebant enim Christum habere patrem hominem, sicut ipsi habent: & ideo quia audierunt eum dicere, Solus non sum, sed ego & qui misit me, pater, & hic viderant eum solum, dicunt (*Vbi est pater tuus?*) 2. Vel dicendum, quod loquuntur hic cum quadam ironia & contumelia. q. d. Quid frequenter patrem tuum nobis inducis? nunquid est tantæ virtutis, ut eius testimonio credatur? Ignotus enim est, & ignobilis. Intelligebant hoc de Ioseph: nihilominus tamen patrem ignorabant. Psal. 113. *Ne quando dicant gentes, ubi est Deus eorum.*

II. Responsio autem Christi est occulta, (*Respondit Iesus. Neque me scitis.*) Quia enim non studio ad discendi; sed malignandi quærebant, ideo Christus non aperit eis veritatem; sed ostendit primo quidem ipsorum ignorantiam, Secundo quomodo possint ad veritatis cognitionem peruenire. Ignorantiam



rantiam quidem ipsorum ostendit, cum dicit. (*Neque me scitis, &c.*) q.d. Non quæritis de patre; quia me nescitis. Quia enim me hominem putatis, ideo patrem meum hominem quæritis: sed quia me non noscitis, neque patrem cognoscere potestis.

*Sed contra.* Ioan. 7. *Et me scitis, & vnde sum scitis.* Dico, Sciebant eum secundum humanitatem, sed non secundum diuinitatem. Sciendum ex Origene, Quod ex hoc verbo aliqui sumentes occasionem erroris, dixerunt, patrem Christi non fuisse Deum veteris testamenti. Nam ipsum Iudæi cognoscebant, secundum illud Psal. 75. *Notus in Iudæa Deus.* Sed ad hoc est quadruplex responsio. *Prima*, quia ideo dicit Dominus Iudæos patrem ignorare; quia ad modum ignorantium se habent, in quantum mandatum eius non seruant. Et hæc responsio pertinet ad actum. *Secunda* dicuntur Deum ignorare, quia non adherent ei spiritualiter per amorem. Qui enim aliquid cognoscit, ei adheret. *Tertia*, quia etsi cognoscerent eum per fidem, non tamen habebant de eo plenam scientiam. Ioan. 1. *Deum nemo vidit vnquam. Vnigenitus, &c.* *Quarta*, quia in veteri testamento innotuit pater sub ratione Dei omnipotentis. Exo. 4. *Ego apparui eis in Deo omnipotente, &c.* non autem sub ratione patris. Vnde licet scirent eum vt Deum: non tamen vt patrem filij consubstantialis.

Viam autem perueniendi ad cognitionem patris dicit se esse. vnde (*Si me sciretis.*) q.d. Quia patrem meum loquor occultum, opus prius est, vt me no-  
ueritis,

ueritis, & tunc patrem meum forsitan scietis. Nā filius est via cognitionis paternæ. Ioan: 14. *Si cognouissetis me, &c.* Nam secundum Aug. quid est. (*Si me sciretis.*) nili ego, & pater vnum sumus. Quotidiana locutio est, cum vides aliquem alicuius similem, vt dicas si hunc vidisti, illum vidisti, non tamē quod pater sit filius, sed quia sit patri similis. Dicit autem (*forſitan*) non dubitatie: sed increpatie: Velut si indigneris seruo tuo; & dicas: Contemnis me, considera, quod forsitan Dominus tuus sum.

Securitatem autem Christi respondentis ostendit Euangelista, cum dicit. (*Hæc verba locutus est Iesus, &c.*) Et primo quidem ex loco vbi docebat: quia in Gazophilatio, & in templo, Gaza enim, Persica lingua, dicuntur diuitiæ; *φιλάτειν* vero seruare: vnde gazophilatium ponitur in scriptura pro arca vbi diuitiæ conseruantur. Sic 4. Reg. 12. tulit Ioiada sacerdos gazophilatium, &c. Aliquando autē pro domo vbi diuitiæ conseruātur, & sic accipitur hic. *Secundo*; ex hoc, quod illi qui missi fuerant ad eum apprehendendum, hoc facere non potuerunt; quia ipse nolebat: vnde dicit. (*Et nemo apprehendit eum, quia nondum venit hora eius,*) in qua pateretur; non fatalis, sed sua voluntate ab æterno prædestinata: vnde Aug. (*Nondum venerat hora eius,*) non quæ cogeretur mori: sed qua dignaretur occidi.

Sed nota, secundum Orig. quod quodocunq; designatur locus, in quo Dominus aliquid fecit, hoc fit propter mysterium. In gazophilatio ergo, qui est locus diuitiarum, Christus docuit: vt significaret, quod numismata, i. verba suæ doctrinæ, i-

magi-

magi  
iam  
Quia  
cape  
tuit

FE

M

PH

di

tra eu

escer

tes, e

sabb

sed h

sturn

quod

Quia

men

perio

SC

gi

suu

maginem Regis magni impressam habet. Nota etiam quod quando docebat (*nemo apprehendit eum.*) Quia sermones eius fortiores erant his, qui eum capere volebant, quando vero voluit crucifigi, tacuit.

## FERIA II. POST DOM. PASSIONIS.

*Miserunt Principes & Phar. &c. Ioan. 7.*

**P**harisei, vt Chrysostomus ait, quamuis multa diceret Dominus, non tamen sunt moti contra eum. Quando autem vident turbam ei acquiescere, statim concitantur contra eum, & insaniētes, eum occidere cupiebant. Ex quo patet, quod sabbati solutio non erat vera causa odij eorum: sed hoc eos maxime mordebat, quod turba Christum glorificabant. Et hoc patet Ioan. 13. *Videris, quod nihil proficimus. Ecce totus mundus post eum vadit.* Quia vero ipsi Christum capere non audebant, timentes periculum, ministros mittunt, tanquam periculis expositos.

**SCOPVS.** Postquam igitur posuit Dominus originis sue principium, hic consequenter insinuat suum terminum, quo iturus est per mortem.

## PARTITIO.

- I. *Se mortis sue habere docet potestatem, & voluntatem.*
- II. *Iudais olim desiderium Christi fore prænunciat, sed & frustrationem.*



III. *Ad sese Dominus inuitat omnes.*

IV. *Dictorum facit expositionem Dominus.*

## P A R S I.

*Se mortis suæ potestatem habere ac voluntatem docet.*

**H**ic duo Dominus. *Primo* prænuntiat mortis suæ dilationem. *Secundo* innuit, quod iturus est per mortem, & sic in *primo* ostendit suam potestatem. In *secundo* patiendi voluntatem. De I. *Potestatem* quidem suam ostendit in dilatione mortis, quia licet Iudæi quærerent eum apprehendere; non tamen hoc possunt, nisi Christus velit. Ioan. 10. *Nemo tollit animam meam, sed ego pono eam.* Et ideo (*dixit eis Iesus. Adhuc modicum tempus, &c.*) q. d. Vultis me interficere: sed hoc non est positum in voluntate vestra: sed in voluntate mea, & ego determino quod (*adhuc modicum tempus vobiscum sum.*) Hoc quod vultis modo facere, facturi estis. In quo quidem Dominus satis facit. *Primo* quidem turbæ, quæ eum reuecebatur, faciens eam magis auidam ad audiendum, quasi paruo tempore derelicto, in quo possent hac doctrina potiri, vt Chrys. dicit, Ioan. 10. *Dum lucem habetis, credite in lucem.* *Secundo* itē turbæ, quæ eum persequiebatur, quasi dicat. Non diu differetur desiderium vestrum de morte mea: vnde patienter sustinete. (*Quia adhuc modicum.*) Implere enim debeo dispensationem meam, prædicando sc. & miracula faciendo, & sic peruenire ad passionē, Luc. 13. *Ite & dicite vulpi illi, quia hodie, &c., operor*

*operor & tertia die consummor.* Est autem triplex causa, quare Christus modico tempore voluit prædicare. *Prima.* Ad demonstrandum suam virtutem, ut in tam modico tempore totum mundum immutaret. Psal. 83. *Melior est dies vna in atriis tuis super millia.* *Secunda.* Ad excitandum desiderium discipulorum: ut scilicet magis eum desiderarent, quæ modico tempore corporali præsentia habituri erant, Luc. 16. *Venient dies in quibus desiderabitis vnam diem filij hominis.* *Tertia* est ad augmentandum discipulorum spirituales profectum. Cum enim Christi Humanitas sit nobis via tendendi in Deum, Ioan. 14. *Ego sum via, veritas, & vita:* Non debemus in ea quiescere, ut in termino; sed per eam in Deum tendere. Ne ergo corda discipulorum, ad Christum carnaliter affecta, in eo; ut in homine, quiescerent; ideo Christus corporalem sui præsentiam ab eis cito subtraxit. Vnde dicebat Ioan. 16. *Expedi vobis ut ego vadam,* 2. Cor. 6. *Et si Christum secundum carnem nouimus:* tunc scilicet quando corporaliter nobiscum erat: *sed nunc iam non nouimus.*

II. Voluntatem autem suæ passionis ostendit, cum dicit: *Vade ad eum, qui misit me.* Quasi spontaneus, sc. per passionem, Isa. 52. *Oblatus est, quia ipse voluit.* Eph. 5. *Obtulit semetipsum hostiam Deo in odorem suauitatis.* (*Vado,*) inquam ad patrem (*qui misit me.*) Et hoc conuenienter. Nam quælibet res naturaliter redit ad suum principium, Eccl. 1. *Ad locum vnde exeunt flumina reuertuntur.* Ioan. 12. *Sciens quia à Deo exiuit: & ad Deum vadit.* Et iterum 16. *Vado ad eum qui misit me.*

## P A R S II.

*Iudæorum desiderium Christi præannunciat; simulque frustrationem.*

I. **D**ESIDERIUM: q. d. Modicum est, quod potestis mea doctrina frui; sed hoc modicum, quod modo respicitis, quandoque (*queritis & non inuenietis.*) Isa. 55. *Querite Dominum, dum inueniri potest.* Psalm. 68. *Querite Dominum, sc. in præsentem, & uiuet anima uestra.* Hoc autem, (*Quæretis me, &c.*) potest intelligi Vel de inquisitione corporali Christi: Vel de spirituali. Si vero intelligatur de corporali; sic secundum Chryso. quæsierunt eum, quando filia Hierusalem, sc. mulieres plangebant super eum, Luc. 23. & credibile est hoc tunc multos alios passos esse. Neque hoc est etiam à veritate remotum: quod imminente tribulatione Iudæis, cum ciuitas caperetur; memores Christi & miraculorum eius; desiderarint eius præsentiam, qua liberarentur: & secundum hoc dicendum est. (*Quæretis me*) id est, meam præsentiam corporalem, & (*non inuenietis*) Si vero intelligatur de spirituali, dicendum est secundum Aug. quod eum, quem noluerunt cognoscere præsentem, tunc postea quæsierunt eum, videntes multitudinem credentem, compuncti de scelere mortis Christi; dixerunt Petro, Act. 2. *Quid faciemus? &c.* Sic ergo quæsierunt Christum, quando crediderunt in eum, suis sceleribus ignoscentem; quem viderunt ipsorum scelere morientem.



II. (*Vbi ego sum, vos non potestis venire.*) Ostendit eorum defectum, nec dicit: *Quo vado*; quod esset magis consequens ad præmissa, sc. vado ad patrem qui me misit, sed dicit, (*Vbi ego sum.*) Vt ostendat se Deum & hominem. Hominem quidem in quantum vadit. Ioan. 16. *Vado ad eum, qui me misit.* sed in quantum semper ibi erat Christus, quo fuerat rediturus; ostendit se Deum. Ioan. 3. *Nemo ascendit in coelum, nisi qui descendit de caelo.* Sic ergo secundum August. sicut Christus rediit ut nos non relinqueret; licet ad nos per assumptionem visibilis carnis descendit, ut secundum inuisibilem maiestatem etiam esset in caelo.

Non autem dicit non inueniatis, quia aliqui ituri erant. Sed dicit. (*Non potestis venire,*) quamdiu sc. sic dispositi estis. Nullus enim ad hæreditatem celestem peruenire potest, nisi sit hæres Dei. Hæres autem Dei quis efficitur per fidem Christi. Ioan. 1: *Dedit eum potestatem filios Dei fieri, his qui credunt in nomine eius.* Iudæi autem nondum in eum credebant, & ideo dicit (*non potestis venire.*) Psal. 23: requirit: *Quis ascendet in montem Domini?* Et respondetur: *Innocens manibus, & mundo corde.* Iudæi autem non erant mundo corde, nec innocentes manibus: quia volebant Christum interficere: ideo dicit. *Non potestis ascendere in montem Domini.*

III. (*Quo hic iturus est: quia non inueni eum? &c.*) Ponitur Iudæorum admiratio: qui, licet carnaliter de Christo sciperent; tamen ex parte credebant. Et tria faciunt. Primo, admiran-

tur. *Secundo* suspicantur. *Tertio* contra suspicionem argumentantur. 1. Admirantur, cum dicunt ad semetipsos, (*Quo iturus est hic; quia nō inueniemus eum?*) Vt enim dictum est, hoc carnaliter intelligebant.

1. Cor. 2. *Animalis homo non percipit, &c.* ideo quo esset iturus, non quidem per mortem, sed corporaliter ad aliquem locum, quo eis non liceret ascēdere, suspicantur super hoc dicentes. 2. (*Nunquid in dispersionem gentium iturus est, & docturus: gētes?*) Nam gentes alienatæ erant à conuersatione Iudæorum. Ephes. 2. *Hospites testamentorum, &c.* & ideo quasi ei exprobrantes dicunt (*in dispersionem gentium.*) quæ scilicet indistinctæ erant, & imperfecte adinuicem permixtæ. Genes. 10. *Hæ sunt familiæ Noe, &c. & ab his diuise sunt, &c.* Sed populus Iudæorum collectus erat loco, & cultu vnius Dei, & obseruatione legis. Psal. 146. *Edificans Hierusalem Dominus, dispersiones Israelis congregabit.*

Nec dicunt, quod iturus sit ad gentes quasi gētilis futurus; sed tanquam eas redukturus: Vnde subdunt (*& docturus gentes.*) Quod forte sumpserūt ex Isa. 49. *Parum est mihi, vt sis mihi seruus ad suscitandas tribus Iacob & feces Israel conuertendas: dedi te in lucem gentium, &c.* Quamuis autem isti non intelligerent ea, quæ dicunt; sicut nec Caiphas intellexit, cum dixit: *Expedi vobis, vt vnus homo moriatur, &c.* tamen verum dicunt, & salutem gentium prædixerunt, vt Augu. dicit, quod iturus esset ad gentes, non præsentia corporis, sed pedibus suis, s. Apostolicis. Misit enim ad nos membra sua, & fecit nos sua membra. Ioan. 10. *Alias oues habeo quæ nō sunt*

sunt ex hoc ouili; & illas oportet me adducere, & fiet vnum ouile, &c. Ideo Isa. 2. dicitur in persona gentium, docebis nos vias suas.

3. Obiiciūt autem contra ea quæ suspicantur dicentes. (*Quis est hic sermo quem dixit? Quæretis me, &c.*) quasi dicat. Si dixisset. (*Quæretis me, & non inuenietis, &c.*) Poterat quidem intelligi, quod iturus esset ad gentes; sed per hoc quod addidit. [*Vbi ego sum non potestis venire,*] videtur excludere hunc intellectum. Non enim impossibile est nobis ad gentes ire, &c.

### P A R S III.

*Ad se Dominus inuitat omnes.*

POSTquam Dominus egit de origine suæ doctrinæ, & docentis; nec non de termino eius: hic consequēter inuitat ad ipsam doctrinam. Sed Primo ponitur inuitandi modus. Secundo ipsa inuitatio. De I. Modus autem inuitandi attenditur quantū ad tria, sc. Tempus inuitationis: Situm inuitantis; Conatum vocantis. I. Quantum ad tempus, quia. [*In nouissimo die magnæ festiuitatis.*] Nam, vt dictum est, festum illud celebratur septem diebus; & primus & vltimus dies solenniores erant; sicut & apud nos primus dies festi, & octauus sollemnis est magis. Hoc ergo, quod hic Dominus fecit, non fecit primo die; quia nondum ascenderat Hierusalē: nec intermediis diebus, sed in nouissimo. Et hoc ideo: q̃a pauci sunt qui festa spiritualiter celebrāt. Idcirco non eos à principio ad doctrinam inuitat, ne per vanitates sequentiū dierum aboleretur de



cordibus eorum; quia Luc. 8. *Verbum Domini suffocatur à spinis.* sed in ultimo die eos inuitat: vt tenacius eorum cordibus imprimatur.

II. Quantum ad situm autem, quia (*stabat Iesus*) Vbi sciendum est, quod Christus docuit sedens, & stans. Sedens quidem docuit discipulos, *Matt. 5.* Stans autem turbas, sicut hic. Et ideo ex hoc inoleuit consuetudo in Ecclesia: vt turbis prædicetur stando: religiosis vero & clericis sedendo. Cuius ratio est, quia cum prædicatio ad turbas sit quasi ad eas conuertendas, fit per modum exhortationis: sed cum prædicatio ad clerum sit quasi iam existentes in domo Dei, est, vt quædã commemoratio.

III. Quantum ad conatum vero vocantis: quia (*clamabat*) I. Vt sc. ostenderet suam securitatem. *Isa. 40. Exalta in fortitudine vocem tuam, exalta noli timere.* 2. Vt ab omnibus audiretur *Isa. 58. Clama ne cesses, quasi tuba, &c.* 3. Vt ostendat magnitudinem dicendorum. *Prou. 8. Audite me, quia de rebus magnis loquutura sum.*

De II. (*Si quis sitit, veniat, &c.*) Ponitur Inuitatio. Et primo ostenditur, qui inuitentur. Secundo, Quis sit fructus inuitationis. I. Inuitantur quidem sitientes: (*Si quis sitit veniat ad me, & bibat.*) *Isa. 51. Omnes sitientes venite ad aquas.* Ideo sitientes vocat, quia tales sunt, qui desiderant Deo seruire. Deus autem coacta seruitia non acceptat, 2. *Cor. 9. Hilarem datorem diligit Deus.* Et propter hoc dicebat *Psal. 53. Voluntarie sacrificabo.* De istis *Matt. 5. Beati qui esurunt, & sitiunt iusticiam,* quos quidem Dominus non partialiter vocat: sed omnes. Vnde di-

de dicit. [*Si quis sitit,*] q. d. quicumque est ille, Eccl. 24. *Transite ad me omnes qui concupiscitis me, &c.* 1. Tim. 2. *Vult omnes homines saluos fieri.*

Inuitat autem ad potandum. Vnde dicit, [*& bibat.*] Potus enim iste est spiritualis refectio in cognitione diuinæ sapientiæ, & veritatis: etiã in impletione desideriorum, Isa. 45. *Serui mei bibent, & vos sitietis.* Prou 9. *Venite & comedite panem meum, & bibe vinum, quod miscui vobis,* Eccl. 16. *Aqua sapientiæ salutaris potabit illum.*

II. Fructus autem huius inuitationis est redundantia bonorum in alios: Vnde [*qui credit in me, &c.*] Quod quidem secundum Chrysosto. legendum est sic: [*Qui credit in me, sicut dicit scriptura.*] Hic subdistingue punctuando, & postea subsequitur. [*Flumina, &c.*] Nam si dicis, *qui credit in me,* & postea subsequatur, *sicut dicit scriptura, flumina, &c.* non videtur conueniens: quia hoc, quod dicitur, [*flumina de ventre, &c.*] non inuenitur in aliquo libro Veteris Testamenti: hoc ergo modo dicatur: [*Qui credit in me, sicut dicit scriptura,*] id est, secundum scripturæ documenta. Ioan. 5. *Scrutamini scripturas, ipsa sunt quæ testimonium perhibent de me.* Et tunc [*flumina de ventre eius fluent aqua vita.*] Et dicit. [*Qui credit in me,*] cum supra dixerit: *Qui venit ad me,* quia idem est credere, & venire. Psal. 33. *Accedite ad eum, & illuminamini.*

Secundum Hieronymum vero aliter punctuatur sic. [*Qui credit in me,*] & postea subditur: [*sicut dicit scriptura flumina, &c.*] Quod vt ipse dicit de Proverb. sumptum est, Prouerb. 5. *Bibe aquã de cisterna*

*tua, & fluentia putei tui, deriuentur fontes tui foras. Sciendum est autem, secundum Augu. quod flumina procedunt de fontibus sicut à principio: qui autē bibit potum corporalem, non habet in se fontem, nec flumen: quia particulam aquæ gustat. Sed qui bibit credendo in Christum haurit fontem aquę: quo hausto, vinefcit conscientia; quæ est vëter interioris hominis, & etiam ipsa fons erit. Vnde Ioan. 3. Qui biberit ex hac aqua fiet in eo fons aquæ salientis. Hic autem fons, qui hauritur, est Spiritus sanctus. De quo Psal. 35. Apud te est fons vitæ.*

Qui ergo bibit ita, quod soli sibi proficit, dona gratiarum, quæ per flumina signantur, non fluent aquæ viuæ de ventre eius: sed qui proximo festinat consulere, & diuersa dona gratiarum recepta à Deo aliis communicare, de ventre eius fluent aquæ viuæ. Propter quod dicit Petrus 1. Petr. 4. *Vnusquisque sicut accepit gratiam in alterutrum illam administrantes.*

Dicit autem, (*flumina*) ad significandum spiritualium donorum abundantiam fidelibus repositam, Psal. 64. *Flumen Dei repletum est aquis.* Item eorum impetum, Isa. 26. *Qui ingredientur impetu à Jacob, &c.* Et Psal. 44. *Fluminis impetus, &c.* Vnde quia ex instinctu, & feruore Spiritus sancti mouebatur Apostolus, dicebat: *Charitas Christi vrget nos, & 2. Cor. 5. & Rom. 8. Qui spiritu Dei aguntur, hi filij Dei sunt.* Item donorum Spiritus sancti diuisionem, quia, 1. Cor. 10. *Alij genera linguarum, alij genera sanitatum, &c.* Huiusmodi autem flumina sunt aquæ viuæ; quia sunt continuatæ suo principio, scilicet Spiritui sancto inhabitanti.

PARS



## P A R S IV.

*Dictorum facit expositionem Dominus.*

**E**T primo ponitur expositio. Secundo assignatur ratio expositionis. De I. Dixit, quod flumina de ventre eius, &c. Sed hoc intelligendum esse Evangelista dicit, (*de spiritu quem accepturi erant credentes in eum,*) quia ipse est fons vitæ, & fluuius. Fons, de quo Ps. 35. *Apud te est fons vitæ,* &c. Fluuius vero, quia à patre, & filio procedit. Apoc. vltim. *Ostendit mihi Angelus fluuium aquæ viuæ splendidum tanquam cristallum, procedentem de sede Dei, & agni.* Isa. 1. *Dedit spiritum,* sc. obedientibus sibi,

De II. Huius expositionis rationem assignat, (*Nondum enim erat, &c.*) Et dicit duo; sc. Quod (*nondum erat spiritus datus,*) Et quod Christus (*nondum erat glorificatus.*) Circa primum est duplex opinio. I. *Chrysostomus* dicit, quod Spiritus sanctus non fuit datus Apostolis, quantum ad dona prophetica, & miraculorum, ante resurrectionem Christi, Vnde gratia huius, quæ dabatur Prophetis, à terra defecerat vsque ad aduentum Christi, nec postmodum alicui data est vsque ad prædictum tempus; & si dicitur, quod Apostoli eiiciebant dæmonia ante resurrectionem: intelligendum est, quod hæc non spiritu eiiciebantur: sed ea quæ à Christo erat, potestate. Quando enim mittebat eos, non dicitur, *Dedit eis Spiritum sanctum;* sed dedit eis potestatem.

1. Sed hoc videtur contra illud, Luc. 11. Si


*ego in Beelzebub eiicio demonia: filii vestri in quo eiiciunt?*  
 Sed constat quod ipse in Spiritu sancto eiiciebat  
 demonia; & filij, id est, Apostoli: vnde manife-  
 stum est eos accepisse Spiritum sanctum: Et ideo  
 dicendum est, secundum Aug. quod ante resur-  
 rectionem, Apostoli habuerunt Spiritum sanctum,  
 etiam quantum ad dona prophetica, & miracu-  
 lorum. Et hoc quod hic dicitur. [*Nondum erat Spi-  
 ritus datus,*] intelligendum de abundanti datione,  
 & visibilibus signis: sicut datus fuit eis post resur-  
 rectionem, & ascensionem in linguis igneis.

2. Sed cum Spiritus sanctus sanctificet ec-  
 clesiam; & etiam modo accipiatur à fidelibus; quomodo  
 nemo loquitur linguis omnium gentium, &  
 tunc? Dico, quod non est necessarium, vt Augu-  
 stinus dicit. Quia iam vniuersalis ecclesia linguis  
 gentium loquitur, quia per Spiritum sanctum da-  
 tur charitas: Rom. 5. *Charitas Dei diffusa est in cordi-  
 bus nostris.* & hac faciens omnia communia, facit  
 quemlibet cuilibet loqui. Vnde dicit, *Si amas vni-  
 tatem; etiam tibi habet quisquis in illa, id est, ecclesia  
 aliquid habet: tolle inuidiam; & tuum est quod habeo.*  
*Linor separat, charitas iungit: ipsam habeto, & cuncta  
 habebis.* In principio autem antequam ecclesia per  
 mundum dilataretur, quia pauci erant, oportebat,  
 vt linguis omnium loquerentur, & sic ecclesiam  
 in omnibus fundarent.

(Circa secundam,) sciendum est, i. secundum Aug.  
 hoc, (Iesus nondum fuerat glorificatus,) intelligendum  
 esse de gloria resurrectionis, quasi dic. Nondum à  
 mortuis resurrexerat, nondum ad cœlos ascende-  
 rat.

rat. De quo Ioan. 17. *Clarifica me pater.* Et causa quare sic voluit prius glorificari quam daret Spiritum sanctum, assignatur: quia Spiritus sanctus per hoc datur nobis, vt erigat corda nostra ab amore seculi in resurrectionem spiritualem, & totaliter currant in Deum. Quia ergo vitam eternam promisit Spiritus sancti charitate feruentibus, vbi non moriemur, vbi nihil timebimus: Ideo ipsum Spiritum sanctum noluit dare, nisi dum esset glorificatus: Vt in suo corpore ostenderet vitam, quam in resurrectione speramus.

*Q*ui secundum Chrys. vero, hoc non intelligitur de tantia resurrectionis; sed glorificatione passionis. Ita quia imminente dominus dicit Ioan. 13. *Nunc glorificatus est filius hominis.* Et secundum hoc Spiritus sanctus tunc primum datus est, quando post passionem dixit Apostolis: *Accipite Spiritum sanctum, &c.* Ideo autem non ante passionem datus est; quia cum sit donum, non debuit dari inimicis; sed amicis: Nos autem inimici eramus. Oportebat ergo prius offerri hostiam in ara crucis, & inimicitiam in carne solui: vt sic per mortem filij eius reconciliaremur Deo; & tunc facti amici, donum Spiritus sancti recipereamus, &c.





FERIA III. POST DOMIN. PAS-  
SIONIS.

*Ambulabat Iesus in Galilæam. Ioan. 7.*

SCOPVS. Postquam Dominus egisset de vita spirituali & nutrimento, hic consequenter agit de instructione seu doctrina, quæ est necessaria spiritualiter regeneratis; Nominatim autem narrat Fratrum studium impellendi Dominum ut ad Festum ascenderet.

PARTITIO.

I. De occasionibus, quare eum incitabant.

II. De suasu ipso ac impulsu.

III. De Christi recusatione & causa.

PARS I.

*De occasionibus Dominum incitandi ad eundum Ierosolymam.*

EX tribus autem monebantur ut incitarent Christum ad eundum in Iudæam: *Primo* quidem ex mora eius. *Secundo* ex proposito, *Tertio* ex congruitate temporis. I. *Ex mora* quidem eius in Galilæa, in qua ostendebat Christus se velle morari. Et ideo dicit (*Post hæc*) verba scilicet quæ dicta sunt in Capharnaum, (*ambulabat Iesus in Galilæam*, sc. acceperat iter de Capharnaum, quæ erat metro-

metropolis Galilææ: vt discurreret per Galilæā. Id-  
 eo autē Dominus in Galilæa frequentius moratur;  
 vt ostendat nobis transmigrandum esse de vitijs  
 ad virtutes. Ezech. 12. *Tu ergo fili hominis, factibi vasa*  
*transmigrationis, & transmigrabis per dicta coram*  
*eis.*

Ex proposito autem Christi, qui forte eis verba  
 innuit, & ideo *Non volebat in Iudæa ambulare.* Cuius  
 ratio est, quia *quarebant eum Iudæi interficere.* Ioan. 5.  
*Quarebant eum Iudæi interficere:* quia non solum sol-  
 uebat sabbatum, sed & patrem, &c. Sed nunquid non  
 poterat illuc ire, & ambulare inter Iudæos, & ab  
 eis non occidi, sicut fecit? Ioan. 8. Respondeo,  
 ad hoc triplex ratio assignatur. *Prima* ab August.  
 Quia futurum erat vt aliquis fidelis Christi, ab-  
 sconderet eum ne à persecutoribus intueniretur.  
 Ne ergo illi fuga obijceretur pro crimine: voluit  
 Dominus ad consolationem nostram ostendere,  
 hoc in se præcessisse: quod etiam & verbo docuit.  
 Matth. 10. *Si vos persecuti fuerint in vna ciuitate, fugi-*  
*te in aliam.* *Alia ratio* est, Quia Christus Deus erat &  
 homo, & ideo virtute diuinitatis poterat non læ-  
 di à persecutoribus: sed hoc noluit continue face-  
 re: quia sic fuisset declarata eius Diuinitas, vt ta-  
 men Humanitas eius venisset in dubium. Et ideo  
 fugiens quandoque persecutores, vt homo, asse-  
 rit suam humanitatem; vt confundat omnes eum  
 non verum hominem fuisse dicentes. Quando-  
 que autem transiens illæsus per eos, ostendit suam  
 Diuinitatem, confundens omnes eum hominem  
 purum esse dicentes. Ideo Chrysostomus habet  
 aliam

aliam literam, scilicet. (*Non enim habebat potestatem si vellet in Iudæam ambulare.*) Quod dicitur secundum modum humanum, sicut si dicatur. Aliquis non potest aliquo ire, si vellet, propter insidias. *Tertia ratio* est, quia nondum passionis aderat tempus: Futurum enim erat ut pateretur in Paschate, quando immolabatur agnus, ut sic victima succederet victimæ, Ioan. 13. *Sciens Iesus quia venit hora eius, &c.*

III. *Ex congruitate temporis*; Quia erat tempus congruum ad eundum in Hierusalem; & hoc est quod dicit. (*Erat autem in proximo dies festus Iudeorum scenophegia.*) Scenophegia autem græcum est, compositum ex *σκηνη* & *φάγειν*, quod est umbra, & *φάγειν* quod est comedere, q. d. erat tempus in quo comedebant in tabernaculis. Dominus enim mandavit filiis Israel. *Leu. 23.* ut mense septimo per septem dies habitarent in tabernaculis; in memoriam, quod quadraginta annis habitauerunt in tabernaculis in deserto. Et hoc festum tunc celebrabant Iudæi.

Commemorat autem hoc Euangelista; Ut ostendat, multum tempus præterisse, ab eo; quod præmissa de cibo spirituali dicta fuerunt; usque huc. Nam quando fecit miraculum de panibus, erat prope dies Paschæ. hoc autem festum scenophegiæ, est multo post Pascha: & sic nihil eorum, quæ intra quinque menses per Dominum facta sunt, recitat hic Euangelista. Ut detur intelligi; licet indeficienter signa faceret, ut patet Ioann. ultim. illa præcipue studuerunt Euangelistæ dicere,



cere, pro quibus aut querela, aut contradictio à Iudæis subsequabatur.

## P A R S II.

*De suasionem fratrum, ut iret Solymam  
Dominus.*

**P**rimo eorum admonitio. Secundo assignatur admonitionis ratio. Terio ab Euangelista assignatur causata rationis. De I. (*Dixerunt autem ad eum fratres eius,*) non carnales & vterini; ut Heluidius blasphemavit, quod abhorret fides catholica, quod sanctissimum illum virgineum vterum, qui Deum protulit & hominem, protulisse postmodum alium hominem mortalem. Fratres ergo eius erant cognatione, quia ante consanguinei beatæ Mariæ virginis. Hæc enim est consuetudo scripturæ, consanguineos appellare fratres, secundum illud Gen. 13. *Non sit quasi iurgium inter me & te, fratres enim sumus.* Cum tamen Loth nepos esset Abraham. Ut August. dicit, sicut in sepulcro, ubi positum fuerat Corpus Domini, nec ante, nec postea iacuit corpus, sic vterus Mariæ nec ante, nec postea quicquam mortale concepit. Sed quia aliqui de consanguineis beatæ virginis erant Apostoli; sicut filij Zebedæi, & Iacobi Alphæi, & alij; ideo non est intelligendum quod fuerunt de illis, qui incitauerunt Christum; sed illi fuerunt alij propinqui eius, qui CHRISTVM non diligebant. Secundo ponitur monitio eorum  
cum

cum dicunt: [ *Transi hinc,* ] s. de Galilæa, ( & vade in Iudeam : ) vbi est Hierusalem locus sollemnis, doctoribus conueniens. Amos 7. *Qui vides, gradere in terram Iuda, & ibi comedes panem tuum, & prophetabis ibi.*

De II. Rationem aut subdunt dicentes: [ *Vt & discipuli tui videant opera, &c.* ] Vbi ostendunt se primo inanis gloriæ cupidos. Secundo suspitiosos: Tertio incredulos. 1. Cupidos quidem inanis gloriæ ostendunt se, cum dicunt, ( *vt & discipuli tui videant, &c.* ) Patiebantur aliquid humani ad Christum, & volebant captare gloriam de honore humano, qui Christo exhiberetur à turbis, & ideo inducebant eum, vt faceret opera sua in publico. Est enim proprium inanis gloriæ cupidi; vt, quicquid gloriosum sui, vel suorum fuerit; ostendatur in publico. Matth. 6. *Amant in synagogis, & in angulis platearum stantes orare; vt videantur ab hominibus.* Ioan. 10. *Dilexerunt magis gloriam hominum, quam Dei.* 2. Suspitiosos ostendunt se; & primo de formidine Christum notant, vnde dicunt ei, ( *Nemo quippe in occulto aliquid facit.* ) q. d. tu dicis te facere miracula, sed facis in occulto, & hoc ex timore; alioquin irès in Hierusalem, & faceres ea ibi coram multitudine. Sed tamen Dominus dicit Matth. 27. *In occulto locutus sum nihil.* Secundo notant eum de amore gloriæ, vnde dicunt. [ *Et querit ipse in palam esse.* ] q. d. tu quæris gloriam de his, quæ facis, & tamen propter timorem abscondis te, hoc est proprium malorum, vt credant alios similes eis animi passionibus habere. Vide quam irreuerenter prudentia carnis Verbum

būm caro factum arguebat. Contra quos dicit Iob 15. *Arguis eum qui non est similis &c.* 3. *Incredulos ostendunt se esse cum dicunt. ( Si hac facis, manifesta teipsum mundo, )* quasi sub dubio ponunt, an ipse miracula faciat. Itā. 21. *Qui incredulus est, infideliter agit.*

De III. Causam, quare sic loquebātur, subdit Evangelista, cū dicit: *( Neque enim fratres eius credebant. )* Contingit enim, quod consanguinei maxime aduersantur suis, & inuidet de bonis spiritualibus, & contemnunt eum. Vnde August. *Christum consanguineum habere potuerunt, credere autem in eum in ipsa propinquitate fastidierant.* Mich. 6. *Inimici hominis domestici eius.* Iob 19. *Fratres meos longe fecit a me, & noti mei quasi alieni dereliquerunt me proxime mei, &c.*

### PARS III.

#### *De recusatione Domini.*

**P**rimo, designat temporis ad ascendendum dispositionem. Secundo assignat dictorum rationem. Tertio ponit ascendendi recusationem. De I. Sciendum est autem, quod tota sequens litera aliter exponitur secundum Aug. & aliter secundum Chrys.

I. *Secundum August.* fratres Domini inuitabant eum ad humanam gloriam. Est autem tempus quo sancti perueniunt ad gloriam, s. tempus futurum, ad quam perueniunt per passiones & tribulationes.



tiones. Sap. 3. *Tanquam aurum in fornace probauit, &c.* Et in tempore erit respectus illorum. Aliud uero est tempus quo mundani gloriam suam acquirunt, scilicet tempus præsens. Sap. 2. *Nō pratereat nos flos temporis, &c.* Voluit ergo Dominus ostendere, quod non quærebat gloriam huius temporis: sed ad celsitudinem gloriæ cœlestis passionem & humilitatem suam volebat peruenire. Luc. ult. *Oportuit Christum pati, & intrare in gloriam suam.* Ideo dicit eis, scilicet fratribus. (*Tempus meum,*) id est, tempus gloriæ meæ (*nondum venit.*) quia oportet ut tristitia conuertatur in gaudium, Rom. 8. *Non sunt condigna passionem, &c.* (*Sed tempus uestrum,*) id est, mundi gloria (*semper est paratum.*)

De II. Rationem huius diuersitatis temporis assignat, cum dicit: (*Non potest mundus odisse vos, &c.*) Ideo enim mundani habent tempus gloriæ paratum: quia eadem amant quæ mundus, & mundo consentiunt. Sancti uero qui quærun't gloriam spiritualem, non habent hoc tempus paratum; quia quærun't, quæ mundo displicent, scilicet paupertatem, luctum, esuriem, &c. Vituperant etiam quæ mundus amat, imo ipsum mundum contemnunt. Galat. ult. *Mihi mundus crucifixus est, & ego mundo.* Ideo dicit. (*Non potest mundus odisse vos.*) quod. Ideo paratum est tempus gloriæ uestræ: quia mundus non odit vos; qui conuenitis cum eo. Et omne animal diligit sibi simile. (*Sed me odit.*) & ideo tempus meum non semper est paratum. & ratio odij est (*quia ego testimonium perhibeo de illo.*) scilicet mundo: [*quia opera eius mala sunt.*] .i. non prætermit-

termitto mundanos homines redarguere, licet sciam ex hoc odium incurrere, & mortem intentari. Amos 5. *Odio habuerunt corripientem in porta illi, s. qui amant malitiam.* Et Prou. 9. *Noli arguere derisorem.*

Sed nunquid non mundani aliqui odio habentur à mundo. i. ab alio mundano? *Responsio.* In particulari mundanus quidem vnus habetur odio ab alio, in quantum habet ea, quæ ipse vellet habere; vel impedit eum in his, quæ sunt de gloria mundi: sed in quantum mundanus, nullus odio habetur à mundo. Sancti vero vniuersaliter odio sunt mundo; quia contrariantur ei. Et si aliquis de mundo eos diligit; hoc non est in quantum est de mundo, sed in quantum est in eo aliquid spirituale.

De III. Rectus autem Dominus ascendere cū dicit: (*Vos ascendite ad diem festum hunc.*) Sicut enim sunt duæ gloriæ: ita duo diuersa festa. Mundani enim habent festa temporalia, s. gaudere & epulari & huiusmodi exteriores delicias. II. 22. *Vocauit Dominus ad lamentum, &c. Et ecce gaudium.* Isa. 2. *Solemnitates vestras, &c.* Sancti vero habent festa spiritualia: quæ in delectationib. spiritus consistunt. II. 32. *Respice Syon ciuitatem sollemnitatis vestre, &c.* Et ideo dicit. *Vos qui gloriam mundi queritis (ascendite ad diem festum hunc.)* i. ad festa lætitiæ temporalis. (*Ego autem non ascendam ad diem festum istum.*) sollemnitatis æternæ. Et hoc, [*quia meum tempus,*] sc. gloriæ veræ, quod erit permanens in æternum, gaudium sine fine, æternitas sine labore, claritas sine nube. [*nondum impletum est.*])

*Secundum Chryf. feruata eadem diuisione exponitur sic. Fratres Domini conspirauerant in mortem Christi cum Iudæis. Vnde inducebant eum ad eundem, volentes eum prodere, & tradere Iudæis. Et ideo dicit. (Tempus meum] sc. crucis & mortis [nondum aduenit.) vt vadam in Iudæam & occidam. Tempus autem vestrum semper est paratum; quia sine periculo conuersari poteritis cum eis. Et huius ratio est ( quia non possunt odisse vos. ] zelantes eadem, & amantes cum eis. [ Me autem odit, &c. ) Per quod patet, quod Iudæi non propter solutionem sabbati, sed propter publicam redargutionem me oderunt. [ Vos ergo ascendite ad diem festum hunc, ) scilicet ad principium festi. Nam septem diebus celebrabatur. ( Ego autem non ascendam, &c. ) vobiscū, sc. ad principium festi: [ Quia nondum tempus meum est impletum, ) in quo pariar. nam in futuro Pascha crucifigendus erat. Ideo autem non ascendit cum eis, vt posset magis latere.*

## II. CONCIONIS DISPOSITIO.

*Ipse mansit in Galilea. Ioan. 7.*

**SCOPVS.** Postquam egit Euangelista de incitatione, qua cognati Domini inducebant Christum vt ascenderet in Iudæam; & posuit Christi responsionem: hic consequenter agit de ascensu eius.

PAR-



## PARTITIO.

I. De dilatione, ordine, & modo ascensus Domini.

II. De occasione manifestandi originem doctrinae suae.

## P A R S I.

*De dilatione, ordine, modoque ascensus Domini.*

DE I. Dilatione sc. [*Hac cum dixisset,*] sc. quæ respondit. (*mansit ipse in Galilæa.*) non ascendens cum cognatis ad diem festum; ut verificaretur quod dixerat. (*Ego non ascendam, &c.*) Num. 23. *Non est Deus ut homo, ut mentiatur, neque ut filius hominis, ut mutetur.*

II. (Ordo) vero eius ponitur cum dicit [*ut autem ascenderunt fratres eius,*] id est, cognati, (*tunc ipse ascendit, &c.*) Sed hoc videtur contra illud, quod supra dixit. [*Ego autem non ascendam.*] cum Apostolus dicat. 2. Cor. 1. *Christus Iesus qui in vobis predicatus est per nos, non, fuit in illo, est & non sed est in illo est.* Respondeo primo, quod festum scenophegiæ septem diebus agebatur, Dominus autem dixit supra: *Ego autem non ascendam ad diem festum, id est, ad principium festi.* Hoc autem quod hic dicitur *ad diem festum*, intelligendum est quantum ad intermedios dies: Vnde & sequitur. *Iam autem die festo mediante.* Et sic patet, quod factum Christi non

contrariatur eius dicto. *Secundo* vero, vt Aug. dicit, isti volebant, vt Christus ascenderet in Iudæam, quæsiturus gloriam temporalem; & sic dixit eis: (*Non ascendam ad diem festum hunc*), hoc modo sicut vos vultis: sed ipse ascendit ad diem festum, quasi docturus turbas, & instructurus de gloria sempiterna. *Tertio* secundum Chrys. quia supra dixit. Non ascendam ad diem festum hunc passurus, & moriturus: vt ipsi volebant; & tamen ipse ascendit ad diem festum, non vt pateretur; sed vt alios erudiat.

III. *Modus ascensus* ] ostenditur. (*non in manifesto: sed quasi in occulto.*) Huius ratio triplex est. *Vna* secundum Chrys. ne magis suam diuinitatem denudans, incarnatio eius minus certa esset. Et vt auferat verecundiam latendi iustis hominibus, quando non possunt persecutores suos publice detinere: ideo dicit (*quasi in occulto.*) Vt ostendat hoc ex dispensatione factum. *Is. 45. Vere tu es Deus absconditus.* *Alia* secundum Aug. vt daretur intelligi, quod Christus occultus est in figuris veteris testamenti. *Is. 9. Expectauit Dominum, qui abscondit faciem*, id est, manifestam notitiam suam à Domino Iacobi. Vnde & vsque in hodiernum diem velamen habent positum, &c. 2. Cor. 3. Ideo omnia quæ dicta sunt antiquo populo illi *umbra fuerunt futurorum bonorum* Hebr. 10. Vt ergo ostendat, quod etiam ipsum festum esset figura, ideo ascendit in occulto. *Scenophegia* vt dictum est, erat festum tabernaculorum. Ille ergo hoc festum celebrat, qui se in mundo isto intelligit peregrinum. *Alia ratio* est, Vt doceat

nos bona, quæ facimus occultare debere, non quærentes fauorem hominum, nec pompas stipantium turbarum desiderantes: Matth. 6. *Attendite ne iustitiam vestram faciatis coram hominibus, vt videamini ab eis.*

## PARS II.

### *Occasio manifestandi originem doctrinæ spiritualis.*

**D**iffensio turbarum erat circa opinionem de Christo. Vnde circa hoc tria facit. *Primo* proponit id in quo omnes conueniebant. *Secundo* illud in quo differebant. *Tertio* quorum opinio inter eos præualebat. I. Conueniebant autem omnes in hoc, quod (*quarebant eum in die festo, & dicebant. Vbi est ille?*) Patet quod ex multo odio, & inimicitia: neque eum nominare volebant. Gen. 36. *Oderant eum, nec poterant.* II. Differebant autem, quia quidam quærebant desiderio addiscendi; Psalm. 88. *Quarite eum, & viuet anima vestra:* Alij quærebant eum desiderio malignandi. Psalm. 139. *Querunt animam meam vt auferant eam.* & ideo [*murmur erat multus in turba.*] de contentione, quæ erat de eo in turba [*licet murmur sit generis neutri, tamen Hieronymus ponit in masculino; quia hoc habebat aut qua grammatica, vel vt ostendat diuinam scripturam non subiacere regulis Prisciani.*] (*Erat dissensio.*) Quia quidam de turba, illi, (scilicet, qui habebant rectum cor (*dicebant*) de Christo (*quia bo-*



nus est. ) Psal. 72. *Quam bonus Israel Deus his qui recte sunt corde?* Thren. 3. *Bonus est Dominus sperantibus in eum anima quærenti illum.* ( *Alii* ) scilicet, qui erant male dispositi ( *dicebant non* ) scilicet, non est bonus.

Datur autem per hoc intelligi, quod multitudo opinabatur eum bonum; sed Principes Sacerdotum opinabantur eum malum. Et ideo dicunt ( *sed seducit turbas.* ) Luc. 22. *Hunc inuenimus subvertentem gentem nostram.* Matt. 23. *Recordati sumus quod seductor ille dixit, &c.* Sciendum est autem, quod seducere est seorsum ducere; potest autem homo duci seorsum, vel à veritate, vel à falsitate; & utroque modo potest dici aliquis seductor. Vel in quantum seorsum ducit à veritate; & hoc modo non competit Christo. Quia ipse est veritas, &c. Ioan. 8. Vel à falsitate, & hoc modo Christus seductor dicitur. Hier. 20. *Seduxisti me Domine & seductus sum,* &c. Et utinam sic omnes seductores vocemur & simus, ut dicit August. Magis autem seductor dicitur qui à veritate seducit & decipit: quia ille dicitur seorsum duci; qui trahitur à via communi. Veritas autem communis via est: hæresis vero & via malorum, diuerticula quædam sunt.

III. Præualet autem opinio malorum; scilicet Principum sacerdotum. Unde sequitur. [ *Nemo tamen palam loquebatur.* ] Et hoc, quia turbæ comprimebantur propter metum Principum sacerdotum. Quia ut dicitur Ioan. 8. *Si quis confiteretur ipsum esse Christum, extra synagogam fiebat.* Ex quo patet eorum, qui principabantur malitia, qua Christo insidiabantur,

bantur; & eorum qui subiiciebantur, scilicet plebis, quia non habebant libertatem dicendi quod sentiunt.

FERIA IV, POST DOM. PAS-  
SIONIS.

*Facta sunt Encœnia. Ioan. 10.*

**S**COPVS. Dixerat Dominus in se esse potestatem viuificandi: super qua cum in populo dissensio coorta fuisset, hie ea ponitur, quæ mota est à principibus Iudæorum contra Dominum; sic ut interrogent ipsum.

PARTITIO.

- I. De interrogatione, eiusque circumstantiis.
- II. De Responsione Domini.
- III. Probat, oues suas sibi de manu sua non fore eripendas.

PARS I.

*De interrogatione principum.*

**D**Vo hic. Primo describit circumstantias interrogationis. Secundo ponit ipsam interrogationem. De I. Circumstantiæ interrogationis sunt Tempus, Locus, Personæ interrogantes. I. Quo ad Tempus, primo in speciali dicens. (*Facta sunt encœ-*  
bb\* s *nia in*

# I. Ex D. THOM. COMM.

(*us.*) Aug. dicit. Encœnia festiuitas erat dedicatio iis in ecclesiis. *Κόινος* enim Græce, est nouum Latine. Encœnia, id est, innouatio. Nota, Omnia festa celebrantur in ecclesia in commemorationem diuinorum beneficiorum, Isa. 53. *Miserationum domini recordabor*, &c. Psal. 117. Postquam Dauid commemorauit multa beneficia Dei dicens. *Confitemini domino, quoniam bonus*, &c. subdit. *Constituite diem solemnem in condensis*, &c. Recolimus autem diuina beneficia nobis exhibita tripliciter. 1. Quandoque, vt exhibita nobis in Capite nostro Domino Iesu Christo. Et sic celebramus festum natiuitatis & resurrectionis, &c. 2. Quandoque vt exhibita nobis in membris nostris, s. in Sanctis. Et hoc congruenter, quia 1. Cor. 12. *S' gloriatur vnum membrum, congaudent omnia membra*. 3. Quandoque prout sunt exhibita toti ecclesiæ, puta in ministerio sacramentorum, & in aliis beneficiis ecclesiæ collatis. Quia vero domus materialis est quasi signum collectionis ecclesiæ fidelium, inque ea omnia Sacramenta gratiæ dispensantur; ideo in memoriam ipsorum beneficiorum, festum dedicationis ecclesiæ celebramus. Quod quidem festum maius est, quam festum alicuius Sancti: sicut & beneficia toti ecclesiæ collata, quorum memoriam agimus, excedunt beneficium collatum alicui Sancto, quod in festo eius recolitur.

Templum autem Hierosolymis ter fuit consecratum. Primo à Salomone, 3. Reg. 8. Secundo tempore Esdræ à Zorobabel, & Iesu sacerdote magno. 1. Esdræ 8. Tertio à Machabæis. 1. Mach.

4. Ascen-



4. *Ascenderunt Hierosolymam renouari.* scilicet ple-  
autem encœnia non sunt facta in memoriam de-  
dicationis Salomonis: quia hæc fuit in Autumno,  
nec dedicationis Esdræ, quia illa fuit in Vere, 9.  
Martij: sed in memoriam dedicationis, quæ facta  
fuit à Machabæis in tempore hyemali, & ideo vt  
hoc designet, describit tempus in speciali, dicens,  
(*Et hyems erat.*)

Quod etiam causam mysticam habet, vt Gre-  
gorius dicit 2. Moral. Idcirco Euangelista hyemis cura-  
uit tempus exprimere; vt inesse auditorum cordibus, In-  
daorum malitia frigus indicaret, Hierem. 6. Sicut frigi-  
dam facit cisterna aquam suam, ita frigidam, &c. De  
hac hyeme Cant. 2. *Jam enim hyems transit,*  
&c.

II. Locum autem describit cum dicit. (*Et ambu-  
labat Iesus, &c.*) (*In templo.*) Psalm. 10. *Dominus in  
templo sancto suo, &c.* (*In porticu Salomonis.*) Sci-  
endum est enim, quod templum non dicitur  
solum corpus ipsius; sed etiam porticus cir-  
cumstantes, in quibus populus stabat ad oran-  
dum. Nam in templo soli sacerdotes orabant.  
Dicitur autem porticus Salomonis locus ille,  
in quo Salomon stetit, quando peracta dedica-  
tione templi orauit, 2. Reg. 8. *Stetit ergo Salomon in  
conspectu, &c.*

Sed contra, Templum quod Salomon edificau-  
erat, destructum fuit, & similiter porticus illa:  
Non ergo debet dici porticus Salomonis. Respon-

contra eum sollicitari, & ideo dicunt. (*Si tu es Christus*) vel Rex; vel vnctus, &c. *Secundo* considera illorum nequitiam, quia dicunt, (*palam*,) q. d. Vsq. modo non docuit publice; sed quasi in occulto, cum tamen ipse palam omnia diceret, in festiuitatibus semper assistens, Ioan. 18. *Ego palam locutus sum mundo, in occulto locutus sum nihil.*

## P A R S II.

### *Responsio Domini.*

**O**stendit eorum infidelitatem, & falsum esse quod dixerant, eos desiderare scire veritatē, dicentes, *Vsq. quo animam nostram tollis, &c.* Et hoc quantum ad duo. *Primo*, quia non credebant verbis eius. Et quantum ad h. d. dicitis mihi, *Si tu es Rex Christus, dic nobis*, (*sed loquor ego*,) id est, dico vobis veritatem: (*Et vos non creditis*,) Luc. 22. *Si dixero, non credetis, &c.* *Secundo*, quod non credunt operibus eius. (*Opera, quæ ego facio, &c.*) Vbi *primo* ostendit incredulitatem eorum ad ipsa opera. *Secundo*, incredulitatis rationem.

De I. (*Opera quæ ego facio*,) q. d. Nec à solo verbo suaderi potestis, vt vos fideatis: sed nec etiam à tot operibus quæ ego facio (*in nomine patris mei*,) i. ad gloriam eius (*hec testimonium perhibent de me*) quia, sc. non possunt nisi à Deo fieri. Vnde ex eis manifeste apparet, quod à Deo veni, Mat. 7. *Vnaquaque arbor ex fructu eius cognoscitur.* Ioan. 3. (*Opera quæ ego facio, &c.* Sed vos non creditis. Ioan. 12. *Cum ergo tanta signa fecisset, non crediderunt, &c.* & ideo sunt inexcusa-

cusabiles. Ioan. 15. *Si opera non fecissem in iis, quæ nemo alius fecit, peccatum non haberent. Nunc autem, & v. derunt, &c.*

Ratio autem incredulitatis eorum, est separatio eorum ab ouibus Christi. Vnde dicit. (*Idco non creditis, quia non estis ex ouibus, &c.*) Circa hoc duo facit. *Primo*, ponit eorum exclusionem à consortio ouium Christi. *Secundo*, ostendit ouium dignitatē. I. [*Vos non estis ex ouibus meis*] sc. prædestinati ad credendum. Sed præsciti ad æternum interitum. Hoc enim ipsum quod credimus, est nobis à Deo. Phil. 1. *Vobis datum est non solum vt in ipsum credatis, &c.* Ephes. 2. *Gratia saluati estis, & non ex vobis, Dei donum est, &c.* Quod quidem nulli datur, nisi cui præparatum est ab æterno, & ideo illi soli credent in ipsum, qui ad hoc ordinati sunt à Deo per æternam prædestinationem, Act. 13. *Crediderunt quotquot præordinati erant ad vitam æternam.* Et eiusdem 15. *Per gratiam Domini nostri Iesu Christi credimus saluari.*

Sed nunquid debet dici alicui, quod non sit prædestinatus? Videtur, quod non. Cum enim nullus possit saluari, nisi prædestinatus, si alicui dicatur, quod non est prædestinatus: videtur cogi ad desperationem. Ergo dominus dicens Iudæis. (*Non creditis, quia non estis ex ouibus meis.*) Cogebat eos desperare. *Responsio*: In illa turba erat aliquid commune omnibus, scilicet quod non erant præordinati à Deo ad tunc credendum aliquid speciale, quod Aliqui ex eis præordinati erant ad credendum in posterum: Vnde & postea Acto. 2. *Credi-*



*derunt ex eis una die tria millia* : Aliqui autem non erant ad hoc præordinati. Non ergo repugnabat spei, dicere in turba, quod non essent ex ouibus : quia nullus de se determinate hoc poterat suspicari. Repugnasset autem spei, si hoc alicui personæ determinate dixisset.

II. Dignitatem autem omnium suarum ponit dicens (*Oves mea, &c.*) Vbi quatuor ponit. Primum, quod nos facimus est obedientia ad Christum. (*Oves mea,*) scilicet per prædestinationem, (*vocem meam audiunt,*) credendo, & præceptis meis obediendo, Psalm. 94. *Hodie si vocem eius audieritis, &c.* Secundum, quod facit Christus primo correspondens, est eius dilectio, & approbatio; (*Et ego cognosco eas,*) id est, diligo, & approbo, 1. Timot. 2. *Novit dominus qui sunt eius,* q. d. Hoc ipsum, quod me audiunt, est per hoc, quod ego (*eas cognosco,*) ab æterno eligendo.

Dices: Si aliter non potest credere quis, nisi detur ei à Deo; videtur, quod infidelitas non sit alicui imputanda. Dicendum, quod ideo eis imputatur: quia in eis est causa, quare non datur. Sicut, non possum videre lumen, nisi illuminarer à sole, si autem clauderem oculos, non viderem lumen: quod non esset ex parte solis, sed ex parte mea, qui claudendo oculos, præbeo causam ut non illuminer. Peccatum autem est causa quare non illuminamur à Deo per fidem. Vnde omnes illi qui deseruntur, iusto Dei iudicio deseruntur; &

illi qui eliguntur, ex Dei miseratione assumuntur. *Tertium* ex parte nostra, est imitatio ad Christum. Et quantum ad h. d. (*Et sequuntur me,*) Iob 26. *Vestigia eius secutus est pes meus.* 1. Petr. 2. *Christus passus est pro nobis, vobis relinquens exemplum.* *Quantum* correspondens ex parte Christi, est præmij retributio. Et quo ad hoc, dicit, (*Et ego vitam æternam do eis,*) q. d. ipsi me sequuntur, hic mansuetudinis, & innocentiae viam incedendo; & ego faciam, vt postea me sequantur, ad gaudia vitæ æternæ intrando.

Hoc autem præmium ostendit Dominus esse indeficiens, tripliciter. Nam aliquid potest deficere tripliciter. *Primo* quidem ex natura ipsius; puta, si sit corruptibile. Sed præmium istud quantum ad naturam suam incorruptibile est. Vnde dicit, (*Vitam æternam do eis,*) quæ est fruitio incorruptibilis, & immortalis Dei, Ioan. 17. *Hæc est vitæ æternæ, vt cognoscant te solum verum Deum;* &c. Et, vt dicit Aug. ista sunt pascua bona: quia ibi nulla herba arescit, totum viret. *Secundo* potest deficere ex defectu recipientis, dum recipiens deficit, & male custodit; sed hoc non continget in illo præmio. Vnde dicit, (*Et non peribunt in æternum,*) sc. oves. Quod est contra Orig. qui dixit, quod quandoque Sancti, qui sunt in gloria, peccare poterunt. Sed Dominus dixit, (*Non peribunt,*) quia in æternum conseruabuntur, Apocalyp. 3. *Qui vicerit faciam eum columnam,* &c. Et foras non egredietur, &c. *Tertio* potest deficere ex violentia rapientis, forte enim neque Adam exclusus fuisset, nisi adfuisset seductor. In vita autem æterna hoc non erit. Vnde dicit, [*Et non rapiet eas,* quis-

quisquam de manu mea, id est, protectione, & potestate mea. Sapient. 3. Iustorum anima in manu Dei sunt. Ut enim dicit Augu. Ibi neque lupus rapit, neque fur tollit, neque latro interficit.

## P A R S III.

*Probationes de manu sua non fore eripiendas.*

[ Illud, quod est in manu patris mei, nullus potest rapere: Sed eadem est manus patris, & mea: Ergo illud quod est in manu mea, etiam nullus potest rapere. Circa hoc tria facit. Primo ponit minorem manifestando communicationem diuinitatis à patre sibi traditæ, cum dicit. [ Pater quod dedit mihi, ] sc. per æternam generationem [ maius omnibus est, ] nam Ioan. 5. Sicut pater habet vitam in semetipso, sic, &c. Item, [ maius est, ] potestate. Ioan. 5. Potestatem dedit ei iudicium facere, &c. Item, [ maius est, ] reuerentia & honore, Philip. 2. Dedit illi nomen, quod est super omne nomen, ut in nomine Iesu, &c. [ Maius est, ] ergo, [ omnibus, quod dedit: mihi pater, ] ut sc. sim Verbum eius, sim Unigenitus eius, sim Splendor lucis eius.

Secundo ponit excellentiam potestatis paternæ, quod pertinet ad maiorem, cum dicit. [ Et nemo potest rapere, ] id est, per violentiam auferre, ut per ignorantiam surripere, [ de manu, ] id est, de potestate [ patris mei, ] vel à me, qui sum virtus paterna, quamuis melius dicatur de potestate patris, quam à me, ut Augustinus dicit. Ideo autem. [ Nemo potest



*rapere de manu patris*, ) quia ipse fortissimus est, cui non potest fieri violentia. Et sapientissimus in quem non cadit ignorantia, Iob 9. *Sapiens corde est, & fortis robore, &c.* Tertio ponit unitatem sui ad patrem, ex qua sequitur conclusio. Vnde dicit, (*Ego & pater vnum sumus.*) q. d. Ideo non rapiet eas quisquam de manu mea, Quia (*ego & pater vnum sumus*, ) scilicet unitate essentiae. Nam eadem est natura patris & filij.

Per hoc autem excluditur duplex error: Arrij qui diuidebat essentiam: & Sabellij, qui confundebat personas. Vt sic & à Charybdi, & à Scilla liberemur. Nam per hoc quod dicit, (*vnum*, ) liberat te ab Arrio. Nam si *vnum*; non ergo diuersum. Per hoc autem quod dicit, (*sumus*, ) liberat à Sabellio. Si enim *sumus*, ergo pater & filius est alius & alius.

*Sed* hoc Arriani, impietatis suae mendacio negare contendunt dicentes; quod creatura aliquo modo est vnum cum Deo. Vnde & hoc modo filius potest esse vnum cum patre. *Sed hoc* patet esse falsum ex tribus. Primo ex ipso modo loquendi. Manifestum est enim quod *vnum* dicitur sicut *ens*. Vnde sicut *aliquid* non dicitur *ens* simpliciter, nisi secundum substantiam, ita nec *vnum* nisi secundum substantiam, vel naturam. Simpliciter autem dicitur *aliquid*, quod nullo addito dicitur. Quia ergo hoc simpliciter dicitur. (*Ego & pater Vnum sumus.*) nullo alio addito, manifestum est, quod sunt *vnum* secundum substantiam, & naturam. Nunquam autem inuenitur, quod Deus & creatura sint *vnū* sine

line aliquo addito: sicut illud, 1. Cor. 6. *Qui adheret Deo, vnus spiritus est.* Ergo patet, quod filius Dei non est vnus cum patre, vt creatura. *Secundo* ex his quæ supra dixerat, sc. *quod dedit mihi pater maius omnibus est.* Et postea concludit, (*Ego & pater vnus sumus,*) q. d. in tantum vnus sumus, in quantum dedit mihi id quod maius est omnibus. *Tertio* patet ex sua intentione. Nam Dominus probat, quod non rapier eas quisquam de manu sua, per hoc, quod nemo potest raperè de manu patris eius: quod non sequeretur si potestas eius esset minor, quam potestas patris. Vnum ergo sunt pater, & filius, natura, honore, & virtute.

## II. CONCIONIS DISPOSITIO.

*Sustulerunt ergo lapides.* Ioan. 10.

**S**COPVS. Posita doctrinà Christi, hic consequenter ponitur effectus doctrinæ eius in Iudæis.

### PARTITIO.

- I. De lapidationis ausu & causa.
- II. Eius causam calumniosam refutat.
- III. Probat refutationem suam suis ipsis operibus.

### PARS I.

*De lapidationis ausu & causa.*

**P**ONitur Iudæorum sauitia, qua excandescerant ad Christum lapidandum. (*Sustulerunt lapides*

*des Iudai, ut iacerent in eum.*) Quia enim duri erant, & profunda domini verba intelligere non poterant, lapidibus similes ad lapides currunt. Psal. 119. *Dum loquebar illis, impugnabant me gratis.*

2. Commemorat beneficia, quæ eis exhibuit, Vnde (*Respondit eis dicens. Multa bona opera ostendi vobis,*) scilicet sanando, prædicando, miracula faciendo, Matth. 7. *Bene omnia fecit, (ex patre meo.)* Cuius gloriam per omnia quæsiui, Ioa. 8. *Gloriam meam non quero.*

3. Scævitiam reprehendit dicens, (*Propter quod eorum opus me lapidatis?*) q. d. Benefactorem oportebat honorare, non lapidare. Simile dicitur Hiere. 17. *Numquid redditur pro bono malum? &c.*

Ponitur blasphemix impositio à Iudæis, &c.) Dicit ergo quantum ad primum (*De bono opere non te lapidamus, &c.*) Vbi quinque consideranda occurrunt. Primum videtur pertinere ad motiuium lapidationis blasphemia. Præcipitur enim Leu. 24. ut blasphemus lapidetur. Educ inquit blasphemum extra castra, &c. Ideo dicunt. (*De bono opere non lapidamus te, sed de blasphemia.*) Secundum, quod specificant ipsam blasphemiam, Nam blasphemia est, non solum attribuere Deo, quod sibi non conuenit: sed etiam attribuere alteri, quod solius Dei est, sicut blasphemia est non solum dicere Deum esse corpus, sed etiam dicere aliquam creaturam creare posse. Matt. 9. dicebant, *Hic blasphemat: Quis potest dimittere peccata, nisi solus Deus?* Dicebant ergo Iudæi dominum blasphemum esse, non primo modo; sed usurpando sibi quæ diuinitatis propria erant.



erant. unde dicebant, *quia tu homo cum sis, faciste ipsum Deum.*

*Tertium* est, quod Iudæi melius quam Arriani, intellexerunt verbum Christi, quod dixerat, (*ego & pater vnum sumus*) non posse dici, nisi ubi est æqualitas patris & filij. Ideo dicunt, [*Faciste ipsum Deum.*] Offendendo verbis tuis, quod Deus sis, quod non est verum, (*cum sis homo.*) *Quartum* est, quod tanta est distantia Dei & hominis, ut incredibile eis esset, quod idem, qui est homo, esset Deus. Unde signanter dicunt, (*Quia homo cum sis, &c.*) Quamvis ab ista incredulitate remoueri possent per hoc, quod dicitur in Psal. 8. *Quid est homo quod memores eius, &c.* Abac. 1. *Opus ego facio in diebus vestris, &c.* id est, opus incarnationis excedens omnem mentem. *Quintum* est, quod in suis verbis sibiipsis contrariantur: nam ex vna parte confitentur Christum bona opera facere, dicentes, [*De bono opere non te lapidamus*] Ex alia imponunt ei blasphemiam: scilicet, quod sibi falso usurpet honorem Dei, quæ quidem contraria sunt. Non enim ex Deo miracula posset facere, si Deum blasphemaret, quia, ut dicitur Mat. 7. *Non potest arbor bona fructus malos facere, &c.* Quod maxime locum habet in Christo.

## P A R S II.

*Refutat calumniosam causam lapidationis.*

**P**rimo ponit suam excusationem, per auctoritatem. Vnde primo ponit auctoritatem. *Secunde*

aperit eis intellectum. Tercio ex hoc concludit propositum. De I. (*Respondit eis Iesus, nonne scriptum est in lege vestra,*) scilicet Psalm. 81. *Ego dixi dii estis, &c.* Nota, Lex tripliciter accipitur in scriptura. 1. Vniuersaliter pro toto veteri testamento. Sic hic. 2. Prout diuiditur contra Prophetas, Psalmos, &c. Vt, Luc. ult. *Oportet impleri omnia quae scripta sunt in lege, & Psalm. de me.* 3. Prout lex diuiditur contra Prophetas. Et sic Psalm. & alibi libri veteris testamenti, prae- ter Pentateuchum includuntur sub Prophetis: eo quod spiritu Prophetico edita sit scriptura veteris testamenti. Vt Matth. 22. *In his duobus mandatis tota lex pendet & Propheta.* Sic ergo scriptum est. (*Ego dixi dii estis.*) Nota, hoc nomen Deus, tripliciter accipitur. 1. Significat ipsam diuinam naturam, & sic dicitur singulariter solum. Exod. 20. *Audi Israhel, Dominus Deus tuus vnus est.* 2. Nuncupatiue. Sic dicuntur idola dii Psalm. 91. *Omnes dii gentium demonia.* 3. Participatione aliqua diuinitatis, seu excellentioris virtutis, diuinitus infusae. Sic & iudices dicuntur dii. Exod. 22. *Ap- plicabis eos ad Deos,* id est, ad iudices. Exod. 22. *Diis non detrahes,* id est, praelatis. Et sic accipitur hic.

De II. (*Si illos dixit Deos, ad quos sermo, &c.*) Aperit sensum auctoritatis praedictae: q. d. Ideo vocauit eos Deos, in quantum participant aliquid diuinitatis secundum participationem sermonis Dei ad eos facti. Nam ex sermone Dei homo aliquam participationem diuinæ virtutis & puritatis consequitur. Ioan. 15. *Iam vos mundi*  
*estis.*

*estis propter sermonem quem locutus, &c. Exod. 34.*  
*(Splendida facta est facies Moysi, &c. Ex his autem*  
 quæ prædicta sunt, posset sic argumentari: Ma-  
 nifestum est, quod aliquis ex participatione  
 verbi Dei fit Deus participatiue: sed non fit a-  
 liquid participatiue hoc, nisi ex participatione  
 eius, quod est per essentiam suam tale: puta  
 non fit participatiue ignis, nisi participatione i-  
 gnis per essentiam. Ergo non fit aliquid parti-  
 cipatiue Deus, nisi ex participatione eius, qui est  
 Deus per essentiam, Ergo verbum Dei, sc. ipse fi-  
 lius, cuius participatione aliquis efficitur Deus, est  
 Deus per essentiam.

Sed Dominus voluit humanius magis quam sic  
 profunde contra Iudæos arguere. Dicit autem,  
*( & non potest solui scriptura, )* vt ostendat irrefraga-  
 bilem scripturæ veritatem. Psalm. 118. *In æternum*  
*Domine permanet verbum tuum.*

De III. Consequenter cum dicit, *( Quem pater*  
*sanctificauit, &c. )* Concludit propositum. Quod qui-  
 dem, si secundum Hilarium, referamus ad Chri-  
 stum, quæ est homo, tunc est sensus: homines ali-  
 qui dicuntur dij sola participatione sermonis Dei:  
 Quomodo ergo dicitis, *( quia blasphemas, )* id est,  
 reputatis blasphemiam, quod ille homo dica-  
 tur Deus, qui est vnitus verbo Dei in persona?  
 Ideo dicit. *( Quem pater sanctificauit. )* Licet enim  
 omnes qui sanctificantur, Deus sanctificet: Ioan.  
 17. *Sanctifica eos in veritate, Christum tamen spe-*  
*cialiter sanctificauit. Nam alios sanctificat,*



ut sint filij adoptiui, Rom. 8. *Accepistis spiritum adoptionis filiorum*: Christum autem sanctificauit, ut esset filius Dei per naturam, vnitus in persona Verbo Dei: Quod hæc verba ostendunt dupliciter. Primo quod dicit. [*Quem pater sanctificauit.*] Si enim ut pater sanctificat; manifestum est quod sanctificat & filium, Rom. 1. *Qui predestinatus est filius Dei virtute secundum spiritum sanctificationis.* Secundo quod dixit, (*Et misit in mundum.*) Mitti enim in aliquem locum, non conuenit alicui rei nisi ante fuerit, quam ibi esset: ergo ille, quem pater misit in mundum, sc. visibiliter, est filius Dei: qui præexistit visibili visioni, quia Ioan. 1. *In mundo erat & mundus per ipsum*, &c. Ioan. 3. *Non enim misit Deus*, &c. Hunc ergo (*quem Deus misit in mundum, vos dicitis quia blasphemas: quia dixi filius Dei sum,*) q. d. Multo magis possum hoc dicere, qui sum vnitus verbo in persona, quam illi, (*ad quos sermo Dei factus est.*)

Vnde Iudæi habuerunt, quod Christus esset filius Dei? Non enim hoc dominus expresse dixit. Dico, Licet dominus hoc expresse non dixerit: nihilominus tamen ex verbis, quæ dixit, sc. *Ego & pater vnum sumus*; Et quod dedit mihi pater maius omnibus est; intellexerunt eum accepisse naturam à patre, & esse vnum in natura cum eo. Hoc autem sc. accipere eandem naturam ab aliquo, & esse, habet rationem filiationis. Si autem hoc, quod dicit. (*Pater sanctificauit*, &c.) referamus, secundum Augustinum, ad Christum in quantum est Deus; tunc est sensus (*quem pater sanctificauit*,] i. sanctū ab

eterno genuit. Sed alia quæ sequuntur eodem modo exponenda sunt; secundum quod Hilarius exponit: tamen melius exponitur si referatur ad Christum in quantum homo,

## P A R S III.

*Probat dictum suum operibus suis.*

**S**ic quasi dicit: Licet sim homo tantum, secundum reputationem vestram; tamen non blasphemio, dicens me vere Deum; quia verissime sum. Unde circa hoc duo facit. Primo proponit argumentum operum. Secundo infert conclusionem intentam. De I. Duo facit: Primo dicit, quod sine operibus essent excusabiles. [*Si non facio opera patris mei,*] eadem sc. quæ ipse facit, & eadem virtute & potestate. [*Nolite credere mihi,*] Ioan. 5. *Quacunque pater facit, hæc & filius similiter facit.* Secundo, quod ex ipsis operibus conuincuntur, dicens. (*Si autem facio,*) sc. eadem opera, quæ pater facit, (*si mihi.*) qui filius hominis appareo, *non vultis credere, operibus credite,* id est, ipsa opera demonstrant, quod ego sum filius Dei, Ioan. 16. *Si opera non fecissem, quæ nemo alius,* &c.

De II. Infert conclusionem intentam dicens. *Vt cognoscatis, &c.* Nullum enim tam evidens indicium de natura alicuius rei esse potest, quam illud quod accipitur ex operibus eius. Evidenter ergo cognosci potest de Christo, & credi, quod sit Deus per hoc, quod facit opera Dei: & ideo dicit,

ut sint filij adoptiui, Rom. 8. *Accepistis spiritum adoptionis filiorum*. Christum autem sanctificauit, ut esset filius Dei per naturam, vnitus in persona Verbo Dei: Quod hæc verba ostendunt dupliciter. Primo quod dicit. [*Quem pater sanctificauit.*] Si enim ut pater sanctificat; manifestum est quod sanctificat & filium, Rom. 1. *Qui prædestinatus est filius Dei virtute secundum spiritum sanctificationis*. Secundo quod dixit, (*Et misit in mundum.*) Mitti enim in aliquem locum, non conuenit alicui rei nisi ante fuerit, quam ibi esset: ergo ille, quem pater misit in mundum, sc. visibiliter, est filius Dei: qui præexistit visibili visioni, quia Ioan. 1. *In mundo erat & mundus per ipsum*, &c. Ioan. 3. *Non enim misit Deus*, &c. Hunc ergo (*quem Deus misit in mundum, vos dicitis quia blasphemas: quia dixi filius Dei sum,*) q. d. Multo magis possum hoc dicere, qui sum vnitus verbo in persona, quam illi, (*ad quos sermo Dei factus est.*)

Vnde Iudæi habuerunt, quod Christus esset filius Dei? Non enim hoc dominus expresse dixit. Dico, Licet dominus hoc expresse non dixerit: nihilominus tamen ex verbis, quæ dixit, sc. *Ego & pater vnum sumus*; Et quod dedit mihi pater maius omnibus est; intellexerunt eum accepisse naturam à patre, & esse vnum in natura cum eo. Hoc autem sc. accipere eandem naturam ab aliquo, & esse, habet rationem filiationis. Si autem hoc, quod dicit. (*Pater sanctificauit, &c.*) referamus, secundum Augustinum, ad Christum in quantum est Deus; tunc est sensus (*quem pater sanctificauit*), i. sanctū ab  
ater.



æterno genuit. Sed alia quæ sequuntur eodem modo exponendâ sunt, secundum quod Hilarius exponit: tamen melius exponitur si referatur ad Christum in quantum homo,


## P A R S III.

*Probat dictum suum operibus suis.*

**S**ic quasi dicit: Licet sim homo tantum, secundû reputationem vestram; tamen non blasphemo, dicens me vere Deum; quia verissime sum. Vnde circa hoc duo facit. *Primo* proponit argumentum operum. *Secundo* infert conclusionem intentam. De I. Duo facit: *Primo* dicit, quod sine operibus essent excusabiles. [*Si non facis opera patris mei,*] eadem sc. quæ ipse facit, & eadem virtute & potestate. (*Nolite credere mihi,*) Ioan. 5. *Quacunque pater facit, hæc & filius similiter facit.* *Secundo*, quod ex ipsis operibus conuincuntur, dicens. (*Si autem facio,*) sc. eadem opera, quæ pater facit, (*si mihi.*) qui filius hominis appareo, *non vultis credere, operibus credite,*) id est, ipsa opera demonstrant, quod ego sum filius Dei, Ioan. 16. *Si opera non fecissem, quæ nemo alius,* &c.

De II. infert conclusionem intentam dicens. *Vt cognoscatis, &c.* Nullum enim tam euidentis indicium de natura alicuius rei esse potest, quam illud quod accipitur ex operibus eius. Euidenter ergo cognosci potest de Christo, & credi, quod sit Deus per hoc, quod facit opera Dei: & ideo dicit,

ex ipsis operibus conuincam, [ *ut cognoscatis & credatis,* ] quod oculis vestris videre non potestis : sc. ( *quia pater in me est, & ego in patre,* ) Ioan. 14. *Ego in patre, & pater in me est.* ) Quod intellige per unitatem essentiae, & quasi idem est, ( *pater in me est, & ego in patre.* ) Et ego & pater vnum sumus. Hilarius autem hoc bene exponit dicens, quod differentia est inter Deum, & hominem. Nam homo cum sit compositus, non est sua natura. Deus autem cum sit simplicissimus, est suum esse, & sua natura. In quocunque ergo est natura Dei, ibi est Deus. Cum ergo pater est Deus, vbicunque est natura patris, ibi est pater : & vbicunque est natura filij, ibi est filius. Cum ergo natura patris sit in filio, & è conuerso : ergo pater est in filio, & è conuerso. Sed vt dicit Augustinus. Licet Deus sit in homine, & homo in Deo, vt dicitur 1. Ioan. 4. *Qui manet in charitate in Deo manet, & Deus in eo :* Non est intelligendum per essentiae unitatem : sed homo in Deo est, id est, sub diuina cura & protectione, & Deus in homine per similitudinem suae gratiae. Unigenitus autem filius est in patre, & pater in illo tanquam equalis.



FERIA V. POST DOMIN. PAS-  
SIONIS.

*Rogabat illum quidam de Phariseis, &c.*  
Luc. 7.

**S**COPVS. Ostenderat Euangelista sublimitatem Seruatoris quoad excellentiam potestatis, & euidentiam pietatis: Hic ostenditur pietatis affluentia in Domino: Magna illa quidem in peccatricis susceptione, maior in approbatione: sed maxima in absolutione, Suscepit enim accedentem; commendauit diligentem; & absoluit pœnitentem.

I. CONCIONIS DISPO-  
SITIO.

De Benigna peccatricis susce-  
ptione.

PARTITIO.

- I. Peccatricis susceptio est magna ob solennitatem Con-  
uini.
- II. Ob familiaritatem obsequii.
- III. Ob temeritatem iudicii.



## P A R S I.

*Magna est susceptio peccatricis ob solennitatem conuiuij.*

**R**ogabat illum quidam Phariseus, vt manducaret cum illo. ) Recte Sap. 8. Proposui hanc sc. sapientiam, id est Christum, adducere mihi ad conuiuendum: sciens quoniam mecum communicabit de bonis, & erit allocutio cogitationis, & radii mei.

Hic autem Phariseus, iam non est diuisus à Domino, sed vnitus. Ideo secure Dominum rogabat ad conuiuium. Iuxta Iob 22. Si reuersus fueris ad Omnipotentem edificaberis, & longe facias iniquitatem à tabernaculo tuo, rogabis eum & exaudiet te, & vota tua reddet.

( Et ingressus domum Pharisei, discubuit. ) Implet visibiliter, quod spiritualiter promittit. Apoc. 3. Si quis audierit vocem meam, & aperuerit mihi ianuam: Intrabo ad illum & cœnabo cum illo, & ipse mecum. Nec mirū; quia ait, Prou. 8. Delitia meæ esse cum filiis hominum, hoc dicit, quoad excessum charitatis, ob quam homo factus est. Iuxta Baruch. 3. Post hac in terris visus est & cum hominibus conuersatus est.

## P A R S II.

*Magna est peccatricis susceptio, ob familiaritatem obsequij.*

**E**cce mulier, qua erat in ciuitate peccatrix: ) Famosa, Ierem. 3. Frons mulieris meretricis facta est tibi. & no-

& noluit erubescere. Hæc est illa, Eccl. 7. *Inueni amariorē mortē mulierem; quæ laqueus venarū est, & sagena cor eus: vincula sūt manus illius. Qui placet Deo, effugiet illam: qui autē peccator est, capietur ab illa.* Et hoc, quia fornicaria manifesta: & vt Rauennas ait: *infamia eius totā læserat ciuitatem: Ita vt sit impletum in ea quod Arualix minatur Amos cap. 7. Vxor tua in ciuitate fornicabitur. Vere ergo peccatrix, ob infamiam, & frequentiam. Iuxta Eccl. 3. Cor nequam grauabitur in doloribus, & peccator adiecit ad peccandum. Apoc. vlt. Qui in sordibus est, sordescat adhuc.*

Nec simpliciter, sed diuersimode peccarat: Nā ex ea Dominus septem dæmonia eiecerat. Greg. hom. 33. hic. *Per septenarium recte vniuersitas designatur. Septem ergo dæmonia Maria habuit, quæ vniuersis vitiis plena fuit. Et vero talis merito repelli debebat de conuiuio; pietate tamen Domini perspecta, trahebatur: Vnde (Vt cognouit, quod Iesus accubisset in domo Pharisei, attulit alabastrum vnguenti: ) id est, vas alabastri. Fuitque à Domino suscepta. Iuxta Psal. 47. Deus in domibus eius cognoscetur, cum suscipiet eam.*

Attulit vero vnguentum humilitatis: vt imple-retur, Cant. 1. *Dum esset Rex in accubitu suo, nardus mea dedit odorem suum.* Hæc vnguenta sunt designata 2. Par. 9. *Non fuerunt aromata talia, qualia hæc, quæ dedit regina Saba Regi Salomoni.* Attulit vnguentum, ad impendendum familiare obsequium; ad quod amissa fuit: sc. quod carni suæ exhibuerat ex libidine.

Itaque ad abluendum, detergendum, deosculandum, & vngendum SS. Carnem Christi, admis-sa fuit



sa fuit ob affectum pœnitentiæ & beneuolentiæ.

1. De affectu pœnitentiæ dicitur: (*Et stans retro secus pedes eius, lacry, cepit rigare pedes eius,*) scil. in pœnitente anima esse debet pudor, timor, & dolor. Pudor; quia (*stabat retro:*) timor, quia [*secus pedes:*] dolor, quia (*lacrymis rigabat:*) Vt publicanus Luc. 18. *Stans à longe, nolebat nec oculos ad cœlum leuare: sed percutiebat pectus suum, dicens. Deus, &c. Ierem. 31. Conuerte me, & conuertar; quia tu Dominus Deus meus. Postquam enim conuertisti me, egi pœnitentiam; & postquam ostendisti mihi, percussî femur meum. Confusus sum, & erubui: quoniam sustinui opprobrium adolescentiæ meæ. Vbi tria præmissa tanguntur.*

2. De affectu beneuolentiæ, dicitur: (*Et capillis capitis sui tergebat, & osculabatur pedes eius, & ung. &c.*) Ostenditur dilectio beneuolentiæ pura, affectuosa, & deuota. Magis autem curabat de ima corporis Dominici partē, quam de supremā. Iam enim non quærebat placere mundo; sed soli Christo: quasi dic. Cant. 8. *Quis mihi det te fratrem meum sugentem ubera matris meæ; ut inueniam te foris, & deosculer te; & iam me nemo despiciat.* In his duobus consistit perfecta conuersio ad Christum. Sicut enim in peccato est conuersio per concupiscentiam, & auersio per superbiam: sic in remedio est æuersio à peccato per pœnitentiam: & conuersio ad Deum per beneuolentiam. Vere conuersa; *Quia, ait Greg. hom. 33. quot in se habuit oblectamenta; tot de se inuenit holocausta.* Peccatrices enim in his quatuor maxime delinquant: sc. 1. In nuti-

bus



bus oculorum. Isa. 3. Nutibus oculorum ibant, & plaudebant, & ambulabant: & pedibus suis & composito gradu incedebant. 2. In capillorum superflua preparatione. 1. Petr. 3. Non sit extrinsecus capillatura, aut circumdatio auri, aut indumenti, vestimentorum cultus. 3. In voluptatibus osculorum. Proverb. 7. Apprehensumque de osculatur iuuenem, & procaci vultu blanditur. Egressa sum in occursum tuum, desiderans te videre, & reperi te in suauitatibus vnguentorum. Vt dicitur Esth. 2. Puella Regi vngebatur oleo myrrhino, &c.

Et ideo perfecte pœnitentis oculi seruebant ad lacrymandum. Ideo Christus: 4. Reg. 20. Audiui orationem tuam, vidi lacrymam tuam; ecce sanauit te. 2. Capilli seruebant ad tergendum: vt posset ei dici; Cant. 4. Vulnerasti cor meum in vno oculorum tuorum: & in vno crine colli tui. 3. Os ad osculandum: ita vt dici posset à Christo: Cant. 4. Faux distillans labia tua. 4. Vnguenta seruebant ad vngendum: vt posset dici: Cant. 1. Curtemus in odorem vnguentorum tuorum.

### PARS III.

*Magna est peccatricis susceptio ob temeritatem Iudicij.*

**N**Am ob hoc non fuit repulsa. Vnde (*Videns autem Phariseus, qui vocauerat eum.*) sc. videns oculo non simplici, sed nequam. Eccl. 11. Bona in malum conuertens insidiatur; & in electis imponet maculam. Ecclesiast. 1. Memenco, quoniam malus est oculus nequam.

nequam. Nequius oculo quid creatum est? Ideo tale cō-  
uiuium non est multum acceptandum. Prou. 23.  
Ne comedas cum homine inuido, & ne desideres cibum eius:  
quoniam in similitudinem harioli & coniectoris aestimat,  
quod ignorat. Comede, & bibe; dicet tibi, & mens eius non  
est tecum. Talis hic, quia, (Ait intra se dicens:) Sc. co-  
gitando vt hypocrita: de quo Iob 15. Concepit dolo-  
rem, & peperit iniquitatem; & vterus eius pręparat dolo.

Vnde sequitur iudicium: (Hic, si esset propheta,  
sciret vtique, quæ & qualis est mulier, quæ tangit eum.)  
Sicque iudicabat eum esse ignorantem; non pro-  
phetam: dicens tacite: Psalm. 73. Signa nostra non  
vidimus: iam non est propheta. Sed Iob 22. An non cogi-  
tas, quod Deus excelsior cælo sit, & super stellarum verti-  
cem sublimetur. Et dicit: quid enim nouit Deus? Et quasi  
per caliginem iudicat. Sed nouit in tenebris constituta, &  
lux cum eo est Dan. 2.

NOTA. Hoc modo ex vero cadebat in falsum.  
Nam Prou. 15. In omni loco oculi Domini contemplan-  
tur bonos & malos. Errabat vero, quia putabat id  
ignorare Christum: qualis esset mulier. Vnde & de  
ipsa errabat iudicando: Quia peccatrix est, q. d. repel-  
li deberet, non admitti. De talibus Isa. 65. Recede à  
me, non appropinquans mihi; quia immundus es. Sic &  
ille Luc. 5. Gratias, &c. quia non sum sicut ceteri, &c.  
Velut etiam hic publicanus. Neque tamen ob hoc per-  
uersum iudicium Dominus non dimisit facere  
misericordiā. Nam Luc. 5. Non egent, qui sani sunt,  
medico: sed qui male habent. Non enim veni vocare iustos,  
sed peccatores ad poenitentiam.

NOTA. Toto hoc in actu cōmmodatur Chri-  
sti



sti misericordia, & peccatricis pœnitentia. Vnde Greg. hic. *Cogitanti mihi de Mariæ pœnitentia, flere magis libet, quam a'iquid dicere. Cuius enim vel saxeum pectus illa huius peccatricis lacrymâ ad exemplum pœnitendi non emolliant? Super conuiuantes ingressa est; inter epulas lacrymas fudit: quid ergo miramur? Mariam venientem; vel Dominum suscipientem? Suscipientem dicam, an trahentem? Sed melius suscipientem & trahentem. Quia nimirum ille per misericordiam traxit intus; qui per mansuetudinem suscepit foris.*

Moraliter NOTA. In his sex, quæ de pœnitente dicuntur: [scil. 1. quod retro stabat, iacebat: lacrymis rigabat: capillis tergebat: osculabatur; & vngebat:] intelliguntur, quæ esse debent in vero pœnitente: sc. Pudor erubescentiæ. 2. Timor reuerentiæ. Nam secus pedes: Psal. 98. *Adorate scabellum pedum eius, quoniam sanctum est.* 3. Dolor pœnitentiæ: nam lacrymis cœpit, &c. Thren. 2. *Deduc quasi torrentem lacrymas per diem & noctem.* 4. Amor pudicitæ; ibi. *Et capillis, &c. Isa. 1. Lauamini, mundi estote; auferte malum cogitationum vestrarum ab oculis meis.* 5. Ardor beneuolentiæ, ibi: *Osculabatur, &c. Vnde Osculum mihi non dedisti, &c. Quoniam dilexit multum.* 6. Dulcor deuotionis internæ; ibi: *& Vnguento, &c. Cant 1. Meliora sunt vbera tua vino, fragrantia vnguentis optimis. Bonum vnguentum compunctionis; melius compassionis; optimum deuotionis. Primo pedes; secundo corpus; tertio vngitur caput. Ideo Magdalena ter legitur venisse ad Dominum vngendum.*



## II. CONCIONIS DISPOSITIO.

De benigniore approbatione diligentis.

*Simon, habeo tibi aliquid dicere. Luc 7.*

## PARTITIO.

I. Perquirir Dominus generale iudiciam.

II. De affectu peccatricis erga Christum.

III. De peccatricis commendatione.

IV. De benignissima confitentis absolutione.

## P A R S I.

*Perquirir Dominus generale iudiciam.*

**I**N hoc tria. I. Excitat Pharisei attentionem. II. Insinuat questionem. III. Approbat respon-  
sionem. De I. (*Respondens Iesus dixit ad illum.*) (*Simon habeo tibi aliquid dicere.*) Excitat, ut attendat, & a falsitate renocetur. Respondere dicitur Phariseo; Cū tamen hic nil dicatur quæsisse; sed ostēditur, quod eius cogitationē audierit; illiusq; refellat iudiciū, q. d. Ps. 93. *Intelligite insipientes in populo, & stulti aliquādo sapite; qui plantavit aurem non audiet? aut qui finxit oculum, nō consideret?* Quod ergo alloquitur respondendo, excitat ad Christi sapientiam cogitandam. Quod spondet se quid dicturū, Excitat ad doctrinam percipiendam. Sicut & Ioan. i 6. *Adhuc multa habeo vobis dicere; sed non potestis portare modo.*

Et quia efficaciter eum excitauit, ideo subditur eius attentio [*& ille ait: Magister dic.*] Hic promittit scientiam, & petit doctrinam. Iuxta Eccl. 6. *Fili si attenderis mihi, disces; & si accommodaueris animum tuam,*

rum, sapiens eris: Et, si videris sensatum, euigila ad eum. Hic Magister est Christus. Nam Matth. 23. Magister vester vnus est Christus. Ioan. 13. Vos vocatum me magister & Domine; & bene dicitis: sum etenim.

DE II. *Insinuat Phariseo questionem, ut ad veritatem dirigatur.*

( Duo debitores erant cuidam fœneratori. ) Per debitorum designat peccatores: iuxta Matth. 6. Dimitte nobis debita, &c. Per fœneratorem innuit se Christum. Iuxta Matth. 25. Serue male, & piger; sciebas quia mero vbi non seminaui; Et congrego, vbi non sparsi: oportuit ergo te committere pecuniam meam nummulariis, & veniens ego recepissem vtique quod meum est cum vsurâ.

Et quia non omnes æqualiter peccant, nec æqualiter obligantur: Ideo ait. ( Vnus debebat denarios quingentos. ) Denotat hic plenam obligationem ob quinqueformem transgressionem euangelicę perfectionis: Completio enim intelligitur per centenarium. Et alius quinquaginta. ) Hęc semiplena obligatio est: estque in transgressionem decalogi. Sed quia miseretur omni peccatorũ generi, qui cõuertuntur; ideo ait. Non habentibus illis vnde redderent, donauit vtrisque. Ita Matth. 18. Misertus autem Dominus serui illius, dimisit illum & debitum dimisit ei. Et hoc ex cõpassione nostrę miserię, qua impotētes sumus soluere. Nam 1. Cor. 4. Quid habes quod non accepisti? Si autem accepisti, quid gloriaris quasi non acceperis? 1. Paral. 29. Tua sunt omnia, & quę de manu tua accepimus, dedimus tibi. Itaq; pro remissionis beneficio, quod rependamus non habemus,

Obligamur tamen ad affectum dilectionis; de quo requirit propter collatum beneficium. *Quis ergo eum plus diligit?*) Sic quærebat à Petro post condonationem peccati. Ioan. 21. *Simon Ioannis diligis me plus his?* Et rationabiliter quærit; quia inæqualitatem beneficiorum sequi debet inæqualitas affectionum. Vnde Greg. hom. 9. in Euang. *Cum augentur dona, etiam rationes crescunt donorum, tanto ergo humilior & promptior, ad seruandum Deo quisq., esse debet ac munere, quanto se obligatiorem esse conspicit in reddenda ratione.*

**De III. Pharisei approbat responsionem, ut in veritate confirmetur.**

*Æstimo quia is cui plus donauit, & quia plus amauit. Nam Rom. 5. Vti abundauit delictum, super abundauit & gratia. Et quoniam Eccl. 21. Verbum sapiens quodcunq., audierit sciens, laudauit, & ad se adiiciet; Ideo subdit: (At ille dixit: recte iudicas. Et iuste veritas iudicat, quæ Christus est. iuxta Ioan. 7. Nolite iudicare faciem; sed iustum iudicium iudicate. Vnde qui falsum iudiciu fecerat ex propria æstimatione; rectum nunc profert ex diuina manu ductione. Vnde Greg. hom. 33. Sua sententia Phariseus conuincitur, sicut phreneticus fa-nem portat, quo ligetur.*

**NOTA.** Pharisei iudicium commendatur. Nō tamē ille qui amplius peccauerat, amplius commendatur, sed ostenditur, ratione obligationis, quæ venit ex diuersio, quod amplius ad diligendū obligatur. Vnde Beda hic *Super omnis plus offendit, qui plus debuit: sed per misericordiam Domini omnis causa mutatur, ut amplius diligit, qui amplius debuit: si tamen gratia consequatur.*

**PARS**



## P A R S II.

*De affectu peccatricis ad Christum.*

**P**ost generale iudiciū assumit speciale propositū: in quo ostendit maiorē fuisse affectū peccatrici in Christū, quam Phariseo; proponēdo triplex iudiciū dilectionis, s. I. Fletum. II. Osculum. III. Ablutionē pedum. De I. Eam Simoni præponit ob fletum, indicem contritionis; vnde ait: *Et conuersus est ad mulierem,*] (ob eius contritionem. Iuxta Zach. 1. *Conuertimini ad me, ait Dominus, exercituum, & conuertar ad vos.* Ecce si diligimus: & rediligimur. Iuxta Cant. 2. *Dilectus meus mihi, & ego illi.* Et Cant. 7. *Ego dilecto meo, & ad me conuersio eius.*

Ideo autem se corporaliter conuertit ad mulierē; vt in ipsa erudiret Simonem: Ideo ait, *vides hanc mulierem.*) Quærit; quia, licet videret corporaliter eius facta; non ea approbavit: sed reprobavit eius merita. Et licet videret peccatricis fletum, non tamen attendebat eius affectum.

Ideo monetur, & ex comparatione illius arguitur, sic: *Intraui in domum tuam, aquam pedibus meis nō dedisti,*) q. d. reprehensibilis es, quia Abrahæ imitator non es: qui aiebat Gen. 19. *Laurentur pedes vestri & requiescite.* At hæc commendabilis est, *hæc enim lacrymis rigauit.* Ier. 9. *Quis dabit capiti meo aquam, & oculis meis fontem lacrymarum?* Lacrymæ sunt testes affectus mei, vt impleretur Ps. 156. *Posui desertum in stagna aquarum, & terram sine aqua in exitus aquarum.* Isa. 35. *Quæ erat arida, erit in stagnum & sitiens in fontes aquarum.*

De II. Præponite eam Phariseo, quoad osculum, q̄ signū est dilectionis, ibi (*Osculum mihi non dedisti.*) Ergo Rom. 16. *Salutate inuicem in osculo sancto.* Et discipuli osculari sunt Paulum. Act. 20. At de hac dicitur. *Hac autem ex quo intrauit, non cessauit osculari pedes meos.*) Vbi signatur dilectio feruens & permanēs, nec. n. cessabat ab osculo, quia non cessabat ab interiori desiderio. Nā ait Greg. hom. 25. in Euang. *Amoris eius Christi igne succensa ardebat desiderio.* Et Cant. 8. *Fortis est vt mors dilectio dura, sicut infernus amulatio: Lampades eius, Lampades ignis atq; flammarum.* Bene Greg. hom. 30. in Euang: *Nunquam est amor Dei otiosus.* De III. Præponit eam quoad pedū vntionem, id est, signum deuotionis. [*Oleo caput meū non vnxiſti.*) Moris id erat tunc in signum lætitiæ: Ideo Matt. 6. *Tu autem cum ieiunas, unge caput tuum & faciem tuā laua.* (*Hac autem vnguentō vnxit pedes meos.*) quod est pretiosius oleo; Semper hæc offerebat pretiosiora. Ioan. 12. *Maria accepit libram vnguenti nardi pistici preciosi, & vnxit pedes Iesu, &c. Et domus impleta est ex odore vnguenti.*

## P A R S III.

*De benigniore peccatricis commendatione.*

POst generale iudicium, & speciale propositum concludit Dominus principale intentum; quod est, commendatio mulieris: scil. I. Quod sit purgata à peccato, ob dilectionis effectum. II. Perfecta in merito ob dilectionis affectum. III. Præposita Phariseo ob dilectionis excessum.

De I. Dilexit ergo, quia dilectio eam purgauit à peccato. Vnde dicit: [*propter quod dico tibi: remittun-*

zur ei peccata multa,) q. d. non debet condemnari à te; sed beatificari, quia Ps. 31. *Beati, quorum remissa sunt iniquitates, & quorum tecta sunt peccata.* Rom. 4. Ei vero qui non operatur, credenti autem in eum, qui iustificat impium, reputatur fides eius ad iustitiam secundum propositum gratia Dei. Vnde Ps. 31. *Dixi confitebor aduersum me iniustitiam meam Domino: Et tu remisisti impietatem peccati mei.*

De II. Quia dilectio in merito prophetis, ait. *Quoniam dilexit multum:*) 1. Magnitudo. n. dilectionis amplificat meritum & expellit peccatum. 1. Pet. 4. *Charitas operit multitudinē peccatorū.* Prou. 10. *Odium suscitatur rixas, & vniuersa delicta operit charitas.* Vnde Glossa ex S. Greg. hic. *Ardor charitatis in ea rubiginem peccatorum consumsit.*

2. Nec solum purgat à peccato, sed etiā conseruat in merito. Coloss. 3. *Super omnia autem hæc, charitatem habete, quod est vinculum perfectionis; & pax Christi exultet in cordibus vestris, in quam vocati estis in vno corpore, & grati estote.*

3. Approbat eam: quia dilectio eam Phariseo præposuit: hinc ait: *Cui autē minus dimittitur,*) s. Phariseo: (minus diligit,) s. quam ista. Itaq; Prou. 31. *Multa filia congregauerunt diuitias, tu supergressa es vniuersas. Fallax gratia & vana pulcritudo. Mulier timens Dominum, ipsa laudabitur.* Ex dictis patet approbatio diligentis, contra iudicium spernentis. Nam ex sententia superni iudicis ostenditur iustificata à peccato, multiplicata in merito & præposita Phariseo. NOT A: Quod sit remissio quoad pœnam & hæc causatur à dilectione:



alia quoad culpā & hæc inducit dilectionem. Vnde dilectio duplex est: Alia effectus remissionis peccati: alia affectus causa remissionis quoad pœnam.

## P A R S IV.

*De benignissima absolutione confitentis.*

**T**Ria hic. I. Diuinæ largitatis, donū plenarium,  
II. Humanæ impietatis iudicium peruersum.  
III. Deuotæ credulitatis meritum perfectū. Dixit autē ad illam: *Remittuntur tibi peccata!* s. quoad culpā & pœnam velut Manasses petebat. 2. Par. vlt. *Peto rogans te Domine, remitte mihi, remitte mihi: ne simul me perdas cum iniquitatibus meis, neq; in æternum reseruos mala mihi.* Christus vero remisit ei suapte virtute. Matth. 9. *Vt autem sciatis, quia filius hominis habet potestatem in terra dimittendi peccata.* Act. 10. *Huic omnes propheta testimonium perhibent remissionem peccatorum accipere per nomen eius, omnes qui credunt in eum.*

De II. subdit: *Et cæperunt, qui simul accumbebant, dicere intra se,* s. male iudicando, & ipsum despiciendo. [*Quis est hic, qui etiam peccata dimittit?*] q. d. Cū sit homo nihili, quō sibi attribuit quod soliusest Dei? Iuxta Isa. 43. *Ego sum, ego sum ipse, qui deleo iniquitates tuas propter me, & peccatorum tuorum non recordabor.* Itaque impletum illud Eccl. 13. *Pauper locutus est & dicunt: quis est hic? & si offenderit, subuertent illum.*

Sic & hi dolosi cogitatores: De quibus dicas Psalm. 54. *Si ipse oderat me, super me magna locutus fuisset, abscondissem me forsitan ab eo, tu vero homo vnanimis, dux meus & notus meus, qui simul mecum dulces capiebas cibos, &c.* Vnde mali isti iudi-

iudices de sanitate peccatricis infirmabantur. Ecce, ait Beda hic, ea quæ ad medicum venerat ægra, sanata est: sed de salute eius alij egrotant. Et sic impletum Osee 7. Cum sanare vellem Israel, reuelata est iniquitas Ephraim & malitia Samaria: Quia operati sunt mendacium. Væ eis quoniam recesserunt à me; vastabuntur quia prauaricati sunt in me. Ego redemi eos, & ipsi locuti sunt contra mendacia.

De III. subdit. (Dixit autem ad mulierem: fides tua te saluam fecit.) Matt. 1. Ipse enim saluum faciet populum suum à peccatis eorum sc. per fidem. Vt Rom. 3. Sit ipse iustus & iustificans eum, qui est in fide Iesu Christi.

Quia vero iustitia pacem facit cum Deo & cum conscientia; Ideo subdit. (Vade in pace.) Rom. 5. Iustificati ergo ex fide pacem habeamus ad Deum, per Dominum nostrum Iesum Christum: per quem habemus accessum per fidem in gratiam istam, in qua stamus, & gloriamur in spe gloria filiorum Dei. Isa. 57. Veniat pax, requiescat in cubiculo suo, quia Mal. 2. In pace & in æquitate ambulabit mecum & multos auertit ab iniquitate.

## FERIA VI. POST DOM. PASSIONIS.

Collegerunt Pontifices concilium, &c. IOHAN. II.

SCOPVS. Suscitationem Lazari varij sunt motus consecuti in animis tum vulgi, tum Pharisæorum. De hisce hic.

## PARTITIO.

I. De Concilij congregati deliberatione.

II. De eiusdem determinatione.

III. De spiritu prophetico Cayphae.

IV. Appendicula Ioannis ad sententiam Cayphae, Dominique secessus.

## PARS I.

*De concilij congregati deliberatione.*

**P**rimo ponit consilij congregationem. Secundo subdit congregatorum dubitationem. Tertio materiam eiusdem, De I. Ostenditur pontificum nequitia ex tribus. Primo ex personarum conditione. Quia non plebei, sed pontifices & pharisæi. Pontifices autem, qui erant principes Sacrorum. Pharisei vero, qui speciem religionis habebant. Ut impleatur, Gen. pen. *Simeon & Leui vasa bellantia, &c.* Nam de Simeone fuerunt adiuventores sectæ Pharisaorum. Pontifices autem manifestum est de tribu Leui fuisse 1. Es. 3 *Manus principum: prima erat in transgressione hac.* Secundo ex malitiæ deliberatione. Vnde ( *Collegerunt consilium,* ) quod est factum ad consiliandum. Genes. pen. *In consilium eorum non veniat anima mea.* Psalm. 1. *Beatus vir qui non abiit in consilium impiorum,* &c. Sed ut dicitur Proverb. 1. *Non est consilium contra Dominum.* Tertio ex prava intentione, quia aduersus Iesum, id est, Salvatorem.



uatore. Psal. 40. *Aduersum me loquebantur inimici mei, aduersum me cogitabant mala mihi.* Hier. 1. *Venite cogitemus contra, &c.*

De II. Ponit ipsorum dubitationis motiuum. Mouebant autem eos ad dubitandum miracula Christi. Vnde dicebant ( *Quid facimus? quia hic homo multa signa facit* ) Cæci sunt, adhuc eum hominem vocantes, cuius tantam susceperunt diuinitatis demonstrationem. Nam vt ipse dicit Ioan. 5. *Opera quæ dedit mihi pater, vt faciam, ipsa testimonium perhibent de me.* Sunt etiam non minus insipientes, quam cæci; qui dubitant quid eos facere oporteat; cum nihil aliud eis faciendum erat, quam credere Ioan. 6. *Quod signum facis, vt credamus tibi?* Sed ecce, quod multa signa fecit, & adhuc dicunt ( *quia hic homo, &c.* ) Excecauit enim eos malitia eorum. Sap. 2.

De III. Materia autem dubitationis fuit, quia timebant damna eos secutura. Et ponit duo. Primo amissionem principatus spiritualis: ( *Si dimitimus eum sic, omnes credent, &c.* ) Quod quidem secundum rei veritatem optabile erat omnibus. Nam fides quæ est ad Christum, saluat & ad vitam æternam perducit, Ioan. 20. *Hæc scripta sunt vt credatis, & vt credentes, vitam, &c.* Sed quantum ad eorum prauam intentionem eis horrendum videbatur; cum crederent, nullum eorum qui crederet in Christum, eis obedire. Vnde ex eorum ambitione seipfos & alios retrahunt à salute. 3. Canon. Ioan. *Is qui amat primatum gerere in*  
eis

*ois Dyotrepes, non recipit nos. Secundo ponit ambitionem possessionis temporalis, cum dicit (& venient Romani, & tollent nostrum locum, & gentem.)* Quod videtur ex hoc sequi, secundum August. quia si omnes in Christum crederent, nemo remaneret, qui aduersus Romanos templum Dei defenderet. Quia desererent sanctum templum, & suas paternas leges, contra quas doctrinam Christi esse sentiebant. Sed hoc non videtur multum ad propositum pertinere, cum adhuc seruirent Romanis, ne excogitassent contra eos mouere bellum. Et ideo melius videtur dicendum, secundum Chrysostomum. Quod ideo hoc dicebant, quia videbant Christum honorari à populo tãquam rex, & quia mandatum Romanorum erat, vt nullus nisi per eos rex nominaretur; ideo timebant, quod, si hoc audirent Romani, Christum haberent tanquam Regem; & reputarent Iudæos rebelles, & venientes, destruerent ciuitatem, & gentem. Ioan. 19. *Omnis qui se regem facit, contradicit Cesari.* Sed attende eorum miseriam; Quia nihil timent perdere, nisi temporalia: de vita æterna non cogitantes. Deut. 23. *Oculus Iacob ad terram, &c.* Sed vt dicitur Prou. 16. *Quod timet impius, veniet super eum.* Ideo Romani post passionem Domini, & glorificationem, tulerunt eis & locum & gentem, expugnando & transferendo.

§ §

§

PARS

## PARS II.

*De concilij deliberata definitione falsi sensus.*

**D**VO facit. *Primo* describit personam sententiantis. *Secundo*, ponit verba sententiæ. De I. Persona sententians describitur ex nomine, & ex dignitate. 1. Ex nomine, quia Cayphas. Quod quidem nomen conuenit suæ malitiæ. Interpretatur enim primo inuestigans: quod attestatur suæ præsumptioni. Prou. 25. *Qui scrutator est maiestatis, opprimetur à gloria.* Præsumit enim, cum dixit: *Adiuro te per Deum viuum, vt dicas nobis si tu es Christus.* *Secundo* interpretatur sagax: quod attestatur eius astutiæ. 1. Quia nititur mortem Christi procurare. *Tercio*, interpretatur ore vomens. Quod attestatur eius stultitiæ. Prouerb. 10. *Sicut canis qui reuertitur ad vomitum.* 2. Ex dignitate autem describitur, quia Pontifex anni illius. Sciendum, quod Leuit 8. Dominus constituit vnum summum sacerdotem, cui mortuo vnus succederet, qui per totam vitam pontificij officium exerceret. Postmodum autem crescente ambitione, & contentione inter Iudæos, constitutum est, vt plures essent Pontifices, & ad omnes vicissim huiusmodi dignitas proueniret: & per annos singulos vicibus ministrarent. Qui quandoque etiam hoc sibi pectunia procurabant; vt Iosephus de isto narrat. Et ad hoc ostendendum dicit (*anni illius.*)

De II. (*Vos nescitis quicquam.*) Ponit verba determinantis,



nantis, qui quidem primo exprobrat aliis ignauiam, dicens: (*Vos nesci is quemquam, nec cogitatis,*) q. d. Vos estis ignaui, & adhuc iegnius rem attenditis. Et ideo secundo ponit suam malitiam, dicens: (*Expedit vobis vt vnus moriatur homo, &c.*) Quæ quidem verba alium intellectum habent, secundum intentionem Cayphæ & alium secundum expositionem Euangelistæ. Quoad eius intentionem, Deut. 13. *Mandatum est Domini, si fuerit in medio tui propheta, aut qui somnium vidisse se dicit, & voluerit te à Domino retrahere, Prophetam ille, vt fictor somniorum, interficiatur.* Secundum hanc ergo legem credebatur iste, quod Christus auerteret populum à cultu Dei. Luc. 24. *Hunc inuenimus subuertentem gentem nostram.* Et ideo dicebat iste (*Vos nescitis,*) sc. legem, (*nec cogitatis, quia expedit vobis, &c.*) sc. (*vt vnus,*) id est, iste homo (*moriatur,*) ne totus populus seducatur, q. d. Vnius hominis salutem pro communi republica oportet contemnere. vnde sequitur Deuter. 13. *Et auferes malum de medio populi tui.* 1. Corinth. 5. *Auferte malum ex vobis, &c.* Sed aliter Euangelista exponit.

### PARS III.

#### *De spiritu prophetico Cayphæ.*

**N**Ota 1. quia posset quis credere, Caypham instinctu proprio verba dicta protulisse; Euangelista hoc excludens dicit: (*Hoc. a. à semetipso non dicit.*) In quo significatur, quod quis aliquando à semetipso loquitur, homo enim est illud, quod principale

pale est in ipso: Hoc autem est intellectus & ratio: Vnde homo id quod est, per rationem est. quando ergo homo loquitur ex propria ratione, tunc loquitur à semetipso: sed quando loquitur ab aliquo superiori & exteriori instinctu, non loquitur à semetipso. Dupliciter tamen hoc contingit 1. Quandoque ut motus à spiritu diuino: secundum illud Matt. cap. 10. *Non enim vos estis qui loquimini.* 2. Quandoque ut motus à spiritu maligno: sicut arreptitij. Et utiq; aliquando dicuntur prophetare: quod quidem moti à spiritu diuino prophetent. 2. Pet. 2. *Non enim voluntate humana allata est aliquando prophetia, sed à spiritu sancto inspirati, &c.* Quod autem moti à spiritu maligno prophetent, habetur Hierem. 29. *Dedit te Dominus sacerdotem pro Jojada sacerdote, ut sis dux in domo domini super omnem virum arreptitium, & prophetantem.*

NOTA 2. Aliquando loquitur quis instinctu Spiritus sancti, vel spiritus maligni; qui tamē amittit vsum rationis & arripitur. Aliquando autem manet ei liber vsus rationis, nec arripitur: Nam quando superabundant vires sensitiui ex superiori impressione ligatur ratio, & mouetur, & arreptus est: Quia vero demon habet potestatem imprimendi in phantasiā, cum sit potentia affixa organo; potest in eam aliquando sic imprimere, ut ex impressionis abundantia ratio efficiatur quali ligata; non tamen, quod cogatur ad consensum: & tunc homo arripitur à spiritu maligno.

Restat ergo questio, An Cayphas verba ista instinctu Spiritus sancti dixerit, vel maligni? Vide-  
tur.

De II. Præponit eam Phariseo, quoad osculum, q<sup>d</sup> signū est dilectionis, ibi (*osculum mihi non dedisti.*) Ergo Rom. 16. *Salutate inuicem in osculo sancto.* Et discipuli osculari sunt Paulum. Act. 20. At de hac dicitur. *Hac autem ex quo intrauit, non cessauit osculari pedes meos.*) Vbi signatur dilectio feruens & permanēs, nec. n. cessabat ab osculo, quia non cessabat ab interiori desiderio. Nā ait Greg. hom. 25. in Euang. *Amoris eius Christi igne succensa ardebat desiderio.* Et Cant. 8. *Fortis est vt mors dilectio dura, sicut infernus emulatio: Lampades eius, Lampades ignis atq<sup>ue</sup> flammarum.* Bene Greg. hom. 30. in Euang. *Nunquam est amor Deiotiosus.* De III. Præponit eam quoad pedū vñctionem, id est, signum deuotionis. [*Oleo caput meū non vnxisti.*) Moris id erat tunc in signum lætitiæ: Ideo Matt. 6. *Tu autem cum ieiunas, unge caput tuum. & faciem tuā laua.* (*Hac autem vnguentō vnxit pedes meos.*) quod est pretiosius oleo: Semper hæc offerebat pretiosiora. Ioan. 12. *Maria accepit libram vnguenti nardi pistici preciosi, & vnxit pedes Iesu, &c.* Et domus impleta est ex odore vnguenti.

## P A R S III.

*De benigniore peccatricis commendatione.*

POst generale iudicium, & speciale propositum concludit Dominus principale intentum; quod est, commendatio mulieris: scil. I. Quod sit purgata à peccato, ob dilectionis effectum. II. Perfecta in merito ob dilectionis affectum. III. Præposita Phariseo ob dilectionis excessum.

De I. Dilexit ergo, quia dilectio eam purgauit à peccato. Vnde dicit: [*propter quod dico tibi: remittun-*



tur ei peccata multa,) q. d. non debet condemnari à te; sed beatificari, quia Pl. 31. *Beati, quorum remissa sunt iniquitates, & quorum tecta sunt peccata.* Rom. 4. Ei vero qui non operatur, credenti autem in eum, qui iustificat impium, reputatur fides eius ad iustitiam secundum propositum gratiae Dei. Vnde Pl. 31. *Dixi confitebor aduersum me iniustitiam meam Domino: Et tu remisisti impietatem peccati mei.*

De II. Quia dilectio in merito prophetis, ait. *Quoniam dilexit multum:*) 1. Magnitudo .n. dilectionis amplificat meritum & expellit peccatum. 1. Pet. 4. *Charitas operit multitudinē peccatorū.* Prou. 10. *Odium suscitatur rixas, & vniuersa delicta operit charitas.* Vnde Glossa ex S. Greg. hic. *Ardor charitatis in ea rubiginem peccatorum consumsit.*

2. Nec solum purgat à peccato, sed etiā conseruat in merito. Coloss. 3. *Super omnia autem haec, charitatem habete, quod est vinculum perfectionis; & pax Christi exultet in cordibus vestris, in quam vocati estis in vno corpore, & grati estote.*

3. Approbat eam: quia dilectio eam Phariseo praeponit: hinc ait: *Cui autē minus dimittitur,*) s. Phariseo: (minus diligit,) s. quam ista. Itaq; Prou. 31. *Multa filiae congregauerunt diuitias, tu supergressa es vniuersas. Fallax gratia & vana pulcritudo. Mulier timens Dominum, ipsa laudabitur.* Ex dictis patet approbatio diligentis, contra iudicium spernentis. Nam ex sententia superni iudicis ostenditur iustificata à peccato, multiplicata in merito & praeposita Phariseo. NOT A: Quod sit remissio quoad poenam & haec causatur à dilectione:

alia quoad culpā & hæc inducit dilectionem. Vnde dilectio duplex est: Alia effectus remissionis peccati: alia affectus causa remissionis quoad pœnam.

## P A R S IV.

*De benignissima absolutione confitentis.*

**T**Ria hic. I. Diuinæ largitatis, donū plenarium.  
II. Humanæ impietatis iudicium peruersum.  
III. Deuotæ credulitatis meritum perfectū. Dixit autē ad illam: *Remittuntur tibi peccata!* s. quoad culpā & pœnam velut Manasses petebat. 2. Par. vlt. *Peto rogans te Domine, remitte mihi, remitte mihi: ne simul me perdas cum iniquitatibus meis, neq; in æternum reseruos mala mihi.* Christus vero remisit ei suapte virtute. Matth. 9. *Vt autem sciatis, quia filius hominis habet potestatem in terra dimittendi peccata.* Act. 10. *Huic omnes propheta testimonium perhibent remissionem peccatorum accipere per nomen eius, omnes qui credunt in eum.*

De II. subdit: *Et cœperunt, qui simul accumbebant, dicere intra se, ) s. male iudicando, & ipsum despiciendo. [Quis est hic, qui etiam peccata dimittit?] q. d. Cū sit homo nihili, quō sibi attribuit quod solius est Dei? Iuxta Isa. 43. Ego sum, ego sum ipse, qui deleo iniquitates tuas propter me, & peccatorum tuorū non recordabor. Itaque impletum illud Eccl. 13. Pauper locutus est & dicunt: quis est hic? & si offenderit, subuertent illum.*

Sic & hi dolosi cogitatores: De quibus dicas Psalm. 54. *Si ipse oderat me, super me magna locutus fuisset, abscondissem me forsitan ab eo, tu vero homo vnanimis, dux meus & notus meus, qui simul mecum dulces capiebas cibos, &c.* Vnde mali isti iudi-

iudices de sanitate peccatricis infirmabantur. Ecce, ait Beda hic, ea quæ ad medicum venerat agra, sanata est: sed de salute eius alij agrotant. Et sic impletum Osee 7. Cum sanare vellem Israel, reuelata est iniquitas Ephraim & malitia Samaria: Quia operati sunt mendacium. Væ eis quoniam recesserunt à me; vastabuntur quia prauaricati sunt in me. Ego redemi eos, & ipsi locuti sunt contra me mendacia.

De III. subdit. (Dixit autem ad mulierem: fides tua te saluam fecit.) Matt. 1. Ipse enim saluum faciet populum suum à peccatis eorum sc. per fidem. Vt Rom. 3. Sit ipse iustus & iustificans eum, qui est in fide Iesu Christi.

Quia vero iustitia pacem facit cum Deo & cum conscientia; Ideo subdit. (Vade in pace.) Rom. 5. Iustificati ergo ex fide pacem habeamus ad Deum, per Dominum nostrum Iesum Christum: per quem habemus accessum per fidem in gratiam istam, in qua stamus, & gloriamur in spe gloria filiorum Dei. Isa. 57. Veniat pax, requiescat in cubiculo suo, quia Mal. 2. In pace & in equitate ambulabit mecum & multos auertit ab iniquitate.

## FERIA VI. POST DOM. PASSIONIS.

Collegerunt Pontifices concilium, &c. IOHAN. II.

SCOPVS. Suscitationem Lazari varij sunt motus consecuti in animis tum vulgi, tum Pharisæorum. De hisce hic.



## PARTITIO.

*I. De Concilij congregati deliberatione.*

*II. De eiusdem determinatione.*

*III. De spiritu prophetico Caypha.*

*IV. Appendicula Ioannis ad sententiam Caypha, Dominique secessus.*

## P A R S I.

*De concilij congregati deliberatione.*

**P**rimo ponit consilij congregationem. Secundo subdit congregatorum dubitationem. Tertia materiam eiusdem, De I. Ostenditur pontificum nequitia ex tribus. Primo ex personarum conditione. Quia non plebei, sed pontifices & pharisæi. Pontifices autem, qui erant principes Sacrorum. Pharisæi vero, qui speciem religionis habebant. Ut impleatur, Gen. pen. Simeon & Leui vasa bellantia, &c. Nam de Simeone fuerunt adiuventores sectæ Phariseorum. Pontifices autem manifestum est de tribu Leui fuisse 1. Es. 3 Manus principum: prima erat in transgressionem hac. Secundo ex malitiæ deliberatione. Vnde (Collegerunt consilium,) quod est factum ad consiliandum. Genes. pen. In consilium eorum non veniat anima mea. Psalm. 1. Beatus vir qui non abiit in consilium impiorum, &c. Sed ut dicitur Proverb. 1. Non est consilium contra Dominum. Tercio ex prava intentione, quia aduersus Iesum, id est, Salvatorem.

uatore. Psal. 40. *Aduersum me loquebantur inimici mei, aduersum me cogitabant mala mihi.* Hier. 1. *Venite cogitemus contra, &c.*

De II. Ponit ipsorum dubitationis motiuum. Mouebant autem eos ad dubitandum miracula Christi. Vnde dicebant (*Quid facimus? quia hic homo multa signa facit*) Cæci sunt, adhuc eum hominem vocantes, cuius tantam susceperunt diuinitatis demonstrationem. Nam vt ipse dicit Ioan. 5. *Opera quæ dedit mihi pater, vt faciam, ipsa testimonium perhibent de me.* Sunt etiam non minus insipientes, quam cæci; qui dubitant quid eos facere oporteat; cum nihil aliud eis faciendum erat, quam credere Ioan. 6. *Quod signum facis, vt credamus tibi?* Sed ecce, quod multa signa fecit, & adhuc dicunt (*quia hic homo, &c.*) *Excecauit enim eos malitia eorum.* Sap. 2.

De III. Materia autem dubitationis fuit, quia timebant damna eos secutura. Et ponit duo. Primo amissionem principatus spiritualis: (*Si dimittimus eum sic, omnes credent, &c.*) Quod quidem secundum rei veritatem optabile erat omnibus. Nam fides quæ est ad Christum, saluat & ad vitam æternam perducit, Ioan. 20. *Hæc scripta sunt vt credatis, & vt credentes, vitam, &c.* Sed quantum ad eorum prauam intentionem eis horrendum videbatur; cum crederent, nullum eorum qui crederet in Christum, eis obedire. Vnde ex eorum ambitione seipsos & alios retrahunt à salute. 3. Canon. Ioan. *Is qui amat primatum gerere in*

*ois Dyotrepes, non recipit nos. Secundo ponit ambitionem possessionis temporalis, cum dicit (& venient Romani, & tollent nostrum locum, & gentem.)* Quod videtur ex hoc sequi, secundum August. quia si omnes in Christum crederent, nemo remaneret, qui aduersus Romanos templum Dei defenderet. Quia desererent sanctum templum, & suas paternas leges, contra quas doctrinam Christi esse sentiebant. Sed hoc non videtur multum ad propositum pertinere, cum adhuc seruirent Romanis, ne excogitassent contra eos mouere bellum. Et ideo melius videtur dicendum, secundum Chrysostomum. Quod ideo hoc dicebant, quia videbant Christum honorari à populo tãquam rex, & quia mandatum Romanorum erat, vt nullus nisi per eos rex nominaretur; ideo timebant, quod, si hoc audirent Romani, Christum haberent tanquam Regem; & reputarent Iudæos rebelles, & venientes, destruerent ciuitatem, & gentem. Ioan. 19. *Omnis qui se regem facit, contradicit Casari.* Sed attende eorum miseriam; Quia nihil timent perdere, nisi temporalia: de vita æterna non cogitantes. Deut. 23. *Oculus Iacob ad terram, &c.* Sed vt dicitur Prou. 16. *Quod timet impius, veniet super eum.* Ideo Romani post passionem Domini, & glorificationem, tulerunt eis & locum & gentem, expugnando & transferendo.

‡ ‡

¶



## P A R S II.

*De concilij deliberata definitione falsi sensus.*

**D**VO facit. *Primo* describit personam sententiantis. *Secundo*, ponit verba sententiæ. De I. Persona sententians describitur ex nomine, & ex dignitate. 1. Ex nomine, quia Cayphas. Quod quidem nomen conuenit suæ malitiæ. Interpretatur enim primo inuestigans: quod attestatur suæ præsumptioni. Prou. 25. *Qui scrutator est maiestatis, opprimetur à gloria.* Præsumsit enim, cum dixit: *Adiuuro te per Deum viuum, vt dicas nobis si tu es Christus.* *Secundo* interpretatur sagax: quod attestatur eius astutia. 1. Quia nititur mortem Christi procurare. *Tercio*, interpretatur ore vomens. Quod attestatur eius stultitiæ. Prouerb. 10. *Sicut canis qui reuertitur ad vomitum.* 2. Ex dignitate autem describitur, quia Pontifex anni illius. Sciendum, quod Leuit 8. Dominus constituit vnum summum sacerdotem, cui mortuo vnus succederet, qui per totam vitam pontificij officium exerceret. Postmodum autem crescente ambitione, & contentione inter Iudæos, constitutum est, vt plures essent Pontifices, & ad omnes vicissim huiusmodi dignitas proueniret: & per annos singulos vicibus ministrarent. Qui quandoque etiam hoc sibi pecunia procurabant; vt Iosephus de isto narrat. Et ad hoc ostendendum dicit (*anni illius.*)

De II. (*Vos nescitis quicquam.*) Ponit verba determinantis,

nantis, qui quidem primo exprobrat aliis ignauiam, dicens: (*Vos nesci is quicquam, nec cogitatis,*) q. d. Vos estis ignaui, & adhuc legnius rem attenditis. Et ideo secundo ponit suam malitiam, dicens: (*Expedi vobis ut vnus moriatur homo, &c.*) Quæ quidem verba alium intellectum habent, secundum intentionem Cayphæ & alium secundum expositionem Euangelistæ. Quoad eius intentionem, Deut. 13. *Mandatum est Domini, si fuerit in medio tui propheta, aut qui somnium vidisse se dicat, & voluerit te à Domino retrahere, Propheta ille, ut fictor somniorum, interficiatur.* Secundum hanc ergo legem credebatur iste, quod Christus auerteret populum à cultu Dei. Luc. 24. *Hunc inuenimus subuertentem gentem nostram.* Et ideo dicebat iste (*Vos nescitis,*) sc. legem, (*nec cogitatis, quia expediat vobis, &c.*) sc. (*ut vnus,*) id est, iste homo (*moriatur,*) ne totus populus seducatur, q. d. Vnius hominis salutem pro communi republica oportet contemnere. vnde sequitur Deuter. 13. *Et auferes malum de medio populi tui.* 1. Corinth. 5. *Auferte malum ex vobis, &c.* Sed aliter Euangelista exponit.

### PARS III.

#### *De spiritu prophetico Cayphæ.*

**N**Ota 1. quia posset quis credere, Caypham instinctu proprio verba dicta protulisse; Euangelista hoc excludens dicit: (*Hoc. a. à semetipso non dicit.*) In quo significatur, quod quis aliquando à semetipso loquitur, homo enim est illud, quod principale

pale est in ipso: Hoc autem est intellectus & ratio: Vnde homo id quod est, per rationem est. quando ergo homo loquitur ex propria ratione, tunc loquitur à semetipso: sed quando loquitur ab aliquo superiori & exteriori instinctu, non loquitur à semetipso. Dupliciter tamen hoc contingit 1. Quandoque vt motus à spiritu diuino: secundum illud Matt. cap. 10. *Non enim vos estis qui loquimini.* 2. Quandoque vt motus à spiritu maligno: sicut arreptitij. Et vtiq; aliquando dicuntur prophetare: quod quidem moti à spiritu diuino prophetent. 2. Pet. 2 *Non enim voluntate humana allata est aliquando prophetia, sed à spiritu sancto inspirati,* &c. Quod autem moti à spiritu maligno prophetent, habetur Hierem. 29. *Dedit te Dominus sacerdotem pro Jojada sacerdote, vt sis dux in domo domini super omnem virum arreptitium, & prophetantem.*

NOTA 2. Aliquando loquitur quis instinctu Spiritus sancti, vel spiritus maligni; qui tamē amittit vsum rationis & arripitur. Aliquando autem manet ei liber vsus rationis, nec arripitur: Nam quando superabundant vires sensitiui ex superiori impressione ligatur ratio, & mouetur, & arreptus est: Quia vero demon habet potestatem imprimendi in phantasiam, cum sit potentia affixa organo; potest in eam aliquando sic imprimere, vt ex impressionis abundantia ratio efficiatur quali ligata; non tamen, quod cogatur ad consensum: & tunc homo arripitur à spiritu maligno.

Restat ergo questio, An Cayphas verba ista instinctu Spiritus sancti dixerit, vel maligni? Videtur.



tur, quod non dixerit instinctu Spiritus sancti. Nā Spiritus sanctus est spiritus veritatis, vt dicitur *Hic. 15.* Spiritus autem malignus, est spiritus mendacij. *3. Regum vlt. Egrediar, & ero spiritus mendax in ore omnium Prophetarum.* Constat autem, quod Caiphas locutus fuerit mendacium, dicens: (*Expedi vobis vt vnus moriatur.*) Non ergo locutus est instinctu Spiritus sancti: vt videtur, sed prophetauit instinctu spiritus maligni arreptitij: Hoc autem non videtur consonare dictis Euangelij: Nā si ita esset, Ioannes non addidisset (*Cum esset pontifex anni illius.*) Ideo ergo Caiphæ dignitatem addidit, vt insinuaret eum instinctu Spiritus sancti fuisse locutum. Ex quo datur nobis intelligi, quod etiam malos in dignitate constitutos spiritus sanctus mouet ad loquendum aliqua vera, & futura pro vtilitate duntaxat subditorum.

Dupliciter responderi potest. i. Mors Christi quantum est de se, expediens fuit omnibus, etiam his qui eum occiderunt. *1. Tim. 4. Qui est Saluator omnium hominum, &c. Heb. 2. Vt gratia Dei pro omnibus, &c. 2. Vt dicatur. (Expedi vobis) id est, populo. Vnde Euangelista vbi Cayphas dixit (vt moriatur pro vobis) ponit (pro gente.)*

Dices. Videtur ex verbis Euangelistæ, quod fuit Propheta, cum dicit: (*Prophetauit.*) Si enim prophetat quis, sequitur eum esse Prophetam. Dico. Secundum Origenem non sequitur, quod quicumque prophetat, sit Propheta, sed si Propheta est, vtique prophetat: Nam alicui quandoque conceditur actus alicuius rei; cuius tamen conditio ei non concedi-

ceditur. Sicut non quicumq; facit aliquid iustum, est iustus: sed qui iustus est, iusta facit. Nota, Duplex actus concurrit ad hoc, vt aliquis prophetet: scilicet Videre, 1. Reg. 9. Qui nunc dicitur Propheta, olim vocabatur *videns*. Item Annunciare, 1. Corin. 14. *Propheta omnibus loquitur ad adificationem*. Cōtingit autem quandoque quod vtrunque quis habet; non tamen proprie dicitur Propheta. Nam quandoque aliquis habet propheticam visionem: sicut Nabuchodonosor & Pharaos. Et similiter ipsam visionem aliis annunciauerunt; non tamen Prophetæ dici possunt. Quia defuit eis aliquid, sc. intelligentia visionis: qua opus est in visione, vt dicitur *Daniel. 10.* Cayphas autem licet visionem propheticam non habuerit; habuit tamen denunciationem rei propheticæ, in quantum scilicet, denunciavit vtilitatem mortis Christi. Quandoque namque spiritus sanctus mouet ad totum; quod pertinet ad prophetiam: quandoque autem ad aliquid tantum. Cayphæ autem nec mentem illuminauit, nec imaginationem, & ideo eius mens, & imaginatio ad malum intenta mansit: mouit tamen linguam eius, vt proferret modum quo salus populi impleretur. Vnde non dicitur Propheta: Nisi in quantum habuit propheticum actum in Denunciatione, Imaginatione, & Ratione eius ad contrarium existente. Ex quo patet, quod non magis potest dici Propheta, quam asina Balaam.

## P A R S IV.

*De appendicula Ioannis ad sententiam Cayphæ, Deque Domini secessu.*



I. **A**ddit Euangelista ad verba Pontificis, dicens, quod Iesus non tantum moriturus erat pro gente populi, sc. Iudæorum, vt Cayphas dixit. Hebr. vlt. *Iesus vt sanctificares per suum Sanguinem populum, &c.* Sed addit etiam pro toto mundo. Vnde subdit, (*vt filios Dei qui dispersi erant, &c.*) Vbi cauenda est hæresis Manichæorum dicentium: Animas aliquas esse de substantia diuina, & vocari filios Dei: & ad has congregandas in vnum dicunt Deum venisse. Sed hoc est erroneum; quia, vt dicitur Ezech. 29. *Omnes anima mea sunt*, s. creatione. Et ideo quod dicit, (*vt filios Dei, &c.*) non est intelligendum, quod tunc iam accepisset adoptionis spiritum. Quia vt Greg. dicit: *Nec oues eius, neque filij Dei adhuc erant per adoptionem.* Sed intellige secundum prædestinationem: vt dicatur, (*vt filios Dei*) s. ab æterno prædestinatos. Ro. 8. *Quos præsciuit conformes fieri imagini filij eius, &c.* (*Qui erant dispersi*) per diuersos ritus & gentes (*congregaret in vnum*), in vnitatem fidei. Ioan. 10. *Alias oues habeo, quæ non sunt ex hoc ouili, &c.* Psal. 146. *Aedificans Hierusalem Dominus dispersiones, &c.*

II. (*Ab illo ergo die cogitauerunt.*) Euangelista ponit consensum Iudæorum in mortem Christi. Sed nunquid non ante cogitauerunt eum occidere? Videtur quod sic. Quia supra in pluribus locis dicitur, quod Iudæi quærebant eum interficere. *Responsio*, Ante habuerunt quidem instinctum ad eum occidendum: sed (*ab illo die*) concitati ad iram ex verbis Cayphæ tractauerunt firmo proposito eum occidere. Prouerb. 1. *Pedes eorum ad malum currunt.*



III. Dominus post Concilium cautius se obseruans (*non in palam ambulabat apud Iudæos.*) sed nec ad aliquam ciuitatem abiit populosam (*sed in regionem*) remotam (*iuxta desertum in ciuitatem qua dicitur Ephrem, ibi morabatur cum discipulis suis.*) Sed nunquid defecerat potentia eius; qua, si vellet, inter Iudæos palam conuersaretur, & nihil ei facerent? Absit. Sed hoc fecit non propter defectum potentiæ: sed vt exemplum discipulis demonstraret. In quo apparet non esse peccatum, si fideles eius oculis persequentium se subtraherent, & furorem sceleratorum latendo potius euitarent; quam se ostendendo eis, magis accenderent: secundum illud Matth. 10. *Si vos persecuti fuerint in vna ciuitate, fugite, &c.* Origenes autem dicit, nullus debet periculis se ingerere; tamen valde laudabile est, quando iam pericula imminet, nec Iesu vitare confessionem, nec recusare subire mortem, gratia veritatis. Et hoc propter duas rationes. *Primo*, quia valde presumptuosum est periculis se ingerere, propter inexperience[m] propriæ virtutis, quæ quandoque fragilis inuenitur, & propter futuri euentus incertitudinem. 1. Cor. 10. *Qui se existimat stare, videat ne cadat.* *Secundo* ne nos ingerentes persecutoribus, occasionem præstemus eis, vt magis impij & noxij fiant. 2. Cor. 10. *Sine offensione estote.*

SABBATO POST DOMINICAM PASSIONIS, Vide in Dominica Palmarum, 2. Concionis Dispositionem ex S. Ioanne.

FERIA II. MAIORIS HEBDOMADÆ.

*Ante sex dies Paschæ venit Bethaniam.*  
Ioan. 12.

SCOPVS. In præcedentibus Euangelista ostendit Diuinitatis Christi virtutem per ea quæ in vita fecit, & docuit. Hic autem incipit ostendere virtutem Diuinitatis ipsius quantum ad passionem, & mortem eius. Præsertim vt ea fuerit glorificata ministerio suorum familiarium.

PARTITIO.

- I. De circumstantiis facti subiiciendi.
- II. De obsequio Seruatori exhibito.
- III. De Iuda zelo impio.
- IV. De eiusdem repressione.

PARS I.

*De circumstantiis facti subiiciendi.*

DVo hic. Primo describit tempus. Secundo locum.

I. Dictum est, quod Christus ante festum paschæ abiit in regionem iuxta desertum, eo, quod imminente solemnitate paschali quærebat a Iudeis: Ergo imminente paschali tempore, quo Agnus typicus immolabatur, ipse tanquam verus Agnus

Agnus ad locum passionis accessit, pro salute mundi voluntarie immolandus: Isa. 53. *Oblatus est, quia ipse voluit.* Dicit autem, (*Antè sex dies pascha.*) Vt intelligas diem paschæ, non quidem quartumdecimum diem primi mensis, in qua ad vespèram immolabatur paschalis agnus, vt habetur Exo. 12. Sed potius hic dicitur pascha 15. dies, quæ tota erat festiua. Et illo anno occurrit feria sexta, in qua passus est Dominus. Ita vt fuerit sextus dies ante pascha, prima feria, id est, dies Dominicus in qua Dominus ramis palmarum Hierosolymam intrauerit. Et die præcedenti venit in Bethaniam.

Conuenit autem hic numerus mysteriis. *Primo* senarius perfectus est Vnde & Deus opera creationis perfecit sex diebus. Gen. 1. Et primo propter hoc deuit, vt sex diebus quodammodo cõpleretur opus passionis, quo omnia sunt restaurata, secundum illud Col. 1. *Pacificans per sanguinem suum, siue quæ in cœlis, siue quæ in terris sunt, &c.* Et 2. Cor. 5. *Deus erat in Christo mundum reconcilians sibi.* *Secundo* congruit mysterio quantũ ad figuram. Mâdatur enim Exod. 12. vt decima die mensis primi tollat vnusquisque per familias suas agnum paschalem immolandum. Vnde & Dominus decimo die primi mensis, hoc est sexta die ante decimum quintum diem Hierusalem intrare voluit, quasi ad locum immolationis accedens, vt patet per id, quod dicitur infra eodem: In crastino autem turba multa, &c.

II. (*Venit Bethaniam. vbi Lazarus, &c.*) Bethania autem erat vicus prope Hierusalem: Et interpreta-



tur domus obedientiæ. Vnde congruit mysterio: Primo quidem quantum ad causam passionis, secundum illud Philip. 2. *Factus est obediens patri usque ad mortem.* Secundo quo ad fructum passionis; quem consequuntur soli illi, qui ei obediunt, secundum illud Heb. 6. *Factus est omnibus obtemperantibus sibi causa salutis æternæ, &c.* Signanter autem additur (*Vbi fuerat Lazarus mortuus quem suscitauit Iesus.*) Quia in domo obedientiæ illi, qui sunt spiritualiter mortui in peccatis, resuscitantur reducti ad vitam iustitiæ. Rom. 5. *Per vnus hominis obedientiam, iusti constituentur multi.* Sed secundum literam hoc dicitur ad ostendendum; quod Christus in Bethaniam venit; vt memoriam resurrectionis Lazari reuocaret. Psal. 110. *Memoriam fecit mirabilium suorum, &c.*

## P A R S II.

### *De obsequio præstito seruatori.*

**P**rimo in communi quantum ad omnes Christi familiares. Secundo in speciali, quantum ad singulos. De I. Conuenit autem mysterio, quod in Bethania fecerunt ei cœnam, Quia Dominus in domo obedientiæ spiritualiter reficitur, delectatus in obedientia nostra, secundum illud Apocal. 3. *Si quis audierit vocem meam, & aperuerit mihi ianuam, introibo & cœnabo cum illo, &c.*

De II. Deinde ponuntur tres personæ ei assistentes, vel ministrantes, sc. Martha, Lazarus, & Maria. I. *Per Martham* significantur prælati, qui ad ministrante-

nisterium in ecclesiis instituuntur: 1. Corint. 4. *Sic nos existimet homo, ut ministros Christi, &c.* (Et Martha ministrabat.) Luc. 10. *Martha autem satagebat circa frequens ministerium.* 2. Per Lazarum resuscitatum significantur subditi, ministerio prælatorum à peccatis ad statum iustitiæ reducti, qui cum aliis iustis spiritualiter cum Domino epulantur: vnde dicitur (*Lazarus autem vnus erat ex discumbentibus cum eo.*) Psal. 67. *Iusti epulentur & exultent in conspectu Dei, &c.* 3. Per Mariam significantur contemplatiui. Luc. 10. *Maria sedens secus pedes Domini, audiebat verba illius.*

Circa cuius ministerium tria tanguntur, quantum ad literam pertinet. *Primo* vnguentum, in quo obsecuta est. *Secundo* obsequium, quod exhibuit. *Tertio* effectum obsequij.

I. Sic *vnguentum* tria tangit. *Primo* quantitatem vnguenti, quia multum fuit. vnde dicit (*libram vnguenti,*) Tob. 3. *Si multum tibi fuerit, abundanter tribue.* *Secundo* materiam, quia fuit ex nardo confectum. vnde dicit (*Nardi.*) Cantic. 1. *Dum esset rex in accubitu suo, nardus, &c.* Est autem nardus herba brevis, & spicosa, & nigra: ex qua fit vnguentum, quod vim confortandi habet ex sua aromaticitate. *Tertio* compositionis formam in eo, quod dicit (*pistici pretiosi.*) Et secundum Augustinum dicitur (*pistici*) à loco, in quo nardus oriebatur. Sed melius est, exponi (*pistici,*) id est, fidelis: hoc est non sophisticati per aliquam admixtionem: nam *πίστις* in Græco, idem est quod fides. Adicit autem (*pretiosi,*) quia confectum erat ex spicanardi,

di, ex qua pretiosum vnguentum fit, & forte admixtis aliis pretiosis rebus.

Docemur, quod ea quæ preciosissima sunt apud nos, Deo debemus offerre. Psal. 65. *Holocausta medullata offeram tibi, &c* Malach. 1. *Maledictus dolosus, qui habet in grege suo masculum, & votum faciens, offert Domino debile.*

II. Circa obsequium eius primo nota humilitatem in hoc, (*Vnxit pedes Iesu*), ad pedes procidens, secundum illud Psal. 131. *Adorabimus in loco, vbi steterunt pedes eius.* Secundo deuotionem, Quia (*extersit capillis suis*), vt de seipsa quodammodo obsequium offerret. Rom. 6. *Exhibete membra vestra arma iustitie Deo.*

III. Effectus obsequij tangitur, (*Et domus impleta est ex odore vnguenti.*) Insinuatur vnguenti bonitas. Cantic. 1. *Curremus in odorem vnguentorum tuorum.* Dubitatur autem, Vtrum hæc eadem mulier fuerit, de qua dicitur hic, quod vnxit Dominum, & de qua dicitur Luc. 7. & Matth. 26. & Marc. 13.

1. Multis quidem videtur, vt Hieron. & Chrysost. quod mulier peccatrix, de qua Lucas narrat, non sit Maria soror Lazari, quæ Dominum dicitur vnxisse. Origenes autem addit, quod non sit eadem etiam de qua Matt. & Marc. narrant; sed illa sit quædam alia tertia. Et hoc vult probare ex tribus. Primo ex tempore. Nam hæc vnxit Dominum ante sex dies paschæ: Illa vero, de qua Mat. & Marc. narrat, infra biduum ante pascha. Præmittit enim Matth. Dominum dixisse. *Scitis quia post biduum pascha fiet.*  
 Marcus



Marcus autem: erat pascha & azyma post biduum. Secundo ex loco. Nam illa mulier, legitur Dominum vnxisse in domo Simeonis leprosi. Hoc autē colligitur esse factum in domo Marthæ; ex hoc quod dicitur; quod *Martha ministrabat*, vt etiam Augustinus dicit. *Tertio* ex ipso facto: Nam illa mulier, legitur vnxisse caput, hæc autem pedes.

2. *Augustinus & Greg.* vero dicunt, quod vna & eadem mulier fuit, quam quatuor Euangelistę narrant Dominū vnxisse: sed bis hoc fecit. *Primo* quidem in principio suæ conuersionis, intermedio tēpore prædicationis Christi, quod Lucas narrat. *Secundo* vero imminente Christi passione hoc fecit, quod tres alij Euangelistę narrant. Vnde idem factum est, quod hic narratur, & quod habetur Matt. 26. & Marc. 14.

*Ad primum* ergo, quod dicitur de dissonantia tēporis, dicendum est secūdum Aug. Quod Ioannes ipse seruat ordinem historię. Matt. & Mar. per recordationem interponunt, q̄ prius fuerat factum immediate ante proditiōē Iudæ, quæ ex hoc facto creditur occasionem habuisse. *Ad secundum*, quod obijcitur de dissonantia loci, potest intelligi quod eadem sit domus Simeonis leprosi, & etiam Mariæ & Marthæ, ita quod Simeon fuerit paterfamilias domus. Dicitur autem leprosus, quia primo leprosus fuerat, & à Christo curatus. *Ad tertium*, quod obijcitur de dissonantia facti, dicendum est secūdum Aug. quod mulier vnxit & pedes & caput.

Si quis obijciat, quod Marcus dicit, *fracto alabaastro effudit super caput ipsius recubentis*: Dupliciter re-

*Respondetur.* Vno modo, quod nō fuit ita fractū quin aliquid remanserit. Vnde pedes possunt inungi, *Alio modo* potest dici, Quod prius inunxit pedes, postea fracto alabastro totum supra caput effudit.

*Mystice* autem, per libram, quam Maria accepit, designatur opus iustitiæ. Nam ad iustitiā pertinet singula librare, & ponderare. *Ezech. 45 Iuxta mensuram chori, erit liberatio eorum.* Opus autem iustitiæ debet quadruplici virtute adiuncta, esse perfectū. *Primo* quidem pietate, vnde dicit [*Vnguenti,*] Quod quia lenitium est, misericordiam significat. *Iac. 2. Iudiciū sine misericordia, &c. Secundo* humilitate. Vnde dicit: [*Nardi,*] Quæ cum sit herba brevis, significat humilitatem. *Eccl. 3. Quanto magnus es, humilia te in omnibus. Tertia* fide. Vnde dicit [*pistici,*] Id est fidelis, *Abac. 2. Iustus autem meus ex fide viuit. Quarto* charitate. Vnde dicit [*pretiosi,*] Sola enim charitas precium præstat vitæ æternæ. *1. Cor. 13. Si distribuero pauperibus omnes facultates meas, &c.*

Opere autem iustitiæ vnguntur pedes Iesu, & caput suum. Per pedes intelligimus mysteriū Humanitatis: Per caput vero Diuinitatem, secundum illud *1. Cor. 11. Caput Christi, Deus.* Vt ergo intelligatur caput & pedes Christi vngere qui diuinitatem & humanitatem eius veneratur. *Vel* per caput possumus intelligere ipsam Christi personam, secundum illud *Ephes. 1. Ipsum dedit caput super omnem ecclesiam.* Per pedes autem Christi fideles. De quib. *Marth. 25. Quod vni ex minimis meis fecistis, mihi fecistis. Il. 52. Quam pulchri pedes supra montem, &c.* Vnde caput Christi inungit, qui ipsum Christum veneratur.



ratur. Pedes autem, qui eius fidelibus obsequitur.

Quia vero capilli ex superfluitate generantur: pedes domini capillis terguntur; quando quis, ex ipsis quę sibi superfluunt, defectui subuenit proximorum. Luc. 11. *Veruntamen quod superest, date elemosynam.* Vnde August. dicit. *Si habes superflua da pauperibus, & Domini pedes terfisti.* Per hoc autę, quod dicitur. ( *Et domus impleta est ex odore unguenti.* ) significatur, quod propter opera iustitię, bona fama totam replet ecclesiam. 2. Cor. 2. *Odorem suę novitię manifestat per nos in omni loco: quia Christi bonus odor sumus.*

### P A R S III.

#### *De Iuda zelo impio.*

**T**Ria hic. Primo describitur persona proditoris.

Secundo ponuntur verba eius. Tercio manifestatur eius malitiosa intentio. De I. Persona autem eius manifestatur ex tribus. Primo ex dignitate. ( *Dixit ergo vnus ex discipulis, &c.* ] Vt ostendatur, quod nullus in quacunque excellentia constitutus de se pręsumere debet. Quia Iob. 4. *In angelis suis reperit prauitatem.* Secundo ex nomine, ( *Iudas Ischariothis nomine.* ) Interpretatur autem Iudas confitens. Vt significetur, quod pręter confessionem virtuosam, de qua Roman. 10. dicitur, *Confessio fit ad salutem*: est quędam confessio vituperabilis & mercenaria; de qua Psalm. 48. *Confitebitur tibi cum benefeceris ei.* Tercio describitur ex crimine. ( *Qui erat eum traditurus.* ) Psalm. quadagesimo. *Qui*  
ede-



*edebat panes meos, &c. De II. (Quare hoc, &c.)* Ex quib. ostenditur, q. de bono odore vnguenti spiritualiter mortuus er. t: secundū illud 2. Cor. 2. *Christi bonus odor sumus: aliis odor mortis in mortem, &c.* Displiebat enim ei quod vnguentum non erat venditū, sed effusum in obsequiū Christi, vnde dicit: (*Quare hoc vnguentum non venit trecentis denariis.*) Sed sicut dicitur 2. Cor. 11. *Ministri sathanae transfigurantur velut ministri iustitie.* Vnde iniquitatem suam sub specie pietatis occultauit, dicens. (*Et datū est egenis.*) Is. 3. 2. *Cor eius faciet iniquitatem; vt perficiat simulationem, loquetur ad Dominum fraudulentē.*

De III. Vnde Euangelista eius fraudulentā aperit intentionem, subdens: (*Dixit autem hoc, non quia &c.*) Non enim curabat, q. eis subueniretur, quia Prou. 22. *Viscera impiorum crudelia (sed quia fur erat)* consuetudinē furandi habēs, dolebat sibi occasionem furandi sublatam per effusionem vnguenti. & ex hac auaritia ductus est ad proditiōē. Dicitur enim Eccl. 10. *Auaro nihil est scelestius.* Et Ioan. 10. *Fur non venit nisi vt furetur, & mactet, & perdat.*

Vnde autē furari consueuerit, exponit subdēs. *Et loculos habens,* .i. custos loculorum Domini constitutus, ea quae mittebantur, s. in loculis donata à fidelibus ad vsum Christi, & pauperū, portabat mysterio; sed asportabat furto. Vbi duo notātur. *Primo:* Quod Christus tanquam pauper de eleemosynis vivebat. Ps. 39. *Ego autem mendicus sum & pauper.* *Secundo,* Quod non derogat perfectioni, si eleemosynæ in loculis reseruentur: Vnde quod dicitur Matt. 6. *Nolite solliciti esse in crastinum;* non intelligitur

tur quod nihil in crastinum debeat reseruari, cum Dominus hoc fecerit; qui fuit summum exemplar perfectionis.

*Quaritur* quare Dominus Iudæ, quem furem sciebat, custodiam loculorum commisit? *Respondetur* tripliciter. *Primo* ait Aug. Hoc fecit Christus, ut eius Ecclesia, cum fures patitur, toleraret. Non enim est bonus, qui malos tolerare non potuit. unde dicitur Cant. 2. *Sicut lilium inter spinas, sic amica mea inter filias.* *Secundo.* Ut perditionis occasionem auferret; cum haberet ex oculis concupiscentiæ mitigationem; sed sicut dicitur Eccl. 5. *Auarus non implebitur pecunia.* *Tertio* secundum alios, Ut doceret, quod spiritualia sunt maioribus committenda; temporalia vero minus dignis. Unde dicitur Act. 6. *Non est æquum relinquere nos verbum Dei, & ministrare mensis;* sed vni de diaconibus hoc ministerium commiserunt.

*Quaritur.* 2. Quomodo dicatur, quod solus Iudas de hoc vngueto effuso dixerit; cum Matthæus narret discipulos hoc dixisse. *Dico.* Matthæus ponit numerum pluralem pro numero singulari: sicut Matt. 2. c. *Defuncti sunt enim, qui querebant animam pueri.* Vel potest dici, quod Iudas primo murmuraui, & ab eo sunt postmodum alij prouocati, ut similia verba proferrent, licet non ex eadem intentione.

## P A R S IV.

### *Iuda repressio.*

**P**rimo dominus repellit calumniam, quam mulieri Iudas iniecerat. *Secundo* excludit piā causam quam



quā prætenderat. De 1. [*Sinite illam*,] id est, ne prohibeatis eam. Sciendum enim, quod multa bona opera fiunt, de quibus si peteretur consilium antequam fiant, non consuleremus, ut fierent, quia forte possent fieri meliora. Postquam tamen sunt cœpta, dummodo iam bona sint, non sunt prohibenda. Chrysostomus dicit, Forte Iesus ante, quā mulier effudisset vnguentum, potius illud dari pauperibus elegisset: nunc vero, quia iam factum erat, prohibentes comprimit, dicens: *Sinite illam*. Prou. 3. *Nolite prohibere eum qui bene facit, &c.*

*Vt in diem sepulturae meae seruet illud.* ] Vbi primò prænunciat suam mortem imminere, & obsequium huius mulieris, quod parata fuit ei impendere in sepultura, nisi prauenta fuisset celeri Christi resurrectione: Nam ut in Marco legitur, *Maria Magdalena cum aliis emit aromata, ut venientes vngerent Iesum*: ideo ergo dicit: *Vt in diem sepulturae meae seruet illud*, sc. non idem, quod effusum fuit: sed simili in specie, vel in genere, vel etiam opere, q. d. non prohibeatis eam facere mihi iam vitio; quod non poterit facere mortuo: Nam ut dictum est, fuit celeri Christi resurrectione prauenta. Et hoc magis exprimitur Matth. 14. *Præuenit enim vngere corpus meum in sepulturam*. Sed nunquid præsciuit mortem Christi? Dico, quod non: Non enim intelligebat, quod fecit; sed quodam instinctu interiori mota est ad hoc faciendum. Frequenter enim aliqui mouentur ad faciendum, quod non intelligunt, sicut Cayphas, Ioan. 11. *Cum esset pontifex, &c.* Et huiusmodi vocantur præsagia, in quantum primò ante facta aguntur.



De II. (*Pauperes enim semper, &c.*) Excludit piā causam, quam Iudas prætendebat, dicens. *Quare hoc unguentum non venditur, &c.* Vnde dominus subdit. *Pauperes enim semper habebitis vobiscum.* Sciendum. Quandoque faciendum est illud, quod minus est necessarium, si remanet locus implendi, quod est magis necessarium. Et ideo dominus licet magis necessarium esset, quod hoc unguentum daretur pauperibus, quam quod ungerentur pedes eius ex eo; quia tamen adhuc potest fieri, cum pauperes semper habeamus nobiscū. Ideo dominus permisit fieri istud, quod est minus necessarium. In hoc autem quod dicit: *Pauperes semper habebitis vobiscum.* Significatur familiaritas quam diuites debent habere ad pauperes, &c. Eccl. 4. *Congregationi pauperum affabilem te facito. Me autem non semper habebitis. Sed contra* Matt. ult. *Ego vobiscum sum usq; ad consummationem sæculi, &c.* Responsio 1. secundum Aug. Dominus loquebatur de præsentia corporis sui, prout in sua specie apparet: secundū quā iturus erat ad cælum. Ioan. 6. *Iterum relinquo mundum.* Sed quantum ad præsentiam diuinitatis semper est nobiscū. Et etiam sacramentaliter in ecclesia. 2. Vel aliter dicendū, quod Dominus hoc dicēs, intelligit de præsentia diuinitatis suæ. Quidam enim videntur habere Christum spiritualiter, vel in sacramento, vel in confessione fidei, qui tamen non sunt semper eum habituri: cum sint tantum de ecclesia quantum ad numerum, non quō ad meritum. Et huiusmodi sunt serui. Filij autem semper sunt eum habituri: quia vt dicitur sup. 8.


*Filius*

*Filius manet in domo in aeternum.* Dicit ergo Iudæ (Me autem non semper habebitis,) quia indignum te fecisti ad hoc. Vt autem Chrys. dicit: In hoc Dominus obiurgat Iudam. Nam per hoc, quod moleste tulit obsequium Christo impensum, videtur grauari de præsentia Christi. Et ideo Christus dicit. [Me autem non semper habetis, &c.] q. d. grauis sum tibi & onerosus, sed expecta parum, & abibo.

## NOTA LECTOR.

*De cæteris Feriis maioris Hebdomadæ requi-  
res Parte 2. ubi Passio Domini secundum  
Euangelistas prolixè tractatur, ut  
non minima pars solennita-  
tum Christi.*

FINIS PARTIS QVARTÆ.



RESTAURO del LIBRO ANTICO  
Cav. G. DI GIACOMO  
PESCARA

AGO. 1970



